

বোবা কাহিনী

জসীম উদ্দীন

It isn't cover

*If you want to download
a lot of ebook,
click the below link*



**Get *More*
Free
eBook**

**VISIT
WEBSITE**

www.bengaliboi.com

Click here



বোবা কাহিনী

জসীমউদ্দীন

বেঙ্গল পাবলিশার্স প্রাইভেট লিমিটেড
কলিকতা-১

ପ୍ରଥମ ପ୍ରକାଶ :

ଅଗ୍ରହାୟନ, ୧୩୫୩

ପ୍ରକାଶକ :

ସମ୍ବନ୍ଧ ବହି

ବେଙ୍ଗଲ ପାବଲିଆର୍ସ ଆଇଡିଏଟି ଲିମିଟେଡ

୧୫, ବକ୍ସିମ ଚାଟୁଷ୍ଟେ ଫ୍ଲୁଟ,

କଲିକାତା-୧୨

ମୁଦ୍ରକ :

ଶିଶିର କୁମାର ସରକାର

ଆମା ପ୍ରେସ

୨୦ବି, ଭୁବନ ସରକାର ଲେନ,

କଲିକାତା-୧

ପ୍ରଚ୍ଛଦ ଶିଳ୍ପୀ :

ରବୀନ ଦତ୍ତ

ଦାୟ : ଆଟି ଡାକା

দুই বাংলার মেহনতী মাস্তুরের জন্ত

কবি জসীমউদ্দীনের অগ্ৰাঙ্গ বই :

শ্রেষ্ঠ কবিতা—৫'০০

নকসীকাথার মাঠ—৩'০০

সোজন বাদিয়ার ঘাট—৫'০০

ঠাকুরবাড়ীর আঙিনায়—৫'৫০

বোবা কাহিনী

॥ কবি জসীমউদ্দীনের একমাত্র উপজাতি ॥

এক

আজাহরের কাহিনী কে শুনিবে ?

কবে কোন চাঁগার ঘরে তার জন্ম হইয়াছিল, কেবা তার মাতা ছিল, কেবা তার পিতা ছিল, সে কথা আজাহর নিজেও জানে না। তার জীবনের অতীতের বিবেচনায় যতদূর সে চাহে, শুধুই অন্ধকার আর অন্ধকার, সেই অন্ধকারের এক কোণে আধো আলো আধো ছায়া এক নারী-মূর্তি তার নয়নে উদয় হয়। তার সঙ্গে আজাহর কি সম্পর্ক তাহা সে ভাল করিয়া বুঝিতে পারে না। কিন্তু সেই নারী-মূর্তিটি বড়ই ককণ, তার কথা ভাবিতে আজাহরের বড়ই ভাল লাগে। তার মন বলে সেই ককণ নারী-মূর্তিটি অবলম্বন করিয়া সে যেন অনেক স্নেহের, অনেক মমতার সম্পর্ক পাতাইতে পারে। কিন্তু সারাদিন উপার্জন করিয়া যাকে পেটের অন্ন জোগাইতে হয়, এ সব ভাবিশ্য তার অবসর কোথায় ? সংসারের নানা কাজের নিষ্পেষণে সেই নারী-মূর্তি কোন্ অনন্ত অন্ধকারে নিলাইয়া যায়।

স্রোতের শেঙলার মত সে ভাসিয়া আসিয়াছে। এক ঘাট হইতে আর এক ঘাটে, এক নদী হইতে আর এক নদীতে। যত দূর তার মনে পড়ে সে কেবলই জানে, এর বাড়ি হইতে ওর বাড়িতে সে আসিয়াছে ; ওর বাড়ি হইতে আর একজনের বাড়িতে সে গিয়াছে। কেহ তাহাকে আদর করিয়াছে, কেহ তাহাকে অনাদর করিয়াছে—, কিন্তু সবাই তাহাকে ঠকাইয়াছে। খেত-খামারের কাজ করাইয়া, গরু বাজুরের তদারক করাইয়া মনের ইচ্ছানুসারে সবাই তাহাকে খাটাইয়া লইয়াছে। সে যখন বেতন চাহিয়াছে তখন গলা ধাক্কা দিয়া বাড়ির বাহির করিয়া দিয়াছে।

এমনি করিয়া নানা লোকের কাছে ঠকিতে ঠকিতে এখন তাহার বয়স পঁচিশের কোঠায়। আর সে কাহারো কাছে ঠকিবে না। নিজের বেতন ভালমত চুকাইয়া না লইয়া সে কাহারো বাড়িতে কাজ করিবে না—কিছুতেই না। এই তার প্রতিজ্ঞা।

কিন্তু নিজের বেতন চুকাইয়া লইয়া সে কি করিবে? তার মা নাই, বাপ নাই, ভাই নাই, ছোট একটি বোনও নাই। বেতনের টাকা লইয়া সে কাহার হাতে দিবে?

সকলের বাড়ি আছে—ঘর আছে! ঘরে বউ আছে! অচ্ছা এখন হইতে পারে না, মাঠের মাঝখান দিয়া পথটি চলিয়া গিয়াছে—সেই পথের শেষে, ওই যে গ্রামখানা, তারই এক কোণে ছোট্ট একখানা ঘর,—নল-খাগড়ার বেড়া। চারখারের মাঠে সরিষার ফুল ফুটিয়া রহিয়াছে—সেই ছোট্ট ঘরখানিতে খোঁমটা পরা একটি বউ। ভাবিতে আজাহরের মুখখানা লজ্জায় রাঙা হইয়া যায়।—খোঁমটা পরা একটি বউ, না-ফর্সা না-কালো, না-কুৎসিত। এ সকল সে চিন্তাও করে না। শুধু একটি বউ—সমস্ত সংসারে যে শুধু তাকেই আগুন বলিয়া জানে। বিপদে আপদে যে শুধু তাকেই আশ্রয়দাতা বলিয়া মনে করে;—এমনই একটি বউ যদি তার হয়! ভাবিতে ভাবিতে তার দেহ-মন উৎসাহে ভরিয়া উঠে। যেমন করিয়াই হোক সে তিনকুড়ি টাকা জোগাড় করিবেই। টাকা জোগাড় হইলেই সে মিনাজন্দী মাতব্বরের বাড়ি যাইবে। মাতব্বর টাকা দেখিলেই তার একটি বিবাহের বন্দোবস্ত করিয়া দিবে। তিনকুড়ি টাকার আড়াই কুড়ি টাকা সে ইতিমধ্যেই সংগ্রহ করিয়া ফেলিয়াছে, আর দশ টাকা হইলেই তিনকুড়ি টাকা হয়।

গ্রামের চাষীদের যখন কাজের বাড়াবাড়ি তখন তাহারা বেতন দিয়া পৈড়াত বা জন পাটায়। আজাহর এইরূপ পৈড়াত বেচিয়া জীবিকা নির্বাহ করে। সারাদিন গৃহস্থ বাড়ি কাজ করে, তাহাতে চার আনা করিয়া সে পায়। এমনি করিয়া যদি তাহার উপার্জন চলে তাহা হইলে আর চল্লিশ দিন পরে তাহার হাতে দশ টাকা হইবে। আড়াইকুড়ি আর দশ,—তিনকুড়ি। কিন্তু আরও চল্লিশ দিন পরে—আরও একমাস দশদিন পরে—সে কত দূর? দুই হাতে টানিয়া টানিয়া সে যদি দিনগুলিকে আরও আগাইয়া আনিতে পারিত!

সারারাত জাগিয়া আজাহের পাটের দড়ি পাকায়। বাঁশের কঞ্চি দিয়া ঝুড়ি তৈয়ার করে। এ সব বিক্রি করিয়া সে যদি আরও চার পাঁচ টাকা বেশী জমাইতে পারে ; তবে মাতব্বরের নির্দিষ্ট তিনকুড়ি টাকা জমাইতে তাহার আরো কয়েকদিন কম সময় লাগিবে।

আজাহের দ্বিগুণ উৎসাহের সঙ্গে কাজ করে। কাজ-কর্মের মধ্যে যখন একটু ফুরসৎ পায়—সামনের তাঁতীপাড়ার রহিমদী কারিগরের বাড়িতে বাইয়া সে বসে। লাল, হলুদ, নীল, কত রঙের শাড়ীই না কারিগরেরা বুনিয়া চলিয়াছে। কোথাও গাছের সঙ্গে নানা রঙের কাপড় বাঁধিয়া মাজন দিতেছে। ফজরের রঙিন মেঘ আনিয়া এখানে কে যেন মেলিয়া ধরিয়াছে। বেহেস্ত হইতে লাল মোরগেরা যেন এখানে আসিয়া পাখা মেলিয়া পাড়াইয়া আছে। চাষার ছেলে আজাহের—সে অত শত ভাবিতে পারে না। শাড়ীগুলির দিকে সে চাহিয়া থাকে—আর মনে মনে ভাবে এর কোন্ শাড়ীখানা তার বউকে মানাইবে ভাল? মনে মনে ভাবিতে ভাবিতে তার মনটি শাড়ীরই মত রাঙা হইয়া ওঠে।

রহিমদী কারিগর তার মুখের দিকে চাহিয়া জিজ্ঞাসা করে, ‘আরে কি মনে কইরা, আজাহের? বইস, বইস। তামুক খাও।’

ঘরের বেড়ার সঙ্গে লটকান হুকোটি লইয়া কলিকার উপরে ফুঁ দিয়া প্রথমে আজাহের কলিকার ছাইগুলি উড়াইয়া দেয়। তারপর কলিকার গুলটুকু ভাল জায়গায় ঢালিয়া রাখিয়া কলিকার মধ্যে খানিকটা তামাক ভরিয়া অতি সন্তর্পণে সেই গুলটুকু নিপুণ হস্তে তাহার উপর সাজাইয়া দেয়, যেন এতটুকুও নষ্ট না হইতে পারে। তাহার উপরে স্তব্ধ করিয়া আশ্রয় ধরাইয়া রহিমদী কারিগরের দিকে হুকোটি বাড়াইয়া ধরে।

কারিগর বলে—‘আরে না, না,—তুমি আগে টাইনা ধূমা বাইর কর।’

কারিগর যে তাকে এতটা খাতির করিয়াছে, আগে তাকে তামাক টানিতে বলিয়াছে এ যে কত বড় সম্মান। আজাহেরের সমস্ত অন্তর গলিয়া যায়। সে রহিমদীর দিকে হুকোটি আরও বাড়াইয়া বলে, ‘কারিগরের পো, তা কি অয়? মুরকি মাছ। তুমি আগে টাইনা দাও।’

খুশী হইয়া কারিগর হুকোটি হাতে লইয়া টানিতে আরম্ভ করে, তার

তাঁত চলা বন্ধ হয়। তামাক টানিতে টানিতে রহিমদী জিজ্ঞাসা করে, ‘তা কি মনে কইরা আজাহের?’

যে কথা মনে করিয়া সে আসিয়াছিল লজ্জায় সে কথা আজাহের কিছুতেই বলিতে পারে না। অল্প কথা পাড়ে, ‘তা চাচা, একটা গীদ-টীদ গাও না শুনি? অনেক দিন গীদ শুনি না, তাই তুমার কাছে আইলাম।’

রহিমদী খুলী হয়। তার গান শোনার জন্ত ওই ও-পাড়া হইতে একজন এ-পাড়ায় আসিয়াছে, একি কম সম্মানের কথা! থাক না হয় আজ তাঁতের কাজ বন্ধ। রহিমদী গান আরম্ভ করে। আমির সাধুর সারিন্দার গান। নদীর ঘাটে স্নানে যাইতে আমির সাধুর বউ বেলোয়া সুন্দরীকে মগ জল-দস্যুরা ধরিয়া লইয়া গিয়াছে। পাগলের বেশে আমির সাধু তার সন্ধান করিয়া দেশে দেশে ফিরিতেছে। আমির সাধু সারিন্দা বানাইল—ছাইতানের কাঠ, নীলা ঘোড়ার বাগ। অপূর্ব সারিন্দা। নীলা ঘোড়ার বাগ বাঁকাইয়া যে সুর ধরিল:

‘প্রথমে বাজিলরে সারিন্দা আমির সাধুর নামরে;

হারে তারিয়া নারে।’

আমির সাধু সেই সারিন্দা ভাঙ্গিয়া ফেলিল। আবার সে নতুন করিয়া গড়িয়া তাহাতে সুর দিল:

‘তারপর বাজিলরে সারিন্দা—দেশের রাজার নামরে;

হারে তারিয়া নারে।’

সারিন্দা আবারও ভাঙ্গিল। এবার আরো সুন্দর করিয়া অতি নিপুণ হস্তে ধনষ্টরী পাখির হাড় তাহাতে বসাইয়া, নীলা ঘোড়ার বাগ আরো বাঁকাইয়া সে সারিন্দায় আবার সুর ধরিল—

‘তারপর বাজিলরে সারিন্দা বেলোয়া সুন্দরীরে।

হারে তারিয়া নাহে।’

এবার আমির সাধু খুশী হইল। সেই সারিন্দা বাজাইয়া বাজাইয়া আমির সাধু নদীর কিনারা দিয়া চলে। এ-দেশে সে-দেশে নানান দেশে সে ঘুরিয়া বেড়ায়। তার হাতের সারিন্দা গুমরিয়া গুমরিয়া কাঁদিয়া উঠে—

‘আজ কোথায় রইল আমার বেলোয়া সুন্দরীরে -’

গানের পর গান চলিতে থাকে। দুপুর গড়াইয়া যায়। স্নানের বেল।

যায়। তবু তাহাদের নেশা খামে না। আজাহের মনে মনে ভাবে সে নিজেই যেন আমার সাধু, তার সেই অনাগত বউ-এর খোঁজে সে যেন এমনি করিয়া সারিন্দা বাজাইয়া বাজাইয়া ফিরিতেছে।

রহিমদী বউ ঘরের আড়াল হইতে বলে ‘বলি আমাগো বাড়ির উনি কি আইজ দিন ভইরা গীদই গাবি নাকি? ওদিক যে বাত জুড়িয়া গ্যালো!’

রহিমদী তাড়াতাড়ি স্নান করিতে রওনা হয়। স্নানের ঘাট পর্যন্ত আজাহের তার সঙ্গে সঙ্গে যায়। কিছুতেই কথাটা সে ভালমত করিয়া গুছাইয়া বলিতে পারে না। কোথাকার লজ্জা আসিয়া সমস্ত মুখখানা চাপিয়া ধরে। রহিমদী পিছন ফিরিয়া জিজ্ঞাসা করে, ‘কিরে আজাহের, আর কুহু কতা আছে না কি?’

আজাহের বলে, ‘তুমি যে ওই লালে আর নীলে মিশিয়া একখান শাড়ী বুলাইছাঃ না? পাইড়ে দিছাও সোনালী স্ত্রী, ও খানার দাম কতো।’

—‘তা তুই কাপড় ছা করবি কি? বিয়া ত করিস নাই?’

লজ্জায় একেবারে মাটির সঙ্গে মিশিয়াই আজাহের বলে, ‘বিয়া ত একদিন করবই।’

রহিমদী হাসিয়া উত্তর করে, ‘তা যখন তোর বিয়া অবি, কাপড় নিয়া যাইস। তোর কাপড়ের দামে আট আনা কম নিব।’ ক্রতজ্ঞতায় আজাহেরের সমস্ত অন্তর ভরিয়া ওঠে।

রহিমদী স্নান করিতে নদীতে নামে। তাঁতীপাড়া এখন শিথিল। তাঁতীর কেহ স্নান করিতে গিয়াছে, কেহ স্নান করিয়া কাঠের চি নী দিয়া মাথা আঁচড়াইতেছে। কেহ থাইতে বসিয়াছে। বাড়ির বাহির রঙ বেরঙের কাপড়ে মাড় লাগাইয়া গাছের ডালে বাঁশিয়া রোদ্রে শুকাইতে দেওয়া হইয়াছে।

আজাহের কাপড়গুলির পানে যায় আর মনে মনে চিন্তা করে, কোন্ কাপড়খানা তার বউকে মানাইবে ভাল। তার বউ যদি ফর্সা হয়, একেবারে সরষে ফুলের মতো ফর্সা, তবে ওই নীলের উপর হলুদের ডোরা-কাটা শাড়ীখানা সে তার জন্য কিনিবে। কিন্তু বউ যদি তার কালো হয়, তা হোক, ওই যে কালোর ওপর লাল আর আবছা হলুদে, ফুল-কাটা পাড়ের শাড়ীখানা, নিশ্চয় ওইখানা বউকে মানাইবে ভাল। আচ্ছা, বরান খাঁর মেয়ে আসমানীর

মত পাতলা ছিপছিপে যদি তার গায়ের গড়ন হয়, তবে যে পাড়ের উপর কমলীফুল আঁকা শাড়ীখানা, ওইখানা তার জন্ত কিনিলে হয় না ? কিন্তু তার বউ যদি দেখিতে খারাপ হয় ? তা যেমন কেন হোক না, তাঁতীপাড়ার সব চাইতে সুন্দর শাড়ীখানা সে তার বউ-এর জন্ত কিনিয়া নইবে। একটা বউ তার হইলেই হয়। রাঙা শাড়ীর ধোমটার আড়ালে সে তার মুখখানা ঢাকিয়া বাড়ির উঠানে ঘুরিবে ফিরিবে। কি মজাই না হইবে ! শিষ দিয়া গান গাহিতে গাহিতে আজাহের তাঁতীপাড়া ছাড়িয়া চাষীপাড়ার দিকে যায়।

দুই

সত্য সত্যই আজাহেরের বিবাহ স্থির হইয়া গেল। বউঘাটা ছাড়িয়া গাছবাইড়ার চক। তাহারই দক্ষিণে ভাটপাড়া গ্রামে আলিমদীর মেয়ের সঙ্গে তাহার বিবাহ হইবে। গ্রামের মোড়ল তিন কুড়ি টাকাতেই বিবাহের খরচ সারিয়া দিবে। কিন্তু তিনকুড়ি টাকাতেই বিবাহের সমস্ত খরচ কুলাইয়া উঠিল না। আলিপুর গ্রামের শরৎ সাহার বাড়ি হইতে আজাহেরকে আরো পনর টাকা কর্ত্ত করিতে হইল। টাকাপ্রতি মাসে মাত্র এক আনা করিয়া স্বদ দিতে হইবে। তা হোক ; শরীর যদি ভালো থাকে আজাহের পৈড়াত বেচিয়া দুই মাসের মধ্যেই দেনাটা শোধ করিয়া দিবে।

গরীবের বিবাহ—তবু গরীবানা মতে তাহারই মধ্যে যতটা আনন্দ করা যায় কেউ সে বিষয়ে কম করিল না। মিনাঙ্গদী মাতব্বরের উৎসাহই এ বিষয়ে সকলের চাইতে বেশী। সে ফরিদপুরের খলিফাপট্টী হইতে তাহার জন্ত লাল ফোঁটা দেওয়া একটি পিরান (জামা) কিনিয়া আনিয়াছে। নিজের যে চাদর-খানা এতদিন তেলে ও ঘামে সিক্ত হইয়া নানা দরবারের সাক্ষী হইয়া তাহার কাঁধের উপর ঘুরিয়া বিরাজ করিত, তাহা সে আজ বেশ স্নন্দর করিয়া পাকাইয়া পাকাইয়া পাগড়ীর মত করিয়া আজাহেরের মাথায় পরাইসা দিয়াছে। এক-জোড়া বানিশ জুতাও মোড়াল আজাহেরের জন্ত সংগ্রহ করিয়াছে। এ সব পরিয়া নতুন 'নগশা' সাজিয়া আজাহের বিবাহ করিতে রওনা হইল। তখন তাহার ইচ্ছা হইল এই নতুন পোষাকে সে একবার সমস্ত গ্রামখানি ঘুরিয়া আসে। গাঁয়ের লোকদের সে অবাক করিয়া দিয়া আসে। সবার বাড়িতে যে এতদিন পৈড়াত বেচিয়া আসিয়াছে, সে অতটা তুচ্ছ নয়। কিন্তু তখন রাত অনেকটা হইয়াছে। ভাড়াতাড়ি যাইতে হইবে। বউঘাটা ছাড়িয়া গাছবাইড়ার মাঠ পার হইয়া যাইতে হইবে, সে ত সোজা কথা নয়।

অন্ধকারের মধ্যে গ্রামের পথ দিয়া পাঁচ ছয়জন গাঁয়ের লোক বর লইয়া রওনা হইল। যেমনভাবে গাঁয়ের আরো দশজন বিবাহে রওনা হয়

আজাহেরের বিবাহে তেমন ঝাঁকজমক কিছুই ছিল না। গাঁয়ের বাকি গরিবারের ছেলেরা নতুন নগশার সাজ পরিয়া পাকিতে অথবা ঘোড়ায় চড়িয়া কনের বাড়িতে যায়। মশালটি আগে আগে মশাল জ্বালাইয়া পথ রোশনাই করে। গ্রামের মালাকর বরের জন্ত শোলা দিয়া হুন্দর কারুকার্যখচিত একটি ছাতা তৈয়ার করিয়া দেয়। সেই ছাতা বরের মাথায় মেলিলে হুন্দর হুন্দর শোলার পাখি, নৌকা, ভ্রমর, প্রজাপতিগুলি বাতাসে তুলিতে থাকে। আজাহেরের বিবাহে এত সব বন্দোবস্ত কিছুই হয় নাই। তবু আজাহেরের মন আজ খুশীতে যেন আসমানে উড়িয়া বেড়াইতে চাহে। নিজের মনের খুশী দিয়াই সে তার বিবাহের সকল দৈন্ত ভরাইয়া লইল।

নগশার দল রওয়ানা হইল। নিস্তরু গ্রাম্য-পথ। হুঁধাবে বিঁবিঁ পোকা ডাকিতেছে। গ্রামের কুকুরগুলি ঘেউঘেউ করিয়া তাহাদের অভ্যর্থনা জানাইতেছে। দূরের বন হইতে শিয়ালগুলি ডাকিয়া উঠিতেছে। নগশার দল ধীরে ধীরে চলিয়া যায়। গ্রামের পর গ্রাম ছাড়াইয়া যায়।

বউখাটা পার হইয়া তাহার গাছবাইড়ার মাঠে আসিয়া পড়িল। সন্ত-কেনা বানিশ-জুতাজোড়া পায়ে লাগাইয়া চলিতে আজাহেরের পা ছুলিয়া যাইতেছিল। তবু সে জুতাজোড়া খুলিল না। এমনি নগশার সাজে, এমনই জুতা-জামা পরিয়া সে তাহার কনের বাড়িতে যাইয়া উপস্থিত হইবে। তাহার সমস্ত অন্তর ভরিয়া খুশীর ঝাঁঝ যেন আজ বাজিয়া বুম বুম করিয়া ছড়াইয়া পড়িতেছে।

যাইতে যাইতে তাহার কনের বাড়ির কাছে আসিয়া উপস্থিত হইল। তখন বরবাজীর দল সকলে একস্থানে দাঁড়াইল। সবাই ভাল করিয়া কাপড়-চোপড় পরিতে লাগিল। দশ বার বৎসর আগে মোড়ল সেই কবে এক জোড়া জুতা কিনিয়া রাখিয়াছিল—সে কথা আজ ভাল করিয়া মনেও পড়ে না, কিন্তু জুতাজোড়ার রঙ সেই প্রথম কেনার দিনের মত আজো চক্‌চক্ করিতেছে। এতদিনে রোজে জুতাজোড়া খড়ির মত শুকাইয়া কঁচকাইয়া গিয়াছে। এমনই কোন বিশেষ দিনে কিংবা কোন আত্মীয়-স্বজনের বাড়ি যাইতে মোড়ল অল্প কয়েক মিনিটের জন্ত সেই জুতাজোড়া পরিধান করিয়া থাকে। অর্থাৎ আত্মীয় বাড়ির কাছে যাইয়া জুতাজোড়া পায়ে দেয় এবং সে বাড়িতে পৌছিবামাত্রই জুতাজোড়া পা হইতে খুলিয়া ঘরের চালের সঙ্গে লটকাইয়া রাখে। কেয়ার

পথে জুতাভোড়া হাতে করিয়াই ফেরে। আজও মোড়ল জুতাভোড়া হাতে করিয়াই আনিয়াছিল। এখন বিবাহ-বাড়ির নিকটে আসিয়া জুতাভোড়া কাঁধের গামছা দিয়া মুছিয়া তাহার মধ্যে অবাধ্য পা দুইটি ঢুকাইয়া দিল। এই কার্যটি করিতে বলিষ্ঠ-দেহ মোড়লকেও সেই জুতাভোড়ার সঙ্গে প্রায় পনের মিনিট যুদ্ধ করিতে হইল।

আজাহের তার রঙীন গামছাখানির অর্ধেকটা বৃকপকেটে পুরিয়া দিল বাকি অর্ধেক কাঁধের উপর ঝুলিতে লাগিল।

লোকে বলে—‘গেইনা দিয়া তার আগার চিতারি বাতনা।’ কনের বাড়ির সামনের পথে গ্রামের ছেলেরা কলাগাছ পুঁতিয়া গেট বানাইয়াছে। সেই গেটের সামনে দারোয়ান হইয়া কলাপাতার টোপর মাথায় দিয়া কাঁধে গোড়ালি-লাঠি লইয়া তাহারা দাঁড়াইয়া আছে। তাহাদের দেখিয়া আজাহেরের গা কাঁপিতে লাগিল। মোড়ল কিন্তু কোনই ভয় করিল না। সে দলের আগে গিয়া দাঁড়াইল। বশ্যাত্তর দল আস্তে আস্তে বলাবলি করিল—‘তোরা কেউ কথা কবি না। যা কয় আমাগো মোড়ল কবি।’

মোড়ল এমনই করিয়া সকলের আগে গিয়া দাঁড়াইল; দেখিয়া আজাহেরের মন মোড়লের প্রতি ঞ্জায়, ভক্তিতে একেবারে ভরিয়া গেল। আজীবন তার বাড়িতে বিনা বেতনে খাটিলেও বুঝি ইহার শোধ হইবে না।

মোড়ল সকলের আগে যাইয়া বলিল, ‘বুলি, তুমরা দারোয়ানী দরছাও ক্যান?’

ছেলেরা সম্মুখে উত্তর করিল, ‘বিবির লুকুন আছে, কেঁরে দরজার মন্দি যাইতে দিব না। তবে যদি বাদশা আমাগো কিছু বক্শিস ছান তবে আমরা যাইতে দিতি পারি।’

মোড়ল বলিল, ‘কত বক্শিস চাও?’

তার উত্তর করিল, ‘দশ টাছা।’

মোড়ল উত্তর করিল, ‘আরে বাপুয়া। ছাইড়া দাও। গরীব মান্ধির বিয়া, কিছু কমটম কর।’

‘আচ্ছা তয় পাঁচ টাছা।’

‘আরে না, অত দিবার পারব না।’

‘তবে এক টাছা দেন।’

‘আরো কম কর।’

‘তবে আট আনা।’

‘আরে গরীব মানবির বিয়া আরো কিছু কমাও। মোটে চাইর আনা দিমু।’

ছেলের দল তাহাতেই খুশী হইয়া দরজা ছাড়িয়া দিল। আজাহরের কিস্ত ভাল লাগিল না। কথায় বলে,—বিবাহের দিনে সকলেই আড়াই দিনের বাদশাই করে। আজ তার বাদশাইর দিন। না হয় খোঁড়ল আরো চারআনা ধরিয়া দিত। জন খাটিয়া ত খাইতে হয়ই। না হয় আজাহর আরো একদিন বেশী খাটিয়া সেই ঋণ পরিশোধ করিত। ছেলেদের কাছে এতটা গরীব সাজা মোড়লের উচিত হয় নাই।

আজাহরের স্বস্তুরের নাম আলিমদ্দী। সে বড়ই গরীব। বাড়িতে কাছারী ঘর নাই! গোয়াল ঘরখানা পরিষ্কার করিয়া গোটা কতক থেজুর পাতার পাটি বিছাইয়া দেওয়া হইয়াছে। তাহাতেই বরষাত্রীর দলটিকে অতি আদরের সহিত আনিয়া বসান হইল। আজাহরের বড়ই ভাল লাগিল। আজ বিবাহ বাড়ির সকলেরই দৃষ্টি তাহার দিকে। বরষাত্রীর দলের সবার চাইতে সে বেশী আদর পাইতেছে। খাইবার সময় তারই পাতে সব চাইতে ভাল ভাল জিনিসগুলি পড়িতেছে। গাঁয়ের মাত্র পাঁচজন লোক সে সঙ্গে করিয়া আনিয়াছে। সবাই যদি আসিত, আজ দেগিয়া যাইত, আজাহর একেবারে কালতু নয়। তাকে লোকে খাতির করে।

বরষাত্রীদের খাওয়া দাওয়া সারা হইল। এবার বিবাহ পড়ানোর পালা। ভাটপাড়া গ্রামের বচন মোল্লাকে ডাকিয়া আনা হইয়াছে বিবাহ পড়াইতে। সাক্ষী উকিল যাইয়া জিজ্ঞাসা করিবে কনের কাছে,—‘অমুক গ্রামের অমুকের ছেলে অমুক, তার সঙ্গে তোমার বিবাহ হইবে। দুইশত টাকা দেনমোহর, পঁচিশ টাকা আদায়—, একশত পঁচাত্তর টাকা বাকি; এই শর্তে কবুল ত?’ তিনবার এইভাবে কনেকে জিজ্ঞাসা করা হইবে। উত্তরে কনে কি বলে তাহা জানিয়া দুইজন সাক্ষী বিবাহ সভায় সকলকে তাহা জানাইয়া দিবে। কিন্তু সাক্ষী উকিলেরা মজা করিবার জন্ত বাড়ির মধ্যে কনের কাছে না যাইয়া বাহির

হইতে একটু ঘুরিয়া বিবাহ সভায় আসিয়া বলিল, 'কেন এই বিবাহে রাজি
অয় নাই।'

বচন যোঝা হাসিয়া জিজ্ঞাসা করিলেন, 'কেন রাজি অয় নাই।'

'কনের একটি কতা জিগাইবার আছে।'

'কি কতা জিগাইবার আছে?'

'বচ্ছরকে দুইটা পাখি আসে। তার একটা সাদা আর একটা কাল।
আপনারা কালোডা খাইবেন না ধলডা খাইবেন। কোনডা আপনাগো জন্তি
আনবো?'

শুনিয়া আত্মাহেরের মাথা ঘুরিয়া গেল। সে গরীব মানুষ, কারো বিবাহে
কোন দিন যায় না? গেলে সহজেই বৃত্তিতে পারিত এমনই প্রশ্নের বাদ-
প্রতিবাদ প্রত্যেক বিবাহেই হইয়া থাকে। আত্মাহের ভাবিল এইবারই বৃত্তি
তাশার বিবাহ ভাঙ্গিয়া গেল। এ প্রশ্নের উত্তর সে দিতে পারিবে না, বিবাহও
হইবে না। মোড়ল কিন্তু একটুও দমিল না। সে সামনে আগাইয়া আসিয়া
একটু হাসিয়া উত্তর করিল,—'মিঞারা, বৃত্তি পারলাম ঠকাইবার চাপ।
বচ্ছরকে দুই! পাখি আসে রোজার মাসে, কাল পাখি ঐল রাইত আর ধলা
পাখি ঐল দিন। তা আমি কাল পাখিই খাইলাম। রোজার মাসে ত কাল
রাস্তিরেই ভাত খাইতে হয়।'

'পারছেরে, পারছে' বলিয়া কনে পক্ষের লোকেরা হাসিয়া উঠিল।

এইবার মোড়ল গায়ের চাদরখানা মাথার সঙ্গে জড়াইয়া জিজ্ঞাসা করিল,—
'আচ্ছা মিঞারা আপনাগো কতার জবাব আপনারা খাইলেন। এইবার
আমি একটা কতা জিজ্ঞাসা কইরা দেহি।

'মাইটা হাতুন কার্ঠের গাই—

বছর বছর দুয়ায়া খাই।'

কণ্ড ত মিঞারা ইয়ার মানে কি?'

কনে পক্ষের সাক্ষী উকিলদের মাথা ঘুরিয়া গেল। বর পক্ষের মাতব্বর যে
এমন পালটা প্রশ্ন জিজ্ঞাসা করিয়া বসিবে ইহা তাহারা ভাবিতে পারে নাই।

তাহাদিগকে মুখ কাঁচুমাচু করিতে শুনিয়া বর পক্ষের লোকদের মুখে ঈষৎ
বাকা হাসি ফুটিয়া উঠিল।

কনে পক্ষের মোড়ল বরান খাঁ তখন উঠিয়া দাঁড়াইয়া চিৎকার করিয়া উঠিল—‘আরে খাঁর বিটা! পুলা-পানের কাছে ও সব কথা জিজ্ঞাসা করেন ক্যান? আমার কাছে আসেন।

মাইটা হাতুন কাঠের গাই

বছর বছর দুয়ায়া খাই।

মানে খাজুর গাছ। এক বছর পরে খাজুরের গাছ কাটা হয়। মাটির হাঁড়ি গাছের আগায় বাইন্দা রস ধরা হয়, কি মাতব্বর সাব! ওইল? সেই জন্তু কইছে বছর বছর দুয়ায়া খাই। আচ্ছা এইবার আমি একটা কভা জিজ্ঞাসা করি,—

নয় মন গোদা, নয় মন গুদি,

নয় মন তার ছাওয়াল ছুটি।

নদী পার অইব। কিঙ্কর নৌফায় নয় মনের বেশী মাল ধরে না। কেমন অবি? কঁন ত দেহি সোনার চানরা।’

মোড়ল এবার লাফাইয়া উঠিয়া বলিল,—‘তবে শোনেন, পেরতমে দুই ছাওয়াল পার হ’য়া ওপারে যাবি। এক ছাওয়াল ওপারে থাকপি, আর এক ছাওয়াল নাও বায়া এপারে আসপি। তারপর গোদা নৌকা বায়া ওপারে যাবি গোদার যে ছাওয়াল ওপারে রইছে সে নৌকা বায়া এপারে আসপি। আইসা দুই ভাই আবার ওপারে যাবি। ওপার ত্যা এক ভাই নৌকা লয়া এপারে আসপি। এবার গোদার বউ নৌকা লয়া যাবি। ছাওয়ালডা এপারেই থাকপি। ওপার যে ছাওয়ালডা রইছে সে নৌকা নিয়া আইসা এপার ত্যা তার বাইডারে লয়া যাবি। ওইল ত? আচ্ছা, আমি জিজ্ঞাসা করি আবার।

এবার কনের বাপ আসিয়া বলিল ‘রাহেন মাতব্বরসাবরা, আপনারা কেউ কারো থিকা কম না। এ তো আমরা সগলেই জানি। এবার বিয়ার জোগাড় কইরা দেন। হগল মানুষ বইসা আছে।’ এ কথায় দুই মাতব্বরই খুশী হইল।

তখন সাক্ষী, উকিল, বাড়ীর ভিতরে যেখানে নতুন শাড়ী পরিয়া পুটলীর মত জড়সড় হইয়া দুই একজন সমবয়সী পরিবৃত্তা হইয়া বিবাহের কনে বসিয়াছিল, সেখানে যাইয়া উপস্থিত হইল। উকিল জোরে জোরে বলিতে লাগিল—

‘আলীপুর গ্রামের বছিরদী মিঞার ছেলে আজাহের মিঞার সঙ্গে তোমার বিবাহ হইবে। দুইশত টাকা দেনমোহর, পঁচিশ টাকা আদায়, একশত পঁচাত্তর টাকা বাকী। এই শর্তে কবুল ত?’

কনে লজ্জায় আর কোন কথাই বলিতে পারে না। একজন বর্ষীয়সী মহিলা কনের মাথায় হাত দিয়া দাঁড়াইয়া বলিল, ‘হ, কনে কবুল আছে।’ এইভাবে তিনবার জিজ্ঞাসা করিয়া উত্তর লওয়া শেষ হইলে সাক্ষী উকিলেরা বিবাহ সভায় ঘাইয়া বলিল, ‘বিয়ায় বিবি রাজি আছেন।’

তখন বচন মোল্লা বিবাহ পড়াইতে বসিলেন। প্রথমে কোরান শরিক হইতে খানিকটা পড়িয়া মোল্লা সাহেব পূর্বে মত বলিতে লাগিলেন—‘ভাটপাড়া গাঁয়ের আলিমদী মিঞার কন্যা আয়েসা বিবির সঙ্গে আপনার বিবাহ হইবে। দুইশত টাকা দেনমোহর, পঁচিশ টাকা আদায়, একশত পঁচাত্তর টাকা বাকি। এই শর্তে কবুল ত?’ আজাহের লজ্জায় যেন মাটিতে লুটাইয়া পড়ে ভবু বলে, ‘কবুল।’ এইভাবে তিনবার মোল্লা তাহাকে উপরোক্ত প্রশ্ন জিজ্ঞাসা করিলেন, তিনবার সে বলিল, ‘কবুল’। মোল্লা আবার জিজ্ঞাসা করিলেন, ‘বিবি যখন তখন বাপের বাড়িতে আসিতে পারবি, তারে কুন্তু কারণে মাইর ধইর করতি পারবা না। তারে তুমি মাধ্যমত রোজা নামাজ শিখাইবা। তার ইজ্জত-ছরমত রক্ষা করবা। তোমার সঙ্গে বিবির যদি কোন কারণে বনিবনাও না অয়, হে আইসা বাপের বাড়ি থাকপি। তুমি তার খোরপোস দিবা। এই শর্তে কবুল ত?’

আজাহের বলিল, ‘কবুল’।

মোল্লা আবার জিজ্ঞাসা করিলেন, ‘তুমি যদি শিদ্দেশে সফরে যাও, তবে রিত্তিমত বিবিকে খোরপোস পাঠাইবা, সপ্তাহে একবার পত্র দিবা। যদি ছয়মাস একসঙ্গে তুমি বিবির ভালাস না লও তথৈ ইচ্ছা করলি বিবি তোমার কাছ ঐতে ভালাকনামা লইতি পারবি। এই মত কবুল’

আজাহের বলিল, ‘কবুল’।

তখন মোল্লা কোরান শরিক হইতে আর একটি আয়েত পড়িয়া মোনাজাত করিলেন।

বিবাহের পান-শরবত আগেই খান হইয়াছিল। বিবাহ পড়াইয়া মোল্লা

আজাহেরকে পান-শরবত খাওয়াইয়া দিলেন। এইভাবে রাজি ভোর হইয়া গেল। কাছারী ঘরে গাঁয়ের লোকেরা সারাদিন গুলজার করিয়া কেতাব পড়িতে লাগিল, কেহ গল্প-গুজব করিতে লাগিল ?

বিকাল বেলা আজাহেরকে বাড়ির ভিতর লইয়া যাওয়া হইল। নতুন ছলার (বরের) সঙ্গে কনের স্কীর-ভোজনী হইল। প্রথমে উঠানে কনেকে আনিয়া একথানা পিড়ির উপর দাঁড় করান হইল। এয়োদের নির্দেশ অনুসারে আজাহের কনের সামনে আর একথানা পিড়ির উপর দাঁড়াইল। কনে আর বরের মাঝখানে একথানা চাদর টানান, সেই চাদরের দুই কোণ ধরিয়া দাঁড়াইয়া আছে দুইটি কিশোরী মেয়ে। চাদরের সামনে দাঁড়াইয়া আজাহেরের বুক কাপিতে লাগিল। কি জানি কেমন যেন তাহার লাগিতেছিল। এই কাপড়ের আড়ালে তাহার কনে রহিয়াছে। এই বউ তাহার স্বন্দর হইবে কি কুৎসিত হইবে সে ভাবনা আজাহেরের মোটেই ছিল না। কিন্তু কেন জানি তার সমস্ত শরীর কাপিতে লাগিল। বাড়ির মেয়েরা কোতুলী দৃষ্টি লইয়া একটু দূরে দাঁড়াইয়াছিল। আজাহেরের সঙ্গে মোড়লও বাড়ির ভিতরে গিয়াছিল। সাধারণতঃ এরূপ স্থানে বরের বোনের জামাই অথবা ইয়াকি ঠাট্টার সম্পর্ক জড়িত আত্মীয়েরাই বাড়ির ভিতরে যাইয়া থাকে। কিন্তু আজাহেরের কোন আত্মীয়-স্বজন নাই বলিয়াই মোড়ল তাহার সহিত বাড়ির মধ্যে আসিয়াছে। গ্রাম্য মুসলমান মেয়েরা পর-পুরুষের সঙ্গে কথা বলিতে পরদা প্রথার শাসন মানিয়া থাকে। কিন্তু বিবাহ ব্যাপারে তাহারা সামাজিক বিধি-ব্যবহার অতটা অল্পশাসন মানিয়া চলে না। তাহারা সকলেই কলরবে বলিয়া উঠিল, ‘তাহা না অইলে কনের মুখ দেহাব না।’ মোড়ল তখন তার কৌচাচ থুঁট হইতে অতি সন্তর্পণে বাঁধা আট আনা পয়সা বাহির করিয়া মেয়েদের কাছে দিল। মেয়েরা তাহাতে রাজী হইবে না,—কিছুতেই না। মোড়লও বেশী দিতে চাহে না, আজাহেরের ধৈর্যের বাঁধ ভাঙ্গিবার উপক্রম হইতেছিল। এমন শুভদৃষ্টির সময়ে মোড়ল ফেন দরাদরি করে! এতগুলো মেয়ে তাহাকে কি মনে করিতেছে। অবশেষে বার আনায় রফা হইল। বার আনা পয়সা পাইয়া মেয়েরা শান-নজর করাইতে রাজী হইল। মোড়ল আগেই আজাহেরকে শিখাইয়া দিয়াছিল, এই সব জায়গায় সহজে চোখ মেলিয়া চাহিবি না। লজ্জা

লজ্জা ভাব দেখাইবি। কিন্তু কনের সামনের পরদা তুলিয়া দিতেই আজাহের মোড়লের সকল উপদেশ ভুলিয়া গেল। সে চোখ ছুইটি সম্পূর্ণ মেলিয়া কনের দিকে একদৃষ্টিতে খানিক চাহিয়া রহিল। তারপর মনের খুশীতে একবার হাসিয়া উঠিল। আজাহেরের হাসি দেখিয়া সমবেত মেয়ের দল একবারে হাসিয়া গড়াইয়া পড়িল। আজাহের ভাবিয়া পাইল না কেন তাহারা এত হাসে।

এবার ঘরের মধ্যে ঘাইয়া কনের সঙ্গে ক্ষীর-ভোজনী হইবে। প্রচলিত প্রথা অনুসারে আজাহের তাহার কনে-বউকে কোল-পাখালী করিয়া তুলিয়া ঘরে লইয়া গেল। বউকে মাটিতে নামাইয়া দেওয়ার পরে বহুক্ষণ তাহার কোমল গায়ের উষ্ণতা আজাহেরের সমস্ত দেহে ঢেউ খেলিতে লাগিল।

তাহার হাতের কানি আঙ্গুলে ক্ষীর জড়াইয়া এযোরা বউয়ের মুখের কাছে ধরিল। বউ-এর কানি আঙ্গুলে ক্ষীর জড়াইয়া আবার আজাহেরের মুখের কাছে ধরিল। আশে পাশের মেয়েরা মিহি স্বরে বিবাহের গান গাহিতে লাগিল :

ওদিক সইরা বইস হারে দানান
আমার বেলোয়া বসপি তোমার বাসেনারে।
কেমনে বসপি আমার বেলোয়া হারে দানান
তাহার সিন্তা রইছে খালি নারে।
ছলার মামু দৌড়াইয়া তখন
বাইনা বাড়ি যায় নারে।
কেমনে বসপি আমার বেলোয়া হারে দানান
ও তার গায়েতে জেগুর নাইরে।
ছলার চাচা দৌড়াইয়া তখন
সোনাকু বাড়ি যায় নারে।

আজাহেরের মনের খুশীর নদীতে যেন সেই স্তর তরঙ্গ খেলিতে লাগিল।

তিন

নতুন বউ লইয়া আজাহের বাড়ি ফিরিল। বাড়ি বলিতে তাহার কিছু ছিল না। মোড়ল তাহার বাড়ির ধারেই একটি ভায়গায় আজাহেরকে ঘর তুলিতে অল্পমতি দিয়াছিল। সেইখানে দো-চালা একখানা কুঁড়েঘর তৈরী করিয়া কোনমতে সে একটা থাকার জায়গা করিয়া লইয়াছিল। তারই পাশে ছোট্ট একখানা রান্নাঘর। বউ আনিয়া আজাহের সেই বাড়িতে উঠিল। পাড়ার ছেলেমেয়েরা দৌড়া-দৌড়ি করিয়া বউ দেখিতে আসিয়া তার ছোট বাড়িখানা কলরবে মুগর করিয়া তুলিল। সেই কলরবের তরঙ্গে তরঙ্গে আজাহেরের অন্তরের খুশীর তুফান যেন উথলিয়া উঠিতে লাগিল। কিছুক্ষণ পরে গ্রামের লোকজন সকলেই চলিয়া গেল। আজাহের উঠানে বসিয়া নীরবে হাঁকা টানিতেছিল আর সেই হাঁকার ধুঁয়ার উপরে মনে মনে তাহার ভবিষ্যৎ-জীবনের সুখকর ছবি অঙ্কিত করিতেছিল। সমস্ত বাড়িখানা নীরব। কিন্তু সকল নীরবতা ভঙ্গ করিয়া কে যেন তাহার চারিদিক বেড়িয়া খুশীর কাঁবার বাজাইতেছিল। ঘরের এক কোণে একটা পুঁটলীর মত জড়সড় হইয়া বউটি বলিয়াছিল। কি করিয়া যে সে বউটির সঙ্গে কথা বলিবে ভাবিয়া পাইতেছিল না।

বেচারী আজাহের! কত মাঠের কঠিন বুক সে লাঙলের আঘাতে ফাড়িয়া চৌচির করিয়াছে—কত দৌড়ের গরুকে সে হেলে-নাঠির আঘাতে বশে আনিয়াছে। কত দেশে-বিদেশে সে পৈড়াত বেচিয়া কত বড় বড় লোকের সঙ্গে কথা কহিয়াছে কিন্তু যে তাহার সারা জীবনের সঙ্গী হইয়া তাহার ঘর করিতে আসিল, তাহার সঙ্গে কথা কহিতে আজাহেরের সাহসে কুলাইয়া উঠিতেছে না, কি করিয়া সে কথা আরম্ভ করে—কোন কথা সে আগে বলে কিছুই তাহার মনে আসিতেছে না। বিবাহের আগে সে কত ভাবিয়া রাখিয়াছিল—উ আসিলে এইভাবে কথা আরম্ভ করিবে। এইভাবে রসিকতা করিয়া বউকে হাসাইয়া দিবে কিন্তু আজ সমস্তই তাহার কাছে কেমন যেন ঘুলাইয়া বাইতেছে।

ভাবিতে ভাবিতে আজাহের ঘামিয়া উঠিল। উঠানের আমগাছটি হইতে একটা পাখি কেবলই ডাকিয়া উঠিতেছিল, বউ কথা কও, বউ কথা কও। এই স্বর সমস্ত নীরব গ্রামখানির উপর ধ্বনিত প্রতিধ্বনিত হইয়া ঘুরিয়া বেড়াইতেছিল। চারিধারের ঘনবনের অন্ধকার ভেদ করিয়া কিঁ কিঁ পোকাগুলি সহস্র স্বরে গান গাহিতেছিল, তাহাই তালে তালে বনের অন্ধকার পথ ভরিয়া জোনাকির আলোগুলি ছলিয়া উঠিতেছিল। অনেকক্ষণ নীরবে বসিয়া থাকিয়া আজাহের উঠিয়া আসিয়া ঘরে প্রবেশ করিল। কেরোসিনের প্রদীপটি কতকটা স্নান হইয়া আসিয়াছিল। আজাহের তাহার সলিতা একটু উস্কাইয়া দিল। তারপর ঘরের মধ্যে ছেঁড়া মাদুরটি বিছাইয়া তাহার উপর শততালি দেওয়া কাঁথাখানা অতি যত্নের সঙ্গে বিছাইল। রন্ধনের খোসায় তৈরী ময়লা তেল লাগান বালিশটি এক পাশে রাখিল। তারপর বউটিকে আস্তে কোল-পাখালী করিয়া ধরিয়া আনিয়া সেই বিছানার এক পাশে শোয়াইয়া দিল।

এবার আজাহের কি যে করে ভাবিয়া পায় না। বিছানার একপাশে সেই শাড়ী-আবৃত বউটির দিকে একদৃষ্টিতে চাহিয়া রহিল। শাড়ীর ফাঁক দিয়া বউ-এর মেহেদী মাখান স্তন্যর পা দু'টি দেখা যাইতেছিল। তারই দিকে চাহিয়া চাহিয়া আজাহেরের সাধ মিটিতেছিল না। ঘোমটার তল হইতে বউটি যেন বৃষ্টিতে পারিল তাহার পা দু'টির পানে একজন চাহিয়া আছে। সে তখন ধীরে ধীরে পা দুইটি শাড়ীর আঁচলে ঢাকিয়া লইল। তাহাতে বউ-এর স্তন্যর হাত দু'টি শাড়ীর বাহিরে আসিল। আঙুর আস্তে আস্তে নিজের দু'খানা হাতের মধ্যে সেই রঙীন হাত দু'খানা লইয়া নীরবে খেলা করিতে লাগিল। শাড়ীর অন্তরাল হইতে মেয়েটির মুখ নিখাস লওয়ার শব্দ শোনা যাইতেছিল, তাহা যেন আজাহেরের সমস্ত দেহ-মন গরম করিয়া তুলিতেছিল।

ধীরে ধীরে আজাহের বউ-এর মাথার ঘোমটাটি খুলিয়া ফেলিল। সামনে কেরোসিনের প্রদীপটি টিপ টিপ করিয়া জ্বলিতেছে। তার আলোয় বউ-এর রাঙা টুকটুকে মুখখানা দেখিয়া দেখিয়া আজাহেরের সাধ মেটে না। বউ যেন ঘুমেরই অচেতন। আজাহের মুখখানার একবার এদিকে উন্টাইয়া দেখে,

আবার ওদিকে উটাইয়া দেখে। বাহুখানি লইয়া মালার মত করিয়া গলায় পরে। চারিদিকে মৃত্যুর মত নিখর স্তব্ধতা। সন্মুখের এই একটি নারীদেহ যেন লহরী স্বরে আজাহরের মনে বাঁশী বাজাইতেছিল। সেই দেহটি সারিন্দা, তাকে মনের খুশীতে নাড়িয়া চাড়িয়া আজাহর যেন মনে মনে কত শত ভাটিয়ালি স্বরের গান আকাশে বাতাসে ছড়াইয়া দিতেছিল। সেই স্বরে চারিদিকে স্তব্ধতা ভেদ করিয়া আজাহরের অন্তরে ছবির পর ছবি ভাসিয়া উঠিতে লাগিল। তাহার ছোট্ট উঠানটি ভরিয়া একটি রাঙা টুকটুকে বউ ঘুরিয়া বেড়াইতেছে। তার রাঙা পায়ের ছাপের উপরে কে যেন কলমির ফুল ছড়াইয়া যাইতেছে। পৌষ মাসের উতল বাতাসে বাড়ির কদম গাছটির তলায় একটি বউ ধান উড়াইতেছে। ঈষৎ বাঁকা হইয়া দুই হাতের উপর কুলাভরা ধানগুলিকে সে বাতাসে উড়াইয়া দিতেছে, হাতের চুড়িগুলি টুং টুং করিয়া বাজিতেছে। চিটাগুলি উড়িয়া যাইতেছে, ধানগুলি লক্ষ্মীর মত বউ-এর পায়ের কাছে আসিয়া জড় হইতেছে। স্বথের কথা ভাবিতে ভাবিতে আরো স্বথের কথা মনে জাগিয়া ওঠে। প্রথম অত্রাণ মাসে নতুন ধানের গন্ধে গ্রাম ভরিয়া গিয়াছে। আঁটি ভরা গুচ্ছ গুচ্ছ লক্ষ্মী-শালি ধান মাথায় করিয়া আজাহর ঘরে ফিরিতেছে। বাড়ির বেকী বেড়াখানা ধরিয়া বউ তার পথের পানে চাহিয়া আছে। আজাহর আসিতেই বুকের আঁচল দিয়া বউ উঠানের কোণটি মুছিয়া দিল। সেইখানে ধানের আঁটি মাথা হইতে নামাইয়া ঘরের দাওয়ায় বসিয়া তামাক টানিতে টানিতে সে বউ-এর সঙ্গে দুই একটা সামান্ত প্রয়োজনের কথা বলিতেছে।

এমনি ছবির পরে ছবি—তারপর ছবি। ভাবিতে ভাবিতে আজাহর কখন যে ঘুমাইয়া পড়িল টেরও পাইল না। ঘুম ভাঙিলে আজাহর দেখিতে পাইল বাড়িঘর সমস্ত কাঁট দেওয়া হইয়াছে। উঠানের একধারে তেঁতুল গাছটির তলায় ভাঙা উনানটিকে পরিপাটি করিয়া লেপিয়া তাহার উপরে রাঙা চড়াইয়া দেওয়া হইয়াছে। সামনের পালান হইতে বেতে-শাক তুলিয়া আনিয়া কুলার উপর রাখা হইয়াছে। তারই পাশে একরাশ ঘোমটা মাথায় দিয়া বউটি হলুদ বাঁটিতেছে। বাঙা হাত দু'টি হলুদের রঙে আরো রাঙা হইয়া উঠিয়াছে।

অনেকক্ষণ দাঁড়াইয়া আজাহর দেখিল। তারপর তিন চারবার কাশিয়া

গলাটাকে যথা সম্ভব নরম করিয়া কহিল, ‘বলি আইসাই তোমার এত কাম করনের কি দরকার ছিল ? ‘সকালে উঠাই চুলা লেপতাছাও। তোমার ত কাল লাইগা জ্বর অবি।’

ঘোমটার তল হইতে কোন উত্তরই আসিল না। আজাহের কলিকায় তামাক ভরিয়া যেন আগুন আনিতেই উনানের কাছে বসিয়া বসিল। এবার বউটির গায়ের সঙ্গে তাহার ঘেঁসাঘেঁসি হইল। কলিকায় আগুন দিয়া ফুঁ দিতে দিতে আজাহরের ইচ্ছা করে এইখানে এই উনানের ধারে বসিয়া বউ-এর সঙ্গে সে অনেক রকমের গল্প করে। খেত-খামারের কথা, তার ভবিষ্যৎ জীবনের ছোটখাট কথা, আরো কত কি।

আজাহের বলে, ‘সামনের ভান্ডর মাসে পাট বেইচা তোমার জন্মি পাছা পাইড়া শাড়ী কিন্তা আনব। খ্যাতের ধান পাকলি তুমি মনের মত কইরা পিঠা বানাইও, কেমন ?’

ওউ কোন কথাই বলে না। নিরুপায় হইয়া আজাহের এবার সোজাসুজি বউকে প্রশ্ন করে, ‘বলি তোমাগো বাড়ির বড় গরুড়া কেমন আছে ? শুনিছি তোমার বাপ তোমাগো ছোট বাছুরড়া বেচপি ? আমারে কিন্তা দিতি পার ?’

তবু বউ কথা কহিল না। আজাহরের মন বড়ই অস্থির হইয়া পড়িল। ওই ছোট্ট রাঙা টুকটুকে মুখখানা হইতে যদি কথা বাহির হইত। রাঙা টুকটুকে কথা। কেন সে কথা বলে না !

এই রঙিন শাড়ীর অস্তরালে কি যে অদ্ভুত রহস্য লুকাইয়া রহিয়াছে ! কে যেন কুয়াপের মস্ত পড়িয়া আজাহেরকে সেই রহস্যের দিকে আনিতেছে। সে যতই বউটির কথা ভাবিতেছে ততই সে এই রহস্য জালে জড়াইয়া পড়িতেছে।

স্নান করিতে আজাহের নদীতে আসিল। এতদিন স্নান করিতে তার দুইমিনিটের বেশী লাগে নাই, আজ প্রায় এক ঘণ্টা ধরিয়া আঠাল-মাটি দিয়া সমস্ত গা ঘসিয়া সে স্নান করিল ! তবু মনে হয় গায়ের সমস্ত ময়লা যেন তার পরিষ্কার হয় নাই। মাথার উক্কুখুছু চুলগুলিতে আজ ছ’মাস নাপিতের কাঁচি পড়ে নাই। যদি সময় থাকিত আজাহের এখনই বসিয়া নাপিত বাড়ি হইতে স্নান করিয়া ঘাড়ের কাছে খাটো করিয়া চুল কাটাইয়া আসিত।

স্নান করিয়া ভালমত মাথা মুছিয়া থালার উপরে ভল লইয়া রোদ্রে বসিয়া

তাহারই ছায়ায় নিজের মুখখানা সে বারবার করিয়া দেখিল। তারপর ঘরের বেড়া হইতে একখানা কাঠের ভাঙা চিকুণী আনিয়া মাথার অবাধ্য চুলগুলির সঙ্গে কসরৎ করিতে প্রবৃত্ত হইল। এই চিকুণীখানা সে চার বৎসর আগে ফুড়াইয়া আনিয়াছিল। এতদিন তাহা কাজে লাগাইবার অবসর হয় নাই। আজ তাহা কাজে আসিল। অনেকক্ষণ চুলের সঙ্গে এই রকম কসরৎ করিয়া আজাহের বিন্ময়ে চাহিয়া দেখিল, বউ তার দিকে চাহিয়া মুহূ হাসিতেছে। আজাহেরের চোখে চোখ পড়িতেই তাড়াতাড়ি বউ ঘোমটায় মুখখানা ঢাকিয়া ফেলিল।

বেড়াইতে বেড়াইতে বিকাল বেলা রহিমদী কারিগর আজাহেরের বাড়ি আসিল। আজাহের তাকে বড় আদর করিয়া বসাইল। নিজে তামাক সাজিতে বাইতেছিল, বউ তাড়াতাড়ি আজাহেরের হাত হইতে কলিকাটি লইয়া তামাক সাজিয়া আনিয়া দিল। রহিমদী তামাক টানিতে টানিতে বলিল, 'বড় ভাল বউ পাইছসরে আজাহের। বউ বড় কামের অবি।'

রহিমদীর মুখে বউ-এর তারিফ শুনিয়া আজাহের বড়ই খুশী হইল। রহিমদী আস্তে আস্তে আজাহেরের কানের কাছে মুখ লইয়া জিজ্ঞাসা করিল, 'বউ-এর সাথে কি কি কথা বার্তা ঐল তোর আজ?'

আজাহের রহিমদীর গায়ের উপর খুঁকিয়া পড়িয়া ফিসফিস করিয়া উত্তর দিল, 'কি কব চাচা, বউ মোটেই কথা কয় না। বউর বুঝি আমারে পছন্দ হয় নাই।'


রহিমদী বলিল, 'দূর পাগলা; নতুন বউ, সরম করে না? একদিনেই কি তোর সঙ্গে কথা কবি?'

আজাহের যেন অকূলে কূল পাইল। সত্যই বউ তবে তাকে অপছন্দ করে না। নতুন বউ সরম করিয়াই তার সঙ্গে কথা বলে না। আজাহের এবার রহিমদীকে একটি গান গাহিতে অনুরোধ করিল।

রহিমদী বলিল, 'নতুন বউরে গান শুনাইবার চাস্ নাকি?'

'দূর!' বলিয়া আজাহের রহিমদীকে একটা মুহূ ধাক্কা দিল। হাসিতে হাসিতে রহিমদী গান আরম্ভ করিল :

'মাগো মাগো কালো জামাই ভাঙা



শান শুনিয়া আজাহের হাসিয়া গড়াইয়া পড়িতেছিল। সে যদি লক্ষ্য করিত, দেখিতে পাইত নতুন বউ-এর ঘোমটার তল হাসিতে ভরিয়া টুব্ টুব্ হইয়াছে।

চারিদিকে অন্ধকার করিয়া আবার রাত্রি আসিল। কেরোসিনের কুপিটি জ্বলাইয়া বউ আজ নিজেই বিছানা পাতিল। আজাহের অবাক হইয়া দেখিল তার সেই সাত-তালি দেওয়া ময়লা কাঁথাখানি একদিনেই পরিষ্কার হইয়া উঠিয়াছে। তাহার উপরে রঙীন সূতার দুই তিনটি ফুল হাসিতেছে। সেই বিছানার ফুলগুলিরই যেন সঙ্গী হইয়া বউ একপাশে বাইয়া বসিয়া রহিল। বউটির দিকে বার বার করিয়া যতবার আজাহের তাকায় তার কেবলই মনে হয়, এমন রূপ তার গরীবের কুঁড়ে ঘরে মানায় না। ভরা মাঠের সরষে খেত কে আজ জীবন্ত করিয়া তার ঘরে ফেলিয়া গেল। কত কষ্টই না তার হইবে। গরীব আজাহের এমন সুন্দর মেয়েটিকে সুখে রাখিতে সব কিছুই করিতে পারিবে। কিন্তু সে কি সুখী হইবে?

আজাহের বলে, 'দেহ! আমার এখানে তোমার বড়ই কষ্ট অবি। কিন্তু জাইনো, আমাগো দিন এই বাবেই যাবি না। আশ্বিন মাসে পাট বেইচা অনেক টাহা পাব। সেই টাহা দিয়া তোমার জন্ত জেগুর গড়ান্না দিব। তুমি ছুছু কইর না, আমি না থায়া তোমারে খাওয়াব, ঠোঁটের আধার দিয়া তোমারে পালব—তোমারে খুব ভাল জানব—আমার সজ্জার মধ্যে তোমারে ভইরা রাখপ।'

বউ একটু হাসিয়া আঁচলের বাতাসে কেরোসিনের কুপিটি নিবাইয়া আজাহেরের মুখে একটি মুহূর্ত চোঁক। মারিয়া বিছানার উপর বাইয়া শুইয়া পড়িল। আজাহের বউ-এর সমস্ত দেহটি নিজের দেহের মধ্যে লুকাইয়া তার বুকে মুখে ঘাড়ে সমস্ত অঙ্গে মুখ রাখিয়া কেবলই বলিতে লাগিল, 'আমার একটা বউ আছে—সোনার বউ আছে—লক্ষ্মী বউ আছে—মানিক বউ আছে। তোমারে আমি বুকে কইরা রাখপ—তোমারে আমি কলজার মধ্যে ভইরা রাখপ—আমার মানিক, আমার সোনা—তোমারে মাথায় কইরা আমি মাঠ ভইরা ঘুইরা আসপ নাকি? তোমারে বুকে কইরা আমি পদ্মা গাঙ সাঁতরাইয়া আসপ নাকি? আমার ধানের খাতরে, আমার হালের লাঠিরে—আমার

কোমরের গোটছড়ারে—আমার কান্ধের গামছারে । তোমারে আমি গলায়
জড়াইয়া রাখপ নাকি ?

আজাহের পাগলের মত এমনই আবল তাবল বকিয়া যাইতেছিল । বউটি
হাসিয়া কুটি কুটি হইতেছিল । মাঝে মাঝে আজাহেরের মুখে এক একটি মৃদু
ঠোঁকনা দিতেছিল ।

ভালবাসার অনেক কথা ওরা জানে না । বউ-এর হাতের মৃদু ঠোঁকায়
আজাহেরের সমস্ত অঙ্গ পুলকে ভরিয়া যায় । আজাহের যেন আজ ক্ষিপ্ত
হইয়া উঠিয়াছে । বউ-এর স্নন্দর নরম দেহটিকে সে যেন আজ লবঙ্গ এলাচির
মত শুঁকিয়া শুঁকিয়া নিজের বুকে ভরিয়া লইবে ।

এমনই করিয়া কখন যে রাত শেষ হইয়া গেল তাহারা টেরও পাইল না ।
প্রভাতের মোরগ ডাক দিতেই বউ তাড়াতাড়ি উঠিয়া উঠান কাঁট দিতে আরম্ভ
করিল । ঘরের দরজার ফাঁক দিয়া আজাহের দেখিতে পাইল, পূব আকাশের
কিনারায় পূব-ঘুমানীর বউ জাগিয়া উঠিয়াছে ।

মুখ হাত ধুইতে ধুইতে সমস্ত আকাশ সোনালী রোদে ভরিয়া গেল ।
ঘর-গৃহস্থালীর কাজে বউ এখানে সেখানে ঘুরিয়া ফিরিতেছিল । আজাহের
ঘরের দরজার সামনে বসিয়া গান ধরিল—

বাড়িতে নতুন বহু আসিয়া,
কথা কয় রাঙা মুখে হাসিয়া ;
আমার বাঁশী বাজে তারিয়া নারিয়া নারিয়ায়ে ।
পাড়ায় পাড়ায় বেড়ায় বহু লাল শাড়ী পরিয়া,
লাল মোরগের রঙীন পাখা নাড়িয়া নাড়িয়া ;
ও ভাইরে ঝলমল কি চলমল করিয়া ।

একাজে ওকাজে যাইতে চোখা-চোখি হইতেই বউ-এর মুখখানা কৌতুক হাসিতে
ভরিয়া যায় । আজাহের আরো উৎসাহের সঙ্গে গান ধরে—

বউ ত নয় সে হলদে পাখি এসেছে উড়িয়া
সরষে খেত নাড়িয়া
হয়ত বা পথ ভুলিয়া ;

আমার মনে বলে রাখি তারে পিঞ্জিরায় ভরিয়া, জন্মে পুরিয়া,
নইলে যাবে সে উড়িয়া

ও ভাইরে ফুরফুর কি তুরতুর করিয়া ।

গানের শেষ লাইনটি আজাহের বারবাঃ ঘুরাইয়া ফিরাইয়া গাহিতে লাগিল। গান থামিলে ঘোমটার তল হইতে অতি মিহি স্বরে বউ বলিল—
'বাড়িতে আগুন নাই। ও-বাড়ির ত্যা আমাগো উনি আগুন আহুক গিয়া।'~

এই কথা কয়টি আজাহেরের মন হুধা বর্ষণ করিল। তার নিজের হাতে গড়া সারিন্দা যেন আজ প্রথম বোল বলিল। ব্যস্ত-সমস্ত হইয়া সে মোড়লের বাড়িতে আগুন আনিতে ছুটিল। পথে যাইতে যাইতে বউ-এর সেই ছোট্ট কথা কয়টি যেন তাহার কানে ঘুরিয়া ঘুরিয়া বাজিতে লাগিল।

এমনই করিয়া আরো দুই তিনদিন কাটিয়া গেল। আজাহেরের নিকট তার বউকে যতই ভাল লাগিতেছিল, ততই সে মনে মনে ভাবিয়া অস্থির হইয়া উঠিতেছিল, কি করিয়া সে বেশী করিয়া উপার্জন করিবে? কি করিয়া সে বউকে আরো খুশী করিতে পারিবে?

দিনের বেলা আজাহের পৈড়াত বেচিতে ভিন্ন গায়ে যায়। বাড়ি ফিরিতে সন্ধ্যা হইয়া আসে। তখন বাঁশের কঞ্চি বাঁকাইয়া ঝুড়ি তৈরী করিতে বসে। প্রায় অর্ধেক রাত পর্যন্ত কাজ করে। বউ তার সঙ্গে সঙ্গে পাট দিয়া সব 'তাইতা' পাকাইতে থাকে। হাটের দিন এগুলি বিক্রি করিয়া তাহার দু'পয়সা জমা করিবে।

পৈড়াত বেচিয়া আজাহের যাহা উপার্জন করে, তাহাতে হুজনের খাওয়া খরচই কুলাইয়া উঠিতে চাহে না। আলিপুরের শরৎ সাহার কাছ হইতে আজাহের পনের টাকা কর্জ করিয়া আনিয়াছে। প্রতি টাকায় মাসে এক আনা করিয়া সুদ। যেমন করিয়াই হোক আজাহের ছয় মাসের মধ্যে সেই টাকা শোধ করিয়া দিবে। দুইজনে মুখামুখি বসিয়া পরামর্শ করে, কি করিয়া আরো বেশী উপার্জন করা যায়। মোড়লের কাছ হইতে আজাহের দুই বিঘা জমি বরুণা হইয়াছে। বউ-এর বাপের বাড়ি হইতে কয়েক দিনের জন্ত বরুণা দুইটি সে ধার করিয়া জমিটুকু চষিয়া ফেলিবে। সেই জমিতে আজাহের পাট বুনিবে। খোদা করিলে দুই বিঘা জমিতে যদি ভাল পাট জন্মে, তবে ভাঙ্গ

মাসেই সে তার বরুণা ভাগে এক বিঘা জমির পাটের মালিক হইবে। এক বিঘা জমিতে কম সে কম পনের মণ পাট জন্মিতে পারে। আগামীর বারে যদি পাটের দাম পাঁচটাকা করিয়াও হয়, পনের মণ পাটে সে পাঁচ কম চারতুড়ি টাকার মালিক হইবে। বউ তুমি অত ভাবিও না। শরৎ সাহার দেনাটা শোধ করিয়া যে টাকাটা থাকিবে সেই টাকা দিয়া আজাহের দুইটি ভালো বলদ কিনিবে, আর বউ-এর জন্ত একখানা পাছাপেড়ে শাড়ী কিনিয়া আনিবে।

বউ বলে, ‘শাড়ী কিন্তা কি অবি। শাড়ীর টাকা দিয়া তুমি একটা ছাগল কিন্তা আইন। কয় মাস পরে ছাগলের বাচ্চা অবি। বাচ্চাগুলান বড় ঐলে বেইচা আরো কিছু জমি অবি।’

আজাহের বলে, ‘আইচ্ছা—বাইবা দেখপ পরে।’

অনেক বড় তাহারা হইতে চাহে না। মাথা গুঁজিবার মত দু’খানা ঘর, লাঙল চালাইবার মত কয়েক বিঘা জমি আর পেট ভরিয়া আহার;—এরি স্বপ্ন লইয়া তাহারা কত চিন্তা করে, কত পরামর্শ করে, কত ফন্দি-ফিকির আওড়ায়।

সকালে বউ রান্ধে না। পূর্ব দিনের বাসি ভাত যা অবশিষ্ট থাকে তাহাতে জল মিশাইয়া কাঁচা লঙ্কা ও লবণ দিয়া দুইজনে খাইয়া পেট ভরায়। কোন কোন দিন অনাহারেই কাটায়।

এত অল্প খাইয়াও মানুষ বাঁচিতে পারে! তবু তাহাদের কাজের উৎসাহ কমে না! তবু তাহারা গান করে! রাত জাগিয়া গল্প করিতে করিতে কাজ করে! মাথা গুঁজিবার মত একখানা ঘর, পেট ভরিয়া দুই বেলা আহার, একি কম ভাগ্যের কথা!

চার

দেখিতে দেখিতে ভাত্র মাস আসিল। সত্য সত্যই আজাহেরের খেতে ভাল পাট হইয়াছে। সকলেই বলিল, মোড়লের বরগার ভাগ দিয়া আজাহের এবার প্রায় কুড়ি মন পাট পাইবে।

সেই পাট শুকাইতে বউ-এর কি উৎসাহ। উঠানে সারি সারি বাঁশের আড় পাতিয়া তাহার উপরে পাটগুলি মেলিয়া দেওয়া হইয়াছে। মাঝে মাঝে সমস্ত বাড়িখানা যেন নকল বনে পরিণত হইয়াছে। এর মধ্যে মাঝে মাঝে বউটি হারাইয়া যায়। তাকে খুঁজিয়া বাহির করিতে আজাহেরের বড়ই বেগ পাইতে হয়। সে যদি এদিকে যায় বউ ওদিক হইতে গিলখিল করিয়া হাসিয়া গুঠে। বউকে ধরিবার জন্য ওদিক যাইতে বিন্ময়ে আজাহের দেখে বউ অপরদিকে যাইয়া ‘কু’ করিয়া শব্দ করিয়া গুঠে।

মোড়লের বউ বেড়াইতে আসিয়া বলে, ‘কি লো! তোগো হাসি মস্করা যে ফুরায় না?’

বউ তাড়াতাড়ি পিঁড়াখানা বাড়াইয়া বলে, ‘বুঝ্ আঁছ—বইস, বইস।’

আজাহের বড়ই অপ্রস্তুত হইয়া তামাক সাজিতে রান্নাখানা দিকে যায়।

পাট শুকান শেষ হইতেই আজাহেরের বাড়িতে পাটের বেপারী অছিমদীর আনা গোনা শুরু হইল। আজাহের শুনিয়াছে, ফরিদপুরে প্রতি মণ পাট ছয়টাকা দরে বিক্রি হইতেছে। অছিমদী কিন্তু তাহার পাটের দাম চার টাকার বেশী বলে না। অছিমদীর জন্য তামাক সাজিতে সাজিতে আজাহের বলে, ‘তা বেপারীর পো, চার টাকায় পাট আমি কিছুতেই ছাড়ব না।’ অছিমদী বলে, ‘আরে মিঞা তোমার পাট ত তেমন বাল না? কোম্পানী-আলা এ পাট নিতিই চায়না, তবে আমি কিনিতি আছি, দেহি বাল পাটের সঙ্গে মিশায়নি বেচতি পারি।’

‘হুন্লাম ফইরাতপুরি পাটের দাম ছয়টাকা মন।’

‘অবাক করলা আজাহের! মার কাছে মাসী-বাড়ির খবর কইতি

আইছাও ? ফরিদপুর, তালমা, গজাইরা ভাঙ্গা, কলিমলুর, চোন্দ্রসি, ফুলতলা কোন আটের খবর আমি জানি না ? যাও না ফৈরাতপুর পাট লয়া । তোমার এই ভিজা পাট দেকলি পুলিশেই তোমারে দৈরা নিব্যানে । তারপর যদি শ্রায় পাট বিক্রিও অয়, মনকে দশ সের নিব্যানে তোমার তুলাওয়ালা, তারপর বাকি রইল তিরিশ সের । ওজনদার নিব্যানে মনকে পাঁচ সের—কয় সের রইল মিঞার বেটা বিশ সের ত ? শব্দেই হুনা যায় ছয় টাহা । চার মানে দুই মন ।’

বেপারীর আরো একটু কাছে খেসিয়া আজাহের বলিল,—‘কওকি বেপারীর পো ! ফইরাতপুর এমন জায়গা ?’

বেপারী দেখিল তাহার ঔষধ কাছে লাগিয়াছে । গলার সুরটি আরো একটু নরম করিয়া বলিল,—‘আজাহের মিঞা ! আমি তোমার ছাশের মাহুঘ রাইত দিন চক্ষি দেহি । আমি তোমারে ফইরাতপুইরা বেপারীগো মত ঠকাইতি দিব না ।’

আজাহেরের মনটি যেন নরম হইয়া মাটিতে গলিয়া পড়িতে চাহে । অছিমদী শোভারামপুরের ধনী মহাজন । সে তাহাকে আজাহের মিঞা বলিয়া ডাকিতেছে । কত নরম সুরে তাহার সঙ্গে কথা কহিতেছে । তবু আজাহের হাল ছাড়িল না ।

‘বেপারীর পো । আরো দুই একদিন দেহি । আর কুহু বেপারী যদি বেশী দাম দেয় ?’

‘আজাহের মিঞা ! আমারে তুমি অবিশ্বাস করলা ! আমার চাইতি তোমারে আর কোন বেপারী বেশী দাম দিবি ? ও সগল কতা থাক । তোমার মনের আন্ধার ঘুচাই । তোমার পাটের দাম মন প্রতি আরো আটআনা বাড়াইয়া দিলাম । না হয় নিজেই লোকসান দিলাম ।’

আজাহেরের হু’খানা হাত ধরিয়া বেপারী বলিল,—‘আজাহের মিঞা ! কথা দাও । এবার পাটে ওজন দেই ?’

এর উপর আর কথা বলা চলে না । এত বড় মহাজন । তার বাড়ি নিজে আসিয়াছে । তার কথা কি করিয়া অগ্রাহ করা যায় ? আজাহের চারটাকা আটআনা দামেই পাট বেচিবে কথা দিয়া ফেলিল ।

আজাহের আগেই পাট ওজন দিয়া রাখিয়াছিল। তাহাতে তাহার পাটের ওজন হইয়াছিল ছাব্বিশ মন। কিন্তু অছিমদী নতুন করিয়া পাটগুলিকে ওজন করিল। তাহাতে কুড়ি মন পাট হইল। আজাহরের মন কেবলই ঝুঁতঝুঁত করিতে লাগিল। সে নিজে ওজন করিয়াছিল ছাব্বিশ মন আর এখন হইল কুড়ি মন। কিন্তু কথাটা কি করিয়া বেপারীকে বলা যায়? অনেক চিন্তা করিয়া বহুবার ঢোক গিলিয়া আজাহের বলিল,—‘বেপারীর পো! একটা কতা কব্যার চাই’।

‘কি কতা আজাহের মিঞা? একটা ক্যান বিশটা কও না ক্যান?’

‘কব আর কি? আমি নিজে ওজন দিছিলাম। পাটের ওজন ঐছিল ছাব্বিশ মন। কিন্তুক আপনার ওজনে ঐল মোটে কুড়ি মন’।

বেপারী এবার রাগিয়া উঠিল, ‘কি কইলা আজাহের, আমি অছিমদী বেপারী, পাটের ওজনে তোমারে ঠকাইছি। শুয়ারের গোস্ব খাই যদি তোমারে ঠকাইয়া থাকি। কোথাকার নকল পালা-পৈড়ান নিয়া তুমি ওজন দিছিলা তাইতি ওজন বেশী ঐছিল। একথা কারও কাছে কইও না, যে তোমার কাছে নকল পালা-পৈড়ান আছে। একথা পুলিশি জানতি পারলি এহনি থানায় ধইরা নিয়া যাবি। আমার পালা-পৈড়ানে কোম্পানী বাহাদুরের নাম লেহা আছে। ইংরাজী পড়বার পার মিঞার বেটা?’ বলিয়া বেপারী উচ্চ হাসিয়া উঠিল। ইতিমধ্যেই অছিমদীর লোকজন পাটগুলি বাঁধিয়া নোকায় উঠাইয়া ফেলিয়াছে। অছিমদী কোমরে গোঁজা টের থলেটি খুলিয়া টাকা আনি, দু’আনিতে প্রায় তিন চারিশত টাকা আজাহরের উঠানের উপর ঢালিয়া দিল।

আজাহের ফ্যাল ফ্যাল করিয়া অছিমদীর অপূর্ণ ঐশ্বৰ্যের পানে চাহিয়া বিস্ময়ে অবাক হইয়া রহিল।

সেই টাকা হইতে গুনিয়া গুনিয়া অছিমদী কুড়ি মন পাটের দাম নব্বই টাকা আজাহরের হাতে গুঁজিয়া দিল।

এত টাকা একসঙ্গে পাইয়া খুশীতে আজাহরের ইচ্ছা করিতেছিল, অছিমদী বেপারীর পায়ের কাছে লুটাইয়া ছালাম জানায়। সে যেন নিতান্ত অল্পগ্রহ করিয়াই তাকে টাকাগুলি দিয়া গেল। পাটগুলি যে লইয়া সে যেন একটা

তুচ্ছ উপলক্ষ্য মাত্র ।

বেপারী চলিয়া গেলে বউ ঘরের মধ্য হইতে আসিয়া আজাহেরকে বলিল, 'বলি, আমাগো বাড়ির উনি এত বোকা ক্যান ? সে দিন মাইপা পাট ঐল ছাব্বিশ মন । আর আজই বেপারী আইসা সেই পাট মাইপা কুড়ি মন করল । ও-বাড়ির মিনাজদী মোড়লেরে ডাইকা আইনা পাটের একটা বুঝ কইরা নিলি ঐত না ?'

'বাল কতাই কইছ তুমি । আমার উয়া মনেই আসে নাই । যাক—খোদা নছিবে যা লেখছে তাই ত আমি পাব । এর বেশ কিডা দিবি !'

এ কথার উপরে আর কথা চলে না । তবু বউর মনটা ঝুঁৎঝুঁৎ করিতেছিল ।

বউকে খুশী করিবার জন্ত আজাহের বলিল, 'আইজই রহিমদী কারিগরের বাড়ি তা তোমার জন্ত একখানা পাছা পাইড়া শাড়ী কিন্তা আনিগা ।'

বউ বলিল, 'আমার শাড়ীর কাম নাই । আগে শরৎ সাহার কর্জ টাহাড়া দিয়া আসুক গিয়া ।'

'বাল কতাই কইছ তুমি । আমি এহনি যামু শরৎ সার বাড়ি ।' গোটা তিরিশেক টাকা কোমরে বাঁধিয়া বাকি টাকাগুলি আজাহের ঘরের মেঝেয় গর্ত ঝুঁড়িয়া একটা হাঁড়িতে পুরিয়া তাহার মধ্যে পুঁতিয়া রাখিল । বউ তাড়াতাড়ি সেই গর্তটি মাটি দিয়া বুজাইয়া তাহার উপরটা লেপিয়া ফেলিল ।

ছুপরের রোদে আজাহের সেই কোমরে বাঁধা টাকাগুলি লইয়া শরৎ সাহার বাড়ির দিকে রওয়ানা হইল ।

আলিপুরের ওধারে সাহা পাড়া । হালটের দুইধারে বড় বড় টিনের ঘরওয়ালা বাড়িগুলি । আম, জাম, কাঁঠালগাছগুলি শাখা বাহু বিস্তার করিয়া এই গ্রামগুলিকে অঙ্ককার করিয়া রাখিয়াছে । হালটের পথে সাহাদের স্থানর স্থানর ছেলে মেয়েগুলি খেলা করিতেছে । তাহাদের প্রায় সকলের গলাতেই মোটা মোটা সোনার হার । কাহারো বাহুতে সোনার তাবিজ বাঁধা । কপালে সিঁহুর পরিয়া কাঁখে পিতলের কলসী লইয়া দলে দলে সাহা গৃহিণীরা নদীতে জল আনিতে বাইতেছে ! তাহাদের কাঁধের ঘষামাজা পিতলের কলসীর উপর সকাল বেলায় রোজ পড়িয়া বকবক করিতেছে । সাহারা এই অঞ্চলে সব চাইতে অবস্থাপন্ন জাতি, কিন্তু পানীর জলের জন্ত মুসলমানদের মত তাহারা

বাড়িতে টিউবওয়েল বা পাতকুয়া বসায় না। তাহাদের মেয়েরাই নদী হইতে জল লইয়া আসে। সেই জন্ত গ্রামে কলেরা হইলে আগে সাহা পাড়ায় আরম্ভ হয়। নানা রকমের সংক্রামক রোগে তাই ধীরে ধীরে উহাদের বংশ লোপ পাইতে বলিয়াছে।

পূর্বে সাহারা ব্যবসা-বাণিজ্যের জন্ত দেশে-বিদেশে গমন করিত। এ-দেশের মাল ও-দেশে লইয়া গিয়া, ও-দেশের মাল এ-দেশে আনিয়া তাহারা দেশের সম্পদ বাড়াইত। পল্লী-বাংলার অনেকগুলি রূপকথা তাই সাহা, সাধু-সওদাগরদের কাহিনীতে ভরপুর। আজও পল্লী গ্রামের গানের আসরগুলিতে গায়কেরা কত সাধু-সওদাগরের, শঙ্খ-বণিকের দূরের সফরের কাহিনী বর্ণনা করিয়া শতশত শ্রোতার মনোরঞ্জন করে। কবে কোন নীলা-সুন্দরীর মাথার কেশে-লেখা শ্রেম-লিপি পড়িয়া কোন সাহা-বণিকের ছেলে স্তূদর লঙ্কার বাণিজ্যে বসিয়া বিরহের অশ্রুবিন্দু বিসর্জন করিয়াছিল, তাহার ডেউ আজো গ্রাম-রাখালের ঝাঁপীতে রহিয়া রহিয়া বাজিয়া উঠে।

কিন্তু কিসে কি হইয়া গেল। সাহারা আয়াস-প্রিয় হইয়া পড়িল। চণ্ডীমঙ্গল কাব্যের অহুনা-পহুনার শাড়ীর অঞ্চল ছাড়িয়া তাহার আর সংগ্রাম-সঙ্কুল বিদেশের বাণিজ্যে যাইতে চাহিল না। পূর্ব বাংলার দেশ-বিদেশের বাণিজ্য ভার সাহাদের হাত হইতে সরিয়া গিয়া বিদেশী মাড়োয়ারী এবং অন্যান্য জাতির উপর পড়িল। নানা বিলাস ব্যসনে ডুবিতে ডুবিতে তাহারা লাভ-মূল সবই গোয়াইল। বাংলার সাহা সমাজ কুসীদজীবী পরিণত হইল, সামান্ত ব্যবসা-বাণিজ্য যা তাহারা করে তাহাও নামে মাত্র। এখন তাহাদের মুখ্য ব্যবসা মূর্থ গোঁয়ো চাষীদের মধ্যে উচ্চাঙ্গের হুদে টাক, খাটান।

সাহাদের প্রত্যেক বাড়িতে একখানা করিয়া বৈঠকখানা। সেই বৈঠকখানার একধারে চৌকি পাতা। তাহার উপরে চাদর বিছান। তারই এক কোণে কাঠের একটি বাজ সামনে নিয়া বাড়ির মূল মহাজন বসিয়া থাকেন। পাশে দুই একজন বৃদ্ধ বয়সের গোমস্তা। ডানাভাঙ্গা চশমায় হুতো বাঁধিয়া কানের সঙ্গে আটকাইয়া তাহারা বড় বড় হিসাবের খাতা লেখ। মূল মহাজন মাঝে মাঝে কানে কানে কি বলিয়া, ন। তাহারা ইসারায় সায় দিয়া আবার খাতা লেখায় মনোনিবেশ করে। মহাজনের মাথার উপর গৌরাজ্জদেবের

সন্ন্যাসের ফটো। তারই পাশে নামাবলি গায়ে হরিনাম-জপরত মহাজনের গুরুঠাকুর বা পিতৃদেবের ফটো। তাহার উপরে চন্দনের ফোঁটা। প্রতিদিন সকালে বিকালে ধূপ ধূনা দিয়া সেখানে নত হইয়া মহাজন পূজা করেন। এই সমস্ত উপকরণই যেন তার কুসীদজীবী নির্ধুর জীবনের মর্যাস্তিক উপহাস। ঘরের চৌকির ওপাশের মেঝে লেপাপোছ। একধারে কতকগুলি বস্তা গোটান। সমবেত খাতকেরা এবং টাউটেরা সেই বস্তার উপরে বসিয়া নানারকমের চাটুবাক্য বলিয়া মহাজনের মনস্তৃষ্টি করিবার চেষ্টা করে। একপাশে একটি আগুনের পাত্র। তাহা হইতে ঘুটের ধূয়া উঠিতেছে। তারই পাশে চার পাঁচটি পিতলের বাঁধান তেলো হুকো। তাহার একটি ব্রাহ্মণের জন্ত, একটি কায়স্থের জন্ত, একটি মূল মহাজনের জন্ত। সমবেত মুসলমান খাতকদের জন্ত কোন হুকো নাই। তাহারা কলিকাতেই তামাক সেবন করে। মহাজনের খাতাগুলি আবার নানা ধরনের। যাহারা তামা কাঁসা বন্ধক রাখিয়া অল্প টাকা লয় তাহাদের জন্ত এক খাতা, যাহারা জমি বন্ধক দিয়া টাকা লয় তাহাদের জন্ত এক খাতা, যাহারা সোনা-রূপা বন্ধক দিয়া টাকা লয় তাহাদের জন্ত এক খাতা। যাহারা কোনকিছু বন্ধক না দিয়াই টাকা কর্জ করে তাহাদের জন্ত অল্প খাতা। আবার যাহারা মহাজনের বাড়িতে তিন বৎসর খাটিয়া যাইবে এই অজুহাতে বিনা স্বদে টাকা কর্জ করিয়াছে তাহাদের খাতাও আলাদা। মহাজনের টাকা আবার নানা নামে খাটে। কতক টাকা কর্জ দেয় স্ত্রীর নামে, সেই কবে স্ত্রী বউ হইয়া ঘরে আসিয়াছিল, তখন মহাজনের পিতা দশটি টাকা দিয়া নব-বধুর মুখ দর্শন করিয়াছিলেন, আজ সেই টাকা স্বদে ফাঁপিয়া দশ হাজার টাকায় পরিণত হইয়াছে। তার ছেলে শহরে যাইয়া পড়াশুনা করে। জলপানের টাকা হইতে বাঁচাইয়া সে পিতার নিকট স্বদে খাটাইবার জন্ত পাঁচ টাকা দিয়াছিল তিন বৎসর আগে। তাহাও এখন স্বদে ফাঁপিয়া তিনশত টাকায় পরিণত হইয়াছে। এইভাবে নানা তহবিল হইতে মহাজনকে নানা প্রকারের টাকা কর্জ দিতে হয়।

ইহা ছাড়া ভূমি উত্তল বকেয়া, পূজার বৃত্তি, পুন্ডার বৃত্তি আরও কত রকমের ভটিল হিসাব তাহাকে রাগিতে হয়। মহাজনের গদীর অর্ধেক স্থান জুড়িয়া কেবল খাতার উপরে খাতা। কিন্তু এতসব খাতাতে দিনের পর দিন

চার পাঁচজন গোমস্তা বসিয়া শুধু কলমের খোঁচায় যে অঙ্কের উপর অঙ্কের দাগ বসাইয়া যাইতেছে, তাহার সবগুলি অঙ্কর মহাজনের কর্তৃত্ব। যদি বা কখনো এতটুকু ভুল হইবার উপক্রম হয় পাশের গোমস্তারা তাড়াতাড়ি করিয়া তাহা সংশোধন করিয়া দেয়।

সাহাপাড়ায় আসিয়া আজাহের দেখিল লোকে লোকারণ্য। আশে পাশের নানা গ্রাম হইতে চাষী মুসলমান ও নমঃশুদ্দেরা এখানে আসিয়া ভিড় করিয়াছে। কেহ টাকা কর্জ লইয়া হাসিতে হাসিতে বাড়ি যাইতেছে। কেহ কর্জ টাকা দিতে আসিয়া স্ত্রদের অঙ্ক শুনিয়া মহাজনের পা ধরিয়া কাঁদিতেছে, কেউ বউ-এর গহনা আনিয়া মহাজনের গদীতে ঢালিয়া দিতেছে। মহাজন নিস্তিতে করিয়া অতি সাবধানে সেই সোনা-রূপার গহনা মাপিয়া লইতেছে।

এইসব দেখিতে দেখিতে আজাহের শরৎ সাহার বাড়িতে আসিয়া উপস্থিত হইল। শরৎ সাহার বাড়িতে লোকজনের ভিড় খুব কম। কারণ কু-লোকে বদনাম রটাইয়াছে—চীনা ঝোঁকে ধরিলেও ছাড়িয়া যায় কিন্তু খাতকের শরীরে একবিন্দু রক্ত থাকিলেও শরৎ সাহা ছাড়ে না। এত যে তার টাকা, কিন্তু সকালে একমুঠা চাউল মুখে দিয়া সে জলযোগ করে। বাজার যখন ভাঙ্গি শেষ হয় হয়, সেই শেষ বাজারে শরৎ সাহা যাইয়া পচা পুঁটিমাছ অথবা টাকিমাছ কিনিয়া আনে। এজন্য গৃহিণীর সঙ্গে তাহার প্রায়ই ঠোকাঠুকি লাগে। বড় মেয়েটিকে বিবাহ দিয়াছে মানিকগঞ্জ গ্রামে। কাল জামাই আসিয়াছিল। এই খবর পাইয়াই শরৎ সাহা থিড়কির দরজা দিয়া ভাঙ্গা ছাতিঃ আড়াল করিয়া সেই যে সকাল বেলা তাগাদা করিতে ভাটপাড়ার গ্রামে গিয়াছি- আর কিরিয়া আসিয়াছে রাত বারোটার সময়। শব্দর বাড়িতে দুপুর বেলায় শুকনো ডাঁটার বোল আর পচা আউস চাউলের ভাত খাইয়া জামাই চলিয়া গিয়াছে। অতরায়ে বাড়িতে আসিয়া গৃহিণীকে ঘুমাইতে দেখিয়া আহ্লাদে শরৎ সাহার নাচিতে ইচ্ছা করিতেছিল। গৃহিণী জাগিয়া থাকিলে নথ নাঃ দিয়া বকিতে বকিতে তাহাকে সারা রাত্রি ঘুমাইতে দিত না। না হয় সে সারাদিন খায় নাই কিন্তু রাত্রিটা ত সে ঘুমাইতে পারিবে। এই আনন্দে সে কলসী হইতে তিন ঘাস জল লইয়া এক মুঠা চাউলসহ গলাধঃকরণ করিয়া ঘুমাইয়া পড়িয়াছে। কিন্তু সকাল বেলা উঠিয়া গৃহিণীর হাত হইতে সে নিস্তার পায় নাই। যতই

সকাল আফিক করার অভূহাতে সে মালা-চন্দন লইয়া জপে মনোবোগ দিতে চেষ্টা করিয়াছে গৃহণীর ঝংকার ততই উদার। মুদার। ছাড়াইয়া তারায়—পঞ্চমে উঠিয়াছে।

পরে গৃহণীর জালায় অস্থির হইয়া সে বলিয়াছে—‘ভাল মাহুষের বউ ! একটু মন দিয়ে শোন। জামাইয়ের সঙ্গে যদি আমি দেখা করতাম তবে বাজারে যেতে হ’ত। বড় একটা রুইমাছ না হলেও অন্ততঃ দেড় টাকা দিয়ে একটা ইলিস মাছ কিনতে হ’ত। দুধও আনতে হ’ত। বল ত পাঁচ টাকার কমে কি বাজার করতে পারতাম ? আমার বুকের পাজরের মত এই পাঁচটি টাকা বাজারে নিয়ে ঢেলে দিয়ে আসতে হত। এই পাঁচটাকা হুদে খাটালে পাঁচ বছরে দু’শো টাকা হবে। দশবছরে হাজার টাকা হবে।’

গৃহণী ঝংকার দিয়া উত্তর করিয়াছে, ‘ওরে মুখ-পোড়া ! টাকার প্রতি যদি তোর এত দরদ তবে মেয়ের জন্ম দিয়েছিলি কেন ? শস্তর বাড়িতে শুকনো ভাঁটার বোল খেয়ে খেয়ে জামাই আমার মেয়েকে যখন খোঁটা দিবে তখন কি তোর টাকা তার উত্তর দিতে যাবে ? আজ পাঁচ বছর মেয়েটাকে বিয়ে দিয়েছি, একখানা পান-বাতাসা হাতে করে মেয়েটাকে দেখে এলো না। মেয়েকে আনার নাম করলে ত চোখ কপালে ওঠে।’

শরৎ সাহা এবার রাগিয়া উত্তর করিয়াছে, ‘সব কাজেই কেবল তোমার খরচ করবার মতলব ! কিসে দু’টো পয়সা আসে সে দিকে খেয়াল নেই। ছিলে ত গরীব বাপের বাড়ি, এক বেলাও উম্মনে হাঁড়ি চড়তো না !’

তারপর গৃহণীর সঙ্গে শরৎ সাহা হার যে ধরনের কথাবার্তা হইয়াছে পৃথিবীর কোন ভাষা তাহা ধরিয়া রাখিবার শক্তি রাখে না। গৃহণী এরূপ পুনরায় ঝাঝিয়া উঠিয়া বলিল—‘কি ! তুমি আমার বাপের খোঁটা দিয়ে কথা বল ? বলি ও যুয়ান কি শোগা ! তোর মত বুড়ো শ্রমজীবীর সঙ্গে আমার বিয়ে দিয়ে আমার বাপ মা যে তোকে সাতকুলে উঠিয়েছে তা কি তোর মনে নেই ? তোর ঘরে খেটে আমি জীবন কষ্ট করলাম, একদিন একখানা ভাল শাড়ী কারে কষ্ট দেখলাম না।’

‘শাড়ীরই যদি দরকার তবে তোমার বাপ মা তোমাকে তাঁতীদের বাড়ি বিয়ে দিল না কেন ?’

‘তাও যদি দিত আমার শতগুণে ভাল হ’ত। তোর বাড়িতে এসে কোনদিন একটা মিষ্টি কথা শুনতে পেলাম না। দিনরাত তোর শুধু টাকা, টাকা, টাকা। বলি ও গোলামের নাতি! সারাদিন টো টো করে ঘোরো খাতকের পাড়ায়, আর বাড়িতে এসে মহাজনি খাতা সামনে করে মরা-থেকো শকুনের মত বসে থাকো। বলি ও কুড়ের নাতি!—তোর ঐ খাতাপতর আজ আমি উহনে দিয়ে পুড়িয়ে ফেলব।’

‘আহা হা গিন্নি রাগ করে না। এই খাতাপতরগুলো হ’ল আমার বৃকের পাজর। ওর পাতা ছিঁড়লে আমি বাঁচবো না। একটা কথা শোন—লোকে বলে শরৎ সাহা খায় না। তার শরীরে বল নেই। কিন্তু আমার বল যে ওই হিসাবের খাতাগুলো। ও গুলো দিনে দিনে যত বাড়ে আমার বৃকের তাগতও তত বাড়ে, একথা কেউ জানে না। এই খাতাগুলোর জ্বোরে আজ আমি দশ গ্রামের মাদা একটা কেউকেটা। আমার হুকুমে বাঘে-গরুতে এক ঘাটে জল খায়। তোমার যে দশটাকা ভাটপাড়া গায়ে হুদে খাটিয়েছিলাম, চার বছরে তা বেড়ে এক’শ টাকা হয়েছে। কাল সেই টাকাটা পেয়েছি।’

‘দাঁও তবে আমার সে টাকা। সেই টাকা দিয়ে আমি মেয়ের বাড়িতে তব পাঠাব।’

‘এইত, এই তুমি একটা বোকার মত কথা বললে। টাকা কি আমি বাড়িতে নিয়ে এসেছি? তখন তখনই টাকাটা অপরের কাছে হুদে লাগিয়ে এলাম। যদি বাড়িতে নিয়ে আসতাম, সারারাত তাই পাহারা দি’- ঘুম আসত না। লোকে বলে, শরৎ সাহা লাখপতি না কোটীপতি, কিন্তু বাঘে-গরু নাম করে প্রতিজ্ঞা করে বলতে পারি—জীবনে কোনদিন একত্রে পাঁচশ’ টাকার মুণও দেখি নি!’

‘তবে তোমার অত মুরদ কিসের—?’

‘আরে গিন্নি—একটু মনোযোগ দিয়ে শোন। আমার লাখ টাকা আছে না কোটীটাকা আছে তা তোমাকে দেখাতে পারব না, কিন্তু আমার সারাটি জীবনভর পাওনা-গণ্ডার হিসাব লিখে যত সব খাতাপতর লিখেছি তা মাটিতে বিছিয়ে দিলে গয়া, কানী, বৃন্দাবন পর্বন্ত সমস্ত পথ আমি মুড়ে ফেলতে পারি। টাকা, টাকা, টাকা! টাকা ঘরে এনে কি হবে! টাকায় টাকা

আনে। সেই জন্ত টাকা ছড়িয়ে দিয়েছি। আমার পাঁচ'শ জন খাতক আছে সুন্দরবন অঞ্চলে। হাজার ঘর খাতক আছে বঙ্গোপসাগরের উপরে কুতুবদিয়ার চরে। দশ হাজার খাতক আছে সম্বীপে, ভাটপাড়া, মুরালদাহ, কত গ্রামের নাম তোমাকে বলবো। মুন্সীগঞ্জে ইকিড়ি মিকিড়ি কথা বলে, বেদের দল, নায়ে নায়ে ঘুরে বেড়ায়, সেখানে আছে আমার বিশ হাজার খাতক। তুমি গিরি তুলসীতলায় পেন্নাম করে আমার জন্ত দেবতার আশীর্বাদ এনো। আর যদি কুড়ি বছর বেঁচে থাকি তবে কৃষ্ণের গোলকখানি আমার খাতকে ভরে যাবে। জান গিন্নি, মাধে কি লোকে বলে আমার নাম শরৎ সাহা !'

'পাড়ার লোকে বলে—সকাল বেলা উঠে তোমার নাম যদি মুখে আসে তবে সেদিন তাদের আহার জোটে না। কঙ্কুস যক্ষ কোথাকার ! আমার কাশি দিয়ে রক্ত পড়ছে কতদিন। লোকে বলে যক্ষা হয়েছে। আমার জন্ত একফোঁটা ঔষধ কিনে আনলে না ?'

'তোমাকে না বলেছিলাম রামেরাজকে ডেকে জল পড়িয়ে থেও। তা খাবে কেন ! তোমার কেবল টাকা খরচের দিকে মন !'

'রামেরাজের পড়া জল ত কত খেলাম কিন্তু আমার অস্থগ তো একটুও কমলো না। দেখ, তোমার পায়ে পড়ি আমাকে একটু ভাল ঔষধ আনিয়ে দাও।'

'দেখ গিন্নি ! টাকা পয়সা খরচের দিকে তুমি কিছুতেই আমাকে নিতে পারবে না। তোমার আগে আমি আরও দুই বিয়ে করেছিলাম। বড় বউও সুন্দরী কম ছিল না। সারিপাতিক জর হ'ল, মারা গেল, পয়সা খরচ করে ডাক্তার দেখালাম না। তারপর যিনি এলেন, তার ছিল বড় ঝাঁজ, এই তোমারই মতন, একদিন সিঁদুকের চাবি চুরি করে টাকা বের করে তার বাপকে দিয়েছিল। আমি তার মুখে কলকে পোড়া দিয়ে ছাপ লাগিয়ে দিয়েছিলাম। সেই জঁজায় সে গলায় দড়ি দিয়ে মরল।'

'তার মরে সকল জালা জুড়িয়েছে। ওগো তোমার পায়ে পড়ি, তুমি আমাকে গলাটিপে মেরে ফেল। তোমার মত কঙ্কুসের ঘর করার চেয়ে আমার মরাও ভাল। বলি ও মরা কাঠ ! তোর ঐ টাকা কে খাবে ? আমার এমন সুন্দর ছেলেটি পাঁচ বছর বয়সে বাড়ির এখানে সেখানে হরিণের মত ঘুরতো।

ওলাউঠা ব্যারাম হোল। বিনা চিকিৎসায় মারা গেল। পয়সা খরচ হবে বলে একজন ডাক্তার এনে দেখালে না।’

এমন সময় বাহিরে গলা-খাকারি দিয়া আজাহের ডাক ছাড়িল, ‘সাজীমশায় বাড়ি আছেন নাকি?’

আজাহারের কণ্ঠস্বর শুনিয়া গৃহিণী অন্তরে চলিয়া গেল।

বস্তুতঃ গৃহিণীর সঙ্গে উপরোক্ত বাক্যালাপ করিয়া শরৎ সাহাৰ মেজাজ খারাপ হইয়া পড়িয়াছিল কিন্তু খাতকের কণ্ঠস্বর যেন বাঁশীর স্বরের মত তাহাকে আপন মূৰ্ত্তিতে প্রতিষ্ঠিত করিল।

পাঁচ

‘বলি, সাজী মশায় ! বাড়ি আছেন নাকি ?’

‘এই দুপুর বেলা কে এলে ? আজ্ঞাহের নাকি ?’

‘স্যালাম কর্তা স্যালাম ।’

‘স্যালাম, স্যালাম ;—তা কি মনে করে আজ্ঞাহের ?’

‘এই আইলাম কর্তা, আপনার টাছা কয়ডা দিবার জন্তি ।’

‘বটে ! এরই মধ্যে টাকা জোগাড় করে ফেললি ! তুই ত কম পাজ নোস রে !’

‘হে কর্তা ! আজই পাট বেচলাম কিনা । তা বাবলাম আপনার টাকা কয়ডা দিয়া আসি ।’

‘তা কত টাকা পাট বেচলি ?’

‘এই বেশী নয় সাজী মশায় । চাইর কুড়ি টাছা ।’

সাজী মশায় এবারে চেয়ারের উপর একটু ঘুরিয়া বসিলেন । আজ্ঞাহের মাটির উপর একখানা বস্তা টান দিয়া তাহার উপর বসিল ।

বলিল, ‘কিরে এত টাকার পাট বেচেছিস ? তবে এবার এক কাজ কর । এই টাকা দিয়ে আরো কিছু জমি কিনে ফেল ।’

‘জমি আর কেমন কইরা কিনব কর্তা ! আপনার কর্ত্ত টাছা শোধ দিতি অবি । তা ছাড়া বছরের খোরাকী আছে ।’

‘আরে আমার টাকার জন্য তুই ভাবিস নি । পনের টাকার ভারি ত হুদ । মাসে মাত্র দু’আনা কম দু’টাকা ! এ তুই যখন পারিস দিস । এক কাজ কর গে, পলার চরে আমার দুই বিঘে জমি আছে । তার দাম দুশ’ টাকা । তা তোকে আমি একশ’ টাকায় দিতে পারি ।’

‘এত টাছা কোথায় পাব কর্তা ! মাত্র চার কুড়ি টাছা পাট বেচছি ।’

‘তার জন্য ভাবিস না । তুই আশি টাকা এখন দে । তারপর আগাম

সবু জমিতে ফসল হলে বাকি টাকাটা দিয়ে দিস।’

‘এত দয়া যদি করেন কর্তা, তা এলে ত গরীব মানুষ আমরা বাইচা বাই।’

‘আরে গরীব-গরবা দেখতে হয় বলেই ত মায়া গেলাম। এই দেখ, চরের জমিটার জন্য ও পাড়ার কলু সেখ এসে সেদিন একশ’ পঞ্চাশ টাকা নিয়ে কত সাধাসাধি। কিন্তু তোকে দেখে একশ’ টাকাতেই দিয়ে ফেললাম। আমার গিন্নি ত আমার উপর রেগেই আছে। বলে যত গরীব-গরবাকে দয়া করা তোমার কারবার। আরে দয়া কি আমি করি—দয়া উপরওয়ালার।’ এই বলিয়া সাজী মশায় দুই হাত কপালে ঠেকাইলেন।

কলিকাটি আগুনের পাণ্ডের কাছে পড়িয়া ছিল। কথা বলিতে বলিতে আজাহের তাহাতে তামাক ভরিয়া নিখুঁত হাতে তার উপর আগুন সাজাইয়া সাজী মশায়ের হাতে দিল। সাজী মশায় সামনের রূপা বাঁধান হুকোটর মাথায় কলিকাটি বসাইয়া খানিকক্ষণ টানিয়া আজাহেরের হাতে দিল। দুই হাতের আঙ্গুলের মধ্যে কলকেটি স্থন্দর করিয়া জড়াইয়া আজাহের সমস্ত শরীরের দম লইয়া গলগল করিয়া কলিকাটিতে টান দিল। টানের চোটে কলকের মাথায় আগুন জলিয়া উঠিল। নাকে মুখে একরাশ ধূয়া বাহির করিয়া আজাহের কহিল—‘তা বাইবা দেহি সাজী মশায়। ও বেলা আসপানি।’

‘অত ভাবিস যদি, কাজ নেই তোর জমি কিনে। শাজ বিকালে কালু সেখের আসার কথা আছে। সে যদি আরো কিছু দাম ঝড়ায় তবে হয়ত তাকেই দিয়ে ফেলতে হবে। তোর বরাত মন্দ—কি করবো?’

‘না, সাজী মশায়! আমি একে দৌড়ে যাব আর আসপ। আপনি ভমিনটা অন্যরে দিবেন না।’

‘আরে হাকিম নড়ে ত হকুম নড়ে না। কথা যখন একবার তোকে দিয়ে ফেলেছি তখন তুই যদি জমি নিস অন্য কাউকে দেব না। তাড়াতাড়ি টাকা নিয়ে আয়।’

আজাহের সাজী মশায়কে সালাম করিয়া তাড়াতাড়ি টাকার জন্য বাড়িতে ছুটিল।

জীবন ভরিয়া আজাহের বাহুবের কাছে শুধু ঠকিয়েছে। কতবার সে

প্রতিজ্ঞা করিয়াছে—আর সে মানুষকে বিশ্বাস করিবে না। নিজের প্রাপ্য একটি কানাকড়িও সে কাউকে ছাড়িয়া দিবে না। কিন্তু হতভাগ্য আজাহের জানে না, এই পৃথিবীতে যাহারা ঠকাইয়া বেড়ায়, নিত্য নিত্য তাহারা নিজেদের পোষাক বদলাইয়া চলে, কখনও ধর্ম-নেতার বেশে, কখনও বা গ্রাম্য-মোড়লের বেশে, কত ছদ্মবেশেই যে এই ঠকের দল ঘুরিয়া বেড়াইতেছে, মুর্থ আজাহের কি করিয়া তাহাদের হাত হইতে রক্ষা পাইবে! এ-পথে সাপিনীর ভয়, ও-পথে বাঘে খায়। এই ত জীবনের পথ।

বাড়ি হইতে টাকা লইয়া আসিতে আসিতে আজাহেরের মনে হু'একবার যে সাজী মশায়ের সাধুতার প্রতি সন্দেহ না হইল তাহা নহে, কিন্তু এমন ধার্মিক লোক, এমন মিষ্টি যার মুখের কথা, এমন ধোপ-দোরস্ত পোষাক পরিয়া যে সব সময় ফেরে, তার প্রতি কি সত্য সত্যই সন্দেহ করা যায়! নিজের মনে মনে সে তাহার সাধুতার প্রতি যে সন্দেহ পোষণ করিয়াছে, সে জন্ত সে অনেক অহুতাপ করিল। সাজী মশায়ের বাড়ি গিয়া, নিশ্চিন্তমনে আশিটি টাকা সে গুনিয়া দিয়া আসিল। না লইল কোন রসিদ পত্র, না রহিল কোন সাক্ষী-সাবুদ!

সাজী মশায় হাসিয়া বলিল, 'তাহলে আজাহের আজ হ'তে তুই জমির মালিক হ'লি।'

আহ্লাদে আজাহেরের বুকখানা ছুলিয়া উঠিল। সাজী মশায়কে সালাম জানাইয়া জোরে জোরে সে পা চালাইয়া বাড়ি চলিল। যাইবার সময় আজাহেরের নাচিতে ইচ্ছা করিতেছিল। সব মিলিয়া এখন তাহার চারি বিঘা পরিমাণ জমি হইল। সেই চারি বিঘা জমিতে আজাহের পাট বুনিবে, ধান বুনিবে, সরষে ফলাইবে, মটরশুটি ফলাইবে। তার বউ সেই খেতে এক মাথা ঘোমটা পরিয়া শাক তুলিতে আসিবে।

সত্য সত্যই আজাহরের জমিতে সোনা ফলিল। চার বিঘা জমির দুই বিঘাতে সে পাট বুনিয়েছে আর দুই বিঘাতে ধান। পাটের ডগাগুলি যেন ল্যাক ল্যাক করিয়া আকাশ ছুঁতে চায়। আর তার জমিতে যা ধান হইয়াছে, মেঘভরা আসমানখানা কে যেন তাহার জমিতে লেপিয়া দিয়াছে। বৈশাখ-জ্যৈষ্ঠ চলিয়া গেল। আষাঢ় মাসের শেষের দিকে খেতের শোভা দেখিয়া আজাহরের আর বাড়িতে আসিতে ইচ্ছা করে না। খেতের মধ্যে একটা ঘাস গজাইলেই সে তাহা নিড়াইয়া ফেলে। তার চার বিঘা জমির উপর দিয়া যখন বাতাস ঢলিয়া যায়, তখন তার অন্তরের মধ্যেও ঢেউ খেলিয়া যায়। সমস্ত খেতের শস্যগুলি যেন তার সম্মান। আজাহরের ইচ্ছা করে, প্রত্যেকটি ধানের গাছ ধরিয়া, প্রত্যেকটি পাটের চারা ধরিয়া সে আদর করিয়া আসে।

সন্ধ্যা বেলায় আজাহর ঘরে ফিরিয়া যায়। ঘরে ফিরিতে ফিরিতেও আজাহর দুই তিনবার তার খেতের দিকে পিছন ফিরিয়া চায়। খেতের শোভা দেখিয়া তার আশ মেটে না। বাড়ি আসিয়া দেখে বউ রান্না করিতেছে। তারই পাশে একখানা পিঁড়ি পাতিয়া বসিয়া আজাহর বউ-এর সঙ্গে গল্প করিতে বসে। আর কোন গল্প নয়! ধানখেতের গল্প, পাটখেতের গল্প। ও-পাড়ার বরান খা আজ আজাহরের খেতের আলি দিয়া যাইতে যাইতে বলিয়া গিয়াছে, তোমার খেতে খুব কামিল-কারী করিয়াছ মিঞা! তোমার ধানখেত না যেন সবুজ টিয়া পাখিগুলি শুইয়া আছে।

সেই কথা আজাহর আরো বাড়াইয়া বউ-এর কাছে বলে। শুনিতে শুনিতে বউ-এর মুখ খুলিতে ভরিয়া উঠে।

তারপর গামছার একটি খোট খুলিয়া আজাহর বলে, ‘আমার পাটখেতে বউটুবানী ফুল ঐছিল। তোমার জন্তি নিয়া ইলাম।’

ফুলগুলিকে খোঁপায় জড়াইতে জড়াইতে বলে, ‘ওবেলা যে পাট শাক ভুইলা

আনবার কইছিলাম, তা আমাগো বাড়ির উনি আনছে নি ?’

‘তাহ, পাট শাক আমার তুলতি ইচ্ছা করে না। ওরা যখন বাতাসের সঙ্গে হেইলা ছুইলা ল্যাগ ল্যাগ করে আমার মনে অন্ন যিনি ওরা আমাগো পোলাপান। ওগো গায় ব্যথা দিতি মনডা য্যান কেমন করে।’

বউ এবার কতকটা লজ্জা লজ্জা ভাব মিশাইয়া বলে, ‘দেহ তোমারে একটা কথা কইবার চাই।’

‘আমাগো বাড়ির উনি কি কতা কইবার চায় হনি ?’

‘না কব না।’

‘ক্যান কইবা না! কইতি অবি।’ আজাহের যাইয়া বউ-এর হাতখানা ধরে।

‘ছাইড়া দাও। খুব লাগতাছে।’

‘না ছাড়ু ম না।’

এবার বউ আজাহেরের হাতখানায় কৃত্রিম কামড় দিতে গেল।

আজাহের বলে, ‘আইচ্ছা কামড়াও, কুস্তা যখন ঐছ, তহন কামড়াও।’

‘কি আমাগো বাড়ির উনি আমারে কুস্তা কইল ? আমি কুহু কতা কব না।’

‘না না কুস্তা ঐবা ক্যান ? তুমি ঐলা আমার ধানখেত, তুমি ঐলা আমার পাটখেত। তোমারে আমি নিড়িয়া দিব। তোমার গায়ে আমি পানি ডালব।’

‘হ হ বুজা গ্যাছে। তুমি খালি কতার নাগর। সারাদিন খেতে বইসা থাক। আমার কতা একবার মনেও কর না। কও ত! খালি বাড়ি, আমি একলা বউ থাকি কি কইরা ? যাও তুমি তোমার পাট লইয়াই থাক গিয়া। রান্তিরি আর বাড়ি আইলা ক্যান ?’ বলিতে বলিতে বউ কাঁদিয়া দিল।)

সত্য সত্যই একথা ত আজাহেরের মনে হয় নাই। গত তিন মাস সে মাঠে মাঠেই কাটাইয়াছে। বাড়ি আসিয়া বউ-এর সঙ্গে খেত-খামারের কথাই আলাপ করিয়াছে। বউ-এর দিন কেমন করিয়া কাটে, সে কেমন আছে তাহার দিকে ত আজাহের একবারও ফিরিল না। কঁধের গামছার খোঁটে বউ-এর চোখ মুছিতে মুছিতে আজাহের নিজের কাঁদিয়া ফেলিল। সত্য

সত্যই ত বউ-এর ঠোঁট ছ'খানা যেন কেমন নীল হইয়া গিয়াছে, শরীর যেমন ভারভার। বউ-এর একখানা হাত নিজের বুকের মধ্যে পুরিয়া আজাহের বলে, 'মনি! তুমি রাগ কইর না। আমি চাষা মাহুষ। তোমারে কি কইরা আদর-যতন করতি অবি তা জানি ছা। আহা! তোমার সোনার অঙ্গ মইলান অয়া গ্যাছে। আমি কি করবরে আজ্ঞ?'

এবার বউ গিল গিল করিয়া হাসিয়া উঠিল। 'কেমন তুমারে জ্ঞপ করলাম কি না?'

'আচ্ছা আমি পরাস্ত মানলাম। এবার কও ত সোনা! কি কতা কইবার চাইছিল।'

'কইলি কি অবি? তুমি বুজ্বা না।'

'আচ্ছা কওই না একবার?'

'অঃইজ দুই মাস হইরা আমার কেবলই গা বমি বমি করে, কিছুই খাইবার ইচ্ছা করে না।'

'তয় এদ্বিন কও নাই ক্যান? আমি এহনি রামেরাজেরে ডাইকা আনবানি, তোমারে ওখুধ করবার জন্তিই।'

আজাহেরের মুখে একটা ঠোকনা দিয়া বউ বলিল, 'তুমি কিছুই বোঝ না।'

'ক্যান বুঝব না? তোমার অস্থখ ঐছে। আমি বুঝব না ত কিডা বুঝবি? তুমি বইস, আমি রামেরাজেরে ডাইকা আনি গিয়া।'

'আরে শোন? আমার খালি চাড়া চাবাইতে ইচ্ছা করে।'

'তা ঐলি তুমার অস্থখ আরো কঠিন। রামেরাজেরে এহনি ডাকতি অবি।'

আজাহেরের মুখে আরও একটা ঠোকনা খারিয়া বউ বলিল,—'তুমি ছাই বোঝ।'

এবার বউ হাসিয়া গড়াইয়া পড়িল। আজাহের ব্যস্ত হইয়া গামছা-খানা মাথায় জড়াইয়া রামেরাজের বাড়ি যায়ই আরকি! বউ তাহার হাত ছ'খানা ধরিয়া বলিল—'শোনই না একবার? আমারে দেইখা ও-বাড়ির বুজী কইছে কি জানো?'

'কি কইছে? কও—কও।'

বউ আর একটু লজ্জিত হাসি হাসিয়া বলিল, ‘আমি কইবার পারব না ।
আমার সরম লাগে ।’

‘আমার স্নানা, আমার নক্কী । তুমি আমারে কও । আমার কাছে
তুমার সরম किसির ?’

‘তবে তুমি আমার মুহির দিহে চাইবার পারবা না । ওই দিগে চাও,
আমি কই ।’

আজাহের পিছন ফিরিয়া চাহিয়া বলিল, ‘এই আমি দুই হাতে চোখ বন্দ
করলাম, এবার তুমি কও ।’

‘তুমি কইলা না ? তুমার খ্যাতেৰ ধানগুলান তুমার কাছে किसির মত
লাগে যিনি ?’

এবার আজাহের বউ-এর দিকে ফিরিয়া চাহিয়া বলিল, ‘কইলাম ত খ্যাতেৰ
ধানগুলি না যেন আমার এক খ্যাত ভরা পুলাগুলি নাচত্যাছে ।’

বউ আজাহেরের মুখের দিকে ঝড়ভাবে চাহিয়া বলিল, ‘খাও তুমি আমার
দিগে চাইতাছ ।’

‘না না এই যে আমি অন্ত দিগে চাইলাম ।’

‘ও-বাড়ির বুজী কইছে কি, আর কয়মাস পরে আমার তাই এব ।’

‘কি কইলা ? পুলা এব ! আমার পুলা এব ! ও মাতবরের বেটা, হইনা
যান । হইনা যান । রবানের বাপরে ডাক দেন ।’

‘আরে চূপ চূপ ! মাহুষ ছনলি কি কইবি !’ বউ তার দু’খানা কোমল
হাত দিয়া আজাহেরের মুখখানা চাপিয়া ধারিল । কিন্তু আজাহেরের মনের
খুশীর তুফানে সেই স্নন্দর হাত দু’খানা কোথায় ভাসিয়া গেল । ডাক শুনিয়া
মিনাজাদী মাতবর আসিয়া উপস্থিত হইল । রবানের বাপ আসিয়া উপস্থিত,
বউ ত লজ্জায় মাটির সঙ্গে মিশিয়া যাইতে চায় । সেদিকে আজাহেরের কোন
খেয়ালই নাই ।

‘কি আজাহের খবর কি ?’

‘বসেন মাতবর সাহেব । খবর বড় ভাল খবর । আমাগো ও-পাড়ার বচন
মোল্লায়ে ডাক দিতি অবি । রহিমদী কারিগরয়েও ডাক্তি অবি ?’

‘ক্যান মিঞা ! লগনডা কি ?’

‘লগন আর কি। আমার বাড়িউয়ালী, কইবার ত চায় না। অনেক নিরায়া পিরায়া করতি করতি তয় কইছে, আর কয়মাস পরে আমার একটা পুলা অবি।’

বউ রান্নাঘরের ও-পাশ হইতে আত্মাহেরকে কত রকম ইসারা করিতেছে সেদিকে আত্মাহেরের খেয়ালই নাই।

‘বুজছেন নি মাতবরের পো? আমার একটা পুলা অবি। খ্যাতে যহন দুইপার বেলা ভিষ্টাতে ছাতি ফাইটা বাইতি চাৰি তহন আমার পুলা পানির বদনা নিয়া খ্যাতে খাবি। তামুক সাইজা নিয়া হাতে উক্কা দিবি। পুлар হাতে লাঙলের গুটি সইপা দিয়া একপাশে দাঁড়ায় তামুক খাব আর পুлар হাল বাওয়া দেখপ।’

‘খুব খুশীর কতা আত্মাহের। তবে আইজ খুশীর দিনি তোমার বাড়ি একটু গান-বাঁজন। ওক। পাড়াও, আমি গোরামের সগলরে ডাক দিয়া আনি। তুমি পান-তামুক জোগাড় কর।’

আধঘণ্টার মধ্যে আত্মাহেরের সমস্ত বাড়িপানা ভরিয়া গেল। ও-পাড়া হইতে রহিমদী কারিগর আসিল। বচন মোল্লা আসিল। তিলাজুদী, ডুমুরদী কেউ কোথাও বাদ রহিল না। খুজুরীর বাঁজনায় আর গ্রাম্য-গানের সুরে সমস্ত গ্রামখানা নাচিয়া উঠিল।

প্রায় শেষ রাত পর্যন্ত গ্রামবাসীরা আনন্দ কোলাহল করিয়া যার যার বাড়িতে চলিয়া গেল।

অভিমানে কপট-রোষে বউ বলিল,—‘বলি আমাগো বাড়ির মর কি লজ্জা সরম একেবারেই নাই? এত লোকের মধ্যে ওই কথা কইল সরম করল না?’

‘সরম আবার কিসির। আমাগো পুলা অবি। তা সগলরে জানাইয়া দিলাম। আমি এবার পুлар বাপ। ও-পাড়ার বড়ু। এতটুকুন ছাওয়াল, আমারে ডাকে, ও আত্মাহের! হইনা যাও। ইচ্ছা করে যে মার এক খাপর তার মুখ পাইচা। আমি যেন কেউকেডা নই! এবার মানষি জাহ্নুক আমি পুлар বাপ। আমার গুণে যদি আমারে মানতি না চায় আমার পুлар গুণে মানবি।’

‘পুলা হওয়ার আগেই ত তুমি অহঙ্কারে ফাইটা পড়ল। আগে পুলা

হোক ত ।’

তারপর দুইজনে বিছানায় শুইয়া গলাগলি ধরিয়া কথা আরম্ভ হইল । এবার পাট বেচিয়া আজাহের ছেলের পায়ের কাঁজ কিনিয়া আনিবে । নারিকেল গাছের পাতা দিয়া ভেপু বাঁশী বানাইবে । বউ ছেলের কাঁথার উপর বিড়াল আঁকিয়া রাখিবে । ছেলে দুধের বাটি মুখে দিতে দিতে বলিবে,—‘ওমা ! বিলাই খেদাইয়া যাও । আমার দুধ খায়া গেল ।’

আজাহের বলে,—সে ছেলের জন্ত শোলা কাটিয়া পাখি বানাইয়া দিবে । ছেলে তার মাকে ডাকিয়া বলিবে,—‘ওমা ! আমারে ত খাইবার দিল । আমার পাখিরে ত দিল না ?’

এমনই কত রকমের কথা । ছেলে বড় হইয়া খেত হইতে ধান কুড়াইয়া আনিবে । মাকে আসিয়া বলিবে ‘ওমা ! এখুনি আমারে এই ধান দিয়া পিঠা বানায় দাও ।’

‘এমনই কথায় কথায় কখন যে রাত কাটিয়া গেল, তাহারা টেরও পাইল না ।

সাত

আষাঢ় মাসের পর শ্রাবণের মাঝামাঝি ঘন বৃষ্টি পড়িতেছে। চারিদিক অন্ধকার করিয়া আকাশ ভরা মেঘ। বর্ষার জল আসিয়া সমস্ত গ্রামখানাকে ভরিয়া তুলিয়াছে। আউস ধানের খেতগুলিতে কে যেন সোনা ছড়াইয়া দিয়াছে।

কলার ভেলাখানি লগিতে ঠেলিতে ঠেলিতে আজাহের তাহার খেতে আসিয়া উপস্থিত হইল। মোটা মোটা আউস ধানের ছড়াগুলি এক হাঁটু জলের উপরে মাথা তুলিয়া বাতাসে ছুলিয়া স্বগন্ধ ছড়াইতেছিল। এদের প্রত্যেকটি ধানের গুচ্ছের সঙ্গে আজাহেরের পরিচয় আছে। ওরা এতটুকু ছিল। নিড়াইয়া কুড়াইয়া সে তাহাদের এতবড় করিয়াছে। আর দুই তিন-দিন যদি বর্ষার জল না বাড়ে তবে আজাহের আঁটি আঁটি ধান কাটিয়া বাড়ি লইয়া যাইবে। খেতের মধ্যে কোথা হইতে কতকগুলি আগাছা পানা আসিয়া জড় হইয়াছে। সে একটি একটি করিয়া পানা তুলিয়া তাহার ভেলায় আনিয়া জড় করিতে লাগিল। সেগুলি সে অন্ত্র ফেলিয়া দিবে।

এমন সময় শরৎ সাহা একখানা নৌকায় করিয়া আট দশজন জন-মজুর লইয়া খেতের কাছে আসিয়া উপস্থিত হইল।

‘সাজী মশায় স্তালাম।’ আজাহের সেলাম করিয়া জিজ্ঞাসা করে। ‘তাঁ কি মনে কইরা?’

‘এই এলাম দেখতে খেতের ধানগুলো পেকেছে কিনা। ওরে,—তোর দাড়িয়ে রইলি কেন? কেটে ফেল ধানগুলো?’

আট দশজন জন-মজুর কাস্তে লইয়া ধান কাটিতে আরম্ভ করিল। অনেকজন আজাহের কোন কথাই বলিতে পারিল না। তাহারই খেতের ধান অপরে কাটিয়া লয়। কিন্তু কি করিয়া প্রতিবাদ করে আজাহের তাহা যে জানে না।

শরৎ সাহা তাহার পুরাতন চশমা জোড়া চাদরের খোঁটে মুছিতে মুছিতে তাহার লোকজনদের বলে,—‘ওরে তাড়াতাড়ি কর, তাড়াতাড়ি কর।

একদিনের মধ্যেই সমস্ত ধান কেটে নিয়ে যেতে হবে। এখন কলিকালের দিন ত। কে কোথা থেকে এসে বাধা দেয় বজা ত যায় না।’

নিজের খেতের ধানগুলি উহারা লইয়া যাইতেছে। কান্তের আঘাতে ধানগুলি খসখস করিয়া কাটিতেছে। আজাহরের বৃকের ভিতরে যাইয়া যেন কান্তের আঘাত লাগিতেছে। সে হঠাৎ খেতের একপাশে দাঁড়ানো শরৎ সাহার কাছে গিয়া শুকমুখে বলিল, ‘দোহাই সাজী মশায়! আমার খেতের ধান কাটপেন না।’

শরৎ সাহা যেন আকাশ হইতে পড়িয়া গেল, ‘শুনছ মিঞারা! বললাম না? কলিকাল কাকে বলেছে? তোর জমিতে আমি ধান কাটতে এসেছি? জমি তোর? তোর দখলে আছে? পরচা আছে? আরে আজাহর! কলিকাল হ’লেও ধরাটাকে সরা জ্ঞান করা যায় না। আজ আশি বছর ধরে আমার বাবার আমল থেকে এই জমি ভোগ-দখল করছি আর আজ তুই এসে বলছিস, এ জমি আমার!’

আজাহর এ কথার আর কি জবাব দিবে? সে শুধু বলিল, ‘সাজী মশায়! আপনারা ভদ্র নোক, মুগি যা বলেন, তাই লোকে বিশ্বাস করবি। কিন্তুক আইজও রাইত দিন বইতাছে। কন ত দেহি গত সন ভাদ্র মাসে চার কুড়ি টাকা নিয়া এই জমি আমারে দিছিলেন কিনা? উচা মুখে ছোট কথা কইবেন না।’

সাজী মশায় কাষ্ঠ হাসি হাসিয়া বলিলেন, ‘শোন মিঞারা। আশি টাকায় দুই বিঘে জমি ওকে আমি দিয়েছিলাম। দুই বিঘে জমির দাম দু’শ টাকা? ও আমার নাত জামাই কি না! সেই খাতিরে ওকে আশি টাকায় জমি দিয়েছিলাম।’

‘দিছিলেন না সাজী মশায়? কইছিলেন না, এখন আশি টাকা দে, আগামী সন পাট বেইচা বাকি কুড়ি টাকা দিস। আমি নিজির হাতে চার কুড়ি টাকা আপনারে গইনা দিয়া আইলাম।’

এইসব কথা শুনিয়া কামলারা ধান কাটা রাখিয়া দাঁড়াইয়াছিল। শরৎ সাহা তাদের তাড়া দিয়া বলিলেন, ‘আরে মিঞারা শীগগির শীগগির কর। দেখছ না কোথাকার বাতাস কোথায় গিয়ে লাগে।’

মজুরেরা আবার কাজ আরম্ভ করছিল। আজাহের সাজী মশায়ের পা দু'টি জড়াইয়া বলিল, 'সাজী মশায়! আপনারও যদি জমিন অয়, আমি ত ধান বুনাইছি। সারা বছর কি খায়া থাকপ? অর্দ্ধেক আমার জন্ত রাইখা যান।'।

সাজী মহাশয় পা দিয়া আজাহেরকে বাড়া দিয়া ফেলিয়া বলিল, 'তুমি কি খাবে তার খবর কি আমি রাখব? জমি চাষ করেছ। আমার কাছ থেকে গত বছর পনের টাকা কর্ত্ত নিয়েছিলে। তারই স্তদে তুমি আমার জমি চাষ করেছ।'।

মজুরেরা ধান কাটিতেই ছিল। আজাহের এবার তাহাদের সামনে আসিয়া দুই হাত উর্দ্ধে তুলিয়া চিৎকার করিয়া উঠিল,—'দোহাই দিছি কোম্পানী বাহাদুরের, দোহাই মহারাণী মার। মিক্রারা তোমরা আগ্গাওরে, আমার জমির ধান কাইটা লয়া গেল। ও মাতবরের পো ও বরান খা। তোমরা আগ্গাও—আমার জমির ধান কাইটা লয়া গেল।'।

চিৎকার শুনিয়া মিনাজ্জদী মাতবর নৌকা বাহিয়া আসিয়া উপস্থিত হইল। তাহার নৌকায় দশ বার জন লোক। বরান খাও কলার ভেলা বাহিয়া আসিল।

আজাহের এবার আরো জোরে চিৎকার করিয়া বলিতে লাগিল, 'দোহাই দিছি কোম্পানীওয়ালার, দোহাই দিছি ইংরাজ বাহাদুরের, মিক্রারা তোমরা দেউপা যাও, আমার জমির ধান কাইটা লয়া গেল।'।

শরৎ সাহা আস্তে আস্তে তার লোকজনদের বলিল, 'আঃ, তোরা এসব কথার মধ্যে থাকবিনে। তাড়াতাড়ি ধান কেটে ফেল। ডাল নাম দেব আজকের রোজের।'।

মিনাজ্জদী মাতবর শরৎ সাহাকে ঠিক্জাসা করিল,—'বলি সাজী মশায়! খবরডা কি?'

'এই যে মাতবর এসেছ, ভালই হ'য়েছে। তোমরাই এর বিচার কর। তোমরা ছোটলোক হ'লেও তোমাদের মধ্যেও ত জায়-অজায় বিচার আছে। তোমাকেই সালিস মানলাম তুমি এর বিচার কর।'।

'ওমন কথা মুহিও আনবেন না কর্ত্তা। আপনারা ইচ্ছেন মানি লোক।

আপনাগো বিচার আমরা করতি পারি ? কতাদা কি তাই আগে আমাকে বলেন ।’

‘শোন তবে বলি মাতবর । জানত তোমার অল্পরোধেই সে বছর আমি ওকে পনের টাকা কর্জ দিলাম । গত ভাদ্র মাসে ও আমাকে গিয়ে ধরল, কর্তা, গরীব মাছুষ । এবারকার স্ত্রদের টাকা দিতে পারব না । হাতে পায়ে ধরতে লাগল । তখন কি করি । দয়ার শরীর ত । তোমরা আমাকে যাই মনে কর না কেন, কেউ এসে ধরলে আমি আপনা থেকেই গলে যাই । গলে যখন গেলাম তখন আর কি করি । বললাম, আমার দুই বিধা জমি চাষ করে দে, এ বছর তোর থেকে আর কোন স্ত্র নেব না । এখন মাতবর, সবাই বলে ছোটজাত, তা ছোটজাত হলেই কি লোকের ধর্ম-জ্ঞান থাকে না । এখন আজাহের বলে যে ওর জমিতে ও ধান বুনেছে । আমি জোর করে সেই ধান কাটতে এসেছি ।’

‘দেখেন সাজী মশায় ! বার বার ছোটজাত কইছেন । আপনারাত বড়জাত, কিন্তুক বড়জাতের মত ব্যবহারডা ত দেখলামনা ।’

‘মিনাজন্দী মুখ সামলে কথা কইও । মনে রেখ তুমিও আমার কাছে দু’শ টাকা ধারী ।’

‘মুখ সামলাব কার কাছে মশায় । আপনার ত কুত্তার মুখ । আমি জানি না ? গত সন ভাদ্র মাসে এই বেচারী গরীব মানষির কাছ খাইকা আশি টাহা নিছেন জমির দাম । আইজ কইবার আইছেন জমি আপনার । দয়ার শরীর আপনার, জমিটা এরে দয়া কইরাই বুনবার দিছেন ! আজ দয়া কইরাই গরীব মানষির মুখির বাত কইড়া নিবার আইছেন । এ জমির ধান আপনারে কাটপার দিব না ।’

‘দেখ মিনাজন্দী ! সাপ নিয়ে খেলা খেলছ—মনে রেখ । সদর কোর্ট, দেওয়ানী আদালত । মনে যেন থাকে । বড়শি দিয়ে টেনে এনে তবে নাগর-দোলায় চড়াব ।’

‘আরে মশায় ! দেখাওগ্যা তোমার দেওয়ানী আদালত । আমাগো আদালতের বিচারডা আগে কইরা নেই । আজাহের চক্ষি দেখতাহ না ? ধান কাটপার লাইগা যাও ।’

মিনাজন্দী মাতব্বরের লোকজনেরাও আজাহরের সঙ্গে ধান কাটা আরম্ভ করিয়া দিল।

শরৎ সাহা খানিকক্ষণ চাহিয়া দেখিয়া তাহার লোকজন লইয়া চলিয়া গেল।

সত্য সত্যই মিনাজন্দী মাতব্বরের লোক আজাহরের গেতের সমস্ত ধান একদিনেই কাটিয়া আনিল। আজাহরের সমস্ত বাড়িখানা ধানে ভরিয়া গেল। আজাহর উঠানের এক পাশে ধানগুলি পরিপাটি করিয়া সাজাইল! সমস্ত বাড়িখানা নতুন ধানের গন্ধে ভরিয়া গেল। আজাহর একবার ধানের পালার দিকে চাহে আর একবার পাকা ধানেরই মত গায়ের রং তার বউ-এর দিকে চাহে। বউ-এর আজ মোটেই অবসর নাই। ধান উড়াইতে, ধান রোদে দিতে কোন্ দিক দিয়া যে বেলা কাটিয়া যায় তা বুঝিতেও পারে না। বর্ষার দিনে যখন তখন মেঘ করিয়া বৃষ্টি নামে। তাড়াতাড়ি উঠানের ধানগুলি ঘরে আনিতে হয়। এত যে কাজ তবু তার এতটুকু পরিশ্রম হয় না। •

সময় মত পাওয়া হয় না। স্তম্ভর করিয়া খোঁপা বাঁধা হয় না। বউ-এর সারা গায়ে ধানের দ্বিটো জড়ানো। মাথার চুলে গুচ্ছ গুচ্ছ ধান ঝুলিতেছে। এগুলিতে আজ তাকে দাক্ষণ মানাইয়াছে। আজাহর হাবে সোনা-রূপার গহনা পরিয়া সাজিয়া গুজিয়া যদি বউ থাকিত তাতেও তাকে মতটা মানাইত না।

ধান কাটা হইতে না হইতেই পাট আনিয়া আজাহর বাড়িতে জড় করিল।

এই সব কাজ কর্মে আজাহর শরৎ সাহার ভয় দেখাওয়ার কথা সমস্তই ভুলিয়া গেল। গত বছর পাট বেচিয়া আজাহর ঠকিয়াছি। এবার সে কিছুতেই ঠকিবে না। গ্রামের কড়িয়া, পাটের বেপারীরা—নানা রকম গাল-গল্প করিয়া আজাহরের প্রশংসা করিয়া বুথাই করিয়া গেল। আজাহর সমস্ত পাট মাপিয়া পাঁচ সের করিয়া ধড়া বাঁধিয়া মিনাজন্দী মাতব্বরের নৌকায় করিয়া ফরিদপুরের হাটে খাইয়া পাট বেচিয়া আসিল। এবার পাট বেচিয়া আজাহর পাঁচশত টাকা পাইল। এই টাকা আনিয়া সে একটা নাটির হাড়িতে আবদ্ধ করিয়া হাড়িটি ঘরের মেঝেয় পুতিয়া রাখিল।

সেদিন টিপ টিপ করিয়া বৃষ্টি হইতেছিল। গ্রামের দুই তিনজন লোকের

সঙ্গে আজাহের ঘরের বারান্দায় বসিয়া গল্প করিতেছিল আর পাটের দড়ি পাকাইতেছিল। এমন সময় আচকান পায়জামা পরা দুইজন যুবক মৌলবী আসিয়া ডাকিল,—‘আজাহের মিঞা বাড়ি আছেন না কি?’

আজাহের তাড়াতাড়ি ঘরের মধ্যে বাইয়া পাড়ার একটা ছোকরাকে কি বেন বলিল। সেই ছোকরাটি কাছে আসিয়া জিজ্ঞাসা করিল,—‘আজাহের মিঞারে কি জন্তি?’

মৌলবী দুইজন বললেন, ‘আমরা পীরপুরের মোলানা সাহেবের তালেব-এলেম। মোলানা সাহেব এদেশে তছরীফ আনছেন। সেই জন্ত আজাহের মিঞারে খবর বলতে আইলাম।’

আজাহের ঘরের মধ্য হইতে সমস্তই শুনিতেছিল। সে বুঝিতে পারিল উহারা মৌলবী সাহেবের লোক, শহর হইতে পরওয়ানা লইয়া কোন পেয়াদা আসে নাই, সে তাড়াতাড়ি আসিয়া তালেব-এলেমদের সামনে দাঁড়াইল। তাঁহারা আচ্ছানামু আলায়কুম বলিয়া আজাহেরের হাত ধরিয়া দরজা পড়িল। এমন সম্মানের সহিত আজাহেরের সঙ্গে কেহই ব্যবহার করে নাই। আজাহের মৌলবীদের ব্যবহারে একেবারে মোহিত হইয়া গেল। মৌলবীদের মধ্যে যে একটু বড় সে আজাহেরের মুণের কাছে হাত হোঁয়াইয়া সেই হাত চুষন করিয়া কহিলেন, ‘গ্রামে আসতেই খবর শুনলাম, আজাহের মিঞা, তা নামেও যেমনি কামেও তেমনি। আগন্নার মতন ভাগ্যবান লোক ছুনিয়ায় হয় না।’

দ্বিতীয় মৌলবী আরবী হইতে স্বর করিয়া একটা গ্লোক পাড়লেন, ‘খোদাওয়ান তায়লা জাল্লা জালা লুহ কোরান শরীফ মে ফরমাইয়াছেন,—আয়ুসোবিলাছে মিনাশ শয়তানের রাজ্জিম। অর্থাৎ কিনা যে নাকি পরহেজগার নেকবস্ত আল্লাহ তায়লা হঠাৎ তার কপালডারে খ্যাড়ের পালাডার মত উচা কইরা দেন।’

বড় মৌলবী তার স্বর আরো একটু চড়া করিয়া পড়িলেন,—‘আলহামদো-লিল্লাহে রকেল আলামিন আর রহমানের রহিমে মালেকে ইয়াউমেদিন।’ অর্থাৎ কিনা, আমার খোদাওয়ান করিম বলেছেন—হে আমার বান্দাগণ, আমার যদি হুকুম না হয় তবে হস্তী দিয়াও তুমি মাকড়ের আঁশ ছিঁড়বার

পারবা না। খোদাওয়ান তায়লা আরো বইলাছেন, আমার যদি হুকুম না হয় তবে বন্দুক দিয়া ঝাণ্ড কইরা, কাতরা লাঠি কড়াল মাইরা একটা বনের মশারেও তুমি মারবার পারবা না।’

এই পর্বস্ত বলিয়া বড় মৌলবী সাহেব হাঁপাইতে লাগিলেন, ছোট মৌলবী সাহেব আরম্ভ করিলেন,—‘আমার খোদা জালালাহ পাক পরওয়ারদেগার আরো ফরমাইয়াছেন, হে আমার বান্দাগণ আমি যদি ইচ্ছা করি, আমার যদি দিলে কয় তবে আকাশের চান্টার উপরে আমি একজন পথের ফকিরকে বসাইতে পারি।’

প্রথম মৌলবী এবার তছবীহ্ জপিতে জপিতে কাঁদিয়াই কেলিলেন।

‘দেখ মিঞা আজাহের! খোদা আইজ তোমারে মুখ ভুইল্যা চাইলেন। আকাশের চান-স্বরুজ্ঞ আইনা তোমার হাতে দিলেন। গ্রামের সকল লোক তোমার নসিবেব জন্ত হিন্দা করবি।’ আজাহের সমস্ত শুনিয়া অবাক হইয়া ভাবিতেছিল,—কি সৌভাগ্য আজ তাহার হইল।

দ্বিতীয় মৌলবী এবার খুব ভোরে থানিক মোনাজাত করিয়া বলিলেন,—‘দেখেন মিঞা আজাহের! আজ পিরান পীর চয়দে মক্কা-মদীনা শাহুক্ষি মোহাম্মদ তজ্জ্বর আলি পাকসার সাহেব ভনাবে নিজামুদ্দীন আলায়হে ছালাম পীরপুরী আপনার বাড়িতে তছরীফ আনত্যাছেন। পীর সাহেবের বজরা শরীফ বাদামতলীর ঘাট হইতে রওয়ানা হয়। আপনার বাড়ির দিক আসত্যাছে।’

দ্বিতীয় মৌলবী আবার বলিতে আরম্ভ করিলেন, ‘দেখেন মিঞা আজাহের! খোদার তারিফের কি খুবী, ঐ গেরামে আরো তো কত নালেম, কাজেল, জমিদার, ভোদার সাহেবান আছেন। তারা সকলেই পীর সাহেবকে পাইলে তোলা তোলা চান্দি রূপার মত তানারে মাথায় করিয়া নিয়া যাব্যানে।’

প্রথম মৌলবী হাতের তছবীর মালাটি চুখন করিয়া বলিতে লাগিলেন, ‘ও গিরামের গৈজদ্দি খালাসী কাইল পীর সাহেবের দুই পা জড়ায়। ধইরা কত কান্তে লাগলেন। পীর সাহেব! একটু পায়ের ধূলি আমার বাড়িতে দিয়া যান। পীর সাহেব! রাজী হইলেন না। ১ আপনার কি ভাগ্য যে বিনি দাওয়াতে পীর সাহেব আজই আপনার বাড়িতে তছরীফ আনত্যাছেন। ওই

যে খলা জল-পিংলাসের নাও সাজায়া পীর সাহেব আসত্যাছেন। জলদী বাড়ির ভিতর যান। পীর সাহেবের জন্ত স্নানমিষ্টান্ন তয়্যার করেন গ্যা।’

এই সব শুনিয়া আজাহেরের মন আনন্দে মশগুল হইয়া গেল। সত্যই ত কত বড় সৌভাগ্য তার। সে তাড়াতাড়ি বাড়ির ভিতর বাইয়া তিনটি মুরগী জবাই করিয়া ফেলিল। বউকে তাড়াতাড়ি ভাত রাঁধিতে বলিয়া দিল। মিনাজদী মাতব্বরের বাড়ি হইতে হাতল ভাঙ্গা চেয়ারখানা আনিয়া পীর সাহেবের বসার জায়গা করিল। পীরপুরের মৌলানা সাহেব আজাহেরের বাড়িতে আসিতেছেন। এ খবর শুনিয়া গ্রামের আরো আট দশজন লোক তাহার বাড়িতে আসিয়া উপস্থিত হইল। পীর সাহেবের প্রেরিত তালেব-এলেম দুইজন তাহাদের সকলেরই হাতে হাত মিলাইয়া দরুদ পড়িলেন এবং তাহাদের দাড়িতে হাত ছুঁয়াইয়া সেই হাত চুশন করিলেন। গ্রামের লোকেরা যেন কৃতার্থ হইয়া গেল। তাহারা সকলেই স্বীকার করিল, এমন বড় মৌলানা তাহাদের দেশে আর কখনও আসে নাই। সুতরাং আজাহের তাহার গরুর ঘরখানা পরিষ্কার করিয়া ঋড়ি বিছাইয়া তাহার উপরে খেজুরের পাটির বিছানা পাতিয়া রাখুক।

শুভক্ষণে মৌলানা সাহেবের বজরা আজাহেরের বাড়ির খাটে আসিয়া ভিড়িল। ছোট ছোট ছেলে মেয়েরা জল-পিংলাসের নৌকা কখনও দেখে নাই। তাহারা দৌড়াদৌড়ি করিয়া নৌকা দেখিতে আসিল। আজাহেরের গায়ে কাঁটা দিয়া উঠিল। প্রকাণ্ড বজরার মধ্যে মৌলানা সাহেব বসিয়া তছবীহ্ জপ করিতেছেন। পৃথিবীর কোন দিকে তাহার খেয়াল নাই। মনে হয় যেন শত শত বৎসর ধরিয়া তিনি এই ভাবেই তছবীহ্ জপ করিতেছেন। বিশ্বয় বিস্ফারিত নয়নে আজাহের মৌলানা সাহেবের দিকে চাহিয়া রহিল। মৌলানা সাহেবের গালভরা পাকা দাড়ি, তাতে লাল খেজুর মাখা। গায়ে খুব দামী সিল্কের শোষাক। এতবড় লোক আজ তাহার বাড়িতে তছরীফ আনিয়াছেন। তালেব-এলেমরা আজাহেরের কানে কানে আসিয়া কহিল, ‘আজাহের মিঞা! শীগ্গির যায়া থালির উপরে পান আর দশটা টাকা মৌলানা সাহেবের সামনে নজর ধরেন, এতবড় মৌলানা তানার মান ত রাখতি অবি।’

সুতরাং পাট বেচা টাকা হইতে দশটি টাকা লইয়া আজাহের তাহার মাটির সানকির উপরে রাখিল। তার পাশে কয়েকটি পান সাজাইয়া আজাহের মোলানা সাহেবের সামনে আসিয়া নজর ধরিল। মোলানা সাহেব যত্ন হাশ্বে আজাহেরকে করুণা করিয়া টাকা দশটি জায়নামাজের পাটির একপাশে রাখিয়া দিলেন, যেন ছনিয়াদারীর কোনই খেয়াল রাখেন না। সাক্ষরদ দুইজন চোখের ইসারায় আজাহেরকে দেখাইলেন, কত খোদাপরস্ত তাঁহাদের পীর সাহেব।

মোলানা সাহেবের সাক্ষরদরের উপদেশ ও পরামর্শে দুপুরের আহারটা মোলানা সাহেবের উত্তমরূপেই হইল। রাতে মোলবী সাহেব ওয়াজ করিবেন। মিনাভদ্বী মাতব্বরের সঙ্গে পরামর্শ করিয়া আজাহের দুই গ্রামের সকল লোক দাওয়া করিয়া আসিল। রাতে আজাহেরের উঠানের উপর চাদোয়া টাঙ্গান হইল। তাহার তলে পীরান পীর মোলানা সাহেব মোলুদ পড়িতে আরম্ভ করিলেন। চারি পাশে গ্রামের লোকেরা বিশ্বয় বিস্ফারিত নয়নে মোলবী সাহেবের ওয়াজ (বক্তৃতা) শ্রুতিতে লাগিল। প্রথমে তিন চারি জন তালেব-এ-লেম লইয়া মোলবী সাহেব আরবী এবং ফারসীতে গজল পড়িলেন। তারপর হৃদীর্ঘ মোনাজাত করিয়া মোলবী সাহেব আরম্ভ করিলেন, ‘খোদা তায়াল! জাল্লা জালালুহ পাক পরওয়ানদেগার কোরান শরিফমে ফরমাইয়াছেন’ এই পর্বস্ত বলিতেই গায়ের একটি বৃদ্ধ লোক আহা হা করিয়া কাঁদিয়া উঠিল, মোলানা সাহেব তাহার শ্রুতি একটা শুন দৃষ্টিপাত করিয়াই আবার আরম্ভ করিলেন,—‘আমার খোদা কি ফরমাইয়াছেন, হে আমার বান্দাগণ! যদি তোমাদের বাড়িতে কোন মোলবী আসিয়া উপস্থিত হন, তিনি মাথায় করিয়া খোদার রহমত নিয়া আসেন। তখন কি হয়? চারজন ফেরেস্তা একটা বেহেস্তি চাদরের চার কানি ধরিয়া সেই গেরস্তের বাড়ির উপরে আসিয়া দাঁড়ায়। গেরস্তের যদি মোলবী সাহেবকে দেখিয়া তাড়াতাড়ি আসিয়া তাহার সঙ্গে আচ্ছালামু আলায়কুম না করে তবে কি হয়? ওই যে চারজন ফেরেস্তা চাদরের এক কানি ছাইড়া দেয়। তারপর যদি গেরস্ত ওজুর পানি ও জায়নামাজের পাটি আইন মোলবী সাহেবের সামনে না ধরে, তবে দ্বিতীয় ফেরেস্তা চাদরের আর এক কানি ছাইড়া দিয়া যায়।

তারপর গেরস্ত যদি তাজিমের সাথে মৌলবী সাহেবের সামনে খানাপিনা না খেয়ে অর্থাৎ কিনা মুরগী জবাই কইরা খুব ভালমত তাকে না খাওয়াইলো তখন তৃতীয় ফেরেস্তা চাদরের আর এক কানি ছাইড়া দিয়া যায়। শোনের মিশ্র সাহেবরা, আমার কথা নয় আমার খোদা বইলাছেন, তারপর সেই গেরস্ত যদি মৌলবী সাহেবের সামনে কিছু নজরানা না দেন তখন সেই চতুর্থ ফেরেস্তা কান্তে কান্তে বলে, ‘হারে কমবস্ত তোর বাড়িতে আমার মৌলবী সাহেব বেহিস্তি নিয়ামত নিয়া আইছিল তুই তারে খালি হাতে বিদায় করলি ! যদি তার হাতে এক টাকাও ভাইরা দিতি আমার খোদা তোরে রোজহাশরের বিচারের দিন সত্তর টাকা বকশীস করত। এই বইলা ফিরেস্তা কানতি কানতি চইলা যায়।’ এই পর্যন্ত বলিয়া মৌলানা সাহেব বাম হস্তের রঙীন গামছা দিয়া চোখ মুছিলেন।

সভার মধ্যে বৃদ্ধ দুই একজন লোকও মৌলবী সাহেবের সঙ্গে সঙ্গে চোখ মুছিলেন। মৌলবী সাহেব আবার বলিতে লাগিলেন, ‘শোনের মোমিন মুসলমান ভাইরা—শোনের আমার ঈমানদার ভাইরা! আবার মৌলবী সাহেবকে যদি কেউ একটা ছাতি দান করেন—রোজ কোয়ামতের দিন সেই ছাতি তাহার মাথার উপরে ঝুলিতি থাকবি। এখানকার সূর্যের সত্তর গুণ গরম লইয়া সেদিন মাথার উপরে সূর্য উঠবি। এখানকার সূর্য আসমানের উপরে জলে কিন্তু সেদিনকার সূর্য মাথার আধ হাত উপরে জলবি। শোনের ভাই সাহেবরা, আমার মৌলবী সাহেবেরে যিনি আজ ছাতা দান করবেন সেদিন তাহার মাথায় সেই ছাতা শুধু ঠাণ্ডা হাওয়া ছাড়বি। একটুও গরম লাগবি না। শোনের আমার ঈমানদার ভাইরা, মৌলবী সাহেবের যে একজোড়া জুতা দান করবি, পুলছুরাতের পুলের উপর দিয়া সে যখন চলবি তখন ওই জুতা আইনা ফেরেস্তারা তার পায় পরাইয়া দিবি। সেই জুতা পায় দিয়া সে অনায়াসে পুলছুরাতের চুলের সেতু পার হয় বাবি। এই পর্যন্ত বলিয়া মৌলবী সাহেব হাঁপাইতে লাগিলেন। তালেব-এলেমরা হুস করিয়া গাহিতে লাগিলেন :

‘মৌলবীর মফেলেতে মোমবাতি চাহিরে

মৌলবীর মফেলেতে আতর গোলাপ চাহিরে

মৌলবীর মফেলেতে ছোরমাদানী চাহিরে
মৌলবীর মফেলেতে নজরানা চাহিরে ।’

কিছুক্ষণ বাদে হাতের ইশারায় তাহাদিগকে থামাইয়া দিয়া মৌলবী সাহেব আবার ওয়াজ করিতে আরম্ভ করিলেন, ‘খোদা ওয়ান্তায়ালা জল জালালুহ পাক পরওয়ারদেগার কোরান শরিকমে ফরমাইয়াছেন,—হে আমার বান্দাগণ, তোমরা কখনও আমার মৌলবী সাহেবের কথার অবহেলা করিবে না । যদি মৌলবী সাহেবকে অবহেলা কর তবে আমি তোমাদিগকে কখনও ক্ষমা করিব না । মৌলবী সাহেব হইল আমার নায়েবে-নবী । নায়েবে-নবী কারে কইছে ? আমার ভাইরা একটু খেয়াল করিয়া শুনবেন । যেমন আপনারা দেখছেন মহারাণীর চৌকিদার । এই চৌকিদারকে যদি কেহ অমান্ত করে, প্রথমে দারগা তাহার বিচার করব, দারগা যদি না করে হাকিম তাহার শিকার করব, হাকিম যদি না করে ছোট-লাট তাহার বিচার করব, ছোটলাট যদি বিচার না করে বড়লাট তাহার বিচার করব, বড়লাট যদি না করে মহারাণী নিজে আসিয়া তার বিচার করব । তা হইলে বোঝেন ভাই সাহেবরা, চৌকিদার যদি অপমান হৈল দারগা অপমান হৈল, ছোটলাট অপমান হৈল, বড়লাট অপমান হৈল, মহারাণী নিজে অপমান হৈল । এইরূপ নায়েবে-নবী হইলেন মৌলবী সাহেব ।’

এই পৰ্যন্ত বলিয়া মৌলবী সাহেব একটা গল্প আরম্ভ করিলেন : ‘একজন চাষী লোকের বাড়ি কবে একজন মৌলবী ফাইয়া উপস্থিত । চাষী তাহাকে ভালমত আদর না করাতে মৌলবী সাহেব বেজার হইয়া ফিরিয়া আসিলেন । তাহাতে সে বছর চাষীর খেতে ফসল হইল না । চাষীর পাঁচটে গরু আছড়াইয়া মরিয়া গেল ।’

তারপর চাষীর বউ কি করিয়া সেই মৌলবী সাহেবকে দাওয়াৎ করিয়া আনাইল কি করিয়া মৃত বলদগুলির প্রাণ দেওয়াইল এই সকল কথা মৌলবী সাহেব সবিস্তারে বর্ণনা করিলেন ।

কখনও কাঁদিয়া কখনও হাসাইয়া সমস্ত আসরকে তিনি ঘেন নিজের হাতের ক্রীড়নক করিয়া তুলিলেন । প্রায় শেষ রাতে আজাহরের বাড়িতে মৌলুদের বৈঠক ভাঙিল । সমবেত লোকেরা আহ্বার করিয়া যার যার

বাড়ি চলিয়া গেল। আজাহের তাহাদের খাওয়ার এত যে বন্দোবস্ত করিয়াছিল সে সকলের প্রশংসা তাহারা একবার মুখেও আনিব না। সকলের মুখেই মৌলবী সাহেবের তারিফ। এমন জবরদস্ত মৌলানা তাহারা জীবনে কখনও দেখে নাই। এমন অপূৰ্ব ওয়াজ তাহারা জীবনে কখনও শোনে নাই। স্বতরাং এ-বাড়িতে সে-বাড়িতে মৌলবী সাহেবকে আরো কয়েকদিন নিমন্ত্রণ রাখিতে হইল। গরীব গাঁয়ের লোকেরা সাধের অতীত অর্থ আনিয়া মৌলবী সাহেবের নজরানা দিয়া সন্তায় বেহেস্তের পথ প্রসার করিয়া লইল। যদিও অপরিচিত জেলার লোকেরা মৌলবী সাহেবের জন্ত ঘন ঘন পত্র লিখিতে লাগিলেন তথাপি আশে পাশের গ্রামগুলির মুসলমান ভাইদের ঈমানদারীর জন্ত মৌলবী সাহেব এখানেই কিছুদিন রহিয়া গেলেন।

উত্তেজনার প্রথম ঝুঁকিটি কাটিয়া গেলে, আজাহের আর তার বউ রাত্রিকালে অতি গোপনে মাটির তলা হইতে কলসীর টাকাগুলি উঠাইয়া গুনিতে বসিল। হায়! হায়! তাহারা করিয়াছে কি? এই কয়দিনে তাহারা তিনশত টাকা খরচ করিয়া ফেলিয়াছে। ওদিকে শরণ সাহার দেনা পড়িয়া রহিয়াছে। সেদিন কেমন করিয়া শরণ সাহা শাসাইয়া গিয়াছে, যদি সত্য সত্যই নালিশ করিয়া থাকে তবে উপায় হবে কি? অবশ্য মোড়ল তাহাকে অনেক সাহস দিয়াছে কিন্তু সদরের পয়ন আসিয়া যদি তাহার গরু বাছুর ক্রোক করিয়া লইয়া যায় তখন মোড়ল তাহাকে কতটুকু সাহায্য করিতে পারিবে?

আজাহেরের বউ-এর চোখ দু'টি জলে ভরিয়া উঠিল।

‘তুমি এমন নামাজুলের কাজ করলা ক্যান? এতগুলো টাকা এই কয়দিনের মধ্যে খরচ কইরা ফালাইলা।’

গামছার খোট দিয়া বউ-এর চোখ মুছাইতে বাইয়া আজাহের নিজেও কাঁদিয়া ফেলে।

তবু বউকে সাহস দেয়, ‘পরলোকের কাম ত করছি। এক পয়সা খরচ করলি রোজহাশরের নয়দানের দিন সস্তর পয়সা পাব। বউ তুমি কাইন্স না কি?’

পৃথিবীতে যাহারা কিছুই সঞ্চয় করিতে পারিল না পরলোকের সঞ্চয়ের স্বপ্ন রচনা করিয়া তাহারা কণিক সাধনা লাভ করে। কিন্তু রোজহাশরের ময়দানের স্থখ-স্থবিধার কথা আজাহের যতই ভাল করিয়া ভাবিতে যায় শরৎ সাহার শাসানির কথা ততই উজ্জল হইয়া তাহার মনে ভাসে।

আট

সেদিন আজাহের মাঠ হইতে এক আঁটি ঘাস মাথায় করিয়া বাড়ি আসিতেছে, দূর হইতে শুনিতে পাইল তাহার ঘরে ছোট্ট শিশুর ক্রন্দন। এমন সুর যেন আজাহের কোনদিন শোনে নাই। শিশুর মিষ্টি কান্না যেন আজাহেরের সকল অন্তরখানি ধীরে ধীরে দোলা দিতেছিল। আজাহের যা ভাবিতেছে তা যদি সত্য সত্যই হয় তবে যে আজাহেরের ভারি লজ্জা করে, সে কেমন করিয়া ঘরে যাইবে! আজাহের ঘাসের বোঝাটি মাটিতে নামাইয়া খানিক অগ্রসর হয়—আবার দাঁড়াইয়া দাঁড়াইয়া কান পাতিয়া শোনে। আজাহেরের কুঁড়ে-ঘরখানি ভরিয়া শিশু-কণ্ঠের কান্নার জ্যোৎস্না যেন চারিদিকে ছড়াইয়া পড়িতেছে। মনের খুশীতে আজাহের আরো খানিক অগ্রসর হয়! আবার দাঁড়াইয়া দাঁড়াইয়া সেই কান্না শোনে। কিন্তু তার যে ভারি লজ্জা করিতেছে। কেমন করিয়া সে ঘরে যাইবে! কিন্তু কি এক অপূর্ব রহস্য যেন তাকে রসি বাঁধিয়া বাড়ির দিকে লইয়া যাইতে চাহে। দু'এক পা যায় আজাহের আবার দাঁড়ায়।

শিশু-কণ্ঠের মিষ্টি কান্নায় যেন সমস্ত হুনিয়া ভরিয়া যায়। এবার বুকি সেই সুর খোদার আরশ পূর্বস্ত ধাওয়া করিবে, আর আজাহের হির থাকিতে পারে না। আন্তে আন্তে যাইয়া তার ঘরের পিছনে কচুগাছগুলির মধ্যে লুকাইয়া লুকাইয়া শিশুর কান্না শোনে। ঘরের মধ্যে মিনাজন্দী মাতব্বরের বউ আসিয়াছে। পাড়া হইতে আরো দু'চার জন স্ত্রীলোক আসিয়াছে। উঠানে ছোট ছোট ছেলেমেয়েরা কোতুলী দৃষ্টি লইয়া দাঁড়াইয়া আছে। এত লোকের মধ্যে আজাহের কেমন করিয়া ঘরে যাইবে? তাহার লজ্জা যেন শতগুণ বাড়িয়াছে। এমন সময় শিশুর নাড়ি কাটার জন্ত বাঁশের চার্চের সন্ধানে আসিয়া মিনাজন্দী মাতব্বরের বউ আজাহেরকে সেই কচুগাছের জড়লের মধ্যে আঁধার করিল।

‘ওমা, আজাহের! তুমি এখানে পালায়া রইছ, তুমার যে পুলা ঐছে।’

আজাহের তাড়াতাড়ি কচুগাছের আড়াল হইতে উঠিয়া বলিল, ‘ম্যা—

পুলা ঐছে ! কিন্তু আমার যে ভারি সরম লাগে !’

বাড়ির ভিতরে মেয়েরা খিলখিল করিয়া হাসিয়া উঠিল। ছোট ছোট ছেলের দল আসিয়া আজাহেরকে ঘিরিয়া ফেলিল—‘ও আজাহের চাচা ! তোমার পুলা ঐছে ।’

‘যা যা ভারি একটা ইয়া পাইছাস তোরা —আমার যে সরম লাগে তা বুঝতি পারস না ।’

ঘোমটার ভিতর থেকে মিনাজ্জদী মাতব্বরের বউ বলিল, ‘তা সরম করলি চলবি না। আমাগো ক্ষীর খাওয়াইতি অবি ।’

‘তা ক্ষীর খাইবা বাবি ! তাতে ত আমার আপত্তি নাই। আমি এখনই পাঁচ স্যার কুসাইরা মিঠাই আর দশ স্যার আপত চাইল কিন্তা আনতাছি—কিন্তুক—’আর বলিতে হইল না। একজন বর্ষীয়সী স্ত্রীলোক পোটলার মত আজাহেরের সেই শিশু পুত্রটিকে আনিয়া তার সামনে ধরিল।

‘দেহ আজাহের ! তোমার কি সুন্দর ছাওয়াল ঐছে ।’ খুশীতে আজাহেরের নাচিতে ইচ্ছা করিতেছিল। মুখে শুধু বলিল, ‘আমার যে সরম লাগে ইয়া তোমারা কেওই বুঝবার পার না ।’ বাড়িভরা মেয়ের দল তখন হাসিয়া গড়াইয়া পড়িতেছিল ! আজাহের তাড়াতাড়ি কোমরে গামছা বাঁধিয়া কুসাইয়ের গুড় কিনিবার জন্ত দোকানের দিকে ছুটিল।

নতুন শিশু পুত্রটিকে লইয়া আজাহের আর তার বউ বড়ই মুস্থিলে পড়িল। বাড়িতে বর্ষীয়সী কোন স্ত্রীলোক নাই। কেমন করিয়া শিশুকে দুধ খাওয়াইতে হইবে, কেমন করিয়া তাহাকে স্নান করাইতে হইবে, কিভাবে তাহাকে কোলে লইতে হইবে, কোন সময় কি ভাবে শিশুকে শোয়াইলে তাহাকে ডাইনীতে পায় না—এসব খবর তাহারা কেহই জানে না। আনাড়ী মাতা শিশুকে দুধ খাওয়াইতে বাইয়া তাহার সমস্ত গায় দুধ জড়াইয়া দেয়, স্নান করাইতে গিয়া শিশুর নাকে মুখে জল লাগিয়া সর্দি হয়। বেশী দুধ খাওয়াইয়া শিশুর পেটে অগ্ন্যধ্বনি বাধায়।

দৌড়াইয়া যায় আজাহের রামেরাজের বাড়ি। তুর্ক-তাবিজের মাহুলীতে শিশুর সকল অঙ্গ ভরিয়া যায়। পাড়া-পতিবেশীরা শিশুর ভালার জন্ত যে যেমন বিধান দেয়—ছুইজনে অন্ধরে অন্ধরে তাহা পালন করে। এই ভাবে

শিশু দিনে দিনে বাড়িতে থাকে ।

এখন তাহারা ঠেকিয়া ঠেকিয়া অনেক শিখিয়াছে । রাজে বাহির হইতে আসিয়া 'শিশুর ঘরে' প্রবেশ করিলে শিশুকে প্রেতে পায় । সন্ধ্যার পর শিশুকে বাহিরে আনিলে তাহার বাতাস লাগে । বাতাস লাগিয়া পেটের অস্থখ হয় । ডাইনী আসিয়া শিশুর সঙ্গে কথা কহিতে চেষ্টা করিলে তাহার 'জ্বর-চমকা' লাগে । এ জন্ত সাবধানও তাহারা কম হয় নাই ।

ঘরের দরজার পাশে একটা মরা-গরুর মাথার হাড় লটকাইয়া রাখিয়াছে । ডাইনীরা তাহা দেখিয়া পালাইয়া যাইবে । কে কখন শিশুকে দেখিয়া নজর দেয়, বলা যায় না ত ? সকলের চোখ ভাল না । তাহাতে শিশু রোগা হইয়া যাইতে পারে । উঠানের এক কোণে বাঁশ পুঁতিয়া তাহার উপরে রান্নাঘরের একটি ভাঙ্গা হাঁড়ি বসাইয়া রাখিয়াছে । ছেলের দিকে নজর দিলে সেই নজর আবার যদি সেই কালো হাঁড়ির উপর পড়ে তবে আর তাহাতে ছেলের কোন ক্ষতি হইবে না । ছেলের যাহাতে সদ্দি না লাগে সেই জন্ত তাহার গলায় একছড়া রত্নের মালা পবাইয়া দেওয়া হইয়াছে ।

শেষ রাজে শিশু জাগিয়া উঠিয়া হাত পা নাড়িয়া খেলা করিতে থাকে । শিশুর খল-খলানিতে বাপ মায়ের ঘুম ভাঙিয়া যায় । ভাড়া বেড়ার ফাঁক দিয়া শেষ রাজের চাঁদ আসিয়া শিশুর মুখের উপর পড়ে । আজাহের আর তার বউ দুইজনে শিশুর দুই পাশে বসিয়া নীরবে চাহিয়া থাকে । কেউ কোন কথা কয় না । তাদের বুকের যত কথা যেন মূর্তি ধরিয়া ওই শিশুর হাসির রঙে ঝলমল করিয়া তাহার নরম নরম হাত পা'গুলির দোলার সঙ্গে ঢুলিয়া সেই এতটুকুন দেহখানি ঘিরিয়া যেন টলমল করিতে থাকে ।

দুইজনে দুই পাশে বসিয়া কেবলই চাহিয়া থাকে । নিকটে—দূরে আমবাগান হইতে কোকিলগুলি আড়াআড়ি করিয়া ডাকিতে থাকে । কুব কুব করিয়া কানা কুয়া ডাকে । আকাশের কিনারায় তারাগুলি সারি বাঁধিয়া ঝিকঝিক করে ।

আজাহের আর তার বউ শিশুর মুখের পানে চাহিয়া নীরবে বসিয়া থাকে । দেখিয়া দেখিয়া যেন আর সাধ মেটে না !

আকাশের তারাগুলি ভাড়া ঘরের ফাঁক দিয়া উঁকি মারিয়া চায় । কলা

পাতার আড়াল হইতে এক ফালি চাঁদ আসিয়া শেষ রাত্তরের উত্তল বাতাসের সঙ্গে শিশুর মুখে নৃত্য করে ।

ওরা কি তাদের শিশুটিকে কাড়িয়া লইয়া যাইবে নাকি ? না না না । ‘তারার’ সঙ্গে ‘তারা’ হইয়া কতকাল তাদের এই শিশুটি আকাশ ভরিয়া থেলা করিয়া বেড়াইয়াছে । চাঁদের সঙ্গে চাঁদ হইয়া সারা আকাশ ভরিয়া সে ঘুরিয়া বেড়াইয়াছে । বাঁশী বাজাইয়া সেই চাঁদকে আজাহের ঘরে টানিয়া আনিয়াছে । আজ আকাশ ছাড়িয়া তাই তার ঘরের চাঁদকে দেখিতে আসিয়াছে । চাষার ছেলে আজাহের অভিশত ভাবিতে পারে কিনা কে জানে !

কিন্তু এই শিশু পুত্রটির মুখের পানে চাহিয়া সে যাহা ভাবিতেছে তাহা আকাশের ‘তারা’ অপেক্ষাও বলমূল করে, আকাশের চাঁদ অপেক্ষাও বিকম্বিক করে ।

ছেলেপল মুখের পানে চাহিয়া রাত শেষ হইয়া যায় । যেন ঐ শিশুটির মত আর একটি ‘শিশু-রবি’ পূব আকাশের কিনারায় রঙিন হইয়া হাসে ।

প্রভাতের নতুন আলোয় আজাহের বউ-এর মুখের দিকে তাকায় ।

রাঙা প্রভাতের মতই লজ্জায় রাঙা হইয়া বউ আজাহেরের দিকে তর্জনী তুলিয়া বলে, ‘যাও ।’

আজাহের তাড়াতাড়ি উঠিয়া লাঙল লইয়া খেতে ছোটে । বউ ঘর-গৃহস্থালীর কাজে মনোযোগ দেয় ।

নহা

কোথা হইতে থাকি রঙের জামা পরিয়া কোমরে চাপরাশ আঁটিয়া একটা লোক আসিয়া গ্রামে প্রবেশ করিল। গ্রামের কুকুরগুলি তাহাকে ঘিরিয়া ঘেউ ঘেউ করিতে লাগিল।

কোতুহলী গ্রামের অল্পবয়স্ক ছেলে-মেয়েরা হলা করিয়া কলরব করিয়া তাহার সঙ্গে সঙ্গে চলিল। সেই লোকটিকে দেখিয়া গ্রামের সাবধানী লোকেরা ফিস্ ফিস্ করিয়া বলাবলি করিতে লাগিল, ‘আদালতের পিয়ন আসিয়াছে। তোরা পালায়ে পালা।’

যে যেখানে পারিল পালাইল কিন্তু সেই লুকান-স্থান হইতে সকলেই তাহার গতিবিধি লক্ষ্য করিতে লাগিল। লোকটির দাপট-পদক্ষেপে সকলেরই বুক দ্রুত দ্রুত করিয়া কাঁপিতে লাগিল।

সারাদিন মাঠের কঠোর পরিশ্রম করিয়া দুপুর গড়াইয়া গেলে আজাহের ক্ষুধার্ত ব্যাঘ্রের মত ভাতের খালা সামনে লইয়া কেবল বসিয়াছে, এমন সময় সেই লোকটি তাহার বাড়ির সামনে আসিয়া কর্কশ কণ্ঠে কহিল, ‘এক নম্বর আসামী আজাহের বাড়িতে আছ? তোমার নামে সমন আছে।’

অমনি ভাতের খালাখানা সরাইয়া আজাহের মাচার উপর একটা ডোলের মধ্যে গিয়া লুকাইল। ইতিমধ্যে দুই চারজন ছেলে-মেয়ে বাড়ির মধ্যে প্রবেশ করিয়াছিল। আজাহের বউ ফিস্ ফিস্ করিয়া তাহাদিগকে শিখাইয়া দিল, ‘কন্না দেগা বাড়ি নাই।’

পিয়নকে আর ছেলেদের বলিতে হইল না। সে বাহির হইতে শুনিয়া আরো জোরের সঙ্গে টেচাইয়া কহিল, ‘আজাহের মিঞা এক নম্বর আসামী বাড়ী নাই বলিয়া তাহার নামের সমন লটকাইয়া জারি করিলাম।’

এই বলিয়া একখানা কাগজ ঘরের বেড়ার সঙ্গে আটকাইয়া রাখিয়া সে আরো বীরত্বের সঙ্গে পা ফেলিয়া চলিয়া গেল। তাহার দাপট-পদক্ষেপে সমস্ত গ্রাম কাঁপিতে লাগিল। তাহার চলিবার ভঙ্গী এমনই—সে যেন কোথায়

একটা রাজ্য জয় করিয়া ফিরিয়া চলিল। গ্রামের কুকুরগুলি খেউ খেউ করিয়া তাহারি পিছন পিছন ছুটিল। পিয়ন চলিয়া গেলে বহুক্ষণ পরে লুকান-হান হইতে কোতুহলী গ্রামের লোকেরা সকলে মিলিয়া আজাহরের বাড়ির সামনে আসিয়া উপস্থিত হইল। মিনাজ্জদী মাতব্বরও আসিল। তাহার গলার আওয়াজ শুনিয়া আজাহরের ধড়ে প্রাণ আসিল। সেও লুকান-হান হইতে বাহির হইয়া আসিয়া সকলের সামনে উপস্থিত হইল। সকলেরই মুখে একই প্রশ্ন, ‘ব্যাপারটা কি ?’

আজাহরের আত্মপুৰ্বিক সকল ঘটনা বলিল। দরের বেড়ার সঙ্গে লটকান কাগজখানাও দেখাইয়া দিল। মোড়ল অনেক গবেষণা করিয়াও সেই কাগজখানা যে কোন পিয়ন রাখিয়া গেল, তাহার কোন কুল-কিনারা করিতে পারিল না। ‘গ্রামের মধ্যে বচন মোল্লা কিছু লেখাপড়া জানে বলিয়া তাহার কিছু খ্যাতি আছে। ছহি সোনাভান ও জয়গুন বিবির পুঁথি সে স্তর করিয়া পড়িয়া গ্রামের লোকদের তাক লাগাইয়া দেয়।’ সকলে মিলিয়া স্থির করিল বচন মোল্লাকে ডাকাইয়া আনিয়া এই কাগজ পড়াইতে হইবে।

তিন চারজন লোক বচন মোল্লার কাছে ছুটিল। বচন মোল্লা গিয়াছিল ভাটপাড়ার গায়ে দাওয়াং খাইতে। সেখানে যাইয়া তাহার। শুনিল, সে সেখান হইতে গিয়াছে শোভারামপুর তার শস্তর বাড়ি। দুই তিন ঘণ্টার মধ্যে তাহার। বচন মোল্লাকে সঙ্গে নিয়া ফিরিল। ইতিমধ্যে আজাহরের বাড়ির সামনে প্রায় পাঁচশত কোতুহলী লোক জড় হইয়াছে। বচন মোল্লা আসিলে তাহাদের মধ্যে যেন সাড়া পড়িয়া গেল। মিনাজ্জদী মাতব্বর চারিদিক হইতে ভীড় সরাইয়া দিয়া মাঝখানে বচন মোল্লার জন্ত ভায়াগা করিয়া দিল। সেখানে বসিয়া বচন মোল্লা একবার চারিদিকে তাকাইয়া সমবেত লোকগুলিকে দেখিয়া লইল, মনে যেন এই ভাব—সকলে মনে করে বচন মোল্লা কেউকেটা নয়; এবার দেখুক একখানা চিঠি পড়িতে প্রায় পাঁচ মাইল দূর হইতে তাহাকে ডাকিয়া আনিতে হইয়াছে। সে ছাড়া আর কাউকে দিয়া এ কাজ হইল না।

মিনাজ্জদী মাতব্বর এবার তাড়াতাড়ি আজাহর বেড়ায় লটকান কাগজখানা আনিয়া বচন মোল্লার হাতে দিল—‘পড়েন ত মোল্লাজী। এতে কি লেইখাছে ’

মোলাজী কাগজখানা হাতে লইয়া বেশ নাড়িয়া চাড়িয়া খানিকক্ষণ পড়িবার অভিনয় করিয়া তারপর হাতের গামছাখানা দিয়া মুখ মুছিয়া আবার চারিদিকে চাহিয়া বলিল, ‘একটু তামুক খাওয়াও।’

অমনি চারি পাঁচজন লোক তামাক সাজিতে ছুটিয়া চলিল। অনেকক্ষণ তামাক টানিয়া কুণ্ডলী করিয়া নাকে মুখে ধূম বাহির করিয়া মোলাজী আবার পড়িতে আরম্ভ করিল।

পড়িতে পড়িতে মোলাজী বড়ই ক্লান্ত হইয়া পড়িল। তাহার সমস্ত মুখে ঘাম বাহির হইল। সেই ঘাম গামছা দিয়া মুছিয়া আবার পড়িতে আরম্ভ করিল।

মিনাজাদী মাতব্বরের আর ধৈর্য থাকে না। সে মোলাজীর দিকে খুঁকিয়া পড়িয়া বলিল, ‘কি পড়লেন মোলাজী? কন শীগ্গির?’

মোলাজী এবার স্বর করিয়া সমবেত লোকদিগকে শুনাইয়া পড়িতে লাগিল—‘এতে লেইখাছে, ইবার শিয়াইজির দাম পাঁচসিকা মণ, মুরগীর আগার দাম আধা পয়সা, কাঁচা মরিচের দাম তিন পয়সা সের।’

আজাহের আগাইয়া আসিয়া বলিল, ‘আরে মোলাজী! আপনি ত কোন্ জিনিসের কি দাম পইড়া যাইতেছেন। কিন্তু পিয়ন যে কয়া গ্যাল, আজাহের মিঞা এক নম্বর আসামী বাড়তি নাই বইলা, সমন লটকাইয়া জারি করলাম। সেই যে আমি আসামী ওইলাম, কোন্ মোকদ্দমার? বাল কইরা পড়েন?’

মোলাজী একটু বিরক্ত হইয়া আজাহেরের মুখের দিকে চাহিয়া বলিল, ‘আরে রাখ মিঞা! আমি আসতাছি তোমার কতায়। ইয়ার আদি-অন্ত সগল কথাই ত পড়তি অবি। আর পড়বই বা কি? তোমারে আসামী দিছে, তাতে কি ঐছে? তোমার ত দেখা পায় নাই। ঘরের বেড়ার সাথে কাগজ লটকাইয়া গ্যাছে। ওই বেড়ায়ই এটা লটকাইয়া থোও। যদি আসামী অয় ত ঘরের বেড়াই অবি।’

মোড়লও এই যুক্তিটি পছন্দ করিল। সরল মনে সকলেই বুঝিল কাগজ বখন পিওন কাহারও হাতে দেয় নাই, ঘরের বেড়ায় লটকাইয়া রাখিয়া গিয়াছে সুতরাং আজাহেরের এ জন্ত ভয় করিবার কোনই কারণ নাই। সকলে পরামর্শ করিয়া কাগজখানা বেড়ার যে স্থানে লটকান ছিল সেই স্থানেই উহা আবার

লটকাইয়া রাখিল। বচন মোলা সন্মানে ঘরে ফিরিয়া গেল।

দিনের পরে দিন চলিয়া যাইতে লাগিল। খেত-খামারের কাজে ঘরের বাহির হইতে বেড়ায় গৌজা সেই কাগজের টুকরাটির দিকে চোখ পড়িতেই কি যেন আশঙ্কায় আজাহরের অন্তরটি ছক ছক করিয়া কাঁপিয়া উঠে। রাজে বিছানায় শুইয়া শুইয়া আজাহরের ঘুম আসে না। সেই কাগজের টুকরাটি হিংস্র অজগর হইয়া যেন তাহাকে কামড়াইতে আসে।

এক দিন আজাহর রাজে আধ-তজ্জার স্বপ্ন দেখিল, তাহার শিশু পুত্রটি কোলের উপর বলিয়া খেলা করিতেছে। হঠাৎ সেই কাগজের টুকরাটি প্রকাণ্ড একটা হাঁ করিয়া আসিয়া তাহার সেই শিশু পুত্রটিকে গ্রাস করিয়া ফেলিল চিৎকার করিয়া কাঁদিয়া উঠিয়া আজাহর কোলের ছেলেটিকে বুকের মধ্যে জড়াইয়া ধরে। বউ অবাচ হইয়া ভয় পাইয়া জিজ্ঞাসা করে, ‘কণ্ড ত তোমার ওইল কি? এমন কইরা কাইন্না উঠ্‌লা ক্যান?’

আজাহর বলে, ‘কিছু না বউ! তুনি ঘুমাও।’ কিন্তু উচ্ছ্বসিত ক্রন্দনের ধারায় তাহার মনস্ত বুক জিজিয়া যায়।

এই সমস্ত চিন্তার হাত হইতে আজাহর একেবারে রেহাই পায় যখন তাহার শিশু পুত্রটি আদ আদ স্বরে তাহাকে ‘বাজান’ বলিয়া ডাকে। ছোট ছোট পা ফেলিয়া উঠানের এ-ধারে ও-ধারে ঘুরিয়া বেড়ায়। আজাহর তাহাকে কাঁধে করিয়া মাঠে লইয়া যায়।

‘এ খেত আমার। ও খেত আমার।’ নিজের সবগুলি ফসলের খেত আজাহর ছেলেকে দেখায়। মাঠের ফুল কুড়াইয়া ছেলের হাতে দেয়। আজাহর ছেলের জন্ত কি যে করিবে আর কি না করিবে!

কত গ্রাম্য ছড়াই সে ছেলেকে শিখাইয়াছে। ছেলেকে কোলে করিলে তাহার মুখ যেন ছড়ার ঝুমঝুমি হইয়া বাজিতে থাকে।

আজাহরের হালের বলদ দুইটিকে দেখিয়া ভয় না করে এমন লোক পাড়ায় খুব কমই আছে। কিন্তু আজাহরের এতটুকুন শিশু পুত্রটির কাছে গরু দুইটি যেন একেবারে নিরীহ। সে তাহাদের শিং ধরিয়া কাঁকায়, লেজ ধরিয়া যখন তখন টানাটানি করে, গরু দুইটি তাহাকে কিছুই বলে না। প্রতিদানে গরু দুইটি যতক্ষণ বাড়ি থাকে সব সময়ই সে তাহাদিগকে কলার খোসাটি, কচি ঘাসের ছোট গুচ্ছটি, আরো কত কি আনিয়া খাইতে দেয়।

গরু দুইটি যখন পেট ভরিয়া খাইয়া ঘুমাইতে থাকে সেও তখন তাহাদের গলা জড়াইয়া ধরিয়া ঘুমাইয়া পড়ে। কতদিন তাহার মা আসিয়া

তাহাকে এমন ঘুমন্ত অবস্থা হইতে তুলিয়া লইয়া গিয়াছে। বাড়িতে নৃতন কেহ আসিলে সে তাহাকে টানিয়া লইয়া গরু দু'টিকে দেখায়। আর সগর্বে ঘোষণা করে, এই গরু দু'টি তাহার নিজের।

ইতিমধ্যে আজাহরের আরো একটি মেয়ে জন্মিল। সন্তজাত ছোট্ট বোনটি আজাহরের ছেলের একটি আশ্চর্য রকমের খেলনা হইয়া পাড়াইল।

সে যখন আধ আধ স্বরে তাহাকে ভাই বলিয়া ডাকিতে শিখিল, তখন তাহার মনে কি যে খুশী! বোনকে কি খাওয়াইবে কোথা হইতে কি আনিয়া দিবে, গহন-দুর্গম বনের অন্তরাল হইতে কাউয়ার ঝুঁটির ফল, কাঁটা গাছের আগড়াল হইতে ডুমকুর, আরো কত কি আনিয়া সে বোনের সামনে জড় করে।

আজাহের ছেলের নাম রাখিয়াছে 'বছির' আর তার মেয়ের নাম রাখিয়াছে বড়ু। বছির শেষ রাতেই জাগিয়া উঠিয়াছে। বাপ মা দুই পাশে এখনও ঘুমাইয়া আছে।

ছোট বোন বড়ু, সেও মায়ের বাহু জড়াইয়া ঘুমাইতেছে—সামনের আমগাছটি হইতে টুপ টুপ করিয়া পাকা আম পড়িতেছে। বছিরের বুক তারই তালে নাচিয়া উঠিতেছে, কখন সকাল হইবে—দুইহাতে ধাক্কা দিয়া রাতের আঁধার যদি সরাইয়া দেওয়া যাইত! সামনের কলাগাছের পাতার উপরে শিশির-ফোঁটা পড়ার শব্দ কানে আসিতেছে। ভাড়া বেড়ার ফাঁক দিয়া চোখ পাতিয়া সে বসিয়া আছে, আর কেহ আসিয়া পাকা আমগুলি কুড়াইয়া লইয়া না যায়।

ধীরে ধীরে আকাশ ফর্সা হইয়া আসিল। বছির আন্তে আন্তে উঠিয়া আমগাছের তলায় যাইয়া আম কুড়াইতে লাগিল। এমন সময় আট দশজন লোক বাড়ির উপর আসিয়া গোয়াল হইতে গরু দুইটির দড়ি খুলিতে লাগিল। বছির চিৎকার করিয়া তার বাপকে ডাকিতে লাগিল, 'ও বাজান! ও বাজান! জলদি উইঠা আইস। কারা যিনি আমার গরু দুইডারে লইয়া যাইত্যাছে।'।

ছেলের ডাক শুনিয়া আজাহের হড়মুড় করিয়া উঠিয়া আসিয়া চোখ মুছিতে মুছিতে দেখিল,—শরৎ সাহা লোকজন লইয়া আসিয়াছে। সঙ্গে সেই আদালতের পিয়ন থাকি পিরানের পকেট হইতে এক খণ্ড কাগজ বাহির করিয়া সদন্তে পড়িতে লাগিল—'আলীপুর গ্রামের মহামহিম শ্রীযুক্ত শরৎচন্দ্র সাহা, পিতা মৃত গোলক চন্দ্র সাহার নিকট হইতে গোবিন্দপুর নিবাসী আজাহের মণ্ডল আজ পাঁচ বৎসর পূর্বে পনর টাকা কর্জ করিয়াছিল। তাহার স্বদ, স্বদের স্বদ,

চক্রবর্তীতে বুদ্ধি পাইয়া পাঁচ শত টাকায় পরিণত হইয়াছে। এই টাকা মহামহিম আদালত শরৎ সাহার নামে ভিগ্রী দিয়াছেন। আজ আজাহের মণ্ডল যদি সেই টাকা পরিশোধ না করিতে পারে তবে তাহার স্বাবর, অস্বাবর সমস্ত মাল জোক হইবে।’

লোকটি প্রতিটি কথা এইরূপ ধমকের সহিত বলিতেছিল, যেন তাহার আঘাতে আজাহেরের বুকের পাজরগুলি ভাঙিয়া যাইতেছিল।

আজাহের সেই আদালতের পিয়নের পা দুইটি জড়াইয়া ধরিয়া চিংকার করিয়া কাদিয়া উঠিল—‘দোহাই দিছি কোম্পানী বাহাদুরের, দোহাই মা মহারাজী, আমার হালের গরু ছুইড়া নিবেন না।’

পিয়ন আজাহেরের হাত হইতে পা ছাড়াইয়া লইয়া বলিল, ‘রাজার হুকুম, আমার কি সাধ্য আছে মিঞা সাহেব? শরৎ সাহার টাকাটা যদি আপনি পরিশোধ করে দিতে পারেন তবে গরু ছেড়ে যেতে পারি।’

এত টাকা সে কেমন করিয়া পরিশোধ করিবে! মাত্র পনের টাকা সে কর্জ করিয়া আনিয়াছিল। তাহার পিছনে কত পনের টাকা সে শরৎ সাহার বাড়ি দিয়া আসিয়াছে। তবু তাহার সেই পনের টাকার হৃদের হৃদ বাড়িয়া আজ পাঁচশত টাকায় পরিণত হইয়াছে। আজাহের আছাড় খাইয়া শরৎ সাহার পা জড়াইয়া ধরিল—‘সাজী ন্যায়! আমারে দাপ করেন।’

তাহার কান্নাকাটিতে গ্রামের বহু লোকজন আসিয়া উঠানে জড় হইল। মিনাজদী মাতব্বরও আসিল। কিন্তু আদালতের পিয়ন সামনে দাঁড়াইয়া। তাহার মাঝায় আদালতের ছাপ-মারা চাপরাশ বাকমক করিতেছে। কেহই আজাহেরকে কোন সাহায্য করিতে সাহস পাইল না।

শরৎ সাহা ধাক্কা দিয়া পা ছাড়াইয়া লইয়া কহিল, ‘কেন মিঞা! সে দিন যে পুণ বাড়াবাড়ি করেছিলে? কই মিনাজদী! কখনও না কেন? আমার মুখ না কুতার মত, এখন আজাহেরকে বাঁচাও।’

আজাহের জোড় হাত করিয়া শরৎ সাহাকে বলিতে লাগিল, ‘বাবু! আমাকে বাঁচান। আপনি আমার ধর্মের বাপ। আমার ছাওয়াল-ম্যায়াগো মুখির দিক চায়া আমাকে দয়া করেন।’

‘দয়ার কথা আজাহের! শরৎ সাহার জীবনে সব আছে কিন্তু এই একটা জিনিস কেউ কোন দিন দেখেনি।’

‘কিন্তুকি আমাগো সব যদি নিয়া যান আমরা খাব কি? আমার ছাওয়াল-ম্যায়াগুলো যে না খায়া মরবি।’

‘এসব যদি ভাবতাম তবে কি আর টাকা করতে পারতাম। জান মিঞা! টাকা যেমন শক্ত তেমন শক্ত মন না করতে পারলে টাকা থাকে না। আমার গিল্লীর ছয়মাস যক্ষ্মা হয়েছে, এখনও টাকা খরচ করে ডাক্তার দেখাইনি।’

‘বাবু! জনম ভইরা আপনার বাড়িতি চাকর থাইটা খাব, যা হুকুম করবেন তাই কইরা দিব।’

‘তোমাকে খাটাব? জান, বাড়িতে গিল্লীর অসুখ, রাঁধতে পারে না। নিজের হাতে এক বেলা রেঁধে তিন বেলা খাই তবু চাকর রাখি না। লোকে বলে, শরৎ সাহার লাখ টাকা আছে। সে কি সহজে হয়? যাক তোমার সঙ্গে কথা বলে কি হবে! আরে মিঞা সা’বরা! তোমরা যে ইঁ করে দাঁড়িয়ে রইলে, ঘরের মধ্যে ধান-চাল যা আছে বের কর।’

শরৎ সাহার লোকেরা ঘরে ঢুকিতেছিল। আজ্ঞাহেরের বউ দরজায় আসিয়া দাঁড়াইল—‘আমার ডোলের ধান আমি কাউরে নিবার দিমু না। আমি কত কষ্টে এই ধান উড়াইছি। কত কষ্ট কইরা রৈদে শুকাইছি। আমার পুলা-
• ম্যায়রা বছর ভইরা খাবি। আমি যাবার দিব না কেউরে আমার গরে।’

শরৎ সাহার লোকেরা আজ্ঞাহেরের বউ-এর গায়ে হাত দিতে যাইতেছিল। মিনাজন্দী মাতব্বর আর স্থির থাকিতে পারিল না।

সে চিংকার করিয়া উঠিল, ‘সাবধান! সাবধান মিঞারা! ম্যায়রা লোকের গায় হাত দিবেন না। আপনাগো গরেও মা বোন আছে।’

এমন সময় পিয়ন সামনে আগাইয়া আসিয়া বলিল, ‘মাতব্বর সাহেব! সাপের সঙ্গে খেলা করছেন। রাজার হুকুম। যে এর বিরুদ্ধে যাবে তার যথাসর্বস্ব যাবে। দেখছেন না আমার কোমরে কোম্পানীর চাপরাশ। এই আওরত লোকটিকে দরঙ্গা ছেড়ে চলে যেতে বলুন।’

‘হে যদি না যায় তবে কি করতি চান পিয়ন সাহেব?’ মাতব্বর জিজ্ঞাসা করিল।

‘কি করতে পারি শুন্তে চান? শোভারামপুরের গনি বেপারী সদর পিয়নকে বে-দখল করেছিল, দেখে আহ্নন গিয়ে আজ গনি বেপারীর বাড়িতে জঙ্গল। উঠানে ঘুঘু চরছে। পীড়নের কথা ছেড়েই দিন! ভাজন ডাঙার বছিরদীন চোকিদারকে আপমান করেছিল। খানার দারোগা তাকে ডেকে নিয়ে এমন করে মেরেছিল সেই মারের চোট্টেই তিন দিন পরে সে মারা গেল।’

এ সব কথা ত সবই মিনাজন্দীর জানা। নইলে কার বাপের সাধ্য ছিল আজ আজ্ঞাহেরের ঘর হইতে এমন করিয়া সব মাল লইয়া যায়। মিনাজন্দীকে

চুপ করিয়া থাকিতে দেখিয়া পিয়ন আবার আরম্ভ করিল, ‘আমরা যে গ্রাম ভরে এত বৃকটান করে ঘুরি, সে নিজের জোরে নয় মাতব্বর সাহেব—এই চাপরাশের জোরে। এই আগরত লোকটিকে এখনও চলে যেতে বলুন, নইলে এর মান-সম্মান আর রাখা যাবে না।’

মিনাজ্জদী আজাহরকে বলিল, ‘আজাহর! বউকে ওখান হইতে চইলা যাইতে কও। আমরা বাইচ্যা থাকতি তোমার কুচুই উপকারে আসলাম না।’

আজাহরকে আর বলিতে হইল না। বউ আপনা হইতেই দরজা হইতে সরিয়া গেল।

শরৎ সাহা’র লোকেরা ঘরের মধ্যে প্রবেশ করিয়া ডোল হইতে ভারে ভারে ধান আনিয়া বস্তায় ভরিয়া গরুর গাড়ীতে তুলিতে লাগিল। হাড়ি ভরা কলাই, মুহুরী, বীজধান যেখানে যাহা পাউল তাহাও আনিয়া গাড়ীতে তুলিল। এই সব কাজ করিতে তাহারা ঘরের বিছানা পত্র, তৈজস, বাসন-পত্র সমস্ত ছড়াইয়া একাকার করিল।

মোড়ল আজাহরকে ডাকিয়া কহিল, ‘আজাহর ভাই! তুই একেবারে • ছন্নছাড়া ফকির ছিলি। তোরে আমি নিজের আতে ঘর-গিরস্তালি বানায় দিছিলাম। ভিন গেরাম হইতে বউ আইত্তা বিয়া দিছিলাম। আইজ তোর সেই যন্তনের বান্দা ঘর-বাড়ি ভাইড়া পড়ত্যাছে। ইয়া আমি আর চক্ষি দেখপার পারি না। পিয়ন সাহেব! যা করবার অয় করেন, আমি চইল্যা গেলাম।’

এই বলিয়া চাদরের খোঁটে চোখ মুছিতে মুছিতে মিনাজ্জদী মাত-র চলিয়া গেল। শরৎ সাহা’র লোকেরা দশ মিনিটের মধ্যেই ঘরের সমস্ত প্রিন্সিপজ আনিয়া গাড়ীতে তুলিল। তারপর গাড়ী লইয়া রওয়ানা হইবে এমন সময় শরৎ সাহা বলিল, ‘আরে মিঞারা! তোমরা বি চোখের মাথা খেয়েছ, দেখছ না ঘরের চালে ক’খানা টিন রয়েছে, টান দিয়ে খুলে নাও।’

আজাহর পুনরায় শরৎ সাহা’র পা জড়াইয়া ধরিয়া বলিল, ‘বাবু! সব ত নিলেন। আমার মাথা গুজব’র জন্তি এই টিন কয়খানা রাইখা বান ছাওয়াল-ম্যারা লয়া কোথায় আমি থাকপ?’

‘আরে বাপু! তোমার ছেলে-মেয়ের দুঃখ যদি ভাবতে পারতাম, তবে আমি শরৎ সাহা হ’তে পারতাম? শিপড়ে যদি গুড় খেয়ে যায় তার পেট টিপে সেইটুকুও বার করে রাখি। সেইজন্য আমার নাম শরৎ সাহা।’

একথা মুখে বলিবার প্রয়োজন ছিল না। গ্রামের সকল লোকই তাহা

জানিত। সে জন্ত তাহারা নীরব দর্শকের মতই দাঁড়াইয়া রহিল। কোন কথাই বলিতে পারিল না। শরৎ সাহার লোকেরা দেখিতে দেখিতে ঘরের চাল হইতে টিন কয়খানা খুলিয়া লইয়া গাড়ীতে তুলিল। তাহাদের পায়ের ধাক্কা লাগিয়া ভাতের হাঁড়ি, তরকারির বাসন-পত্র ভাঙিয়া ছড়াইয়া পড়িল। আজ ছেলে-মেয়েগুলো যে পাস্তা-ভাত খাইয়া এ-বেলাটা কাটাইয়া দিবে সে উপায়ও রহিল না।

সমস্ত কাজ শেষ করিয়া শরৎ সাহা আজাহরের বাড়িতে প্রকাণ্ড এক বাঁশ পুঁতিল। তাহার মাথায় এক টুকরা কাপড় বাঁধা। আদালতের পিয়ন পূর্বের মতই ধমকের স্বরে বলিয়া যাইতে লাগিল,—‘অজ্ঞ হইতে আজাহর মিঞার বাড়ির স্বাবর-অস্বাবর সমস্ত সম্পত্তিসহ মহামহিম শ্রীযুক্ত শরৎচন্দ্র সাহা, পিতা মৃত গোলকচন্দ্র সাহা ডিগ্রী করিয়া ক্রোক করিলেন। এই ক্ষমিতে বাঁশ পুঁতিয়া উপযুক্ত সাক্ষীসহ নিজের দখল সাব্যস্ত করিলেন।’ সমবেত লোকেরা ভয়ে-বিস্ময়ে সেই ধমকের স্বর শুনিয়া স্তম্ভিত হইয়া রহিল।

গাড়ী রওয়ানা হইল। শরৎ সাহার লোকেরা খামারের গরু দুইটিকে যখন লইয়া যাইতেছিল তখন আজাহরের ছেলে বছির গরু দুইটির গলা জড়াইয়া ধরিয়া চিৎকার করিয়া কাঁদিয়া উঠিল, ‘গরু দুইটা আমার। আমি নিবার দিমু না।’

শরৎ সাহার লোকেরা বালকের সেই কচি হাত দুইটি ঝাঁকুনি দিয়া ছাড়াইয়া তাহাকে দূরে ধাক্কা দিয়া ফেলিয়া দিল। সে চিৎকার করিয়া কাঁদিতে লাগিল, ‘বাজান! দেহ আমার গরু দুইটা লয়া গেল।’

আহা! আজ পিতার কোন সাধ্য নাই এই নরবেশী-দম্ভার হাত হইতে গরু দুইটিকে রক্ষা করে! শরৎ সাহার লোকেরা গরু দুইটির দড়ি ধরিয়া টানে, তাহারা কিছুতেই নড়ে না। মুক-বোবা এই প্রাণী দুইটি হয়ত সমস্তই বুঝিতে পারিয়াছিল। তাহাদের বড় বড় চোখ দুইটি হইতে ঝর ঝর করিয়া জল গড়াইয়া পড়িতে লাগিল। শরৎ সাহার লোকেরা গরু দুইটিকে হেলে-নাটি দিয়া জোরে জোরে আঘাত করিতে লাগিল। গরু দুইটি তবুও নড়িল না।

তাহাদের পিঠে আঘাতের পর আঘাত চলিতে লাগিল। আজাহর আর সহ্য করিতে পারিল না। ডুকরিয়া কাঁদিয়া উঠিল। তারপর গরু দুইটির গলা জড়াইয়া ধরিয়া বলিল, ‘বোবাধন! অনেক কাল তোরা আমার কাছে ছিলি। কত ঠাটা-পড়া রৈদী তোগো দিয়া কাম করাইছি। প্যাট বইয়া খাবার দ্বিতি পারি নাই। আমারে মাগ করিস। আমার বাড়ি ছাইড়্যা অজ্ঞ

বাড়িতে গ্যালি হয়ত বাল মত খাইবার পাইবি।' তারপর বউকে ডাকিয়া বলিল, 'বউ। জন্মের মত ত ওরা চলল। বাল মত পা ছুঁড়া ধুয়ায়া দাও।'।

বউ আসিয়া কাদিতে কাদিতে গরু দুইটার পা ধুয়াইয়া দিল। তারপর গলার কাছে মুগ লইয়া আরো থানিক কাদিয়া আঁচলে বাঁধা কয়টি ধান-দুর্বা তাদের মাথায় ছড়াইয়া দিল।

আজ্ঞাহের নিজেই দড়ি ধরিয়া টানিয়া তাহার এত আদরের গরু দুইটিকে বাড়ির বাহির করিয়া দিয়া আসিল। গরু দুইটিকে যতক্ষণ দেখা যায় ততক্ষণ সে তাহাদের দিকে চাহিয়া রহিল। তারপর যখন তাহার দুয়ের জঙ্কলের আড়ালে চলিয়া গেল, তখন একটা দীর্ঘ নিশ্বাস ফেলিয়া সে গৃহে ফিরিয়া আসিল। এই গরু দুইটি শুধু মাত্র তার হাল বহিবার বাহনই নয়; নিজের ছেলে-মেয়েদের মতই সে তাহাদের যত্ন করিয়াছে। তাহার পরিবারে যেমন তার স্ত্রী, ছেলে-মেয়ে—তেমনি এই দুইটিও। ইহাদের সঙ্গে সে কথা কহিতে পারিত। তাহাদের বোবা ভাষাও সে হয়ত কিছু বুঝিতে পারিত। তার সকল স্নেহের সঙ্গে, সকল দুঃখের সঙ্গে, সমগ্রপী সমদুঃখী ইহারা তাহার স্বপ্ন পরিসর জীবনটিকে ভড়াইয়া ছিল।

উঠানে ফিরিয়া আসিয়া আজ্ঞাহের মাথায় হাত দিয়া ভাবিতে বসিল। কিসে কি হইয়া গেল। গাজীর গানের দলের বাদশার কাহিনীর মত নিমেষে সে পথের ভিখারী হইয়া বসিল।

দুপুর বেলা মিনাজন্দী মাতব্বর নিজের বাড়ি হইলে ভাত পাকাইয়া আনিয়া আনিয়া বলিল, ‘আজাহের বাই ! আর বাইব না। ভাত খাও।’

আজাহের বলিল, ‘মোড়ল সা’ব ! কয়দিন আপনি এমন কইরা আমাগো খাওয়াইবেন ? আমার ত কিছুই রইল না।’ আজাহের গুমরিয়া কাঁদিয়া উঠিল।

মোড়ল তাহাকে বুঝাইতে চেষ্টা করিল, ‘বাইরে ! আল্লা যখন মুখ দিছেন, তিনিই খাওয়াইবেন। কইন্দা করবি কি ?’

‘না মোড়ল সা’ব ? আর কান্দুম না’। মোড়লের হাত ধরিয়া আজাহের বলিতে লাগিল, তাহার চোখ দুইটি হইতে যেন আগুন বাহির হইতেছে ; ‘আর কান্দুম না, মোড়ল সা’ব। আমার ত সবই শ্রাঘ। পুলা-ম্যায়ারা না খায়াই মরবি। কিন্তুক তাগো মরণ আমি খাড়াই খাড়াই দেখবার পারব না। তাগো মরার আগে ওই শরৎ সার গলাড়া আমি টিপা তারে জন্মের শোধ শেষ কইরা দিবার চাই।

মোড়ল বহিল, ‘আজাহের ! এমন চিন্তা মুখেও আইন না। মাহুযের মাহুয মারলি আল্লার কাছে দায়ী হবা। দোজগে যায় পুড়বা।’

‘কিন্তুক মোড়ল সা’ব, আল্লার দোজগের জালা কি ছনিয়ার দোজগের চায়াও বড় ? আমার পুলা-ম্যায়ারা কুহুদিন বাতের দুঃখ পায় নাই। কইল তারা যখন বাত বাত কইরা কানবি, আমি খাড়াই খাড়াই তাই ছনব, আল্লার দোজগে কি ইয়ার চায়াও দুস্কু ?’

‘হত্যা কতাই কইছসরে বাই আজাহের ! মাহুয মাহুযির জন্তি যে দোজগ বানাইছে, আল্লার সাখি নাই তেমন দোজগের আগুন বানায়।’

‘তব্ব মোড়ল সা’ব। আমারে কি করবার কন আপনি ? অগুনে পুইড়া বাইত্যাছে আমার দল শরীল। ওই শরৎ সার মুণ্ডা কইট্যা না আনতি পারলি আমার এই অস্তরডা জুড়াবি না। আমার এই শূত্র বাড়ি-গরের দিগে যখন আমি চাই, ঘরের জিনিসপত্রের কথা যখন বাবি, আমার গরু দুইডার কথা যখন মনে আছে, তখন কে যিনি আমার কানের কাছে কেবলই

ক'য়া বেড়ায়, শরৎ সাহার মুণ্ডটা কাইট্যা আন ।'

'আজাহের বাই । তোমার ত মাথা খারাপ হ'য়া গ্যাল । একটু ঠিক অণ্ড ।'

'ঠিক আর কি আর মোড়ল বাই । কাইল যখন দেখপ, আমার চাষ দেওয়া খ্যাতে অল্প মানষি হাল জুড়ছে, আমার এত আদরের গরু দুইডা অল্প লোকের খ্যাত চাষ করতাছে, ক'য়ামুন কইরা তা আমি সহ করব মোড়ল বাই ?'

'কি করবা আজাহের । রাজার আইন ।'

'আচ্ছা মোড়ল স'ব । এ কেমন আইন ? পোনের টাছা কর্ত্ত দিছিল ওই বেটা চামার । তারপর কত পোনের টাছা তারে দিছি, তবু আইজ সেই পোনের টাছা ফুরাইল না ! বাইড়া পাচশ' টাছা ঐল !'

'আজাহের । হুন্ছি এই আইনের বদল অবি । দেশে হুদখোর মহাজন থাকপি না ।'

'কিন্তুক যখন বদল ঐব তখন আমরা থাকপ না । আমাগো উপর যা ঐল তার কুহু বিচার অবি না ।'

'আজাহের বাই । সবুর কর । সকল দুস্করুই শ্রাষ আছে । খাই দেখি, ছ্যামড়ারা কি কবতাছে । তুমি বইস ।'

মোড়ল চলিয়া গেলে আজাহের বসিয়া বসিয়া ভাবিতে লাগিল ।

দুপুরের দিন গড়াইয়া সন্ধ্যা হইল । রাত্রে পিশাচিনী তার অন্ধকারের ছায়া বিস্তার করিয়া সমস্ত পৃথিবী যেন ঢাকিয়া ফেলিল । চারিধারের বনে ঝিঁঝিঁপোকের আর্ভনাদ আজাহেরের ব্যথাবিক্ষিপ্ত অন্তরখানি যেন ছিন্ন ভিন্ন করিয়া দিতেছিল ।

দিনের আলোতে মাহুষের যে সব অন্তায় অবিচারের আঘাত সে অহুভব করিতে পারে নাই, রাত্রে অন্ধকারে তাহার সহস্র ক্ষত হইয়া তার শরীর-মনকে বিবাইয়া তুলিতেছিল । এই অন্ধকারের আয়নায় সে যেন আজ স্পষ্ট দেখিতে পাইতেছিল, কৌশলের পর কৌশল-ভাল বিস্তার করিয়া এই লোভী মহাজন ধীরে ধীরে কেমন করিয়া তাহার সমস্ত ঘর-বাড়ি জমি-জমা দখল করিয়া লইয়াছে । সেই সঙ্গে তার জীবনের সমস্ত আশার-প্রদীপ নিষ্ঠুর হাতের থামড় মারিয়া নিবাইয়া দিয়াছে । তাহার জীবনের ভবিষ্যৎ ভাবিয়া আজাহের শিহরিয়া উঠিল । দিনের পর দিন, ধীরে ধীরে তাহার এত আদরের ছেলে-মেয়েরা না খাইয়া মরিয়া যাইবে, তারপর সে, তার স্ত্রী, তাহারও পৃথিবী হইতে একদিন চিরদিনের জন্য মুছিয়া যাইবে । আর এই লোভী শয়তান

মহাজন দিনে দিনে তাহার সম্পদ জাল বিস্তার করিয়া তাহারই মত বহু নিদোষী মানুষকে আবার গৃহহীন সর্বস্বহীন করিবে। ইহার কি কোনই প্রতিকার নাই? আজাহের মরিবে কিন্তু তার আগে সে ইহার কিছুটা প্রতিকার করিয়া যাইবে।

ঘরের বেড়া হইতে সে তাহার দা'খানি বাহির করিয়া বহুকক্ষ বসিয়া তাহাতে ধার দিল। অন্ধকারে বালির উপর ঘসা পাইয়া ইম্পাতের দা' চকমক করিয়া উঠিতেছিল, আর তারই চমকে আজাহেরের অন্তরের এক বীভৎস ক্ষুধার যেন তৃপ্তি হইতেছিল। অনেকক্ষণ দা'খানি বালির উপর ঘসিয়া আজাহের তাহাকে মনের মত করিয়া পরীক্ষা করিল। তারপর মালকোছা দিয়া কাপড় পরিয়া চারিদিকের স্ফুটভেদে অন্ধকার-সাগরের মধ্যে ঝাঁপাইয়া পড়িল। সারাদিন কান্নাকাটির পর বউ তাহার ছেলে-মেয়েগুলিকে লইয়া ঘরের মেঝেয় শুইয়া একটু তন্দ্রাতুর হইয়াছিল। সে কিছুই টের পাইল না।

সেই ভীষণ অন্ধকারের মধ্যে চলিতে চলিতে আজাহের নিজেই যেন দেখিতে পাইতেছিল। তাহার নিজের এই ভীষণতর চেহারা দেখিয়া যেন সে নিজেই শিহরিয়া উঠিতেছিল! কিন্তু ইহা ছাড়া তার আর ত কোন উপায় নাই। ওই শয়তান স্বদখোর মহাজনটাকে একটু শিক্ষা না দিয়া গেলে সে কিছুতেই শাস্তি পাইবে না।

দেখিতে দেখিতে আজাহের শরৎ সাহার দরজায় আসিয়া পৌছিল। চারিদিকে ভীষণ অন্ধকার। একখানা ঘরে একটি মাটির প্রদীপ টিমটিম করিয়া জ্বলিতেছিল। বেড়ার ফাঁক দিয়া আজাহের দেখিতে পাইল, একটা বিছানার উপর সেই স্বদখোর মহাজন নিবিষ্টে ঘুমাইতেছে। পাশে কতকগুলি মহাজনী খাতা-পত্র ইত্যন্তঃ ছড়ান। বোধহয় সেগুলি পড়িতে পড়িতে, তারই মত কোন সরস-প্রাণ নিরীহ কৃষাণের সর্বনাশের ফন্সী বাহির করিয়া সে শ্রাস্ত হইয়া ঘুমাইয়া পড়িয়াছে। হয়ত ঘুমাইয়া ঘুমাইয়াই তাহার বিনাশের নূতন নূতন কোশল-জালের স্বপ্ন দেখিতেছে। এই উপযুক্ত সময়। আন্তে আন্তে নিশ্বাস বন্ধ করিয়া সে একটা বাথারীর টুকরা দিয়া কপাটের খিল খুলিয়া ফেলিল। তারপর ধীরে ধীরে নিঃশব্দ-পায়ে বিছানার সামনে হাঁটু-গাড়া দিয়া বসিল। নিজের কোমর হইতে দা'খানা খুলিয়া ভালমত আর একবার তাহার ধার পরীক্ষা করিয়া লইল। এইবার মনের মত করিয়া তাহার গলার উপরে একটা কোপ বসাইয়া দিতে পারিলেই হয়। কিন্তু একি! ছোট একটি মেয়ের কচি ছ'খানা হাত ওই স্বদখোর মহাজনের গলাটি জড়াইয়া

ধরিয়েছে। মাঠের কলমি ফুলের মতই রাঙা টুকটুকে সেই শিশু-মুগখানি। কঁত আদরেরেই না সে তার বাপের গলাটি ধরিয়ে রহিয়েছে। দেগিতে দেগিতে আজাহরের হাতের দাঁথানি শিখিল হইয়া আগিল। সে এক নিমেষে অনেকক্ষণ সেই সুন্দর শিশু-মুগখানির দিকে চাহিয়া রহিল। তারপর ধীরে ধীরে দাঁথানি হাতে লইয়া দরজা অবধি ফিরিয়া আসিল।

কিন্তু ফিরিয়া সে যাউবে না। তারও ঘরে ত অমনি ছোট সোনার শিশু-কত্তা রহিয়েছে। আজ যখন সে নিলামে তাহার যথাসর্বস্ব লইয়া আসিয়াছে তখন কি একবারও ওই নির্ভর মহাজন তার ছেলে-মেয়ের কথা ভাবিয়েছে? না! না! কিছুতেই সে ফিরিয়া যাউবে না। এই গোথুরা সাপকে সে চিরকালের মত দুনিয়ার বুক হইতে নিঃশেষ করিয়া যাউবে।

ধীরে ধীরে আবার আজাহর সেই বিছানার সামনে পূর্বের মতই হাঁটু-গাড়া দিয়া বসিল। মনুতের ফেরেস্তা আজরাইল খেন তার সামনে আসিয়া দাঁড়াইয়াছে। অতি সাবধানে শরৎ সাহার গলা হইতে তার ছোট মেয়েটির একখানা হাত খুলিয়া দিল। অপর হাতখানা খুলিতে সেই হাতের তপ্ত স্পর্শ যেন আজাহরকে মুহুর্তে কি করিয়া দিল!

সেই হাতখানা মুঠির মধ্যে লইয়া আজাহর সন্তপণে নাড়া চাড়া করিতে লাগিল! তাহার হাতের আদর পাইয়া ছোট মেয়েটি ঘুমের মধ্যে অস্পষ্ট ভাবে বলিয়া উঠিল, ‘আমার গেলনা আমি কাউকে নিতে দেব না।’ কি মিষ্টি এই কণ্ঠস্বর! গোদার দুনিয়ায় বুঝি বহুদিন এমন স্বর শোনে নাই। সমস্ত আকাশ-বাতাস নীরব নিস্তব্ধ হইয়া সেই স্বর যেন বৃকের মধ্যে পুরিয়া লইল।

এমনি করিয়া বহুক্ষণ কাটিয়া গেল। আজাহরের ‘বছবির পর ছবি’ ভাসিয়া উঠিল। ওমনি একটি ছোট খুকী-ফেরেস্তা তাহারও ঘরে আছে। ওমনি করিয়া সারাটি রাত তাহার গলা জড়াইয়া ধরিয়ে ঘুমাইয়া থাকে। আজ ওই নির্ভর মহাজনটিকে হত্যা করিয়া গেলে তাহারই মেয়ের মত একটি ছোট্ট মেয়ে কাল এ-বাড়ি ও-বাড়ি তাহার আদরের বাপটিকে খুঁজিয়া ফিরিবে। রাতের বেলা ঘুমাইতে থাইয়া ওই ছোট মেয়েটি তাহার কচি বাহু দু’টি দিয়া জড়াইয়া ধরিবার এমনি আদরের বাপটিকে আর পাইবে না। আজাহরের উপর যাহা হইয়াছে হউক, ওই কচি মেয়েটিকে সে কিছুতেই কাঁদাইবে না।

নিজের হাতের দাঁথানিকে অতি সন্তপণ। কোমরে গুঁজিয়া আজাহর ঘরের দরজা পার হইয়া বাহিরে উঠানে আসিয়া দাঁড়াইল। তখন আকাশের চাঁদ পশ্চিমে হেলিয়া পড়িয়াছে। দুই একটি রাত-জাগা পাখি নিস্তব্ধ রাজির

মোনতা ভঙ্গ করিতেছিল যাত্র। মহাজনের উঠানের শেফালী গাছটি হইতে অজস্র ফুল ঝরিয়া পড়িয়া অর্ধেক অঙ্গন ভরিয়া তুলিয়াছে।

কি জানি কেন আজ্ঞাহের সেই গাছের তলায় ষাইয়া দাঁড়াইল, গামছার খোঁটে আস্তে আস্তে অনেকগুলি ফুল কুড়াইয়া লইল। তারপর নিঃশব্দে দরজা পার হইয়া সেই স্তম্ভ মেয়েটির বিছানার পার্শ্বে আসিয়া বসিল। ঝাঙা টুকটুকে আলতা মাখান দু'টি পা। সরু সরু কোমল দু'খানি হাত, গলায় জড়াইতে ইচ্ছা করে। অতি সাবধানে আজ্ঞাহের তার সেই হাত দু'খানি লইয়া পূর্ববৎ সেই নিষ্ঠুর মহাজনের গলায় পরাইয়া দিল। মহাজন ঘূমের ঘোরে একটা তৃপ্তির নিশ্বাস ছাড়িল। তারপর গামছার খোঁট হইতে ফুলগুলি লইয়া সেই ছোট খুকী-মেয়েটির সারা গায়ে ছড়াইয়া দিয়া ধীর পায়ে বাহির হইয়া আসিল।

রাত্রি তখন শেষ হইয়াছে। মহাজনের সেই খুকী-মেয়েটির মতই আর একটি লাল টুকটুকে মেয়ে ফজরের আসমানের কিনারায় আসিয়া উকি দিতেছিল।

এগারো

চাহিয়া চিন্তিয়া আর কয় দিন কাটান যায়।

তবু যে তিন চার দিন আজাহেরের কি করিয়া কাটিয়া গেল তাহা সে-ই জানে। গ্রামে কাহারও অবস্থা ভাল নয়। ইচ্ছা থাকিলেও তাহারা সাহায্য করিতে পারে না। বড় আদর করিয়া আজাহের মেয়েটিকে একগাছি রূপার গোট-ছড়া কিনিয়া দিয়াছিল। সেইটি কি মেয়ে মাজা হইতে খুলিয়া দিতে চায়? অনেক বলিয়া কহিয়াও যখন কিছু হইল না, তখন জোর করিয়া আজাহের সেই গোট-ছড়া মেয়ের কোমর হইতে খুলিতে যাইয়া তাহা ছিঁড়িয়া ফেলিল। পীর সাহেবের নিকট হইতে ছেলের মঙ্গলের জন্য আজাহের তাহার হাতে একটি রূপার তাবিজ কিনিয়া দিয়াছিল! তাহাও খুলিয়া লইতে হইল। কিন্তু এইভাবে আর কয়দিন কাটান যায়? নিজেদের কথা না হয় নাই ভাবিল, কিন্তু রাত্র প্রভাত হইলেই যে ছেলেমেয়ে দুইটি ভাত ভাত করিয়া কান্নাকাটি করে। পরে কান্নায় পরিশ্রান্ত হইয়া এক-দুই ভাই-বোন গলাগলি ধরিয়া ঘুমাইয়া পড়ে। দুপুর বেলা জাগিয়া উঠিয়া আবার ভাত ভাত করিয়া কাঁদিতে থাকে। কতদিন আর এইভাবে চলে!

আজাহের খবর পাইল, এখান হইতে বিশ মাইল দূরে ভান্ডুলখানা গ্রাম। সেখানে অনেক জমি পড়িয়া রহিয়াছে। চাষ করিবার কৃষাণ ই। সেখানে গেলে জন খাটিয়া আজাহের কোন রকমে ছেলে-মেয়ের পেট ভরাইতে পারিবে। প্রথমে সে এ বিষয়ে মিনাজ্জী মাতব্বরের সঙ্গে পরামর্শ করিল। মাতব্বর বলিল, 'সেই জঙলা জায়গায়, নদীর ঘাশের লোক, তোমরা কেমন কইরা থাকপা। হনছি সেখানে মানুষির জর-জারি লাইগাই আছে।'

আজাহের বলিল, 'এখানে থাকি ত মরণ। জন-কিষ্কাণি খাটপ, তাও কেউ খাটাইবার চায় না।'

মোড়ল বলে, 'আজাহের! যা করবি কর? আমারে ভিজাস হইয়া শুধু আমারে কান্দাইবারই পারবি। আমি যদি পারতাম, তোরে কি এই গিরাম ছাড়বার দিতামরে!'

আজাহের বলে, 'মোড়লসা'ব! আমাগো ভক্তি আপনি অনেক কষ্ট

করছেন, এইবার গ্রাম ছাইড়া যাওয়ার দিন-খান ঠিক কইরা ছান ।’

মোড়লের সঙ্গে পরামর্শ করিয়া আজাহের যাইবার দিন স্থির করিয়া ফেলিল। মোড়ল বলিল, ‘আজাহের! হেই জাশে যদি যাইবাই, সেহানের গরীবুলা মাতবরের বাড়ি যাইও। তানি আমার বিয়াই। আমার কতা কইলি তোমারে খাতির করবি।’

আজাহের খুঁটিয়া খুঁটিয়া গরীবুলা মাতবরের সব কিছু জানিয়া লইল। নির্দিষ্ট দিনে কিছু পাশ্চা-ভাত খাইয়া তাহার রওয়ানা হইবার জন্ত প্রস্তুত হইল। সঙ্গে মোটবহর কিছুই নাই। বউ-এর কোলে মেয়েটি, আজাহেরের কোলে ছেলেটি। ছেলেটিকে কোল হইতে নামাইয়া আজাহের উঠানের উপরে কয়টি ধান ছড়াইয়া তাহার উপর একটি সালাম জানাইয়া সে আর একবার ভালমত সমস্ত বাড়িখানি দেখিয়া লইল। আজ বাড়ির প্রতিটি জিনিস যেন তাহাকে বিদায় সম্ভাষণ জানাইতেছে।

তাহাদিগকে বিদায় দিতে মোড়ল আসিয়াছে, মোড়লের বউ আসিয়াছে। আজাহেরের বউ মোড়ল-গিন্নির গলা জড়াইয়া ধরিয়া কহিল, ‘বুবুগো! এই সোনার সংসার ছাইড়্যা আমরা বনবাসে চললাম। আমাগো কতা মনে রাইখ।’

মোড়ল-বউ তাহার গলা জড়াইয়া ধরিয়া নীরবে কাঁদিতে লাগিল।

আজাহেরের বউ বলিল, ‘বুবুগো! এইখানে কজে-সাজানো শীমের গাছ বুনছিলাম। আইজ লালে-নীলে রঙিন পাতায় আমার সমস্ত জাঙলা ভইয়া গ্যাছে। আর কয়মাস পরেই নীলা রঙের শীমে সমস্ত জাঙলা ছায়া যাবি! তহন আয়া তুমি এই সীম পাইড়া নিও। আর এই মন্দ-ভাগিনীর কতা মনে কইর। আর শোন বুবু! এই ঘে বরবটির চারা ঐছে না? আমার ম্যায়াভা বড় যতনে উয়ারে বুনছিল, পানি না দিলি ওরা শুকায় যাবি। তুমি আইসা মদি মদি ওগো গোড়ায় একটু পানি ঢাইলা দিও।’

মোড়ল-গিন্নী শুধু নীরবে কাঁদিতে লাগিল। বউ আবার তাহাকে বলিতে লাগিল, ‘বুবুগো! আমার সোনার গরু দুইডারে লইয়া গ্যাছে। ওগো আমি নিজির পুলা-পানগো মতই যতন করতাম। বাস্তা গুণ্ডা দিনে গাস পাত পাওয়া যায় না। তই সারা বছর বইরা কুঁড়া পুঁজি কইরা গাকছিলাম। এই কুঁড়ায় আমার কি অবি? তুমি লইয়া যাও, তোমাগো গরুগুলিরে খাওয়াইও।’

মোড়ল-বউ আজাহেরের স্ত্রীর নাথার চুলগুলিতে হাত বুলাইতে বুলাইতে

বলিল, ‘বউ ! এতটুকু তুই এখানে আইছিলি। তারপর পোলা ঐল—ন্যায়া ঐল। তোর গরের কলরব শুইনা আমার পরাণ জুড়াইত। আইজ যে তুই বনবাসে চললি, তোর এই ভিটা শূন্য পইড়া খাঁ খাঁ করব। আমি রইলাম পোড়া-কপালী তাই দেখবার জন্মি।’

মোড়ল কান্না রাখিতে পারিল না। কাঁধের গামছা’র খোট দিয়া চোখ মুছিতে লাগিল। মোড়ল-গিন্নী তার আঁচল হইতে কয়েকটি বীজ বাহির করিয়া আজাহরের বউকে দিতে দিতে বলিল, ‘বউ ! হনছি, সেই বন-ভঙলের জাশে কিছুই পাওয়া যায় না। এই চালকুমড়ার বীজ কয়টা দিলাম, কোনোখানে বুইনা দিস। সেই পাছে যখন চাল কুমড়া ধরবি তখন তোর এই ফুলে মনে করিস। আর এই সোয়া স্তার কুহুম ফুলের বীজ দিলাম। আজাহরকে কইস মাঠে যেন বুইনা দেয়। চৈত্র মাসে রঙীন অয়া যখন কুহুম ফুল ফুটবি, তখন সেই ফুল দিয়া তোর ন্যায়ার শাড়ী-পানা রাঙা কইরা দিস।’

ধীরে ধীরে রোদ উঠিতে লাগিল। গ্রামের বহুলোক আজাহরের উঠানে আসিল। জড় হইল। আজাহর আগে জানিত না, তাহারা তাহাকে এত ভালবাসে ! আজ বিদায়ের দিন তাহাদের সকলের গলা জড়াইয়া ধরিয়। তাহার কাঁদিতে ইচ্ছা করিতেছে। নিজে কাঁদিয়া সকলকে কাঁদাইয়া আজাহর তার স্ত্রী পুত্র লইয়া খুদর তাহুলখানার পথে রওয়ানা হইল ! গ্রামের স্ত্রী-পুরুষ, ছোট ছেলে-মেয়ে, প্রায় পঞ্চাশজন গ্রামবাসী বহুদূর পৰ্যন্ত তাহাদের সঙ্গে সঙ্গে আসিল। সেই হু মল্লিকের ভালভলা, সোনাভাটার বড় বটগাছ, ইহু বোপারীর পুতুর ছাড়িয়া আসিতে আঁত যেন কান্নায় আজাহরের সমস্ত অন্তর ভাঙিয়া যাইতে চাহে। এরাও যে জীবন্ত হইবে এতদিন তা বজীবনের সুখ-ক্লেশের সার্থী হইয়াছিল। আজ বিদায়ের বেলা সেই কপাটি আজাহরের বড় করিয়া মনে পড়িতেছে। কারিগর বাড়ীর মোড়ে আসিলে রহিমদা কারিকর কাছে আসিয়া আজাহরের হাত জড়াইয়া ধরিল, ‘আজাহর ! তুমি তবে চললা ?

কারিগরের পায়ে সালাম ডানাইয়া আজাহর বলিল, ‘তোমরা দুই বইর চাচা।’

রহিমদা বলে, ‘আজাহর ! বাবছিলান তোমার যাওয়ার বেল’ আমি দেখা করব না। দুইভা বাতের আশাবেই যে তু , জাশ ছাইড়া চললা, আমা তোমাতে খাওয়ায়া রাখবার পারলাম না, আল্লা আমাগো এত বদনসাঁব করছে, সেই জন্মিই আমি পালিয়া ছিলাম। কিন্তুক তোমার চাচী হনল না। এই

মশারীখানা নিয়া যাও। হুন্দি সেই জাশে ভারী মশার উৎপাত। টানায় তোমার পুলা-পানগো লয় শুইও। এইডা দিবার জন্তি তোমার চাচী আমারে পাঠাইছে।’

মশারীখানা গামছায় বাঁধিতে বাঁধিতে আজাহের বলিল, ‘কারিকর চাচা ! আর চিরজনমে তোমার গীদ হুন্দি পারব না।’

রহিমদী বলিল, ‘তুই ভাবিস না আজাহের ! তাম্বুলখানার আটে আমি কাপড় বেচতি যাব। একদিন তোর ওহানে রান্তির থাইকা গীদ হুন্দি আসপ।’

বয়স্কা কেদারীর মা ভাল করিয়া হাঁটিতে পারে না। তবু আজাহেরকে বিদায় দিতে এত পথ আসিয়াছে। বৃদ্ধা কাছে গিয়া আজাহেরের বউ-এর আঁচলখানি টানিয়া লইয়া বলিল, ‘বউ ! আমি বিধবা মানুষ, আমার ত আর কিছুই নাই। এই মুড়ি চারডা আঁচলে বাইন্দা দিলাম। পথে পুলা-পানগো খাইতি দিস।’

সমবেত গাঁয়ের লোকদের উদ্দেশে মোড়ল বলিল, ‘তোমরা অনেক দূর পর্যন্ত আইছ, আর যায় কাম নাই। রইদ উইঠা আইল। ওগো তাড়াতাড়ি যাবার দাও।’

আজাহের সকলের দিকে আর একবার ভাল মত চাহিয়া বউকে সঙ্গে করিয়া জোরে জোরে পথ চলিতে লাগিল। গ্রামের লোকেরা নীরবে দাঁড়াইয়া যতক্ষণ তাহাদের দেখা যায় ততক্ষণ অপেক্ষা করিয়া ধীরে ধীরে যার যার বাড়ি ফিরিয়া গেল।

বারো

ঘন জঙ্গলের আড়াল ঘেরা তাম্বুলখানা গ্রাম। সূর্য এখানে এক ঘণ্টা পরে আলো দেখায়। সূর্য ডোবার এক ঘণ্টা আগে এখানে চারিদিকে রাত্রি হইয়া যায়। প্রত্যেকটি বাড়িতে আম, কাঁঠাল, সুপারির বন। তার পাশে বাঁশ বাড়, কলার বাড়, আর আগাছার বন। প্রত্যেকটি গাছের সঙ্গে নাম-না-জানা লতা, এ-গাছের সঙ্গে ও-গাছকে জড়াইয়া ধরিয়াছে। শেয়াল, খাটাস দিনের বেলাতেই নির্ভয়ে সারা গ্রামে ঘুরিয়া বেড়ায়। বুনো শুয়োরের কাঁক দল বাঁধিয়া বনের মধ্যে বিচরণ করে। কোন বাড়িতেই বেশী লোকজন নাই। যাহারা আছে তাহাদের পেট উঁচু, বুকের হাড় কয়খানা বাহির করা। এই গ্রামে আসিয়া প্রথমে আজাহের গরীবুল্লা মাতব্বরের সঙ্গে দেখা করিল।

গরীবুল্লা মাতব্বর মিনাজ্জদী মাতব্বরের সম্পর্কে বৈবাহিক। মিনাজ্জদী মাতব্বর আগেই আজাহেরকে বৈবাহিকের সঙ্গে দেখা করিতে বলিয়া দিয়াছিল।

সারাদিন ঠাট্টা। প্রান্ত-প্রান্ত হইয়া প্রায় সন্ধ্যা বেলা তাহারা গরীবুল্লা মাতব্বরের বাড়িতে আসিয়া পৌঁছিল। মাতব্বর বৈঠক-খানায় বসিয়া তামাক টানিতেছিল। হঠাৎ এই আগন্তুকদের দেখিয়া আশ্চর্য হইল।

আজাহের মাতব্বরকে সালাম জানাইয়া কহিল, ‘আমরা মিনাজ্জদী মাতব্বরের ঘাশ অইতে আইছি।’

মোড়ল খুশী হইয়া বলিল, ‘আরে কুটুমের ঘাশ অইতে আইছ! তা বইস বাই! বইস।’

তারপর অন্দর-বাড়ির দিকে মুখ লইয়া উঁচু গলায় বলিল, ‘আরে আমাগো বাড়ির উনি কৈ গ্যাল? এদিক আসুক দেখি। কুটুম আইছে। আজ সকাল বেলা থাইকাই কুটুম-পক্ষি ডাকত্যাছে, তহনই মনে করছিলাম, আইজ কুটুম আইব।’

মোড়লের স্ত্রী হাসি-খুশী মুখে বাড়ির ভিতর হইতে দৌড়াইয়া আসিল। তারপর আজাহেরকে দেখিয়া মুখে লম্বা ঘোমটা টানিয়া দিল। মাতব্বর কহিল, ‘আরে শরম কইর না। বেয়াইর ঘাশের লোক। শীগগির ওজুর পানি পাঠায়া দাও। আর শোন, এগো বাড়ির মধ্যিয়া নিয়া যাও।’

মোড়লের স্ত্রী আজাহেরের বউ-এর কোল হইতে মেয়েটিকে টানিয়া বৃকে

লইল। তারপর আজাহেরের বউকে টানিয়া লইয়া বাড়ির ভিতর চলিয়া গেল। একটু পরেই ছোট মেয়েটি জলের পাত্র এবং খড়ম আনিয়া বৈঠকখানায় রাখিল। মোড়ল মেয়েটিকে ডাকিয়া কহিল, ‘দেখ, ফুল! তোর মারে ক গিয়া বড় মোরগড়া জবাই কইরা দিতি। আইজ বেয়াই-এর ভাশের কুটুমের বালো কইরা খাওয়াইতি অবি।’ মেয়েটি ক্রমক্ৰম করিয়া পায়ের খাড়ু বাজাইতে বাজাইতে চলিয়া গেল।

আজাহের তাহাকে নিষেধ করিবারও সুযোগ পাইল না। এইসব আদর-আপ্যায়নে আজাহের শরমে মরিয়া বাইতেছিল। সে ত কুটুমের মত ছ’ একদিনের জন্ত এদেশে বেড়াইতে আসে নাই। অনাহারী স্ত্রী-পুত্র লইয়া মোড়লের ঘাড়ে একটা ভার হইতে আসিয়াছে। সমস্ত জানিয়া শুনিয়া মোড়ল তাহাকে কি ভাবে গ্রহণ করিবে, কে বলিবে? একটি পয়সা সে সংগ্রহ করিয়া লইয়া আসিতে পারে নাই। সেই জন্ত আগেই আজাহের মোড়লকে তাহার সমস্ত অবস্থা জানাইয়া দেওয়ার সুযোগ খুঁজিতে লাগিল।

একটু কাশিয়া বলিল, ‘মোড়ল সাহেব! আমাগো জন্তি ব্যস্ত অবেন না। আমাগো সগল কতা হুনলি,’—

‘আরে মিঞা! সগল কতাই হুনবানি। আগে বইস্তা জিরাও, নাস্তা খাও।’

এমন সময় মোড়লের মেয়ে ফুল চীনের রেকাবীতে করিয়া মুড়ি, তিলের নাড়ু, নারকেলের তক্তি—আর একটি বাটিতে করিয়া ঘন আঙটা দুধ আজাহেরের সামনে আনিয়া ধরিল। আজাহের কি বলিতে চাহিতেছিল মোড়ল তাহা কানেও তুলিল না, ‘আরে মিয়া! আগে নাস্তা খায়া লও।’

অগত্যা আজাহের হাত পা ধুইয়া নাস্তা খাইতে বসিল। মোড়ল তাহার সঙ্গে গল্প করিতে লাগিল।

‘আরে মিঞা! তোমরা এলা গাঙের ভাশের মানুষ, তাও আবার শহরের কাছে বাড়ি। তোমাগো কি আমরা খাতির করতি পারি? এই গই-গিরামে কিবা আছে আর কিবা খাওয়াব?’

আজাহের খাইতে খাইতে মুখ উঠাইয়া বলে, ‘আরে কি যে কন মোড়ল সাব?’

‘কব আর কি আজাহের বাই?’ মোড়ল খুলী হইয়া বলে, ‘হেবার গেলাম বিয়াইর বাড়িতে! কাছারি গরে কতা কইতাছি, এক দণ্ডও যায় নাই অমনি জিলাপী, হকেশ আরও লওয়াজিমা আইস্তা উপস্থিত। কত আর

খাব? খাওয়ার পরে বিয়াই কয় চা খাও। চীজা-বাটিতে ভইরা চার পানি ত আইন্যা দিল। গরম, মুহি চুমুক দিয়া মুখ পুড়িয়া ফেললাম। তারপর বিয়াইরে কই, বিয়াই! চা ত খাইলাম। এইবার পানি দাও। পানি খাই। বিয়াইন ও-কোণা খাড়ায়া মুহি কাপড় দিয়া আসে। আমি জিজ্ঞাসাইলাম, আপনার কি অইল বিয়াইন? বিয়াই তখন কয়, তোমার বিয়াইন তোমারে ঠগাইল। চা খায়া পানি খাইতি হয় না। আমি ত এহেবারে নামাকুল আর কি! তোমাগো শহইর্যা ছাশের মানষিরী আমরা কি আর খাতির করব? আরে মিয়া! উঠলা যে? ওই উড়ুমঙলা সবই পাইতি অবি। আর বাটিতে দুধও ত পইড়া রইল?’ মোড়ল বাটির সমস্ত দুধ আজাহেরের পাতে ঢালিয়া দিল। নাস্তা খাওয়া শেষ হইলেই মোড়ল নিজের বাশের চোকা হইতে পান বাহির করিল। পাশের দা’খানা লইয়া একটা সুপারির অর্দেক কাটিয়া আজাহেরের হাতে দিল। ‘মিঞা! পান-সুপারি পাও।’ তারপর খুব গর্বের সঙ্গে বলিতে লাগিল, ‘পান আমার নিজির বাড়ির, আর সুপারিও নিজির গাছের। চুনডা ক্যাবল কিন্ছি।’ বলিয়া চুনের পাত্রটি সামনে আগাইয়া দিল। আজাহের পান মুখে দিতে না দিতেই মোড়ল নিজের হাতের হাঁকোটি আনিয়া আজাহেরের হাতে দিল।

বাড়ির ভিতরেও এদিকে মোড়লের স্ত্রী আজাহেরের বউকে কম খাতির করিল না। ছেলে-মেয়ে দু’টি মোড়লের ছেলে-মেয়েদের সঙ্গে মিলিয়া গিয়াছে। মুরগীর ঝোল চুলায় উঠাইয়া দিয়া মোড়লের বউ আজাহেরের বউ-এর চুল লইয়া বসিল।

‘পোড়া-কপালী! এমন চুল তোর মাথায়! তাতে ত্যাল নাই।’ আজলা পুরিয়া তেল লইয়া বউটির মাথায় ঘসিতে বসিল। তারপর বাশের চিকণীপানা লইয়া ভালমত আঁচড়াইয়া সুন্দর করিয়া একটি খোঁপা বাধিয়া দিল। ‘বলি পোড়া-কপালী! দুইদিনের ভন্তি ত আইছাস। ভালমত আদর কইরা দেই, আমাগো কত। তোর মনে থাকপি।’ বউ যেন কি বলিতে যাইতেছিল। মুখে একটা ঠাকনা মারিয়া মোড়ল-গিন্নী বলিল, ‘বলি আমি তোর বড় বইন অই কিনা? আমার বাড়িতে তুই অবন্তনে থাকপি, —তা দেইখ্যা তোর জামাই আমারে কি কইব?’

এত আদর-বস্তু পাইয়া আজাহেরের বউ-এরও বড়ই অবন্তি বোধ হইতেছিল। ভিখারীর মত তাহারা আশ্রয় লইতে আসিয়াছে! তাহাদের প্রতি তেমনি ভিখারীর আচরণ করিলেই সে খুশী হইতে পারিত। কিন্তু

মোড়ল-গিন্নী একি করিতেছে ? তাহাদিগকে আশ্বীয়-কুটুম্বের মত আদর-বশ্ত করিতেছে। এটা ওটা আনিয়া খাওয়াইতেছে। কাল যখন টের পাইবে, তাহারা পেটের ক্ষুধার তাড়নায় এদের বাড়িতে আশ্রয় লইতে আসিয়াছে, তখন না জানি ইহারা কি ভাবে তাহাদের গ্রহণ করিবে ?

কিন্তু মোড়ল-গিন্নীর মুখখানি যেন সকল ছনিয়ার মমতায় ভরা। রোগা একহারা পাতলা গঠন, বয়স পয়তাল্লিশের কাছাকাছি। কিন্তু মুখের হাসিটুকু কি করুণ আর মমতায় ভরা। মা বলিয়া কোলে ঝাঁপাইয়া পড়িতে ইচ্ছা করে। তাকেও আজাহরের বউ দুই চার বার তাহাদের সমস্ত হুঃখের কাহিনী বলিবার জন্ত চেষ্টা করিল। মোড়ল-গিন্নী সেদিকে কানও দিল না।

রাজের খাওয়া দাওয়া শেষ হইলে একখানা ঘরে মোড়ল আজাহরেরদেদ শুইতে দিল। মোড়ল-গিন্নীর স্ব-বন্দোবস্তে আজাহরের ছেলে-মেয়ে দুইটি আগেই বিছানার এক পাশে ঘুমাইয়া পড়িয়াছে।

রাজি শেষ না হইতেই আজাহরের ছেলে বছির জাগিয়া উঠিল। চারিদিকে বনে কত রকমের পাখিই না ডাকিতেছে। মাঝে মাঝে কাঠ-ঠোকরা শব্দ করিতেছে। দল বাঁধিয়া শিয়ালেরা চিংকার করিয়া উঠিতেছে। আর বনের ভিতর হইতে শৌঁ শৌঁ শব্দ আসিতেছে। একটা রহস্য মিশ্রিত অজানা ভয়ে তাহার সমস্ত শরীর রোমাঞ্চিত হইয়া উঠিল। কখন সকাল হইবে। কখন সে তাহার সত্ত্ব পরিচিত খেলার সাথীদের সঙ্গে এই অজানা দেশের রহস্য উদ্‌ঘাটিত করিয়া তুলিতে পারিবে।

এমন সময় ফুলু আসিয়া ডাক দিল, ‘বছির-বাই, আইস। আমরা তাল কুড়াইবার যাই।’ তাড়াতাড়ি দরজা খুলিয়া বছির বাহির হইয়া পড়িল। মোড়লের পুত্র নেহাজদ্দী আর গেদাও উঠানে অপেক্ষা করিতেছিল। তাহারা সকলে মিলিয়া পানা-পুকুরে ডুবান একটা ডোঙ্গা সৈঁচিয়া তাহাতে উঠিয়া বসিল। নেহাজদ্দী হাতে লগি লইয়া অতি নিপুণভাবে ডোঙ্গাখানিকে ঠেলিয়া ঝাঁক ঝাঁক নাও-দাঁড়া বাহিয়া ঘন জঙ্গলের মধ্যে দিয়া সেই বেত ঝাড়ের অঙ্কুরে তালগাছ তলায় আসিয়া উপস্থিত হইল। জলের উপরে রাশি রাশি তাল ভাসিয়া বেড়াইতেছিল। যেন তাহাদেরই ছোট ছোট খেলার সাগি। সকলে মিলিয়া কলরব করিয়া তালগুলিকে ধরিয়া ডোঙায় উঠাইতে লাগিল। তারপর তাল কুড়ানো প্রায় শেষ হইয়া আসিল। ঘন জঙ্গলের আড়ালে লতা পাতার আবরণে ছ’একটা তাল তখনও লুকাইয়াছিল।

এবার সেই তালগুলির যেটি যে আগে দেখিতে পাইবে সেটি তাহারই

হইবে। দেখা যাক্ কার ভাগে কয়টি তাল পড়ে। যার ভাগে বেশী তাল পড়িবে সে লগি দিয়া ডোঙা ঠেলিয়া লওয়ার সম্মান পাইবে। তাল খুঁজিতে তখন তাহাদের কি উৎসাহ, ‘মিঞা-বাই! ওইদিকে লগি ঠ্যাল, ওই যে একটা তাল, ওই যে আর একটা।’ ফুলেরই মতন মুখখানি নাচাইয়া ফুল বলে। এইভাবে তাল কুড়াইয়া দেখা গেল, ফুলুর ভাগেই বেশী তাল হইয়াছে। বড় ভাই নেহাজ্জদী বড়ই মন-মস্তা হইয়া তাহার লগি চালানোর সম্মানটি ছোট বোনকে দিতে বাধ্য হইল। কোমরে আঁচল জড়াইয়া ফুল লগি লইয়া ডোঙা ঠেলিতে লাগিল। সামনে দিয়া দুই তিনটি সাপ পালাইয়া গেল। একটা সাপ ত ডোঙার মাথায়ই একেবারে পেচাইয়া গেল। বছির ভয়ে চিৎকার করিয়া উঠিল, ‘আরে সাপ—সাপ, কামুড় দিবি!’ অতি সম্ভর্পণে লগির মাথা দিয়া সাপটিকে ছাড়াইয়া ফুল খিল খিল করিয়া হাসিতে লাগিল। তাহার ভাই দু’টিও বোনের সঙ্গে হাসিতে যোগ দিল। ইহারা মন্তব্য না কি! সাপ দেখিয়া ভয় করে না! বছিরের বড় রাগ হইল।

ফুল পূর্বেরই মত হাসিতে হাসিতে বলিল, ‘বছির-বাই! ওগুলো গাইচা সাপ। আমাগো কি করব?’

‘ক্যান কামুড় ছায় যদি?’ বছির বলিল।

পূর্ববৎ হাসিতে হাসিতে ফুল বলিল, ‘কামুড় কেন কইরা দিবি, আমার হাতে লগি নাই? এক বাড়িতে মাথা ফাটায় দিব না?’ কিন্তু বছির ইহাতে কোনই ভরসা পাইল না। পথে আসিতে আসিতে পুকুর হইতে তাহারা অনেক ঢাপ-শাপলা তুলিল। বছিরের কিন্তু একাড়ে মোটেই উৎসাহ লাগিতেছিল না। কোন্ সময় আর একটা সাপ আসিয়া ডো: পেচাইয়া ধরিবে কে জানে। কিন্তু তাহাদের দুই ভাই-বোনের উৎসাহের সীমা নাই। এখানে ওখানে অনেক ঢাপ কুড়াইয়া তাহারা বাড়ির ঘাটে আসিয়া ডোঙা ভিড়াইল। তখন বাড়ির সকল লোক উঠিয়াছে। মোড়ল ঘাটে মুখ হাত ধুইতে আসিয়াছিল। ছেলে-মেয়েদের এই অভিব্যানের সাফল্য দেখিয়া তাহাদের তারিফ করিল। ইহাতে তাহাদের সারা সকালের সমস্ত পরিশ্রম যেন সার্থক হইয়া উঠিল। ফুল তার ফুলের মত মুখখানি ছটামিতে ভরিয়া বলিল, ‘বাজান! ডোঙার আগায় একটা গাইচা সাপ বায়া উঠছিল। তাই দেইখা বছির-বাই একেবারে বয়ে চিকর দিয়া উঠছে।’ শুনিয়া মোড়ল একটু হাসিল। ইহার ভিতর কি তামাসার ব্যাপার আছে বছির তাহা বুঝিতে পারিল না।

তেন্তো

পাঁচ ছয়দিন কাটিয়া গেল। আজ্ঞাহের কিছুতেই গরীবুন্না মাতব্বরকে সমস্ত কথা খুলিয়া বলিবার অবসর পাইল না। যখনই সে মাতব্বরকে সমস্ত বলিতে গিয়াছে, মাতব্বর কৌশলে অন্য কথা পাড়িয়াছে।

ইতিমধ্যে তাহাদের সম্মানে মাতব্বর গ্রামের সমস্ত লোককে দাওয়াত দিয়াছে। আজ দুপুরে খাসী জবাই করিয়া বড় রকমের ভোজ হইবে। নিমন্ত্রিত লোকেরা প্রায় সকলেই আসিয়া গিয়াছে। এইসব আত্মীয়তার অতি সমাদর আজ্ঞাহের কিছুতেই সহ্য করিতে পারিতেছিল না। আজ যেমন করিয়াই হোক সে মাতব্বরকে সমস্ত খুলিয়া বলিবে। ইতিমধ্যে সে বহুবার মাতব্বরের বাড়িতে এটা ওটা কাজ করিতে গিয়াছে। হালের লাঙল লইয়া মাঠে যাইতে চাহিয়াছে, মাতব্বর তার কাঁধ হইতে লাঙল কাড়িয়া লইয়াছে, হাত হইতে কান্টে কাড়িয়া লইয়াছে। বলিয়াছে ‘কুটুমির ছাশের মাছুষ। মিঞা! তুমি যদি আমার বাড়িতি কাম করবা, তব্ব আমার মান থাকপ? কুটুম বাড়িতে আইছ। বাল মত খাও দাও, এহানে হাইট্যা বেড়াও, ছইড়া খোশ গল্প কর।’ আজ্ঞাহের উত্তরে যাহা বলিতে গিয়াছে, মাতব্বর তাহা কানেও ভেলে নাই। অন্যর-মহলেও সেই একই ব্যাপার। আজ্ঞাহের বউও এটা ওটা কাজ করিতে গিয়াছে, ধান লইয়া টেকিতে পাড় দিতে গিয়াছে, হাঁড়ি-পাতিল লইয়া ধুইতে গিয়াছে, মোড়লের বউ আসিয়া তাহাকে টেকি-ঘর হইতে টানিয়া লইয়া গিয়াছে, হাত হইতে হাঁড়ি-পাতিল কাড়িয়া লইয়াছে; আর অভিযোগের স্বরে বলিয়াছে, ‘বলি বউ! হাঁড়ি দিয়া কি করবার লাগছাস? কুটুম-বাড়িতি আয়া তুই যদি কাম করবি, তবে লোকে কইব কি আমারে? কত কাম কাইজির বাড়ির খইন্না আইছাস, এহানে ছইদিন জিড়্যা। হাড় কয়খানা জুড়াক।’

আজ্ঞাহের যখন এইসব লইয়া তাহার বউ-এর সঙ্গে গভীর পরামর্শ করিতে বলিয়াছে, তখন মোড়লের বউ আসিয়া বেড়ার ফাঁকে উঁকি মারিয়া বলিয়াছে, ‘বলি বিয়াইর ছাশের কুটুমর কি গহীন কতা কইবার লাগছে। তা ক-লো, বউ ক’। এক কালে আমরাও অমনি কত কতা কইতাম। কতা কইতি

কইতি রাত কাবার অয়া বাইত, তবু কতা ফুরাইত না।’

লঙ্কায় বউ তাড়াতাড়ি সেগান হইতে পালাইয়া গিয়াছে। মোড়ল-গিন্নী উচ্চ হাসিয়া বলিয়াছে, ‘কি-লো বউ! পালাইলি ক্যান? তোবা, তোবা, কান মলা খাইলাম আজাহের বাই। আর তোমাগো নিরাল-কতার মদি আমি থাকপ না। না জানি তুমি আমারে মনে মনে কত গাল-মন্দ করত্যাছ?’

কলরব শুনিয়া মোড়ল আসিয়া উপস্থিত হয়। ‘কি ঐছে তোমরা এত আগত্যাছ ক্যান?’ মোড়লের কানে কানে মোড়ল-গিন্নী কি কয়। মোড়ল আরো হাসিয়া উঠে। ‘আজাহের কয়, আরে বাবিসাব কি যে কন? আমরা কইত্যাছিলাম... ..’

‘তা বুঝছি, বুঝছি আজাহের বাই! কি কইত্যাছিল তোমরা নিরালে। তবে আজ কান মলা খাইলাম তোমাগো গোপন কতার মদি আড়ি পাতম না।’ লঙ্কায় আজাহের খর হইতে বাহির হইয়া যায়। মোড়ল আর মোড়ল-গিন্নী হাসিয়া গড়াইয়া পড়ে। ওদিকে ঘোমটায় সমস্ত মুগ ঢাকিয়া, আজাহেরের বউ লঙ্কায় মৃত্যু কামনা করে।

এ কয়দিনের সমস্ত গ্রাম ঘুরিয়া এ-বাড়ি ও-বাড়ি বেড়াইয়া আজাহেরের নিকট এই গ্রামটিকে অদ্ভুত বলিয়া মনে হইয়াছে। এ গ্রামে কেহ কাহারও সঙ্গে ঝগড়া-মারামারি করে না। কাহারও বিরুদ্ধে কাহারও কোন অভিযোগ নাই। গ্রামের প্রায় অর্দ্ধেক লোক ম্যালেরিয়ায় ভুগিতেছে। সন্ধ্যা হইলেই তাহারা কাঁথার তলে বাইয়া জরে কাঁপিতে থাকে। সকাল হইলেই আবার যে বাহার মত উঠিয়া পাস্তা-ভাত খাইয়া মাঠের কাজ করিতে বাহির হইয়া যায়। কেউ কোন ডাক্তার ডাকে না। আর ডাক্তার ডাকবার সঙ্গতিও ইহাদের নাই। গলায় মাছলী ধারণ করিয়া কিংবা গাম্য-ফকিরের জল-পড়া খাইয়াই তাহারা চিকিৎসা করার কতব্যটুকু সমাধা করে। তারপর রোগের সঙ্গে খুঁচ করিতে করিতে একদিন চিরকালের মত পরাজিত হইয়া মৃত্যুর তুহিন শীতল কোলে নীরবে ঘুমাইয়া পড়ে। কাহারও বিরুদ্ধে কোন অভিযোগ নাই।

সকলেরই পেট উচু, বুকের হাড় কয়খানা বাহির করা, বেশী পরিশ্রমের কাজ কেহ করিতে পারে না। কিন্তু তাহার প্রয়োজনও হয় না। এদেশের মাটিতে সোনা ফলে। কোন রকমে লাঙলের কয়টা আঁচড় দিয়া মাটিতে ধানের বীজ ছড়াইয়া দিলেই আসমানের কালো মেঘের মত ধানের কচি কচি

ডগায় সমস্ত মাঠ ছড়াইয়া যায়। আগাছা বাহা ধানখেতে জন্মায় তাহা নিড়াইয়া ফেলার প্রয়োজন হয় না। বর্ষার সময় আগাছাগুলি জলের নিচে ডুবিয়া যায়! মোটা মোটা ধানের ডগাগুলি বাতাসের সঙ্গে ছুলিয়া ঝক্‌ঝক্‌ করে। কিন্তু এদেশে শূকরের বড় উৎপাত। রাজে শূকর আসিয়া ফসলের খেত নষ্ট করিয়া যায়। বন হইতে বাঘ আসিয়া গোয়ালের গরু ধরিয় লইয়া যায়। ম্যালেরিয়ার হাত হইতে রেহাই পাইয়া গ্রামে যাহারা ভাল থাকে তাহারা সারা রাজ জাগিয়া আগুন জ্বলাইয়া টিন বাজাইয়া শূকর খেদায়, বাঘকে তাড়না করে। তাই পরস্পরের সঙ্গে বিবাদ-বিসংবাদের স্বেচ্ছা তাহাদের ঘটে না। তাহাদের বিবাদ বুনো শূকরের সঙ্গে, হিংস্র বাঘের সাথে। এইসব শত্রুর সঙ্গে যুদ্ধ করিতে পাড়ার সকল লোকের সমবেত শক্তির প্রয়োজন। সেই জন্ত গ্রামের লোকেরা এক ডাকে উঠে বসে। একের বিপদে অপরে আসিয়া সাহায্য করে। শহরের নিকটের গ্রামগুলির মত এখানে দলাদলি মারামারি নাই; মামলা-মোকদ্দমাও নাই।

• পূর্বে বলিয়াছি নতুন কুটুমের সম্মানে মোড়ল গ্রামেয় সব লোককে দাওয়াং দিয়া আসিয়াছে। নিমন্ত্রিত লোকেরা আসিয়া গিয়াছে। কাছারী-ঘরে সব লোক ধরে না। সেইজন্ত উঠানে মাছুর বিছাইয়া সব লোককে খাইতে দেওয়া হইল। আজাহেরকে সকলের মাঝখানে বসান হইল। তার পাশেই গরীবুজা মাতব্বর আসন গ্রহণ করিল। নানা গল্প-গুজবের মধ্যে আহার চলিতে লাগিল। সকলের দৃষ্টি আজ আজাহেরের দিকে। শহরের কাছে তাহার বাড়ি, তাতে সে আবার মোড়লের কুটুম। সে কেমন করিয়া খায়, কেমন করিয়া কথা বলে, কেমন করিয়া হাসে, সকলেই অতি মনোযোগের সহিত সেদিকে দৃষ্টি দিতে লাগিল। তাহারা অনেকেই শহরে যায় নাই। শহরের বহু রোমাঞ্চকর আজগুবি-কাহিনী শুনিয়াছে। আজ শহরের কাছেই এই লোকটি তাই তাহাদের নিকট এত আকর্ষণের।

এত সব বাহাকে লইয়া সেই আজাহের কিন্তু ইহাতে তৃপ্ত হইতে পারিতেছিল না। এই সব ঐকজমক আজাহেরকে তীব্র কাঁটার মত বিদ্ধ করিতেছিল। মোড়ল যখন জানিতে পারিবে, সে এখানে আত্মীয়-কুটুমের মত দুইদিন থাকিতে আসে নাই—সে আসিয়াছে ভিখারীর মত পেটের তাড়নায় ইহাদের দয়া প্রার্থনা করিতে; তখন হয়ত কুকুরের মত তাহাদিগকে তাড়াইয়া দিবে। কিন্তু আজই ইহার একটা হেস্ত-নেস্ত হইয়া যাওয়া ভাল। আজাহের মরিয়া হইয়া উঠিল। তিন চারবার কাশিবার চেষ্টা করিয়া মোড়লের দৃষ্টি আকর্ষণ

করিয়। আজাহের বলিল, ‘মোড়ল সাহেব ! আমার একটা কতা।’ মোড়ল বলিল, ‘মিঞাৱা ! তোমরা চূপ কর। আমার বিয়াইর ছাশের কুটুম কি জানি কইবার চায়।’ একজন বলিয়া উঠিল, ‘কি আর কইব ! কুটুম বুঝি আমাগো চিনি-সন্দেশ খাওয়ানের দাওয়াং দিতি চায়।’ সকলে হাসিয়া উঠিল। কিন্তু আজাহের আজ মরিয়। হইয়া উঠিয়াছে। তাহার সমস্ত ব্যাপার আজ সকলকে না জানাইয়া দিলে কিছুতেই সে সোদাঙ্গি পাইবে না।

আবার একটু কাশিয়া আজাহের বলিতে আরম্ভ করিল, ‘মোড়ল সাহেব ! সোঁতের শেহলার মত ভাসতি ভাসতি আমি আপনাগো ছাশে আইছি। আমি এহানে মেজবান-কুটুমের মত দুইদিন থাকপার জন্তে আসি নাই। আমি আইছি চিরজনমের মত আপনাগো গোলামতী করতি।’ এই পর্যন্ত বলিয়া সভার সব লোকের দিকে সে চাহিয়া দেখিল; তাহার। কেহ টিটকারি দিয়া উঠিল কি না। কিন্তু সে আশ্চর্য হইয়া দেখিল তাহার কথা সব লোক নীরবে শুনিতেছে। তখন সে আবার আরম্ভ করিল, ‘বাই সব ! আমারও বাড়ি-ঘর ছিল, গোয়ালে দুইডা য়ুয়ান য়ুয়ান বলদ ছিল, বেড়ীভরা ধান ছিল; কিন্তু মহাজনের মিথ্যা দিনার দায়ে নালিশ কইর্যা আমার সব নিলাম কইরা নিয়া গ্যাছে।’ এই পর্যন্ত বলিয়া আজাহের গামছার কানি দিয়া মুছিয়া আবার বলিতে আরম্ভ করিল, ‘আধবেলা খায়। উপাস কইরা তবু ভিট্যার মাটি কামড়ায়। ছিলাম। কিন্তু পুলা পানপুলা যখন বাত বাত কইরা কান্দি, তখন আর জানে সইত না। আমাগো মোড়ল মিনাজকী মাতব্বর তখন কইল, আজাহের যা, তাহুলগানা আমার বিয়াই গরীবুল। মাতব্বরের ছাশে যা। তানি তোর একটা কুল-কিনারা করব।’

এই বলিয়া আজাহের আবার কাঁদিতে লাগিল। তাহার সঙ্গে সমবেত গ্রাম্য-লোকদেরও দুই একজনের চোখ অশ্রু সঞ্চল হইয়া উঠিল। মোড়ল নিজের গামছার খোট দিয়া আজাহেরের চোখ মুছাইতে মুছাইতে বলিল, ‘আজাহের-বাই ! কাইন্দ না। খোদা যমন তোমাৱে আমার এহানে আইত্তা ফেলাইছে, তখন একটা গতি হবিই।’ আজাহের কি বলিতে বাইতেছিল। মোড়ল তাহাকে থামাইয়া বলিল, ‘আর কইবা কি আজাহের-বাই ? তুমি বেদিন পরখমে আইছ, সেই দিনই বুঝি পুংবছি, শোণা-ভোগা মাছব তুমি প্যাটের জালায় আইছ আমাগো ছাশে। আরে বাই ! তাই যদি বুঝি না পারতাম তন্ন দশ গিরামে মাতব্বরী কইরা বেড়াই ক্যান ? কিন্তু তুমি তোমার ছুন্নির কতা কইবার চাইছ ! আমি ছনি নাই। কেন ছনি নাই জান ?

তোমার দুষ্কির কতা আমি একলা শুনব ক্যান ? আমার গিরামের দশ বাইর সঙ্গে একত্তর বইসা শুধুম। তোমার জন্তি যদি কিছু করনের অয় তবে দশজনে মিল্যা করুম।’ এই পৰ্বন্ত বলিয়া মোড়ল সকলের মুখের দিকে একবার তাকাইয়া লইল মোড়ল যে এমনি একটা সামান্ত ব্যাপারেও তাহাদের দশজনের সঙ্গে পরামর্শ করিতে বসিয়াছে, এজন্ত মোড়লের প্রতি ভক্তি-শ্রদ্ধায় ও কৃতজ্ঞতায় তাহাদের মনের ভাব এমনই হইল যে, দরকার হইলে তাহারা মোড়লের জন্ত জান পৰ্বন্ত কোরবানী করিয়া দিতে পারে। তাহাদের মুখের পানে চাহিয়া মোড়ল ইহা বুঝিতে পারে। বহু বৎসর মোড়লী করিয়া তাহার এই অভিজ্ঞতা হইয়াছে। মোড়ল আবার সমবেত লোকদের ডাকিয়া কহিল, ‘কি বল বাইরা ! আজাহের মিঞারে তবে আমাগো গিরামে আশ্রয় দিবা তোমরা ?’ সকলে এক বাক্যে বলিয়া উঠিল, ‘তারে আমরা বুকি কইরা রাখপ।’

‘শুধু মুহির কতায় কি চিড়্যা ভেঙ্গে মিঞারা ? কি ভাবে বুকি কইরা রাখপা সেই কতাদা আমারে কও ?’

সম্মুখ হইতে দীঘু বুড়ো উঠিয়া বলিল, ‘মাতবরের পো ! আমার ত পুলা-পান কিছু নাই। মইরা গ্যালো জমি-জমা সাতে-পরে থাইব। আমার বাঘার ভিটাডা আমি আজাহের বাইর বাড়ি করবার জন্তি ছাইড়া দিলাম। এতে আমার কুহু দাবি-দাওয়া নাই।’ দীঘু বুড়োর তারিফে সকলের মুখ প্রসন্ন হইয়া উঠিল। এ-পাশ হইতে কলিমদী উঠিয়া বলিল, ‘আজাহের-বাইর বাড়ি করতি যত ছোন লাগে সমস্ত ‘আমি দিব।’

তাহের নেংড়া বহু দূরে বসিয়াছিল। নেংড়াইতে নেংড়াইতে কাছে আসিয়া বলিল, ‘তোমার বাড়ি করতি যত বাঁশ লাগবি, আমার ছোপের ত্যা তুমি কাইটা নিয়া যাবা আজাহের-বাই।’

মোড়ল তখন চারিদিক চাহিয়া বলিল, ‘খাকনের ভিটা পাইলাম, গর তোলনের ছোন পাইলাম। বাঁশও পাইলাম। কিন্তুক আজাহের-বাই ত একলা বাড়ি-গর তুলতি পারবি না ?’

সকলে কলরব করিয়া উঠিল, ‘আমরা সগ্যালে মিল্যা আজাহের-বাইর নতুন বাড়ী তুল্যা দিব। কাই-ই কাম আরন্ত কইরা দিব।’

‘ক্যাবল কাম আরন্ত করলিই অবি না। কাইলকার দিনির মন্দি আজাহের-বাইর নতুন বাড়ি গড়ায় দিতি অবি। বুঝলানি মিঞারা ? পারবা ত ?’ মোড়ল জিজ্ঞাসা করিল।

সকলে কলরব করিয়া উঠিল, ‘পারব।’

‘তা এলে এই কতাই ঠিক। কাইল সন্ধ্যার সময় আমি দাওয়াৎ খাইতি যাব আজাহের-বাইর বাড়িতি। দেখি মিঞারা! তোমাগো কিরামত কতদূর।’ এই বলিয়া মোড়ল প্রসন্ন দৃষ্টিতে একবার সকলের মুখের দিকে চাহিল। আজাহেরের জন্ত ইতিমধ্যে গ্রামের লোকদের মধ্যে যে বতটা স্বার্থত্যাগ করিতে চাহিয়াছিল, সেই দৃষ্টির বিনিময়ে তাহা যেন স্বার্থক হইয়া গেল।

সমস্ত দেখিয়া শুনিয়া আজাহেরের মনে হইতেছিল সে যেন কোন গ্রাম্য-নাটকের অভিনয় দেখিতেছে। মাছুষের অভাবে মাছুষ এমন করিয়া সাড়া দেয়? আনন্দের অশ্রুতে তার দুইচোখ ভরিয়া আসিল।

মোড়ল তখন আজাহেরকে লক্ষ্য করিয়া বলিতে লাগিল, ‘আজাহের-বাই! তোমার দুষ্টির কতা তুমি আমারে একলায়ে ছনাইবার চাইছিল।? কিন্তুক সেই হোননের কপাল ত আমার নাই। হেই দিন যদি আমার থাকত তবে গিরামের মাছুষ ট্যারও পাইত না, ক্যামুন কইরা তুমি আটল্যা। কান্-কোকিলি জানার আগে তোমার গর-বাড়ি আমি তুল্যা দিতাম। বাগের মত যুয়ান সাতটা ভাজন বেটা ছিল। এক দিনের ভেদ-বমিতে তারা জনমের মত আমারে ছাইড়্যা গেল। তারা যদি আইজ বাইচ্যা থাকত, তবে তুমি যেইদিন আইছিল, হেইদিন রাত্তিরেই তোমার নতুন গর-বাড়ি তুল্যা দিতাম। আইজ গিরামের মাছুষ ডাইকা তোমার গর-বাড়ি তুলবার কইছি।’)

আজাহের কি যেন বলিতে যাইতেছিল। মোড়ল তাহাকে থামাইয়া দিয়া বলিল, ‘আরে বাই! তুমি ত পরথমে গিরামের লোকে কাছে আস নাই। আইছিল আমার কাছে। আমি তোমার জন্তি কিছুই করবার পারলাম না! আমার পুলারা যদি আইজ বাইচ্যা থাকত?’ গামছার খোটে দিয়া মোড়ল চোখের জল মুছিতে লাগিল।

পাশে বাবরি-চুল মাথায় মোকিম বসিয়াছিল। সে বলিয়া উঠিল, ‘মোড়ল-ভাই! আপনি কানবেন না। আমরা আপনার গোলা না? আমরা গেরামের সকল গোলা-পান মিল্যা আজাহের-বাইর বাড়ি-গর তুল্যা দিব।’

‘আরে মোকিম! তুই কি কস?’ গামছার খোটে চোখের জল মুছিতে মুছিতে মোড়ল বলে, ‘হেই গিরামের মাছুষই কি নব আছে? কি দেখছিলাম আর কি দেখপার জন্তি বাইচ্যা আছি? এই গিরামে ছিল হাসেন নিকারীর খালা, তিনডা ঢেঁকি হাতের উপর লয়া শূন্তের উপর খেলা দেখাইত।

তারোয়াল থানা ওই নাইরকেল গাছটার উপর ছুইড়া ফেলাইত, বোঁ বোঁ কইরা তারোয়াল যায়। গাছের নাইরকেল কাইট্যা আইত্তা আবার ফিরা আইত্তা হাসেন নিকারীর পায়ের কাছে সেলাম জানাইত ।’

দীহু বুড়ো বলিয়া উঠিল, ‘আপনার মনে নাই বড়-মিঞা ! ওই জঙ্গলডার যদি ছিল হাকিম চান আর মেহের চান্দেবর বাড়ি, দুইজনের যখন জারী-গান গাইত বনের পশু গলাগলি ধইরা কানত ?’

‘মনে নাই ছোট-মিঞা ?’ মোড়ল বলে, ‘ফৈরাতপুরির মেলায় যায়। গান গায়া রূপার দুইডা ম্যাডাল না কি কয়, তাই লয়া আইল। আমার সামনে তাই দেখায়। কয়, মোড়ল, এই দুইডা আমাগো বাবির পরন লাগবি। পুাগল কানাইর সঙ্গে গান গায়া তারে হারায়। আইছি। তারই পুরস্কারি পাইছি এই দুইডা, আমাগো বাবি যেন গলায় পরে। অনেক মানা করলাম, অনেক অনেক নিয়ারা করলাম, হনল না। হেই দুইডা মেডিল এহনো আমার বাড়ি ওয়ালীর গলায় আছে। কিন্তুক হেই মাহুষ আইজ কোথায় গেল !’

‘মনে আছে বড়-মিঞা ?’ দীহু বুড়ো আগাইয়া আসিয়া কয়, ‘দিগুনগরের হাটের যদি আমাগো গিরামের হস্থ গেছিল কুশাইর বেচতি, কি একটা কতায় মুরালদার লোকেয়া দিল তারে মাইর। আমাগো গিরামের কমিরদী গেছিল মাছ কিনতি। হুইত্তা, একটা আন্ত জিকা গাছ ভাইল। সমস্ত মুরালদার মানষিরে আট থইনে বাইর কইর্যা দিয়া আইল।’

‘মনে সবই আছে ছোট-মিঞা ! সেই কমিরদীর ভিটায় আইজ ঘু ঘু চরত্যাছে। সন্ধ্যা-বাতি জ্বালনের একজনও বাইচ্যা নাই।’ একটা দীর্ঘ নিশ্বাস লইয়া মোড়ল আবার বলিতে আরম্ভ করিল, ‘আমাগো তাহুলখানার গিরাম থানা গম-গম করত মানষির কতাবাতিয়। এ যেন কালকার ঘটনা। স্বপনের মতন মনে হইত্যাছে। রাতদিন এ বাড়ি ও-বাড়ি গান, কত আসি, কত তামাসা ? এই ম্যালোয়ারী বিমারে সব শেষ কইর্যা দিল। আর কি সেই সব দিন কির্যা পাব ? গোরস্তানের যদি বুইড়া পাহারাদার খাড়ায়া এআছি। নিজের দুষ্কির কতা তোমাগো আর কয়া কি করব ? সারা রাইত আমার শুম আসে না। জনমের মত যারা চইল্যা গ্যাছে গিরাম ছাইড়া, নিশির রাত্তির কালে গোরের থইনে উইঠ্যা তারা আমারে জিগায়, মোড়ল ! আমরা ম্যালোয়ারীতে মরলাম, তোমার গিরামের কোন মাহুষ এমন হেকমত কি কোন দিন বাইর করতি পারবি, যাতে ম্যালোয়ারী জরের হাত থইনে আমাগো আওলাদ-বনিয়াদ যারা বাইচ্যা আছে তাগো বাঁচাইতি পারে ? এ

কতার-আমি কুহু জবাব দিবার পারি না। নিজের হৃদয়ের কাহিনী কইলে ফুরাইবার নয়। আর কত কন্? বাইরা! তোমরা যার যার বাড়ি যাও। আমারও শরীরভা জারায় আসত্যাছে। এহনই কাঁথার তলে যাইতি অবি। কিন্তু কাইলকার কতা যেন মনে থাকে। আমি সন্ধ্যা বেলা যাব, নতুন বাড়িতি .দাওয়াং খায়নের লাগ্যা।’

গ্রামের লোকেরা যে যার মত বাড়ি চলিল। অনেকেরই শরীরে যুহু জরের কাঁপন অহুত্বত হইতেছে। কিন্তু সমস্ত ছাপাইয়া কি একটা গভীর বিষাদে যেন সকলের অন্তর ভরা। অতীত দিনের অন্ধকারতল হইতে মোড়ল আছ এই গ্রামের যে বিস্মৃত গোরব-কথার থানিক প্রকাশ করিল, তাহার যুহু স্পর্শ সকলকেই অভিভূত করিয়া তুলিতেছে।

চৌদ্দ

সন্ধ্যার কিছু আগেই লাঠি ভর দিয়া মোড়ল আঙাংয়ের নতুন বাড়ি দেখিতে আসিল। আসিয়া যাহা দেখিল, মোড়লও তাহাতে তাক্সব বনিয়া গেল। বাঘার ভিটার দাবথানে ছ’খানা ঘর উঠিয়াছে। ঘরের পাশে ধরন্ত কলাগাছ। উঠানের একধারে ছাঙলায় শ্রীচন্দনের লতা, তাহাতে রাশি রাশি শ্রীচন্দন ঝুলিতেছে। উঠানের অগ্র দারে লাল নটের গেত। আর যেন রাঙা শাড়িখানা রোদ্রে শুকান হইতেছে।

‘ছামড়ারা তোরা ত যাহু ডানস্ দেহি! এত সমস্ত কোন্ হেঁকমতে করলিরে তোরা?’ কথা শুনিয়া সমস্ত লোক কল্পন করিয়া মোড়লকে আসিয়া বিরিয়া পাড়াইল। মোড়ল-গিন্নী ঘরের ভিতর হইতে ডাকিল, ‘আমাগো বাড়ির উনি এদিক আসুক একটু।’ ঘরের মধ্যে যাইয়া মোড়ল আরো অবাক হইয়া গেল। ঘরের চালার আটনে একটা ফুলচাঙ্ পাতা। তাহার সঙ্গে কেলীকদম্ব সিকা, মাগরফানা সিকা, আসমান-তারা সিকা, কত রঙ বেরঙের সিকা ঝুলিতেছে। সেই সব সিকায় মাটির কামন। ছোট ছোট খুটি (হাড়ি) বাতাসে ছলিতেছে। ঘরের বেড়ায় কাদা লেপিয়া চুন-হলুদ আর আলোচালের গুঁড়া দিয়া নতুন নক্সা আঁকা হইয়াছে। মোড়ল বুঝিতে পারিল তাহার গৃহিণী সমস্ত গাঁয়ের মেয়েদের লইয়া সারা দিনে এইসব কণ্ড করিয়াছে। সমস্ত

দেখিয়া শুনিয়া মোড়ল খুব তারিফ করিল, ‘বলি তোমারাও ত হেকমত কম জান না ?’ শুনিয়া খুশীতে ঘরে উপবিষ্ট সমবেত মেয়েদের মুখ রঙীন হইয়া উঠিল। মোড়লের বউ তখন বলিতে লাগিল, ‘এই সিকাডা দিচ্ছে বরোন খার বউ, এইডা দিচ্ছে কলিমদীর মায়্যা, আর এই সিকাডা মোকিমির পরিবার।’

মোড়ল বলিল, ‘বড় সুন্দর ঐছে। আমাগো গিরামে এমন কামিলকার আছে আছে আগে জানতাম না।’ বলিতে বলিতে মোড়ল বাহিরে আসিয়া দাঁড়াইল।

মোকিম বড়ো তখন আসিয়া বলিল, ‘মোড়ল-বাই ! তুমি না কইছিল্যা আজাহেরের বাড়ি আইজ খাইবা। সামান্ত কিছু খিচুড়ী রান্না ঐছে। তুমি না বলি ত ছ্যামড়ারা উয়া মুহি দিবি না ?’

‘তয় তোমরা কোনডাই বাহি রাহ নাই। আইজ বুঝতি পারলাম তোমাগো অসান্ত কোন্ কাম নাই,’ বলিয়া মোড়ল আসিয়া থাইতে বসিল। খাওয়া দাওয়া শেষ হইলে বাহাদের ইতিমধ্যেই জর আসিয়াছে তাহার। বাহার বাহার বাড়ি চলিয়া গেল ; অবশিষ্ট লোকেরা একতারা দোতরা বাজাইয়া গান গাহিতে আরম্ভ করিল। প্রায় অর্ধেক রাত অবধি গান গাহিয়া যে বাহার বাড়িতে চলিয়া গেল। আজাহের নতুন ঘরে ছেলে-মেয়ে লইয়া ঘুমাইয়া পড়িল।

প্রভাত না হইতেই চারিধারের বন হইতে কত রকমের পাখি ডাকিয়া উঠিল। সেই পাখির ডাকে আজাহেরের ছেলে বছিরের ঘুম ভাঙিয়া গেল। এখনও ভাল মত সকাল হয় নাই। বছিরের কেমন যেন ভয় ভয় করিতে লাগিল। পাশেই তার ছোট বোন বড়ু অঘোরে ঘুমাইতেছে। সে বড়ুকে ডাকিয়া বলিল, ‘ও বড়ু উঠলি না ? চল গুয়া কুড়িয়া আনি।’ বড়ু তাড়াতাড়ি উঠিয়া পড়িল।

হুই ভাই বোনে অতি সন্তর্পণে ঘরের দরজা খুলিয়া বাহিরে আসিল। মা বাবা জাগিলে হয়ত এত ভোরে তাহাদের বাহিরে যাইতে দিবে না।

সুপারি গাছের তলায় আসিয়া দেখে, বাছড়ে কামড়াইয়া কত সুপারি ফেলিয়া গিয়াছে। হুই ভাই-বোনে একটি একটি করিয়া সুপারি কুড়াইয়া এক জায়গায় আনিয়া জড় করিয়া ফেলিল। কুড়াহিতে কি আনন্দ !

‘ওই একটা—ওই ৫ ফটা, মিঞা বাই ! তুমি ওদিক কুড়াও। এদিকটা আমার,’ বলিয়া বড়ু একটু জব্বলের মধ্যে গিয়াছে, অমনি একটা বন-সজার সামনে দেখিয়া, চিৎকার করিয়া উঠিল, ‘ও মিঞা বাই ! এইডা যেন কি ?’

বছির দৌড়াইয়া আসিয়া বলিল, ‘বড়ু ! ডরাইস না। ওডা সজার।’

আয় দেহি, জঙ্গলের মন্দির সজ্জার কাঁটা আছে কিনা। সজ্জার কাঁটা দিয়া বেশ খেলা করা যায়।' দুই ভাই-বোনে তখন জঙ্গলের মধ্যে সজ্জার কাঁটা খুঁজিতে লাগিল।

এদিকে আজাহের ঘুম হইতে উঠিয়া ভাবিতে বসিল। নতুন বাড়ি ত তাহার হইল। কিন্তু তাহারাই পাইবে কি! অবশ্য সাত-আট দিনের আন্দাজ চাল ভাল মোড়ল-গিন্নী দিয়া গিয়াছে। তাহা ফুরাইতে কয়দিন? পরের কাছে চাহিয়া চিন্তিয়া কয়দিন চালান যাইবে? ভাবিয়া ভাবিয়া আজাহের কিছুই ঠিক করিতে পারিতেছিল না। আবার কি সে আগের মত জন খাটিয়া মানুষের বাড়িতে কাজ করিয়া জীবিকা নির্বাহ করিবে? কিন্তু যেখানে লোকে তাহাকে এত আদর-বহু করিয়াছে তাহাদের বাড়িতে জন খাটিতে গেলে কি সেই খাতির থাকিবে? আর জন খাটিয়া যাহারা খায় গ্রামের লোকেরা তাহাদিগকে সম্মানের চোখে দেখে না। আজাহের ভাবিল, আজ যদি তাহার গরু দুইটি থাকিত তাহা হইলে সে লাঙ্গল লইয়া খেত চষিতে পারিত। কিন্তু খেত চষিতে গেলেও বীজধান লাগে। আর খেতে ধান ছড়াইয়া দেওয়া মাত্রই তো ফসল পাকে না। বউকে ডাকিয়া জিজ্ঞাসা করে, 'কণ্ড ত এহন কি কাম করি?'

বউ বলে, 'আমি একটা কতা বাইব্যা দেখছি। এহানকার জঙ্গলে কত কাঠ। তুমি কাঠ ফাইড়া খড়ি বানায় ফইরাতপুরির বাজারে নিয়া বিক্রি কর।'

'ভাল কতা কইছাও বউ। এইডাই কয়দিন কইর, দেহি।' বলিয়া আজাহের মোড়ল-বাড়ি হইতে কুড়াল আনিয়া জঙ্গলের মধ্যে গেল। বাইয়া দেখে তাহার ছেলে-মেয়ে দুইটি আগেই আসিয়া সেখানে কি কুড়াইতেছে।

'ও বাজান! ছাহ আমরা কত স্বাজারের কাটা কুড়ায় পাইছি।' একরাশ সজ্জার কাঁটা আনিয়া ছোট মেয়েটি বাপকে দেখাইল। বছির বলিল, 'বাজান! এই দিক একবার চায়্যাই দেহ না কত গুয়া কুড়াইছি?'

'বেশত রে, অনেক গুয়া কুড়ায় ফেলছাস। বাড়ি থইনে দাকা আইহা এগুলো লয়া যা!'

ছেলে দৌড়াইয়া গেল দাকা আনিতে। আজাহের কুঠার লইয়া একটি গাছের উপর দুই তিনটি কোপ দিল। কুঠারের আঘাতে গাছটি কাঁপিয়া উঠিল। গাছের ডালে কয়েকটি পাখি বিশ্রাম করিতেছিল, তাহার কণ্ঠে আত্মনাদ করিয়া উড়িয়া চলিয়া গেল। আজাহেরের কুঠার কাঁপিয়া উঠিল।

কুঠার মাটিতে রাখিয়া আজাহের সমস্ত গাছটির উপর একবার চোখ বুলাইয়া লইল। কত কালের এই গাছ। বনের লতা জড়াইয়া পাকাইয়া এ-ডালের সঙ্গে ও-ডালের মিল করিয়া দিয়াছে। কত কালের এই মিতালী। শত শত বৎসরের মায়্যা-মমতা যেন লতা-পাতা শাখার মুক-অন্ধরে লিখিত হইয়াছে। অত শত আজাহের ভাবিতে পারিল কিনা জানি না। কিন্তু সামান্য গাছটির উপর চোখ বুলাইতে কি যেন মমতায় আজাহেরের অন্তর আকুল হইয়া উঠিল। লক্ষ লক্ষ বৎসর পূর্বে মানুষ যখন বনে-জঙ্গলে বাস করিত, তখন এই গাছগুলি ছিল মানুষের দোসর। সেই আদিম প্রীতি তাহার অবচেতন মনে আঘাত করিল কিনা জানি না—গাছের যে স্থানটিতে সে কুঠারের আঘাত করিয়াছিল সে স্থান হইতে টস্ টস্ করিয়া গাছের কস বাহির হইতেছে। আজাহের তাহা গামছার খোঁটে মুছিয়া দিয়া বলিল, ‘গাছ! তুই কান্দিস না। আর আমি তোগো কাটপ না।’ সে নিজেও মুক। নিজের দুঃখ-বেদনা সে ভাষায় প্রকাশ করিয়া বলিতে পারে না। কুঠার কাঁধে লইয়া আজাহের সমস্ত জঙ্গলটার মধ্যে উদ্দেশ্যহীন ভাবে ঘুরিয়া বেড়াইতে লাগিল। কত কালের ভুলিয়া-বাওয়া আপন-জনের সান্ত্বিত্যে যেন সে আসিয়াছে। এ-গাছের আড়াল দিয়া ও-গাছের পাশ দিয়া লতাগুচ্ছের মধ্য দিয়া বনের সরু পথটি আঁকিয়া বাঁকিয়া চলিয়া গিয়াছে। এই পথে কাহারো চলে! বন-রহস্তের এই মায়্যাবী-অন্তরখানি যাহাদের কাছে কিঞ্চিৎ উন্মোচিত হয় তাহারাই বুঝি চলিয়া এই পথ করিয়াছে। এক জায়গায় বাইয়া আজাহের দেখিল, একটা গাছের ডালে চার পাঁচ ঝায়গায় মোমাছিয়া চাক্ করিয়াছে। কি বড় বড় চাক্। চাক্ হইতে ফোঁটায় ফোঁটায় মধু ঝরিয়া পড়িতেছে। অন্য জায়গায় আজাহের দেখিল, একটা গাছের খোড়লে কটায় বাসা করিয়াছে। তাহাকে দেখিয়া কটা পালাইয়া দূরে বাইয়া অপেক্ষা করিতেছিল। বাসায় চার পাঁচটি ছোট ছোট কালো বাচ্চা চিঁচিঁ করিতেছে। বাচ্চাগুলিকে ধরিয়া আজাহের বৃকের কাছে লইয়া একটু আদর করিল, তারপর অদূরবর্তী বাচ্চাদের মায়ের দিকে চাহিয়া অতি সন্তর্পণে সে তাহাদের গর্ভের মধ্যে রাখিয়া অন্য পথ ধরিয়া চলিল। বনের যতদূর যায় তাহার তৃষ্ণা যেন মেটে না। যত সে পথ চলে বন যেন তাহার চোখের সামনে রহস্তের পর রহস্তের আবরণ খুলিয়া দেয়। এমনি করিয়া সারাদিন জঙ্গল ভরিয়া ঘুরিয়া আজাহের সন্ধ্যা বেলা গৃহে ফিরিয়া আসিল। বউ বলিল, ‘বলি কাঁঠ না কাটপার গেছিলো? তয় খালি আতে আইল্যা ক্যান?’

আজাহের তাহার উত্তরে কিছুই বলিল না। কি এক অব্যক্ত আত্মীয়তার

মমতায় তাহার সকল অন্তর ভরপুর। তাহার এঁতটুকু প্রকাশ করিয়া সেই মনোভাবকে সে ম্লান করিতে পারে না।

সন্ধ্যা হইয়া আসিয়াছে। আজাহের চাহিয়া দেখে উঠানের এক কোণে একটি ছোট্ট কটার বাচ্চা লইয়া তাহার ছেলে-মেয়েরা খেলা করিতেছে।

‘বাজান! দেইখ্যা যাও। আমরা জঙ্গল খইনে কটার বাচ্চা ধইয়া আনছি।’ ছোট মেয়ে বড়ুআহ্লাদে ডগমগ হইয়া বাপকে আসিয়া বলিল।

‘পোড়ামুণী! এডা কি করছাস? বুনো জানোয়ার, আহা ওগো মা-বাপ ধ্যান কতই কানত্যাছে।’

‘বাজান! এডারে আমরা পালব। এরে উড়ুম খাইতে দিছি। একটু বাঁদে বাত খাওয়াব।’

‘কিস্ক ওরা যে মার ছুখ খায়। তোর কাছে ত ওরা বাঁচপ না।’ আজাহের ভাবিল, কটার বাচ্চাটিকে লইয়া সে তাদের বাসায় দিয়া আসিবে। কিন্তু তখন অন্ধকার হইয়া গিয়াছে। সেই দুর্ভেদ্য জঙ্গলের পথ সে এখন অন্ধকারে চিনিবে না। আর চিনিলেও এখন সেখানে যাওয়া অবিবেচনার কাজ হইবে। বুনো শূকর আর বাঘ সেখান দিয়া এখন নির্ভয়ে বিচরণ করিতেছে। মেয়েটিকে সে খুব বকিল। তাহার বকুনিতে মেয়েটি কাঁদিয়া ফেলিল।

‘ও বাজান! আমি ত জানতাম না কটার মা আছে। তারা ওর জন্তি কানব। তুমি বাচ্চাভিরে নিয়া যাও। ওগো বাসায় দিয়া আইস গিয়া।’

কিন্তু এ অল্পরোধ এখন নিরর্থক। আজাহের বসিয়া বসিয়া ভাবিতে লাগিল। ছোট কটার বাচ্চাটি চিন্তার করিয়া কাঁদিতেছে। যন মুক-বনের আপন বৃকের সন্তান। ওর কান্নায় সমস্ত বন আতঁনাদ করিয়া উঠিতেছে। সারা রাত্র কটার বাচ্চাটির চিন্তায় আজাহেরের ঘুম আসিল না। বারবার উঠিয়া যাইয়া বাচ্চাটিকে দেখিয়া আসে। শেষ রাত্রে উঠিয়া যাইয়া দেখিল বাচ্চাটি শীতে কাঁপিতেছে। আজাহের অতি সন্তপণে নিজের গামছাখানি বাচ্চাটির গায়ের উপর জড়াইয়া দিয়া আসিয়া আবার ঘুমাইয়া পড়িল। প্রভাত না হইতেই আজাহের জাগিয়া দেখিল, তাহার ছেলে-মেয়ে দুইটি বাচ্চাটিকে সামনে করিয়া কাঁদিতেছে। আজাহের আগাইয়া আসিয়া দেখিল সব শেষ হইয়া গিয়াছে। বাচ্চাটি সকাল বেলা মরিয়া গিয়াছে। ফোঁটায় ফোঁটায় চোখের জলে আজাহেরের দুইগু ভিজিয়া গেল। মেয়ে বাপের গলা জড়াইয়া ধরিয়া বলিল, ‘বাজান! আমরা যদি জানতাম, তাইলে বাচ্চাডারে

এমন কইরা আনতাম না। আমাগো দোমেই বাচ্চাটা মইয়া গ্যাল।’

উত্তরে আজাহের কোন কথাই বলিতে পারিল না। কিন্তু তাহার মনে হইতে লাগিল আজ যেন তাহার কি এক সর্বনাশ ঘটিল। মহাজনে তাহার ব্ধাসর্বস্ব লইয়া তাহাকে পথের ফকির বানাইয়াছে—কত লোকে ‘তাহাকে ঠকাইয়াছে কিন্তু কোন দিন সে নিজেকে এমন অসহায় মনে করে নাই। কটার মায়ের সেই অপেক্ষমান স্নান মুখখানি বারবার আজাহেরের মনে পড়িতে লাগিল। অনেকক্ষণ বসিয়া থাকিয়া আজাহের কাল যে গাছটি কাটিতে গিয়াছিল সেই গাছটির তলায় একটি ছোট্ট কবর খুঁড়িয়া যেমন করিয়া মাছুষ মরিলে গোর-দাফন করে তেমনি করিয়া বাচ্চাটিকে মাটি দিল। জানাজার কালাম সে-ই পড়িল। তাহার ছেলে-মেয়ে ছ’টি পিছনে দাঁড়াইয়া মোনাজাত করিল। তারপর সে বলিল, ‘জঙ্গল! আমার বাচ্চা দুইটা অবুজ। ভূমি গুণো মাপ কইর।’

ঐ কাজ সারিয়া কুঠার কাঁধে করিয়া আজাহের আবার বনের মধ্যে প্রবেশ করিল। ছেলে বছির সঙ্গে সঙ্গে চলিল। এক জায়গায় যাইয়া তাহারা দেখিল, গাছের তলায় কত টেকিশাক। ডগাগুলো লকলক করিতেছে। গ্রামের লোকেরা টেকিশাক বেশী পছন্দ করে না। কিন্তু শহরে এই শাক বেশী দামে বিক্রি হয়। বাবুরা কাড়াকাড়ি করিয়া এই শাক কিনিয়া লইয়া যায়। বাপ-বেটাতে মিলিয়া তাহারা অনেক টেকিশাক তুলিল। তারপর শাকগুলি গামছায় বাঁধিয়া আজাহের আরও গভীর জঙ্গলের দিকে রওনা হইল। এক জায়গায় যাইয়া দেখিল, একটি কড়াই গাছ। তাহার কয়খানা ডাল শুকাইয়া কাঠ হইয়া গিয়াছে। আজাহের সেই গাছে উঠিয়া ডালগুলি ভাঙ্গিয়া তলায় ফেলিতে লাগিল। কড়াই গাছ হইতে নামিয়া আজাহের একটি জামগাছে উঠিয়া অল্প কতকগুলি শুকনা ডাল ভাঙ্গিয়া ফেলিল। তারপর নামিয়া ডালগুলি একত্র করিয়া লতা দিয়া বোঝা বাঁধিয়া মাথায় লইল। টেকিশাকগুলি গামছায় বাঁধিয়া গাছতলায় রাখিয়া দিয়াছিল। সেগুলি উঠাইয়া বছিরের মাথায় দিল। বাপ-বেটাতে বাড়ি ফিরিল তখন বেলা একপ্রহর হইয়াছে।

কাঠের বোঝা নামাইয়া আজাহের ছেলে-মেয়ে লইয়া ভাড়াভাড়ি খাইতে বসিল। ভাতের হাঁড়ির দিকে চাহিয়া আজাহের দেখিল যে সবগুলি পাস্তা-ভাত বউ তাহাদের পাতে ঢালিয়া দিয়াছে। নিজের জন্ত কিছুই রাখে নাই। বউ-এর সঙ্গে অনেক ধস্তাধস্তি করিয়া সে নিজের মাটির সানকি হইতে অর্দ্ধেকটা পরিমাণ ভাত তুলিয়া হাঁড়িতে রাখিল। তারপর অবশিষ্ট ভাতগুলিতে সানকি

পুরিয়া পানি লইয়া তাহাতে কাঁচা মরিচ, পেঁয়াজ ও লবণ মাখাইয়া শব্দ করিয়া গোথ্রাসে গিলিতে লাগিল। ভাতগুলি সে চিবাইয়া খাইল না। পাছে তাহার পেটে ব্যথাইয়া অগ্ন সময়ে হজম হইয়া যায়। ভাত খাওয়া শেষ হইতে না হইতেই বউ তাহার হাতে হুক আনিয়া দিল। দুই তিন টানে হকের কলিকায় আগুন জালিয়া নাকে মুখে ধুঁয়া ছাড়িয়া সমস্ত গৃহখানা অন্ধকার করিয়া দিল। তারপর ছেলেকে সঙ্গে লইয়া সে হ্রদ ফরিদপুরের হাটের পথে রওনা হইল।

একটি ডালিতে টেকিশাক, দুই তিনগানা মোমাছির চাক, সুপারি, কুমড়ার ফুল, কয়েকটা কলার মোচা সাজাইয়া আজাহের ছেলের মাথায় দিল। বাকের দুইধারে আঁটকাইয়া সে কাঁধে করিয়া লইয়া চলিল কাঠের বোঝা।

এত দূরের পথ। মাথার উপর হুপুরের রোঙ্গ খা খা করিতেছে। ছোট ছেলে বছির, চলিতে চলিতে পিছনে পড়িয়া থাকে। বাপ পথের মধ্যে দাঁড়াইয়া অপেক্ষা করে। এমনি করিয়া তাহার। বদরপুরের পাকা ইদারার কাছে আসিয়া বোঝা নামাইল। কুয়া হইতে জল তুলিয়া আজাহের নিজের চোখে মুখে দিল। ছেলেকে জল খাওয়াইল। তারপর কিছুক্ষণ বাউ গাছের ঠাণ্ডা হাওয়ায় জিরাইয়া আবার পথ চলিতে আরম্ভ করিল।

শহরের নিকট আসিতেই ছোট ছেলে বছির শুনিতে পাইল, কোথায় যেন বড় বুগুটি হইয়া গর্জন করিতেছে। বছির বাপকে জিজ্ঞাসা করে, ‘বাজান, এই শব্দ কিসির?’

বাপ বলে, ‘আমরা ফইরাতপুরির আটের কাছে আইছি।’

অজানা রহস্যের আবেশে বছিরের বুক দুক দুক করিতে থাকে। বছির আরও জোরে জোরে হাঁটে। অলক্ষণের মধ্যেই তাহার। শহরে আসিয়া উপস্থিত হইল। গোয়াল চামটের পুল পার হইয়া বামে ঘুরিয়া দুই পাশের মিষ্টির দোকানগুলি ছাড়াইয়া মেছো বাজারের দক্ষিণ দিকের রাস্তায় আজাহের কাঠের বাঁকটি নামাইল। বছিরের মাথা হইতেও বোঝাটি নামাইয়া দিল। বাপের কাছে কতবার বছির ফরিদপুরের হাটের গল্প শুনিয়াছে। আজ সেই হাটে সে নিজে আসিয়াছে। কত লোক এখানে জড় হইয়াছে। বছির এত লোক একস্থানে কোথাও দেখে নাই। তাহাদের তাম্বুলখানার হাট এত বড়, এক দৌড়ে ঘুরিয়া আসা যায়। কিন্তু ফরিদপুরের ২ টি কত লোক। বছির যে দিকে চাহে শুধু লোক আর লোক। তাহাদের গ্রামের জঙ্গলের মত এও যেন মাছঘের জঙ্গল। ইহার যেন কোথাও শেষ নাই।

সাদা ধবধবে জামা কাপড় পরিয়া ভদ্রলোকেরা আসিয়া আজাহেরের কাঠের দাম জিজ্ঞাসা করে, ‘কিরে তোর এই কাঠের দাম কত নিবি ?’

আজাহের বলে, ‘আজা, পাঁচ সিহা ।’

কাঠের বোঝা হইতে কাঠগুলি নাড়িয়া চাড়িয়া বলে, ‘এ যে ভিজ্জে লাকড়ীরে । আখায় দিলে জলবেও না । এর দাম চার পাঁচ সিকে ? পাঁচ আনা পাবি ।’

আজাহের বলে, ‘এমুন শুকনা খড়ি, আপনি ভিজা দেখলেন ? পাঁচ আনায় দিব না কর্তা ।’

‘আজা তবে ছ’ আনা নে । চল আমার বাড়িতে দিয়ে আসবি ?’

আজাহের বলে, ‘আপনারা ঐলেন বড় লোক । আতখান ঝাড়া দিলি আমরা গরীবরা বাঁচতি পারি । হেই তাহুলখানা ঐতে আনছি এই খড়ি । কন ত কর্তা, আপনাগো চাকরেও যদি এই খড়ি বিনা পয়সায় আনত তার মায়না কত দিভেন ?’

‘তুই ত কথা জানসরে ! আজা তবে সাত আনা নে ।’

‘কর্তা আপনারা কি আমাগো না থায়া মরবার কন নাকি ? আইজকা আধাদিন বইরা খড়ি কুড়াইছি । আধাদিন গ্যাল খড়ি আনতি । তাতে যদি সাত আনা দাম কন, আমরা গরীবরা বাঁচপ কেমন কইরা ?’

‘আজা, যা । আট আনা দিব । নিয়ে চল খড়ি ।’

আজাহের হাল ছাড়ে না । ‘আইজা বাবু আর একটু দাম বাড়ান ।’

‘আর এক পয়সাও দিব না ।’

‘তয় পারলাম না কর্তা,’ আজাহের বিনীতভাবে বলে । লোকটি চলিয়া গেল । বছির ভাবে, এমন ধোপদোরস্ত কাপড়পরা—এরাই ভদ্রলোক । এমন স্তন্দর এদের মুখের কথা । কিন্তু তার বাবাকে ইনি তুই বলিয়া সম্বোধন করিলেন কেন ? তাদের তাহুলখানা গ্রামের সবাই তাহার বাবাকে ভূমি বলে । তাহার বাবাও তাহাদের ভূমি বলিয়া সম্বোধন করে । কিন্তু এই লেখাপড়া জানা ধোপদোরস্ত কাপড়-পরা ভদ্রলোক তার বাবাকে তুই বলিয়া সম্বোধন করিল ! সে যদি ভদ্রলোক হইত—সে যদি এমনি ধোপদোরস্ত কাপড় পরিয়া তারই মত বই-এর মত করিয়া কথা বলিতে পারিত ? কিন্তু সে ভদ্রলোক হইলে তার বাপের বয়সী লোকদের এমনি তুচ্ছ করিয়া তুই বলিয়া সে সম্বোধন করিত না ।

কতক্ষণ পরে আর একজন লাকড়ী কিনিতে আসিল । তাহার সঙ্গে দরাদরি করিতে বাপের উপস্থিত কথাবার্তায় প্রত্যাশমমতিত্বের পরিচয় পাইয়া

মনে মনে বহির বড়ই গৌরব অনুভব করিতে লাগিল !

‘আরে কৰ্তা ! আমার শুকনে খড়ি কিন্তা নিয়া যান । বাড়তি গেলি মা ঠাকুরেনরা তারিক করব্যানে । আর ঐ দোকান ঐতে যদি বিজ্ঞা খড়ি কিন্তা নেন, ঠাকুরেনরা’ ওই খড়ি চুলায় দিয়া কানতি বসপ ।’

শুনিয়া ভজলোক খুশী হইয়া লাকড়ীর দাম বারো আনা বলিল । আজাহের বলে, ‘আপনারা বড়লোক’ মানুষ, আপনাকে কাছে খড়ির দাম কি চাব ? মা ঠাকুরেনরা খুশী হয় যা ছান তাই নিবানি ।’

‘আচ্ছা চল তবে ।’ আজাহের বহিরকে বসাইয়া রাখিয়া লাকড়ী লইয়া ভজলোকের সঙ্গে চলিল । ‘বহির ভুই বয় । আমি এহনি আসপানি । ডেহিশাগ চাইর আঁটি কইরা পয়সায় । আর এই মধুর চাক সগল যদি কেউ নিবার চায় ছাড় টাহা চাবি । এক টাহা কইলি দিয়া দিস ।’

বাইবার সময় আজাহের পাঁচ ছয় আঁটি ঢেঁকিশাক লইয়া গেল । এই বিরাট হাটের মধ্যে বসিয়া বহিরের যেন কেনন ভয় ভয় করিতে লাগিল । একজন আসিয়া শাকের দাম জিজ্ঞাসা করিল ।

‘কিরে ছোকরা ! কয় আঁটি করে ঢেঁকিশাক ?’

প্রায় কাঁদ কাঁদ হইয়া যাজ্ঞানের নতুন অভিনেতার মত সে বলিল, ‘আমার শাকের দাম পয়সায় চাইর আঁটি ।’

‘বলিস কি, চার আঁটি পয়সায় ? আট আঁটি করে দিবি নাকি ।’

বহির বাপের মত করিয়া বলিতে চেষ্টা করিল, ‘না কৰ্তা ! আট আঁটি কইরা দিব না ।’ কিন্তু কথার মূর বাপের মতন মূল্যম হইল না ।

লোকটি বলিল, ‘আচ্ছা, তবে ছয় আঁটি দে এক পয়সায় ।’ এ কথার জবাবে বহির কি বলিবে তাহা ভাবিয়া পায় না । এমন সময় তাহার বাপ আসিয়া উপস্থিত হইল ।

‘আসেন বাবু । এমন ঢেঁকিশাক বাজারে পাবেন না । তাহেন না, পোলাপানের মতন ল্যাক ল্যাক করত্যাছে ইয়ার ডগাগুলান । পয়সায় চাইর আঁটির বেশী দিব না ।’

লোকটি তখন অনেক শুনিয়া সবগুলি শাক কিনিয়া লইল । লোকটি চলিয়া গেলে আজাহের ছেলেকে বলিল, ‘খড়ির সঙ্গে পাঁচআঁটি ডেহিশাক দিয়া আইলাম মা ঠাকুরানরে । খুশী অ্যা মা ঠাকুরান আমারে আরও চাইর আনা বকশিশ দিছে ।’

বাপের এই সাক্ষ্য দেখিয়া বহির মনে মনে গৌরব বোধ করিল । সুপারি

আর কলার মোচা বেচিয়া আজাহের ছেলেকে লইয়া বেনে দোকানে যায়। বেনেরা মোমাছির চাক কিনিয়া কলিকাতায় চালান দেয়। বেনেরা বড়ই চতুর। অনেক ঠকিয়া আজাহের এখন কিছুটা তাহাদের চালাকি ধরিতে পারে। একই ব্যক্তি বিভিন্ন লোক দিয়া পাশাপাশি দুইটি দোকান দিয়া বসে। এক দোকান মোচাকের দাম বাহা চাহে, পার্শ্ববর্তী অপর দোকানে গেলে তাহার চাইতে কম দাম বলে। আজাহের তাহা জানে। সেইজন্য সে দূরের দূরের দুই তিন দোকান ঘাচাই করিয়া তাহার মোচাক বিক্রি করিল। কিন্তু দোকানদার মোচাক মাপিতে হাত সাফাই করিয়া বেশী লইতে চাহে। আজাহের বলে, ‘সাজী মশায়! রাইতরে দিন করবেন না। আমার চাক আমি মাইপ্যা আনছি।’ দোকানী বলে, ‘গো-মাংস খাই, যদি বেশী লয়া থাকি। তোমার ওজন তুল ঐছে।’ আজাহের বড়ই শক্ত ব্যক্তি, ‘আমি ওজন কইরা আনছি দুই স্তার! যদি তাই স্বীকার কইরা লন তয় নিবার পারেন, তা না ঐলে দেন আমার মধুরচাক। আর এক দোকানে যাই।’

দোকানী তবু হাল ছাড়ে না, ‘আরে মিঞা! ওজন ত ঠিক কইরা দিবা। আমার ওজনে ঐল পোনে দুই স্তার। আচ্ছা ওসব রাইখ্যা দাও। তোমার মোচাকের দাম চোন্দ আনা স্তাও।’ ‘তা অবি না কর্তা।’ বলিয়া আজাহের মোচাকের উপর হাত বাড়ায়। ‘আরে মিঞা! রিয়াইত-মুরিভও তে করতি হয়; আচ্ছা পোনের আনা দাম।’ বলিয়া দোকানী আজাহেরের হাতখানা ধরে। এ যেন কত কালের ভিখারী! ‘চাইরটা পয়সা কম নাও বাই।’ দোকানী আজাহেরের হাতে একটা বিড়ি জ্বিয়া দিল। ‘আরে বাই, অত নিষ্ঠুর ঐলা ক্যান? তামুক খাও।’

আজাহেরকে চারটি পয়সা ছাড়িয়া দিতে হয়। বছির ভাবে এরা কত বড় লোক। চারটি পয়সার জন্ত এদের কি কাঙালী-পনা! অথচ এই চারটি পয়সা যদি তার বাবা পাইত, তাহা দিয়া মাছ কিনিয়া লইয়া বাইয়া তাহারা কত আনন্দ করিয়া খাইত। তার বাবাকে মিঠা কথায় ভুলাইয়া এই চারটি পয়সা রিয়াইত লইয়া ইহাদের কি এমন লাভ হইবে? বেনের দোকান হইতে পয়সা গুনিতে গুনিতে আজাহের একটি অচল সিকি পাইল। তাহা কিনাইয়া দিতে দোকানী বলিল, ‘আরে মিঞা! এডা বাল সিকি। যদি কেওই না লয়, কিনিয়া দিয়া যাইও।’

আজাহের বলে, ‘সাজী মশায়! হেবার একটা অচল টাহা দিছিলেন, কিনিয়া নিলেন না। আইজ আবার আর একটা নিয়া কি করব? জানেন

ত আমরা দিন আনি দিন খাই। এহনি পয়সা দিয়া ত্যাল, হুন কিনতি
অবি। আমারে সিহিডা বদলাইয়া দেন।’

কোনদিক হইতেই আজাহেরকে না ঠকাইতে পারিয়া দোকানী বড়ই
নিরাশ হইয়া তাহাকে সিকিটি ফিরাইয়া দিল।

রাস্তার দুইধারে হুনের দোকানদারেরা ছালার উপর হুন লইয়া বসিয়া
আছে; আজাহের জানে একসের হুনে ইহার পোনার ছটাক মাপিবেই। সেই
কমটুকু সে ফাউ চাহিয়া পূরণ করিবে। আজাহের হুন লইয়া দোকানীকে
বলে, ‘একটু ফাউ দাও মিঞা বাই!’ দোকানী তোলা খানেক হুন ফাউ দেয়।
আজাহের আবার বলে ‘মিঞা বাই! আরও একটু দাও।’ বিরক্ত হইয়া
দোকানী আরও এক তোলা হুন তাকে দেয়। ‘ওধারে গুড়ের হাট। মোমাছি
গুনগুন করিতেছে। গুড়ের বেপারীরা খড়ের বুনী জালাইয়া ধুঁয়া করিয়া
মোমাছিদের তাড়াইতেছে। গুড়ের বাজার বড়ই চড়া। সের প্রতি দুই
আনার কমে কেহই গুড় দিতে চাহে না। গুড়ের টিন হইতে কানি আঙ্গুলের
গুড় লাগাইয়া আজাহের ছেলের মুখে ধরে, ‘খায়া দেখ ত গুড় খাটা এঁছে
কিনা?’

ছেলে গুড় মুখে দিয়া বলে, ‘না বাজান, খাটা না।’

‘তুই কি বোঝোস? আমি একটু মুহি দিয়া দেহি।’ বলিয়া আজাহের
আঙুলে আর একটু গুড় লইয়া চাখিয়া দেখে। দূরে দোকানীর সঙ্গে
আজাহেরের বনে না। দোকানী চায় দুই আনা। আজাহের বলে ছয় পয়সা
সের। এইরূপে তিনচার দোকানের গুড় পরীক্ষা করে সে। ‘হা বেচারী
ছেলেটা মিষ্টির মুখ দেখে না। চাখিয়া চাখিয়া যতটা খাইতে পারে। এক
দোকানী ধমকাইয়া বলে, ‘আরে মিঞা! গুড় ত নিবা এক সের। বাপ
বেটায় চাখিয়াই ত এক তোলা খায়া ফাল্লা।’ শুনিয়া বহিরের বড় অপমান
বোধ হয়, কিন্তু বাপের মুখের দিকে চাখিয়া দেখে সেখানে কোনই রূপান্তর
ঘটে নাই। এইরূপে অনেক যাচাই করিয়া আজাহের এক দোকানের গুড়
ছয় পয়সা সের দরে ঠিক করে। এই গুড় সাধারণতঃ লোকে তামাক মাখাইবার
জন্ত কিনিয়া লয়। বহির চাখিয়া দেখিল, গুড়টি টকটক কিন্তু তার বাপ
আঙুলে একটু গুড় মুখে দিয়া বলিল, ‘নারে বহি..! বেশ মিঠা। তা’ছাড়া
দামেও ছ পয়সা কম।’ বাড়ি হইতে আজাহের গুড় কিনিবার জন্ত খুঁটি লইয়া
আসিয়াছিল। খুব ঠিক মত গুড়ের ওজন করাইয়া আরও কিছু ফাউ লইয়া
আজাহের কাপড়ের হাটে আসিল। কত রঙ-বেরঙের গামছা, শাড়ি লইয়া

তাঁতীরা দাড়াইয়া দাড়াইয়া খন্ডেরদের ডাকিতেছে। অনেক বুজিয়া পাতিয়া আজাহের আলিয়া দাড়াইল রহিমদী কারিগরের পাশে। ‘কেমন আছ আজাহের ? রহিমদী জিজ্ঞাসা করে।

‘ভুমরা যেমন দোয়া করছ চাচা।’

‘এ কিডা ? আমার মিঞা বাই নাকি ? আরে আমার মিঞা বাই দেখি ডাঙর ঐছে ? এবার তোমার সঙ্গে লড়ন লাগবি ?’ দেখপ কার কত জোর।’ বলিয়া দুই হাতের কাপড় এক হাতে লইয়া রহিমদী বছিরের গায়ে মুখে হাত বুলায়।

‘একদিন বাইও চাচা আমাগো তাম্বুলখানার আটে।’

‘কয়্যাক মাস পরেই যাব। মাতবর ক্যামুন আছে ? ক্যাদাইরার মারে কইও আমাগো কতা।’

কাপড় দর করিতে খরিদার আসে। রহিমদী বলে, ‘আরেক আটে আইস আজাহের। অনেক কতা আছে।’ বলিয়া রহিমদী খরিদারের সঙ্গে কথা-বার্তায় মনোযোগ দেয়।

আজাহের ছেলেকে লইয়া মেছো হাটে আসে। ইলিশ মাছের দোকানের চারিধারে বেশী ভিড়। তাম্বুলখানা বাইয়া অবধি আজাহের ইলিশ মাছ খায় না। আলিপুর থাকিতে মাঝে মাঝে পদ্মা নদীতে বাইয়া সে ইলিশ মাছ মারিয়া আনিত। লোকের ভিড় ঠেলিয়া আজাহের ইলিশ মাছের ডালির কাছে বাইয়া উপস্থিত হইল। বছির তাহার পিছনে। নাড়িয়া চাড়িয়া বড়টা ছোটটা ইলিশ মাছ ধরিয়া দেখিতে আজাহেরের আরাম লাগে। পয়সা দিয়া ত সে কিনিতে পারিবে না !

‘বলি, এই মাছটার দাম কত আলদার মশায় ?’ বাহারী বাজারে মাছের ব্যবসা কল্পে তাহাদিগকে হাওলাদার বা কৈবর্ত বলে। আজাহেরের হাত হইতে মাছটি লইয়া পরীক্ষা করিয়া কৈবর্ত বলে, ‘দাম পাঁচ সিহা।’

আজাহের জানে মাছের বেপারীর খরিদারের কাছে মাছের ডবল দামের উপরে দুই এক আনা বেশী বলিলেই সেই মাছটি তাহাকে দিবে। আজাহের বলে, ‘আট আনা নেন আলদার মশায় !’

‘আরে মিঞা ! যে আতে মাছ দরছাও হেই আতখান বাড়ি বায়া দুইয়া তাই রাইন্দা খাও গিয়া। আট আনায় ইলশা মাছ খাইছ কুছ দিন ?’

আজাহেরের গায়ের শত ছিন্ন মলিন কাপড় দেখিয়া দোকানী তাহাকে গরীব বলিয়া চিনিতে পারিয়াছে।

‘আইচ্ছা নয় আনা লেন।’ মাছের বেপারী অল্প লোকের সঙ্গে কথা বলে। আজ্ঞাহরের কথায় উত্তর দেয় না। বাপের অপমানে বছরের কাঁদিতে ইচ্ছা করে। সে ভিড়ের মধ্য হইতে বাপকে টানিয়া লইয়া আসে। ‘কাম নাই বাজান, আমাগো ইলিশ মাছ কিছুনের।’ আজ্ঞাহের ও-ধারের পুঁটি মাছের ডালির কাছে বাইয়া মাছ দর করে। ডালির দাকনির উপরে ভাগে ভাগে পুঁটি মাছ সাজানো।

‘কত কইরা বাগ দিছ অলদার মশায়?’

‘চাইর পয়সা কইরা ভাগ।’ মাছের উপর জলের ছিটা দিতে দিতে বেপারী বলে।

‘আরে বাই! এক পয়সা বাগ জ্ঞাও।’

‘তা অবিজ্ঞা মিঞা বাই!’

পুঁটি মাছের বেপারীর কথায় তেমন ঝাঁড় নাই। বরঞ্চ একটু দরদ মিশানো।

দুই পক্ষের অনেক কাকূতি-মিনতি কথা বিনিময়ের পরে দুই পয়সা করিয়া পুঁটি মাছের ভাগ ঠিক হয়। ধামার মধ্যে মাছ উঠাইতে উঠাইতে আজ্ঞাহের অহুন্নয়-বিনয় করিয়া আরও কয়েকটি মাছ চাহিয়া লয়।

এইভাবে হাট করা শেষ হইলে আজ্ঞাহের বাড়ি রওনা হয়। মেছো বাজার শেষ হইলেই রাস্তার দুই ধারে মেঠায়ের দোকান। বছির বলে, ‘বাজান! পানি খাব।’ ছেলের মুখ শুকন। সেই সকালে খাইয়া আসিয়াছে। আহা কত যেন ক্ষুধা লাগিয়াছে! পয়সা থাকিলে পেট ভরিয়া সে ছেলেকে মিষ্টি খাওয়াইত। তবু থাক, জলের সঙ্গে কিছু সে ক। মিষ্টির দোকানে সব চাইতে সস্তা দামে বিক্রি হয় জিলিপি। অনেক দরদস্তুর পর দোকানী এক পয়সায় দুইখানা জিলিপি বেচিতে স্বীকৃত হইল। পাতায় করিয়া দুইখানা জিলিপি দিল। বছির দুই হাত পাতিয়া সেই মিষ্টি গ্রহণ করিল। আন্তে আন্তে সেই দুইখানা জিলিপি বছির বহুকণ ধরিয়া খাইল।

তাহাদেরই মত বহুলোক হাট হইতে বদরপুরের রাস্তা বাহিয়া নানা গাল-গল্প করিয়া বাড়ি ফিরিয়া যাইতেছিল। কে আগ-হাটে দুধ বেচিয়া দুই পয়সা জিতিয়া আসিয়াছে; কে কোন বড় লোক মণ্ডারীকে ভোষামোদ করিয়া কাপড়ের দাম কম করিয়া লইয়াছে, এই সব গৌরব-জনক কথায় সকলেই মশগুল। আজ্ঞাহেরও সুযোগ বুঝিয়া কি করিয়া পাঁচ আঁটি টেকিশাক দিয়া এক ভহুলোকের বউ-এর কাছে হইতে চার আনা বকশিস লইয়া আসিয়াছে

সেই গল্পটি বলিয়া ফেলিল। পার্শ্ববর্তী শ্রোতা শুনিয়া অবাক হইয়া বলিল, 'কণ্ডকি মিঞা! চাইর আনা বকশিস্ পাইলা?'

আজাহের খুশী হইয়া তার হাতে একটা বিড়ি আগাইয়া দেয়। 'খাও মিঞা, তামুক খাও।'

অপর পাশের লোকটি আজাহেরের এই গৌরবের কাহিনী শুনিয়া হিংসায় জলিয়া যাইতেছিল। সে আরও জ্বোরের সঙ্গে বলিতে লাগিল, 'এড়া আর কি তাঙ্কবের ব্যাপার? হোন মিঞা! আমার একটা গল্প হোন আগে।'

'আচ্ছা কন বাই কন।' সকলে তাহার কথায় মনোযোগী হইল। লোকটি একটু কাশিয়া আরম্ভ করিল,-

'আইজকা আটে গেলাম তরমুজ লয়া। একবাবু আইসা কয়, তরমুজের দাম কত নিবি? আমি জানি তরমুজির দাম চাইর আনাযও কেওই নিবিজ্ঞা, কিন্তুক আল্লার নাম কইরা দশ আনা চায়া বসলাম। বাবু কয়, অত দাম কেনরে? আট আনা নে? আমি বাবি আরও একটু বাড়ায় নি। আমি কইলাম, বাবু! এত বড় তরমুজডা দশ আনার কম দিব না। বাবু তহন নয় আনা কইল। আমি অমনি দিয়া ফেলাইলাম। হেই বাবুরে চিনছ তোমরা? গোল তালাপের পূব কোণায় বাড়ি।'

একজন বলিয়া উঠিল, 'চিনব না ক্যান? করিম খাঁর ছাওয়াল। ওর বাবা হুদীর টাহা জমায় গ্যাছে। কত লোকের বিট্যা-বাড়ি বেইচা খাইছে।'

আর একজন বলিল, 'ওসব তলের কতা দিয়া কি অবি। আরে মিঞা খুব বাল জিতন জিতছাও। বিড়ি দেও দেহি?'

তলের খবর ইহারা কেহই জানিতে চাহে না। সহজ সরল এই গ্রাম্য লোকগুলি। কত শত শত শতাব্দী ভরিয়াই ইহারা ধনিকদের হাতে বঞ্চিত হইয়া আসিতেছে। কতই অল্পে ইহারা তুষ্ট—কতই সামান্ত ইহাদের আকাঙ্ক্ষা। শহরের আরাম-মঞ্জিলে বসিয়া বাহারা দিনের পর দিন ইহাদের যথা-সর্বস্ব লুটিয়া লইতেছে, দিনের পর দিন বাহারা ইহাদিগকে অর্দ্ধাহার অনাহারের পথে তেলিয়া দিতেছে তাহাদের প্রতি ইহাদের কোনই অভিযোগ নাই।

লোকটি গামছার খোট হইতে বিড়ি বাহির করিয়া আসে পাশের সকলকেই একটা একটা করিয়া দিল।

বাড়ি কিরিতে আজাহেরের প্রায় সন্ধ্যা হইল। সারাদিনের পথ চলায় এবং কুখ্যায় ছেলেটি বড়ই ক্লান্ত হইয়া পড়িয়াছিল। সামান্ত কিছু খাইয়াই সে ঘুমাইয়া পড়িল। ছোট বোন বড় আসিয়া কত ডাকাডাকি করিল।

সারাদিনে এ-বনে ও-বনে ঘুরিয়া কতক আশ্চর্য জিনিস সে সংগ্রহ করিয়া রাখিয়াছিল। সেগুলি মিঞা ভাইকে না দেখাইলে কিছুতেই সে তৃপ্ত হইতে পারিতেন না। কিন্তু গভীর ঘুমে বহির অচেতন হইয়া পড়িল। ছোট বোন বড় মুখ ফুলাইয়া অভিমান করিয়া খানিক কাঁদিল। তারপর বাপকে ডাকিয়া তাহার আশ্চর্য জিনিসগুলি দেখাইতে লাগিল। বয়স্ক পিতা সেগুলি দেখিয়া অভিনয় করিয়া যতই আশ্চর্য হউক তার মিঞা ভাই-এর মত আনন্দে ডগমগ হইতে পারিল না। বারবার অন্তমনস্ক হইয়া পড়িতে লাগিল। ছোট বক্তার কাছে ইহা ধরা পড়িতে বেশী সময় লাগিল না। তখন সে হাল ছাড়িয়া দিয়া নিজের জিনিসগুলি গুছাইয়া রাখিতে প্রবৃত্ত হইল।

প্রভাত না হইতে আজ বড়ু আগে উঠিল, ‘ও মিঞা বাই ! শিগগীর উঠ। দেহ আমি জঙ্গলের মদি কি হগল কুড়াইয়া পাইছি !’

চোখ ডলিতে ডলিতে বহির ঘুম হইতে উঠিয়া ছোট বোনের সংগৃহীত জিনিসগুলি দেখিতে লাগিল। লাল টুকটুক করে এত বড় একটা মাকাল ফল। রাশি রাশি গোদালের ফল, এক বোঝা কানাই লাঠি আরও কত কি।

‘এ হগল কুনহানে পাইলিরে ?’ বড় ভাই বিস্মিত হইয়া জিজ্ঞাসা করিল। খাড় দোলাইয়া দোলাইয়া স্কন্দর মুগখানি বাঁকাইয়া, ঘুরাইয়া ছোট বোন তাহার বিশদ বর্ণনা দিতে লাগিল। ‘এই জঙ্গলডার মদি আমগাছের উপর বায়া গ্যাছে মাকাল ফলের লতা। কত ফল ঝুলত্যাছে গাছে। এহেবারে হিন্দুরের মত লাল টুকটুক করত্যাছে। তুমি চল মিঞা বাই, আমারে পাইড়্যা দিয়্যানে।’ ‘চল’ বলিয়া বহির ছোট বোনটিকে সঙ্গে লইয়া জঙ্গলের মধ্যে প্রবেশ করিল।

যে আমগাছটিতে মাকাল ফল ঝুলিতেছিল সেই গাছে তলায় আসিয়া তাহার দেখিল, ফলু তার বড় বাই নেহাজ্জদী ও গোদাকে সঙ্গে লইয়া পূবেই সেখানে আসিয়া উপস্থিত হইয়াছে। এক লাফে বহির গাছে উঠিয়া মাকাল ফল ছিঁড়িয়া তলায় ফেলিতে লাগিল। নেহাজ্জদী গোদার কাছে এ কার্যে কোনই উৎসাহ জাগিতেছিল না। নেহাজ্জদী বনের মধ্য হইতে একটা গুই সাপ ধরিয়া লতা নিয়া বাঁধিয়া সেই গাছের তলায় টানিয়া আনিল। তাহা দেখিয়া বড়ু চিংকার করিয়া উঠিল। এই জন্ত তাহাদের নিত্য খেলার সাথী। তাহাদিগকে দেখিয়া ভয় পাইতে সে কাহাকেও দেখে নাই। গুই সাপ দেখিয়া বহিরও গাছ হইতে নামিয়া আসিল। তখন সকলে মিলিয়া পরামর্শ করিল—গুই সাপের একটা বিবাহ নিশ্চয় দিতে হইবে। কিন্তু কাহার

সঙ্গে ইহার বিবাহ দেওয়া যায়। প্রথমেই নেহাজ্জদীর বাড়ীর কুকুরটির কথা মনে হইল। কিন্তু এমনতর রাগী বরের সঙ্গে উহার বিবাহ হইলে কনে কিছুতেই স্বামী হইতে পারিবে না। দিনরাত বরের মুখের খেঁউ খেঁউ দাঁত খিচুনি আর কামড় খাইতে হইবে। তখন অনেক যুক্ত করিয়া স্থির হইল, ফুলুর আদরের বিড়ালটির সঙ্গে ইহার বিবাহ হইবে। দৌড়াইয়া যাইয়া ফুলু বাড়ি হইতে বিড়ালটিকে লইয়া আসিল। বরের মা হইল ফুলু আর কনে গুই সাপের মা হইল বড়ু। কিন্তু কনের মা কিছুতেই ভয়ে মেয়ের কাছে বাইতে পারে না। সে গুই সাপের দড়িটি ধরিয়া দূরে দাঁড়াইয়া রহিল। অনেক টানটানিতে গুই সাপটি হয়রান হইয়া স্থির হইয়া পড়িয়াছিল। পূর্ব হইতেই ঠিক হইয়াছিল বছির মোল্লা হইয়া বিবাহ পড়াইবে। বিড়াল ম্যাও ম্যাও করিয়া বিবাহের কলমা পড়িল। কিন্তু গুই সাপটিকে লইয়া বড়ই মুঞ্চিলে পড়িতে হইল। তাহারা কাঠি লইয়া এত তাহাকে খোঁচাইল—হাতে থাপড় দিয়া শাস্ত করিল, কিছুতেই সে কলমা পড়িবে না। তখন বড়ু যেই হাতের লতাটায় একটু টিল দিয়াছে অমনি গুই সাপ দৌড়। তাহারাও কলরব করিয়া তাহার পিছে পিছে চলিল। ইতিমধ্যে আজাহের কাঠি কুড়াইতে জঙ্গলে আসিয়াছিল। ছেলেদের কলরব শুনিয়া সে নিকটে আসিয়া সমস্ত ব্যাপার দেখিল। গুই সাপটির মাথায় লতা বাঁধা ছিল বলিয়া সে বেশী দূর দৌড়াইয়া যাইতে পারে নাই। কাঁটা গাছের সঙ্গে লতা জড়াইয়া আটকা পড়িয়াছে। আজাহের আগেই জানে গুই সাপ জঙ্গলের যত বিযাক্ত সাপ ধরিয়া থাইয়া ফেলে। সেইজন্ম গুই সাপ মারা খুবই অভায়। সে গুই সাপটি ধরিয়া তাহার মাথা হইতে লতার বাঁধন খুলিয়া দিল। সাপটি দৌড়াইয়া গভীর কাঁটা বনে প্রবেশ করিল।

এইবার আজাহের সব ছেলে-মেয়েদের ডাকিয়া বুঝাইয়া বলিল, গুই সাপ মারিতে নাই। মারিলে জঙ্গলে এত সাপ হইবে যে তাহার ভয়ে কেহই বনে আসিতে পারিবে না। তারপর সে সকলকে সঙ্গে লইয়া জঙ্গলে গুড়ি কুড়াইতে লাগিল।

আজ আর টেক শাক পাওয়া গেল না। আজাহের অনেকগুলি বেতের আগা কাটিয়ে লইল। শহরের লোকেরা বেতের আগা খাইতে খুব পছন্দ করে। কালকের পরিশ্রমে আজ আর বছির বাপের সঙ্গে শহরে যাইতে চাহিল না। আজাহের একাই লাকড়ীর বোঝার উপর কতকগুলি বেতের আগা লইয়া চলিল।

এইভাবে এক একদিন আত্মাহের বন হইতে এক একটা ভিনিস শহরে লইয়া যায়। বিক্রি করিয়া বাহা পায় তাহাতে তাহার ক্ষুদ্র পরিবারের অন্ন সংস্থান-হইয়া সামান্য কিছু উদ্বৃত্ত থাকে। বউও সারাদিন বসিয়া থাকে না। সেই যে বিদায়ের দিন মিনাঙ্গদী মাতব্বরের স্ত্রী তাহাকে ঢাকাই-নীমের বীজ দিয়াছিল, অীচন্দনের বীজ দিয়াছিল তাহা সে ভালমত করিয়া উঠানের এ-পাশে ও-পাশে রোপিয়া দিয়াছে। দীর্ঘ মাতব্বরের বাড়ি হইতে বেগুনের চারা আনিয়া বাড়ির পালানে পুঁতিয়াছে। উঠানের অর্ধেকখানি ভরিয়া লাল নটে শাকের গেত আঁরা রাঙা হইয়া উঠিয়াছে। লাল টুকটুকে হইয়া ছোট ছোট নটে চারাগুলি উঠান ভরিয়া হাসি ছড়াইতেছে।

রাতের বেলা ছেলে-মেয়েদের পাশে লইয়া বউ ঘুমাইয়া পড়ে। চারিদিকে নিশুতি স্তব্ধ রাত্রি। আত্মাহেরের চোখে ঘুম আসে না। তাহার জীবনের ফেলে-আসা অতীত দিনগুলি সাপের মত তাহাকে যেন কামড়াইয়া মোচড়াইয়া দংশন করিতে থাকে। দিনের বেলা নানা কাণ্ডের চাপে সে মনকে শক্ত করিয়া রাখে; কিন্তু রাতের বেলা যখন সকলেরই চোখে ঘুম, চারিদিক নীরব-নিশুত তখন সেই অতীত দিনগুলি এক একে জীবন্ত হইয়া তাহাকে ঘেটন করিতে থাকে। আত্মাহের তুলিয়া যাইতে চায়। আবার নতুন করিয়া ঘড়-বাড়ি গড়িবে, নতুন করিয়া সংসার পাতিবে, নতুন দিনের স্বপ্ন দিয়া অতীতকে ঢাকিয়া রাখিবে। কিন্তু বাস্তব উপরে তাঁক কাটিলে যেমন ঢেউ আসিয়া তাহা নিমেষে মুছিয়া ফেলে তেমনি তাহার ভবিষ্যতের সকল চিন্তা মুছিয়া ফেলিয়া অতীত আসিয়া স্পষ্ট হইয়া কথা কয়। সারাটি জীবন ভরিয়া লোকের কাণে সে শুধু অবিচারই পাইয়াছে। জীবনে সেই প্রথম-বেলায় বহুজন কত আশা দিয়া তাহাকে খাটাইয়া লইয়াছে, তারপর বেতন চাহিলে তাহাকে ঘাড় বান্ধা দিয়া তাড়াইয়া দিয়াছে। সেই শব্দ পাটের বেণারী মিষ্টি কথা বলিয়া নানা গাল-গল্প করিয়া তাহাকে কেমন করিয়া ঠকাইয়াছে। সেই ভণ্ড ও ভোলা সাহেব তাহার শিক্ষা-উপশিষ্ট লইয়া কত কৌশল-জাল বিস্তার করিয়া তাহাকে লুটিয়া লইয়া গিয়াছে, সেই প্রবঞ্চক মহাজন,—তাহার বংশ ভাবিতেও গা শিহরিয়া উঠে, কেন—কেন ইহারা এমন করে! আর কেন—কেন এতদিন সে নীরবে ইহাদের অত্যাচার সহ্য করিয়া আসিল। কেন—কেন সে সাপের মতন ইহাদের ঘাড়ে কাঁপাইয়া গড়িল না? সে যে সব দিন এতদিন নীরবে সহ্য করিয়া আসিয়াছে সে জন্ত আজ সে নিজেই কখনো করিতে পারিতেছে না। অপমানে দিক্‌কারে আজ তার নিজের দেহের মাংস

টানিয়া ছিঁড়িয়া চিবাইয়া খাইতে ইচ্ছা করিতেছে। কোন্ আদিম কালের হিংস্র রক্ত-ধারা যেন তাহার সকল অঙ্গে নাচিয়া উদ্দাম হইয়া উঠে। তারই সঙ্গে সঙ্গে তার মনের গহন অন্ধকারে অভিনব হিংস্র বৃত্তিগুলির জন্ম হইতে থাকে। আজাহের কিছুতেই স্থির হইয়া থাকিতে পারে না। রাতের অন্ধকারের ফলকে ছবির পর ছবি ফুটিয়া উঠে—এত স্পষ্ট—এত জীবন্ত—এত হিংস্র—এত বিষাক্ত। দেশে দেশে যুগে যুগে এরাই মানুষকে পথে চলিতে দেয় না। মুখের গ্রাস কাড়িয়া লইয়া যায়—মুখের হাসি-দীপ থাপড়ে নিবাইয়া দিয়া যায়—কৌলের শিশু কুসুম ঝরিয়া পড়ে, মায়ের বুক ফাটা আর্তনাদে খোদার আসমান ভাঙিয়া পড়িতে চাহে, কিন্তু ইহারা তাহাতে ভ্রক্ষেপও করে না। কেন—কেন এমন হইবে? এমন কি কেহ কোথায়ও নাই যে ইহাদের বিরুদ্ধে দাঁড়াইতে পারে? যাহার হুংকারে মুহূর্তে ইহাদের সকল অত্যাচার থামিয়া যায়। আজাহের গৃহের মধ্যে চাহিয়া দেখে তাহার ছেলে বছির মায়ের গলা ধরিয়া অঘোরে ঘুমাইতেছে। এই ছেলেকে সে লেখাপড়া শিখাইয়া মানুষ করিয়া তুলিবে। তিলে তিলে তাহার অন্তরে সে এই সব অত্যাচারীদের বিরুদ্ধে বিবাহিয়া তুলিবে। আজাহের বাঁচিয়া থাকিবে। শুধু এই একটি মাত্র আশা বৃকে নইয়া সে আবার নৃতন করিয়া ঘর গড়িবে। দরকার হইলে মানুষের দুয়ারে ভিক্ষা করিবে, একবেলা খাইবে—আধ পেটা খাইবে তবু সে তাহার ছেলেকে লেখাপড়া শিখাইবে। তাহার হাতের লাঠিতে বনের বাঘ পালায়—হিংস্র বিষধর সাপ গর্তে লুকাই কিন্তু কলমের লাঠির সঙ্গে সে যুদ্ধ করিতে জানে না। সেই কলমের লাঠি সে তাহার ছেলের হাতে দিবে। ভাবিতে ভাবিতে আজাহেরের চোখ ঘুমে ভাঙিয়া আসে। শেষ রাজের শীতল বাতাসে সে ঘুমাইয়া পড়ে।

পনের

সকালে উঠিয়া আজাহের ছেলেকে বলিল, ‘আইজ তুই দূর কুছহানে যাবি। তোরে নি। আমি পাঠশালায় দিব। লেখাপড়া করতি অনি তোরে, আমি ঘুইয়া ‘মাসি তারপর নিয়া যাব তোরে।’ কিন্তু পাঠশালায় কথা শুনিয়া ভয়ে বহিরের সমস্ত গা শিহরিয়া উঠিল। সে শুনিয়াছে পাঠশালায় গুরু মশায় ছাত্রদিগকে মারে। কত রকমের শাস্তি দেয়! সে তাড়াতাড়ি না পাঠিয়াই একটা জঙ্গলের মধ্যে প্রবেশ করিল। ছপুর বেলা বাপ আসিয়া তাহাকে এ-বনে ও-বনে কত খুঁজিল, তাহার সন্ধান পাইল না। বনের মধ্যে ঢুকিয়া সারাদিন বছির এখানে সেখানে ঘুরিল। গাছের পেয়ারা পাড়িয়া খাইল। জঙ্গলের কল পাড়িয়া সুপাকার করিল—তারপর সন্ধ্যাবেলায় চুপিচুপি বাড়ি ফিরিয়া আসিল। আসিয়াই দেখে গ্রামের মোড়লের সঙ্গে তাহার বাপ আলাপ করিতেছে।

মোড়ল বলিল, ‘বলি, আজাহের-বাই, তুমি নাকি তোমার ছাওয়ালডারে ইঙ্কুলি দিবার চাও? জান লেখাপড়া শিখলি হগলের মানায় না।’

‘আপনার কতা বুজবার পারলান না মোড়ল সাব,’ আজাহের বলে।

‘হোন তবে,’ মোড়ল উত্তর করিল, ‘মুড়ালদার সৈজ্জী তা পুলাড়ারে ইঙ্কুলি দিছিল। তুই মাস না যাইতে ছাওয়ালডা মইরা গ্যাল। : লর উয়া সয়না।’

আজাহের বলিল, ‘আমি আইজ ইন্দু পাড়ায় যাইয়া দেইখ্যা আইছি। কতজনের পুল-পাইন লেখাপড়া করত্যাছে; কিন্তুক তারা ত মরে না।’

‘আরে মিঞা! এইডা বুজবার পারলান না, ওরা ওইল ইন্দু? ওগো মন্দি লেখাপড়ার চইল আছে। হেই জন্মি ওগো কহু কেতি হয় না।’

‘এ কতা আমি মানি না মোড়লসাব। আমাগো তাশে অনেক মোছলমানের ছেলে লেখাপড়া শিকত্যাছে। আইরাতপুরির শহরে এমন মোছলমান দেখছি, আল্লার দইস্তার যত বিছা প্যাটের মন্দি বইরা রাখছে।’ গর্বের সঙ্গে আজাহের বলে। মোড়ল তাক্কাব হইয়া জিজ্ঞাসা করে, ‘আরে

টানিয়া ছাঁজাহের বাই। মোছলমানের ছেলে লেহাপড়া জানে ?
 হিংস রক্ত-খুঁ জানে মোড়লসাব ? মোছলমানের ছেলে লেহাপড়া শখ্যা হাকিম
 সঙ্গে সূ। সারাদিন বয়া বয়া কলম দিয়া কাগজের উপর 'ঈগ'কাটো'
 থা- 'আমি ত জানি; আমরা মোছলমান জাত ছোট-জাত। আমাগো
 লেহাপড়া অয় না।'

'আমাগো মোলবীসাব কন, আমরা গরীব ঐতু, এদারি কিন্তুক আমরা
 ছোট-জাত না। জানেন মোড়লসাব! একজন আমারে কইছে এক সময়
 আমরা এই ছাশের বাদশা ছিলাম। এহন লেহাপড়া ঝুঁনি না বইল্যা আমরা
 ছোট অয়া গেছি।'

'এ কতাজা তোমার মানি আজাহের-বাই। লেহাপড়া না জাইন্না চোখ
 থাকতেও আমরা কানা হয়। আর যারা লেহাপড়া জানে তারা
 আমাগো মানুষ বইল্যাই মনে করে না। তা তুমার ছাওয়ালডারে যদি ইস্কুলি
 দিবা তয় আমারডারেও লয়া যাও। দেহি কি অয়।'

'হেই কতাই ত কইবার চাইছিলাম। আপনার ছাওয়াল নেহাজদী আর
 আমার পুলা বছিররে কাইল ইস্কুলি দিয়া আসপ।

'আইছা বাই নিয়া বাইও। কিন্তুক আর একটা কতা। সাত দিনের
 চাউল হেদিন তোমারে দিয়া গেছিলাম। আইজকা সাতদিন পুরা এল।
 তুমি আমার ওহান তা ছুই ছালা দান নিয়া আইস গ্যা। পুলাপাইন গো
 থাওয়াইবা ত।'

'দান আনতি লাগব না মাতবর সাব্ !

'ক্যা ? তয় থাইবা কি ?

'এই কয়দিন জঙ্গল ত্যা খড়ি নিয়া কৈয়াতপুর বেচতি। তাতে রোজ
 দেড় টাহা, দুই টাহা ঐছে। তাতে আমাগো কুছ রকমে চইল্যা যায়।'

'কহ কি আজাহের! তয় ত তুমি খুব কামের মানুষ! কিন্তু বাই যখন
 বা দরকার আমার ওহানে বাবা, বুঝলা বাই ? বাই দেহি, আইজ রাস্তরি
 জরডা আসে নাই—বাই শুইয়া থাকিগ্যা।'

মোড়ল চলিয়া গেল। আজাহেরের ছেলে বছির ইতিমধ্যে থাইয়া শুইয়া
 পড়িয়াছে। শুইয়া শুইয়া মোড়ল ও তার বাপের মধ্যে যে সব কতাবার্তা
 হইয়াছে সকল শুনিয়াছে। মোড়ল যে তাহার বাপের কাছে যুক্তিতে হারিয়া
 গেল সে জন্ত সে বড়ই দুঃখিত হইল। হায়, হায়, কাল আর সে পলাইয়া

যাইতে পারিবে না ! তাহাকে স্কুলে যাইতে হইবে । সেই গুরু মহাশয়ের বেত দেন তাহার চোখের সামনে লকলক করিয়া নাচিতেছে ।

বছির কিছুতেই ভাবিয়া পায় না, কাল হইতে সে জঙ্গলে জঙ্গলে ইচ্ছামত বেড়াইয়া বেড়াইতে পারিবে না । বনের মধ্যে হইতে মাকাল ফল পাড়িয়া আনিতে পারিবে না । এই দুঃখ সে কেমন করিয়া সহ্য করিবে । বাপের সহিত বহুবায় শহরে বাইয়া সে বিদ্বান লোকদের দেখিগাছে । তাহার মোটা মোটা বই সামনে লইয়া সারাদিন বসিয়া থাকে । এই গরমের দিনেও জামা কাপড় গায়ে পরিয়া থাকে । ছুনিয়ার বাদশাহ বানাইয়া দিলেও সে কখনো এমন জীবন যাপন করিতে পারিবে না । আধ ঘণ্টা এক জায়গায় চুপ করিয়া থাকিলে তাহার দম আটকাইয়া আসিতে চায় । আর এই সব শহরের পড়ুয়া লোকেরা সারাদিন বই সামনে করিয়া বসিয়া থাকে । গরমের দিনেও জামা কাপড় গায় রাখে । সে হইলে দুঃখে গলায় দড়ি দিত । কিন্তু হায় ! কাল হইতে তাহাকে সেই জীবন বরণ করিয়া লইতে হইবে । আচ্ছা, আচ্ছকের মাঝে মধ্যে এমন কিছু ঘটিয়া উঠিতে পারে না, যার ফল তাহাকে স্কুলে যাইতে হইবে না । এমন হয়, খুব বড় হইয়া তাহাদের বাড়ি-ঘর উড়াইয়া লইয়া যায়, সকালে তার বাপ তাহাকে বলে, ‘বছির ! তুই আইজ ইঙ্কুসে গাইস তু।’ এমনও ত’ হইতে পারে তার খুব জর হইয়াছে, জ্বরের ঘোরে বছির আবোল-তাবোল বকিতেছে, তার বাপ আসিয়া বলে, ‘বছির ! কাজ নাই তোর স্কুলে যাইয়া ।’ স্কুলে যাওয়াটা বন্ধ হউক, তাহার জন্ত কে-কোন ক্ষতি বা নর্বনাশ তার উপরে কিংবা তার বাড়ি-ঘরের উপরে হউক তাতে বছির কোনই পরোয়া করে না । এমনি করিয়া ভাবিতে ভাবি কখন সে ঘুমাইয়া পড়িল । ঘুমাইয়া ঘুমাইয়া সে স্বপ্ন দেখিতে লাগিল : তাহার সামনে অনন্ত অন্ধকার, সেই অন্ধকারের উপর একখানা লাঠি আগুনের মত ঝকঝক করিতেছে ।

পরদিন কোরবানীর গরুর মত কাঁপিতে কাঁপিতে বছির আর নেহাজ্জদীন ভাটাপাড়া গায়ে সেন মহাশয়ের স্কুলের পথে রওনা হইল । আচ্ছকের আগে আগে যাইতে লাগিল । বছির আর নেহাজ্জদী পিছাইয়া পড়ে । আচ্ছকের দাড়াইয়া তাহাদের জন্ত অপেক্ষা করে । এইভাবে আধ ঘণ্টার মধ্যে তাহার সেন মহাশয়ের স্কুলে আসিয়া বাহা দেখিল তাহাতে দুইটি তরুণ বালকের মন ভয়ে শিহরিয়া উঠিল । স্কুলের বারান্দায় চার পাঁচজন ছেলে ‘নিল ডাউন’ হইয়া আছে । আর একজন ছেলেকে ‘হাফ নিল ডাউন’ করাইয়া তাহার

কপালটা আকাশের দিকে উঠাইয়া সেখানে এক টুকরো ভাঙা চাড়া রাগিয়া দেওয়া হইয়াছে। সামনে মাষ্টার বেত হাতে করিয়া দাঁড়াইয়া আছেন। যদি কপাল হইতে চাড়া পড়িয়া যায় তখন মাষ্টার বেত দিয়া সিঁপাসিপ্ তাহার পায়ে বাড়ি মারিতেছেন। ছেলেটি চিৎকার করিয়া কাঁদিয়া আবার মাটি হইতে চাড়াখানা কুড়াইয়া কপালের উপর রাখিয়া দিতেছে। তাহার পা দুইটি কাঁপিতেছে আর সে ঘন ঘন নিশ্বাস ফেলিতেছে।

এই অবস্থার মধ্যে আজাহের ছেলে দু'টিকে সঙ্গে লইয়া মাষ্টার মহাশয়ের সামনে গিয়া হাজির হইল।

মাষ্টার মহাশয় ছেলে দু'টির দিকে চাহিয়া খুশী হইলেন। কারণ স্কুলের ছাত্রদের নিকট হইতে যাহা বেতন পাওয়া যায় তাহাই মাষ্টার মহাশয়ের একমাত্র উপার্জন। তিনি প্রসন্ন হাসিয়া বছিরের নাম জিজ্ঞাসা করিলেন। ভয়ে বছির কথা বলিতে পারিতেছিল না। আজাহের আগাইয়া আসিয়া তাহার মাথায় হাত বুলাইয়া বলিল, ‘কও বাজান। নামড়া কয়া ক্যালাও।’

কাঁপিতে কাঁপিতে বছির বলিল, ‘আমার নাম বছির।’

‘বেশ, বেশ। আচ্ছা তোমার নামড়া কি বাপু?’ মাষ্টার মহাশয় নেহাজ্জদীনকে জিজ্ঞাসা করিলেন। ভয়ে নেহাজ্জদীন হামলাটয়া কাঁদিয়া ফেলিল। আজাহের বলিল, ‘উয়ার নাম নেহাজ্জদীন।’

মাষ্টার আর নাম ডানিবার চক্কু গীড়াপীড়ি করিলেন না। তাহার গাতার মধ্যে বছির আর নেহাজ্জদীনের নাম লিখিয়া লইলেন। মাসে দুই আনা বেতন আর ভর্তির ফিস দুই আনা, দুইজনের একত্রে আট আনা দিতে হইবে। মাষ্টারের মুখে এই কথা শুনিয়া আজাহের পরিধানের কাপড়ের খোট হইতে সবত্রে বাঁধা আট আনার পয়সা বাহির করিয়া দুইবার তিনবার করিয়া গুনিয়া মাষ্টার মহাশয়কে দিলেন। মাষ্টার মহাশয় আবার সেই পয়সাগুলি দুই তিনবার করিয়া গুনিলেন। পয়সাগুলির মধ্যে একটি আনি ছিল। সেটিকে ভালমত পরীক্ষা করিয়া কৌচাচর খুঁটে শব্দ করিয়া কাঁদিয়া লইলেন। তারপর আজাহেরকে বলিলেন, ‘এবার তুমি ঘাইবার পার। উরা এখন থাক।’ ঘাইবার ভুল আজাহের পা বাড়াইতেছে এমন সময় বছির তাহার হাত ধরিয়া কাঁদিয়া ফেলিল, ‘বাজান, আমাগো ডাইড়া ঘাইও না।’ মাষ্টার মহাশয় তাঁর বেতখানা দিয়া বলিলেন, ‘বাপের চাই ডাইড়া দা’।’ মাষ্টারের ধমকের সঙ্গে সঙ্গে সেই স্বকোমল হাতের বন্ধনি তার বাপের হাত হইতে গসিয়া পড়িল। বাপ কিরিয়া মাষ্টারের দিকে চাহিয়া যেমন আর দশজন অভিভাবক মাষ্টারকে

বলে, তেমনি চিরাচরিত প্রথায় তাঁহাকে বলিয়া গেল, ‘তাহেন মাষ্টার-সাব ! ছাওয়াল দিয়া গেলাম আপনারে। সেই সঙ্গে উয়ার চামও দিয়া গেলাম আপনারে কিন্তুক হাড়ি রউল আমার। ছাওয়াল মাফুম করতি যত খুশী ব্যাতের বাড়ি মারবেন।’ একজন শিক্ষিত বাপের মতন এই অশিক্ষিত চাষা-বাগও যে মাষ্টারকে তাহার ছেলে মারিবার জন্ত এমন ভরসা দিতে পারিল তাহা শুনিয়া মাষ্টার মহাশয় বড়ই খুশী হইলেন। এই সব অশিক্ষিত লোকের ছেলেদের পড়ান সব সময় নিরাপদ নয়। একবার এক গ্রাম্য-মোড়লের ছেলেকে মাষ্টার বেত মারিয়াছিলেন। মোড়ল হাটের মধ্যে মাষ্টারকে ধরিয়া ঘেঁষাবে প্রহার করিয়াছিল তাহা এদেশে প্রবাদ-বাক্য হইয়া আছে। মাষ্টার আজাহরকে বলিলেন, ‘সে কত আর কইতি অবিজ্ঞা মিঞা ! বুঝতি পারছি, তুমার যদি গিয়ান আছে।’ খুশী হইয়া মাষ্টারকে সালাম করিয়া আজাহর চলিয়া গেল। বছির আর নেহাড্দীনকে সে যেন চির জনমের মত বনবাস দিয়া গেল। ডাক ছাড়িয়া তাহাদের কাঁদিতে ইচ্ছা হইতেছিল। কিন্তু মাষ্টারের চোপের দিকে চাহিয়া তাহাদের সমস্ত কান্না যেন কোথায় উবিয়া গেল। আর কিন্তু মাষ্টার তাহাদের কিছু বলিলেন না। এতক্ষণ মাষ্টার আজাহরের সঙ্গে ধবং বলিতেছিলেন। এই অবসরে গণ্ণা তাহার চৌদ্দ-পোয়া অবস্থা হইতে কপালের চাড়াখানা হাতে লইয়া পাশের একটি ছেলের সঙ্গে কথা বলিতেছিল। তাহা লক্ষ্য করিবামাত্র মাষ্টার বেত লইয়া গণ্ণার উপর ঝাঁপাইয়া পড়িলেন। চিৎকার করিয়া গণ্ণা শুইয়া পড়িল। সেই অবস্থায়ই মাষ্টার তাহার সারা গায়ে সপাসপ বেতের বাড়ি মারিতে লাগিলেন। বাবারে মারে চিৎকার করিয়া গণ্ণা আকাশ-পাতাল ফাটতেছিল। তাহার কান্না শুনিয়া স্কুলের সামনে একলোক আসিয়া জড় হইল। কিন্তু তাহা মাষ্টারকে কিছু বলিল না। বরঞ্চ মাষ্টার যে গণ্ণাকে এইরূপ নির্মম ভাবে মারিতেছিলেন, ইহা গণ্ণার ভালর জন্তই করিতেছিলেন তাহাদের নীরব সমর্থনে ইহাই প্রমাণ পাইল। অনেকক্ষণ গণ্ণাকে মারিয়া বুঝিবা হয়রান হইয়াই মাষ্টার তাহাকে ছাড়িয়া দিলেন। তারপর আর আর ছেলেদের পড়া লইতে লাগিলেন।

মাষ্টার ছেলেদের পড়াইতে লাগিলেন, ন তাহাদের মারিতে লাগিলেন তাহা বুঝিয়া উঠা বড়ই মুশকিল। এই স্কুলের ছেলেরা প্রায় সকলেই গরীবের ঘর হইতে আসিয়াছে। তাহাদের অভিভাবকেরা কেহই লেখাপড়া জানে না। সেইজন্তে বাড়িতে তাহাদের পড়া বলিয়া দিতে পারে এমন কেহই নাই। স্কুলে

মাষ্টার পড়া দিয়া দেন, কিন্তু পড়া তৈরী করাইয়া দেন না। ছাত্রদের বাড়িতে কেউ লেখাপড়া জানে না। কে তাহাদের পড়া বলিয়া দিবে? স্ত্রতরাং পরের দিন মাষ্টার যখন পড়া ধরেন কেহই উত্তর করিতে পারে না। এই স্কুলে কোন কোন ছেলে সাত আট বৎসর ধরিয়া একাদিক্রমে একই ক্লাশে পড়িতেছে কিন্তু বর্ণ পরিচয়ের বইখানাও তাহারা ছাড়াইয়া যাইতে পারে নাই। স্কুল তাহাদের নিকট গাঁড়নের স্থান। শুধুমাত্র অভিভাবকদের তাড়নায়ই তাহারা এখানে আসিয়া সন্ধ্যার অতীত নির্ধাতন ভোগ করিয়া থাকে। এইভাবে ঘণ্টা খানেক ছেলে ঠেঁকাইয়া মাষ্টার তাহাদের ছুটি দিয়া দিলেন। গণ্শাও চৌদ্দ-পোয়া অবস্থা হইতে রেহাই পাইল। মহাকলরব করিয়া তাহারা স্কুল ঘর হইতে বাহির হইয়া পড়িল। বছির আর নেহাজ্জদীনও বাড়ি বলিয়া রওনা হইল।

বছির বাড়ির কাছে আসিয়া দেখে, মা পথের দিকে চাইিয়া আছে। ছোট বোন বড় কলরব করিয়া দৌড়াইয়া আসিল। তাহার বাপ খেতে কাজ করিতেছিল, তাহাকে দেখিয়া সেও বাড়িতে আসিল। আজ সকলেই যেন তাহাকে কি একটা নতুন দৃষ্টি দিয়া দেখিতেছে। বছিরের নিজেরও যেন মনে হইতেছিল, সে যেন আজ কি একটা হইয়া আসিয়াছে। সেই স্থানের চেতনার সে স্কুলের সকল অত্যাচারের কাহিনী ভুলিয়া গেল। মা আজ নতুন চাউলের পিঠা তৈরী করিয়াছে। তাই খাইতে খাইতে বছির তাহার স্কুলের সকল কাহিনী বলিতে লাগিল। মা ও বাপ সামনে বসিয়া অতি মনোযোগে শ্রবণে শ্রবণে লাগিল।

স্কুল

পরের দিন বছির আর নেহাজ্জদীন পাঠশালায় চলিল। মাষ্টারের নির্দেশ মত রান্না করা হাঁড়ির পিছনে লাউপাতা খসিয়া তাহাতে জল মিশাইয়া তাহারা কালি তৈরী করিয়াছে। তাহা দোয়াতে ভরিয়া সেই দোয়াতের মুখে রশি বাঁধিয়া হাতে করিয়া বুলাইয়া লইয়া তাহারা স্কুলে চলিয়াছে। খাগড়া-বন হইতে লাল রঙের খাগড়া বাছিয়া তা দিয়া কলম তৈয়ার করিয়াছে। আর কলা পাতা কাটিয়া খণ্ড খণ্ড করিয়া লইয়াছে। তাহার উপরে মাষ্টার মহাশয় ক, খ প্রভৃতি বর্ণমালা লোহার কাঠি দিয়া লিখিয়া দিবেন। তাহারা উহার উপরে হাত বুলাইয়া বর্ণমালা লেখা শিক্ষা করিবে।

গাঁয়ের আঁকা-বাঁকা পথ বাহিয়া ছোট গাও । তার উপরে বাঁশের সীকো । তাহা পার হইয়াই সেন মহাশয়ের পাঠশালা । মাষ্টার মহাশয় পাঠশালায় আসেন বেলা বারটায়, কিন্তু ছাত্রদের অনেকেই নয়টা বাজিতেই পাঠশালায় আসিয়া উপস্থিত হয় । তাহারা গোলাছুট, হাড়ুডু প্রভৃতি গ্রাম্য-খেলা পেলিয়া এর গাছ হইতে, ওর গাছ হইতে, যখন যে-কালের সে ফল ফুল চুরি করিয়া পাড়িয়া মহাকলরবে এই সময়টা কাটাওয়া দেয় । কাহারও মাচানের শশা ছিঁড়িয়া, কাহারও কাঁদিভরা নারিকেল পাড়িয়া, কাহারও গেতের তরমুজ চুরি করিয়া, তাহারা নিরীহ গ্রামবাসীর আতঙ্কের কারণ হইয়া পড়ে । মাঝে মাঝে তাহারা পরস্পরে মারামারি করিয়া মাথা কাটাকাটি করে । যে যে পথে মাষ্টার মহাশয়ের আসিবার সম্ভাবনা রহিয়াছে সেটাই সেটাই পথে ছেলেরা সতর্ক দৃষ্টি রাখে । দূর হইতে মাষ্টার মহাশয়ের ভাড়া ছাতাখানা যার দৃষ্টিতেই আগে পড়ুক সে দৌড়াইয়া গাইয়া আর আর ছেলেরদের খবর দেয় । অমনি ছাত্রেরা যে যেখান হইতে ছুটিয়া আসিয়া উচ্চ শব্দ করিয়া পড়ায় মনোযোগ দেয় । দূর হইতে মনে হয় ক্ষুদ্র পাঠশালা ঘরখানিতে খেন সমুদ্র গর্জন হইতেছে ।

মাষ্টার মহাশয় আসিয়াই প্রথমে গায়ের ডামাটা খুলিয়া ঘরের বেড়ার সঙ্গে ঝুলাইয়া রাখিয়া হাতের ভাঙ্গা চেয়ারখানার উপর বসিয়া পড়েন । অমনি দুই তিনটি ছাত্র মাষ্টার মহাশয়কে বাতাস করিতে আরম্ভ করে । মাষ্টার মহাশয়ের হঁকোটিকে লইয়া একটি ছাত্র দৌড়াইয়া জল ভরিতে যায় । আর একজন দৌড়াইয়া যায় কলিকায় তামাক ভরিয়া পার্শ্ববর্তী বাড়ি হইতে আগুন আনিতে । এই কার্য প্রায়ই গণ্ণা করে । পূর্বে হঁকায় জল ভরা আর কলিকায় আগুন দেওয়ার ভার গণ্ণার উপরেই পড়িত কিন্তু একজন ছাত্র নাকরুন নে করিয়া একদিন মাষ্টার মহাশয়ের কাছে নালিশ করিয়া দিয়াছিল, ‘মাষ্টার মহাশয় ! গণ্ণা আপনার হঁকায় জোরে জোরে টান দিয়া আনিয়াছে ।’ অবশ্য গণ্ণা তখনই ঠাকুর দেবতার নাম লইয়া দিবিয়া করিয়া বলিয়াছিল সে উহা করে নাই কিন্তু হঁকোতে টান দিয়া মাষ্টার মহাশয় যখন দেখিলেন, তাহাতে কিঞ্চিৎ মাত্র তামাক অবশিষ্ট নাই এবং গণ্ণার নাক দিয়া তখনও কিঞ্চিৎ ধূম্র বাহির হইতেছে, তখন বেত লইয়া গণ্ণাকে প্রচুর শিক্ষা দিয়া সেই হইতে নিয়ম করিলেন যে, গণ্ণা হঁকায় জল ভরিয়া পানিবে না, সে শুধু কলিকায় তামাক ভরিয়া আগুন দিয়া আনিবে । এই ব্যবস্থার ফলে যদিও গণ্ণা মাঝে মাঝে কলিকায় টান দিয়া তামাকের অর্ধেকটা পোড়াইয়া আনে তবু তার মত পরিশ্রম করিয়া কলিকায় তামাক ভরিয়া আগুন দিতে আর কেহই পারে না

বলিয়া একাজের ভার এখনও গণ্ডার উপরেই রহিয়াছে ।

মাষ্টার মহাশয়ের ধূমপান শেষ হইলেই আরম্ভ হইল নালিশের পালা । ও-পাড়া হইতে কমিরউদ্দীনের বিধবা বউ আসিয়া হামলাইয়া কাঁদিয়া পড়িল, ‘মাষ্টার মহাশয় ! আমার ধরন্ত শশা গাছটি আপনার পাঠশালার আবহুল টানিয়া ছিঁড়িয়া দিয়া আসিয়াছে ।’ তখনই আবহুলকে ডাকিয়া আনিয়া মাষ্টার মহাশয় সূর্য-ঘড়ির ব্যবস্থা করিলেন । সূর্য-ঘড়ি মানে ‘হাফ নিল ডাইন’ হইয়া সূর্যের দিকে চাহিয়া থাকা । ফটিকের বাপ আসিয়া নালিশ করিল, ইয়াসিন টিল মারিয়া তাহার ছেলের মাথা ফাটাইয়া দিয়াছে । এই মতে বহু নালিশ এবং তাহার বিচার সমাধান করিয়া মাষ্টার মহাশয় নাম প্রেজেন্ট আরম্ভ করিলেন । নাম প্রেজেন্ট করিয়া দেখা গেল মধু, আজিজ আর করিম আমে নাই । অমনি তিন চারজন ঢেঙা ছাত্র মাষ্টার মহাশয়ের নির্দেশ মত তাহাদের খুঁজিতে ছুটিল । এইবার যথারীতি মাষ্টার মহাশয় উপস্থিত ছাত্রদিগকে পড়ান আরম্ভ করিলেন । পড়ানোর সময় তাহার মুখ যতটা চলিল তাহার অধিক হাতের বেতখানা ছাত্রদের পিঠে পড়িতে লাগিল ।

নেহাজ্জদী আর বছির নূতন আসিয়াছে । কলাপাতার উপর বর্ণমালা লিখিয়া দিয়া মাষ্টার মহাশয় তাহাদিগকে তাহার উপর হাত ঘুরাইবার নির্দেশ দিলেন । অপটু হাতে কলম ধরিতে হাত কাঁপিয়া যায় । কলমটি কালির দোয়াতে ডুবাইয়া সেই খাড়া পাতার উপর বুলাইতে কলমের আগা এদিকে ওদিকে ঘুরিয়া যায় । তবু অতি মনোযোগের সঙ্গে সেই খাড়া পাতার উপর তাহারা হাত বুলাইতে থাকে । বছিরের কেবলই বাড়ির কথা মনে হয় । ছোট বোন বড়ু যেন এখন কি করিতেছে । নেহাজ্জদীনের বোন ফুলু বুঝি এখন আম বাগানের ধারে তার সঙ্গে খেলিতে আসিয়াছে । কে বাঁশঝাড়ের আগায় উঠিয়া তাহার নাকের নথ গড়িবার জন্ত বাঁশের কচি পাতা পাড়িয়া দিবে । এইসব কথা তাহার কলমের আঁকাবাঁকা অক্ষরগুলির মধ্যে প্রকাশ হয় কিনা জানি না, কিন্তু এইসব ভাবিতে তাহার কলমের আগা কলাপাতায় খাড়া অক্ষরের বেড়া ডিঙাইয়া এদিকে ওদিকে যাইয়া পড়ে । অমনি হাতের তালু দিয়া তাহা মুছিয়া ফেলিবার নূতন করিয়া সেই খাড়া অক্ষরের উপর হাত বুলাইতে থাকে ।

অনেকক্ষণ পরে পাঠশালার ঢেঙা ছাত্রেরা সেই অল্পপস্থিত তিনটি ছাত্রকে ধরিয়া আনিল । বলির পাঠা যেমন কাঠ-গড়ায় উঠিবার আগে কাঁপিতে থাকে তাহারাও সেইভাবে কাঁপিতেছিল । তাহাদের একজন মাছ ধরিতে গিয়াছিল ।

হাতে-পায়ে কাঁদা লাগিয়া আছে। অপর দুইজন গহন জঙ্গলে মোমাছির চাক হইতে মধু পাড়িবার জ্ঞান সাজ-সরঞ্জাম তৈরী করিতেছিল। মাঠার মহাশয় তাহাদিগকে এমন পিটান পিটাংলেন যে তাহাদের কান্না শুনিয়া বছিরেরও চোখ দিয়া জল আসিতেছিল।

বহুক্ষণ পরে পাঠশালার ছুটি হুইল। বছির আর নেতাজন্দীন বাড়ি ফিরিল।

এই ভাবে বহুদিন কাটিয়া গেল। একদিন গণেশার সঙ্গে বছিরের আলাপ হইল। গণেশার বাপ এদেশের একজন বন্ধিষু চাষী। বাড়িতে কোন কিছুই অভাব নাই। বাণের বড় ইচ্ছা গণেশাকে লেখাপড়া শেখায়। বাপ নিজে তিন গ্রামের মধ্যে সব চাইতে পনী হইলেও লেখাপড়া জানে না বলিয়া লোকে তাহাকে সম্মানের চোখে দেখে না। সেইজন্য গণেশাকে লেখাপড়া শিখাইয়া নিজের দৈত্যকে সে কতকটা ঢাকিতে চায়। কিন্তু দুর্ভাগ্যবশত পাঠশালার পাঠাংিয়াই নিশ্চিন্ত। কি করিয়া ছেলের পড়াশুনার তদারক করিতে হয় জানে না। পাঠশালার মাঠার মহাশয়ের সেই নাস্তাতার আমলের শিক্ষা-প্রণালীর যীতা-কলে পাড়িয়া তার পাচ বৎসরেও ছেলে লেখাপড়ায় এতটুকুও অগ্রসর হইতে পারে নাই। কিন্তু পুত্রকের বিদ্যা না শিখিলেও তাহারে মানস-বৃত্তি চূপ করিয়া থাকে নাই। নোন গাছের আম পাকিলে কি ভাবে চুরি করিয়া আনিতে হইবে, নোন জঙ্গলের ধারে কাহার গাছের কাঠাল পাড়িয়া আনিতে হইবে, এইসব বিদ্যা তাহার সমকক্ষ কেহ নাই। এই সব চুরি-করা ফল-ফলারির একটাও সে নিজে মুখে দিয়াও দেখে না। খেলার সাথীদের বিলাইয়া দিয়া আনন্দ পায়। এসব কথা প্রবাদের মত পাঠশালার সকল ছেলেই জানে।

বছির ভাবে বিজ্ঞান করে, 'আচ্ছা গণেশ নাই! তুমি ত একটা ফলও মুহি দাও না। তব মানষিঃ বাড়িত্য চুরি কইরা পাড়ি আইত্তা সকলেরে বিলাও ক্যান?'

গণেশা বলে, 'দেখ বছির! তুই বুঝবি ত। যাগো আমি ও-সকল আইত্তা দেই তাগো বাড়িতে ফল-ফলারি একটাও নাই। তারা ওগো গাছের ফল-ফলারির দিকে চায় থাকে। আমার ইচ্ছা করে কিন্তা আইত্তা ওগো খাওয়াই। পয়সা নাই বইল্যা কিন্যা তহন আনবার পারি ন' তখন চুরি কইরা আন্যা আসি। আয় বছির! আয় নেহা! ওই জঙ্গলের মন্দি কুশাইর চুরি কইরা আইন্যা রাখছি। তোগো ভাগ কইরা দেই।' বছির বলিল, 'তা ঐলে বে শুনা ঐব।'

গণ্ণা হাসিয়া বলিল, ‘গুনা কিরে ! ওগো খ্যাতে এত আছে । আমি ত যান্ত্র কয়খানা নিয়া আইছি । চল তোগো জায়গাভা দেখায়া দেই । কাউরে কবি না কিন্তুক । ও-পাড়ার নেয়াজ আর মনসুর, তাগো’ আমাগো নিজির বাড়ির কাঠাল চুরি কইরা আইনা খাওয়াইলাম । তারা কিনা মাঠার মশায়রে কয়া দিল । তা কয়া কি করল ? মাঠার আমারে একটু মারল । এ মাইর ত আমার লাইগ্যাই আছে ।’

এই বলিয়া গণ্ণা—বছির আর নেহাজদ্দীনকে টানিয়া হইয়া চলিল । লাহাপাড়া ছাড়িয়া আছুর ভিটা । তারপরে মাঠ । সেই মাঠের ওপারে শোভারাম পুরের জঙ্গল । জঙ্গলের মাঝ দিয়া সরু একখানা পথ । সেই পথের উপরে দুই পাশের গাছের ডাল হইতে লতাপাতা আসিয়া ঝুঁকিয়া পড়িয়াছে । কোথাও বেতের শিষা আসিয়া পথ আটকাইয়াছে । অতি সম্ভর্পণে তাহা সরাইয়া গণ্ণা—বছির আর নেহাজদ্দীনকে আরও গভীর জঙ্গলের মধ্যে লইয়া গেল । দুই পাশ হইতে কুব্ কুব্ করিয়া কানা কুয়া ডাকিতেছিল । সামনের জলো-ডুবায় বাচ্চা লইয়া ডাহক ডাহকী ডাকিতেছিল । তাহাদের শব্দ শুনিয়া উহারা ঘন বেত ঝাড়ের মধ্যে লুকাইল । ডোবার একধারে সইলের পোনা কিলবিল করিতেছিল । গণ্ণা জলের মধ্যে হাত ডুবাইয়া ধীরে ধীরে টোকা দিতে লাগিল । পোনাগুলি আসিয়া তাহার চারিধারে জড় হইল । তখন সে পকেট হইতে মুড়ি বাহির করিয়া তাহাদিগকে খাইতে দিল । একরূপভাবে খানিকক্ষণ খেলা করিয়া গণ্ণা সামনের দিকে আরও আগাইয়া গেল । পথের ওই ধারে একটি গর্ত । হাতের ইসারায় বছির ও নেহাজদ্দীনকে শব্দ করিতে বারণ করিয়া গণ্ণা বাইয়া সেই গর্তের সম্মুখে আরও কতকগুলি মুড়ি ছড়াইয়া দিল । খানিক বাধে গর্তের ভিতর হইতে তিন চারিটি শেয়ালের ছানা আসিয়া সেই মুড়ি খাইতে লাগিল । গণ্ণা তাহার দুই তিনটাকে ধরিয়া কোলে করিয়া এমন ভাবে তাহাদের আদর করিতে লাগিল যেন উহারা তাহার মায়ের পেটের ভাই-বোন । আদর করিতে করিতে গণ্ণা বলিল, ‘এগো আদর কইরা স্নখ আছেরে । পাঠশালার ছাত্রগো মত বেইমান হয় না লিশ করে না ।’ এখান হইতে গণ্ণা আরও খানিক দূরে ঘন ফুলঝড়ি গাছের জঙ্গলের মধ্য হইতে চার পাচখানা পেগারী টানিয়া বাহির করিয়া বলিল, ‘তোরা খা ।’

পেগারী খাইতে খাইতে তাহাদের অনেক কথা হইল । সন্ধ্যার পর কালো চাঁদর মুড়ি দিয়া কিভাবে গণ্ণা শেখ হজুর খেত হইতে পেগারী চুরি করিয়াছিল, এমনি করিয়া বা ধরিয়া পেগারী কাটিলে শব্দ হয় না, পেগারী

খেতের মধ্যেই বাঁশের চালার টং পাতিয়া হুহু জাগিয়া খেত পাহারা দিতেছিল। তাহার কাশির শব্দ শুনিয়া গণ্শার বুক ছুরু ছুরু করিয়া কাঁপিতেছিল। কারণ সে টের পাইলেই তাহার প্রতি হাতের তীক্ষ্ণ-ধার টেঁটা ছুঁড়িয়া মারিত, ইহার আত্মপূর্বিক কাহিনী গণ্শা তাহাদের নিকট এমন করিয়া বর্ণনা করিল যেন সমস্ত ঘটনা তাহাদের চক্ষের সামনেই ঘটিতে দেখিতেছে। এই দুইটি শ্রোতার সামনে সমস্ত কিছু বলিতে পারিয়া গত রাজ্যের অভিযানের সমস্ত দুঃসাহসিক ঘটনা তাহার নিকট কত বড় একটা গর্বের ব্যাপার হইয়া পড়িল।

খানিক পরে গেণ্ডারী চিবাইতে চিবাইতে বছির বলিল, ‘আচ্ছা গণেশ ভাই! তুমি এত কাজ করবার পার কিন্তু রোজকার পড়াভা কইয়া আস না ক্যান?’

গণ্শা বলে, ‘দেখ বছির! পড়বার ত আমারও মনে কয় কিন্তু পড়াভা মাষ্টার মশায় ক্যাবল একবার কয়া ছান। আমি মনে রাখপার পারি না। বাড়ি যায়া হে পড়া আমারে কিডা দেহায়া দিবি? আমাগো বাড়ির কেওই লেহাপড়া জানে না।’ সেন মশায়ের পুলারা বাল লেহাপড়া করে, ঘোষ মশার পুলারা বাল পাশ করে, ওগো বাড়িতি পড়া দেহায়া দিব্যার লোক আছে, বাড়িতি মাষ্টার রাইগাও ছাওয়ালপানগো পড়ায়।’

বছির বলে, ‘ঠিকই কইছ বাই। আমাগো বাড়িতি পড়া দেহায়া দিব্যার কেওই নাই। আমারেও মাষ্টার মশাইর মাইর বাইতি অয়। কিন্তুক আমাগো বাড়িতি যে বিদ্বান লোক নাই হে তো আমাগো অপরাধ না।’

গণ্শা বলে, ‘হে কতা কে বোঝে ভাই? তোরাও আমার মতন পোড়া কপাল্যা। সেই জন্মিই ত তোগো আমার এত ভাল লাগে!’

বছির গণ্শার কাছে আরও আগাইয়া আসে। গণ্শা বলে, ‘আর এক কতা হোন বছির! ওগো পুলারা দেমাগে আমার লগে কতা কয় না। হে দিন যে নারক্যাল চুরি কইয়া আনলাম না? স্যান মশার আর গোষ মশার পুলাগো দিলাম না দেইখ্যা আমার নামে মাষ্টার মশার কাছে নালিশ করল। আচ্ছা ক তো বছির? ওগো গাছ ভরা কত নারক্যাল, তার একটাও ওয়া কাউরে কুহুদিন দিয়া থায়? আমার চুরি কয়া নারক্যাল ওগো আমি দিমু ক্যান? নালিশ পায় মাষ্টার মশায় আমাব বা মারল! তা আমিও কয়া দিলাম বছির! একদিন কায়দায় পাইলে আমি ওগো গিঠে তার শোষ ভুলব।’

বছির বলে, ‘গণেশ ভাই। তোমায়ে যখন মাষ্টার মশায় ব্যাত দিয়া মারল

আমায় হামলায় কানবার ইচ্ছা করল। কানলাম না ভয়ে যদি তিনি আইসা আমারেও ওইভাবে মারে।’

এই কথা বলিতেই কোথাকার সাত সমুদ্রের কান্দন যেন গণ্শাকে পাইয়া বলিল। মাষ্টারের অকথিত অভ্যাচারের জ্বালা সে দিনের পর দিন মাসের পর মাস সহ্য করিয়া আসিতেছে, তার এত যে আদরের বাপ-মা আত্মীয়-স্বজন তারা কেউ কোনদিন এর জন্ত এতটুকু সহ্যহুত্ব তাকে দেখায় নাই। একবার মাষ্টার তাহাকে বাঁশের কঞ্চি দিয়া পিটাইয়া মাথার একস্থানে জখম করিয়া দিয়াছিল। সেই অবস্থায় বাপের কাছে গেলে বাপ বলিল, ‘তোরে পিটায় মাইরা ফালাইল না ক্যান? মাষ্টার ত বিনি কারণে মারেন নাই। নিশ্চয় কহু দোষ করছিল।’ এই বলিয়া বাপ তাহার চোয়ালে আরও দুইটা খাপড় দিয়াছিল। ক্ষুদ্র পরিসর জীবনে সে যত দুঃখ পাইয়াছে সুবিশাল ছনিয়ার মধ্যে আজ এই একটি মাত্র লোক তাকে সহ্যহুত্ব দেখাইল। মাষ্টারের এত যে মার তাতে সে কোনদিন চোখের জল ফেলে নাই। কিন্তু আজ এই ক্ষুদ্র বালকের কাছে সমবেদনার স্পর্শ পাইয়া তার সকল দুঃখ যেন উথলাইয়া উঠিল। গায়ের জামা খুলিয়া গণ্শা বলিল, ‘দেখ বছির। মাষ্টার মাইরা আইজ আমারে রাখে নাই।’

বছির চাহিয়া দেখিল, তাহার পিঠ ভরা শুধু লাঠির দাগ। কোন কোন জায়গায় কাটিয়া গিয়া রক্ত পড়িতেছে। সেই ক্ষত স্থানে হাত বুলাইয়া দিতে দিতে বছির বলিল, ‘আহারে গণেশ বাই! তোমারে এমন কইরা মারছে?’

গণ্শা বলে, ‘দেখ বছির। আমি সন্ন্যাসী হয় জন্মলে যায় তপস্বী করব। দেবতা যদি আমার তপে তুষ্ট হয়। বর দিতি আসে তবে কইমু, আমারে এমন বর দাও ওই মাষ্টারের লাঠি গাছারে আমি খা হুন্ম করম ও যেন তাই করে। তহন আবার আইস্তা পাঠশালায় পড়বার খান্। মাষ্টার যহন আমারে লাঠি দিয়া মারতি আইব এমনি লাঠিরে কইমু, লাঠি ফির্যা খায়া মাষ্টারের পিঠি পড়, খানিকটা লাঠির বাড়ি পিঠি পাইলি তহন বুঝি মাষ্টার, লাঠির মহিরের কেমন জালা।’

বছির বলে, ‘আচ্ছা গণেশ ভাই! এমন মস্তুর সেহা যায় না? যহন মাষ্টার মশায় তোমারে সারতি আর্সাপ তহন মস্তুর পইড়া আমি হুক দিব, এমনি মাষ্টারের আত অবশ হয়। বাবি।’

এইভাবে তিন কিশোর বালকের জন্ম-কল্পনায় বনের মধ্যে অন্ধকার করিয়া সন্ধ্যা হইয়া আসিল। তাহারা বন হইতে বাহির হইয়া যে যায়

বাড়িতে চলিয়া গেল ।

বহির বাড়ি আসিতেই বড় আগাইয়া আসিল, ‘মিঞা বাই ! তুমি এত
ধেরি করলা ক্যান ? তোমারে না কইছিলাম, আমার জন্তি সোনালতা লয়া
আইবা ? তা আনছ নি ?’ চৌধুরীদের বাড়ির সামনে একটি কুল গাছে
প্রচুর সোনালতা হইয়াছে । সোনালতা দিয়া হাতের পায়ের অলঙ্কার গড়া
যায়—মালা করিয়া গলায় পরা যায় । বহির ষেখানে যা কিছু ভাল জিনিস
দেখে ছোট বোন বড়কে আসিয়া বলে । সেদিন এই সোনালতার কথা
বলিতেই বড় সোনালতা আনিবার জন্ত বড় ভাইকে বারবার করিয়া বলিয়া
দিয়াছিল । বহির বড়ই অন্ততপ্ত হইয়া বলিল, ‘আরে যা ; সোনালতার কতা
আমার মনেই ছিল না ।’

মুখ ফুলাইয়া বোন বলে, ‘আচ্ছা, আচ্ছা । আমার কতা তোমার মনেই
খাছে না ।’

বহির বলে, ‘আমার সোনা বইন । রাগ করিস না । কালকা আমি
তোর জন্তি অনেকগুলি সোনালতা আইনা দিব ।’

বোন খুশী হইয়া বলে, ‘শুধু আমার জন্তি না । ফুলুর জন্তিও আইনো ।
আমরা দুইজনে তোমার জন্তি ডুমকুরির মালা গাঁইখা রাখছি । ফুলু অনেকক্ষণ
দেবী কইরা এই এখন চইলা গেল ।’

হাসিতে হাসিতে বড় ডুমকুরির মালা আনিয়া বহিরের মালায় পরাইয়া
দিল ।

রাত্রে বিছানায় শুইয়া বহিরের অনেকক্ষণ ঘুম হইল না । গণ্শার জীবনে
যে অবিচারের কাহিনী সে আজ শুনিয়া আসিয়াছে, রাত্রে কান পড়ায় কে
যেন তাহা বারবার অভিনয় করিয়া দেখাইতেছিল । কিন্তু সে যে বড় অসহায় !
কে তাহাকে এমন তেলসমাতি শিগাইয়া দিবে যার বলে এক মুহূর্তে সে
গণ্শার জীবন হইতে সমস্ত অত্যাচার মুছিয়া দিতে পারে ।

সতের

রবিবারের দিন পাঠশালার ছুটি। ভোর না হইতেই নেহাজদীন আর তার বোন ফুল আসিয়া উপস্থিত।

‘ও বহির-বাই! তোমরা নি এহনো ঘুমায়া আছ?’ ফুলের মতন মুখখানি নাচাইয়া ফুল ডাকে, ‘ও বড়! শিগ্গীর আয়।’

বড় তাড়াতাড়ি উঠিয়া ডাক দেয়, ‘ও মিঞা-বাই! ওঠ ফুল আইছে— নেহাজ-বাই আইছে।’

হাতের তালুতে ঘুমন্ত চোপ ডলিতে ডলিতে বহির তাড়াতাড়ি উঠিয়া আসে।

বাড়ির ওধারে গহন জঙ্গল। সেই জঙ্গলের মধ্যে নাভিওয়ালা আমের গাছ। সিন্দুরীয়া-আমের গাছ। গাছের তলায় খন বেত ঝাড়। তারই ঝাড় দিয়া সরু পথখানি গিয়াছে। সকলকে পিছনে ফেলিয়া বড় তাড়াতাড়ি আগাইয়া যাইয়া একটা সিন্দুরে-আম কুড়াইয়া পাইল, তারপর আর একটা। এদিকে ফুল নাভিওয়ালা আম গাছের তলায় যাইয়া চার পাঁচটা পাকা আম পাইল। নেহাজ যাইয়া উঠিল সিন্দুরে-আমগাছে, আর বহির উঠিল গিয়া নাভিওয়ালা আমগাছে। ‘নাভিওয়ালা আম গাছে লাল পিঁপড়ে ভর্তি। হাতে পায়ে অসংখ্য পিঁপড়া আসিয়া বহিরকে কামড়াইয়া ধরিল। সে তাড়াতাড়ি গাছ হইতে নামিয়া আসিল।

‘ও মিঞা-বাই! তোমারে যে পিঁপড়ায় কামড়ায় চাকা চাকা কইরা দিছে। এদিকে ফেরো ত দেহি। হায়! হায়! তোমার মাথার চুলী লাল পিঁপড়া জট মেইলা রইছে। ও ফুল! খাড়ায়া দেহস কি? মিঞা-বাইর গার ত্যা পিঁপড়ে বাছ।’ বড় আর ফুল দুজইনে মিলিয়া বহিরের গা হইতে লাল পিঁপড়ে বাছিতে লাগিল। সিন্দুরে-আমের গাছ খুব লম্বা। তার আগভালে সাত আটটি আম পাকিয়া লাল টুক টুক করিতেছে কিন্তু নেহাজদী অত উপরে উঠিতে পারিল না। সেও নামিয়া আসিল।

বড় বলিল, ‘আইজ আর আম পাড়ার কাম নাই। আইস আমরা খেলি। আমার বড় ভাইর বেন বিয়া ঐব।’

ফুলু ভুলু নাচাইয়া বলিল, ‘বড় ভাইর বোনের বিয়া আগে ওক ।’

‘না আগে ত বড় ভাই, তবে না বোন । বড়র থইনাই না আরম্ভ করতি
অয় ।’

ফুলু বলে, ‘তা কেন ? আগে বোনের বিয়া ঐব ।’

বড়ু বলে, ‘আ’লো তুই ত নেহাজ্জ-ভাইর ছোট শোন । তোর বিয়া আগে
ওক ।’

‘না, তোর ।’

‘না তোর ।’

‘তোর ।’

বছির তখন মীমাংসা করে, ‘আচ্ছা, তোগো দুই জনের বিয়াই একত্তর
হোক ।’ বড়ু বলে, ‘তবে তোমাগো বিয়াও একত্তর হক ।’ বছির হাসিয়া
বলে, ‘বেশ ।’ তখন বছিরের বউ সাজিল ফুলু, আর নেহাজ্জদীনের বউ হইল
বড়ু । ফুলুর বিবাহের পর সে চলিয়াছে বরের বাড়ি ডোলায় চাপিয়া । দুইটা
বাঁশের কঞ্চি বাঁকাইয়া কৃত্রিম ডোল তৈরী হইয়াছে । ডোলার মধ্যে বসিয়া
বউ কান্দে, ‘হ-উ-উ ।’ বর নেহাজ্জদীন বলে, ‘বউ তুমি কান্দ ক্যান ?’ । বউ
স্বর করিয়া গান ধরে :

‘মিঞা ভাইর বাঙেলায় খেলছি হারে খেলা সোনার গোলা লয়া নারে ।

আমার যে পুরাণ কান্দে সেই না গোলার লাইগারে ।’

বর নেহাজ্জদীন বলে, ‘আমার সাত ভাই-এর সাত বউ, তারা তোমারে
হিরার গোলা বানাইয়া দিব খেলনের জুগি ।’

বউ তবু কান্দে, ‘হ-উ-উ ।’ বর জিজ্ঞাসা করে, ‘বউ ! তুমি আমার কান্দ
ক্যান ?’ বউ তখন স্বর করিয়া বলে,

‘এত যে আদরের, এত যে আদরের

ও সাধুরে মাধন কোথায় রইল নারে ।’

বর বলে, ‘আমার ঘাণে আছে হারে মাধন

ও স্মারো মাধন বলিও তারে ।’

কনে তখন বলে,

‘আমি গাছের বাকলরে সাধুর কুমার ! চন্দন আছে ওকি লাগেরে !

তোমার মায়ের মিঠা কথারে সাধুর কুমার, নিম্ব যেমুন তিতা নারে !

আমার মায়ের মুখের কথারে সাধুর কুমার ! মধু যেমুন মিষ্ট নারে ।’

গান শেষ হইতেই ফুলু বলে, ‘ও কিলো । তোরাই বুদ্ধি কতা কবি ?

আমরা বুঝি কিছু কব না ?’

তখন বড়ু বলে, ‘আমি ত বউ অয়া তোগো বাড়িতি আইলাম তুই এহন আমার লগে কতা ক ।’

ফুলু তখন নতুন বউয়ের ঘোমটা খসাইতে খসাইতে বলে, ‘ও বউ ! আইস বাগুন কুইট্যা দাও ।’ বউ বলে, ‘বাগুন ত বালা না, পোকা লাইগ্যাছে ।’ ফুলু বলে, ‘ও মিঞা-ভাই ! শোন কতা । তোমার বউ বাগুন কুটি পাবে না ।’

তখন বর নেহাজদ্দীন বউকে লাঠি লইয়া যায় মারিতে । ফুলু আবার বউকে জিজ্ঞাসা করে, ‘ও বউ ঘর স্নইয়া বিছানা কর ।’

বউ বলে, ‘ঘরের মদ্দি মশা ভন ভন করতাছে ।’ ফুলু কয়, ‘ও বউ ! কোথায় যাও ?’ ‘মশার জালায় ঘরের পিছনে যাই ।’ ‘ও বউ ! আবার কোথায় যাও ?’

‘ঘরের কাছি সাপে পট মেলছে । আমি তার ভয়ে মাঠে যাইত্যাছি ।’ ‘ও বউ ! আবার কোথায় যাও ?’

‘মাঠের মদ্দি কোলা গড়গড় করে । আমি নদীতে নাইতে যাই ।’ নদীর তীরে যাইয়া বউ বলে :

‘ও পারেতে লক্ষা গাছটি রাঙা টুকটুক করে,

গুণবতী ভাই ! আমার মন কেমন করে ।

হাড় হল ভাঁজা ভাঁজা মাংস হৈল দড়ি

আয়রে কারিন্দার পানি ডুব দিয়া মরি ।’

ফুলু ঘাড় ছুলাইয়া বলে, ‘না লো ! এ গেলা আমার বাস লাগে না । গালি কান্দা আসে । আয় একটা হাসি-তামসার খেলা খেলি ।’

বড়ু বলে, ‘আচ্ছা ! তোর বরের কাছে একটা জিনিস চা ।’ কনে ফুলু এবার উ-উ করিয়া কান্দে ।

বর বছির তাড়াতাড়ি যাইয়া বলে, ‘ও বউ ! তুমি ক্যান ?’

বউ বলে, ‘আমার যে সিন্ধা খালি রইছে । আমার জন্তি সিন্দুর আনছ নি ?’

‘এই যে সিন্দুর আনছি, কপালে পর ।’

বউ টান দিয়া সিন্দুরের পাতা ফেলাইয়া দেয় । বড়ু গান ধরে :

‘দেশাল সিন্দুর চায় নারে ময়না,

আবেরি ময়না ঢাকাই সিন্দুর চায়,

ঢাকাই সিন্দুর পরিয়া ময়নার গরম লাগে গায় ।’

তখন বর ইন্দুরের মাটি আনিয়া বউ-এর হাতে দিয়া বলে, 'এই যে ঢাকাই
সিন্দুর আইনা দিলাম। এইবার কপালে পর।'

বউ আবার কান্দে, 'উ-উ-উ।' বর বলে, 'বউ! আবার কান্না ক্যান?'

বউ বলে, 'আমার পরণের শাড়ী নাই। শাড়ী আনছনি?'

বর কলাপাতার শাড়ীখানা আনিয়া দেয়, 'এই যে শাড়ী পর।' বউ থাবা
দিসা শাড়ীটা ধরিয়া ছিঁড়িয়া ফেলে।

বড়ু আবার গান ধরে :

দেশাল শাড়ী চায় নারে ময়না,

আবেরি ময়না ঢাকাই শাড়ী চায় ;

ঢাকাই শাড়ী পরিয়া ময়নার গরম লাগে গায়।

ডান হস্তে জামলা-গামছা,

বাম হস্তে আবের পাখা ;

আরে দামান চুলায় বালির গায়।

গান গাহিতে বড়ু বলে, 'ও মিঞা ভাই! তোমার কনেরে আবের পাখা,
আর জামলা-গামছা দিয়া বাতাস বরফাছাও না ত?'

ডাইনের ঝড় হইত একটি কচুপাতা আনিয়া বহির কনেকে বাতাস
করিতে থাকে।

এইভাবে শিশু-মনের সহজ কল্পনা লইয়া অভিনয়ের পর অভিনয় চলে। এ
অভিনয়ের রচয়িতারী, নট-নটী আর দর্শক তারাই মাত্র চারিজন বলিয়া ইহার
মশো ক্রটি থাকে না, শুধুই অনাবিল আনন্দ। এমনি করিয়া খেলিতে খেলিতে
ছপুর হইয়া আসিল। তাহার খেলা শেষ করিয়া কুড়ানো আম-তাল লইয়া
বাড়ি চলিল। তষ্ঠান বড়ু কান্দিয়া উঠিয়া বলিল, 'ও মিঞা ভাই! আমার
নাকের ফুল আবার ফেলাইয়া।' গান্য সনাকের লিফট হইতে তাহার মা
রূপার একটি নাক-ফুল তাহার চহু পড়াইয়া দিয়াছিল। চারজনে মিলিয়া
সমস্ত ভঙ্গন করিয়া কত আতিপাতি করিয়া বুঝিল, কিন্তু সেই ক্ষুদ্র নাক-ফুলটি
কোন্ পাখার তলে লুকাইয়া আছে কেহই খুজিয়া পাইল না। বড়ু কেবল
ফুঁপাইয়া ফুঁপাইয়া কান্দে। গামছার কোট দিয়া বোনের চোখ মুছাইতে
বাহার বলে, 'বড়ু! আমার সোনা বইন। কান্দিয়া না আমি বড় হইয়া চাকরী
করব। তখন সোনা দিয়া তোমার নাক-ফুল গড়াইয়া দিব।'

বোন চোখের জল মুছিতে মুছিতে বলে, 'দিবি ত মিঞা বাই?'

বোনকে কাছে ডাকিয়া আদর করিয়া বহির বলে, 'আজ্ঞার কছম দিব।'

আজি

তাড়লখানার হাট হইতে ফিরিয়া আসিয়া আজাহের বউকে বলে, 'আমাগো বাড়ির উনি গ্যাল কই ? চায়া দেহক কারে আনছি ।'

রহিমদীন কারিগরকে দেখিয়া বউ মাথার ঘোমটাটা আর একটু টানিয়া দিয়া তাড়াতাড়ি আসিয়া তার পায় হাত দিয়া সালাম করে, 'এই যে চাচাজান আইছে যে ।'

বউকে দোয়া করিয়া রহিমদীন হাসিয়া বলে, 'কই আমার বুঝান কই ।'

মায় ডাকে, 'ও বড়ু ! এদিকে আয় । তোমার কারিগর দাদা আইছে ।' বড়ু একটু কৃত্রিম লজ্জা লজ্জা ভাব দেখাইয়া হাসিয়া আগাইয়া আসে । রহিমদীন বলে, 'এই যে বুঝান ! তোমার জন্তি একখানা শাড়ী আনছি । তা এই বুইড়া জামাই তোমার পছন্দ অবি নি ?'

মা ঘোমটার তল হইতে হাসিয়া উত্তর করে, 'জামাইর গান হন'ল মাইয়া এহনই কোলে যায় বসপ্যানে ।'

রহিমদী গান ধরে :

'মাগো মা, কালো জামাই ভালো লাগে না ।'

গান ছাড়িয়া দিয়া রহিমদী ডাকে, 'আমার মিঞা ভাই গেলা কোথায় ?' বহির আগাইয়া আসিয়া রহিমদীনকে সালাম করে । বহিরের হাতে একখানা লাল গামছা দিয়া রহিমদী বলে 'তোমার দাদী এই গামছাহানা বুনাইছে । বলে, নাভীরে দেহি না কত বচ্ছর । তারে গামছাহানা দিয়া আইস গিয়া । তা আইলাম আতুলখানায় আটে । কাপড় নিয়া আইছিলাম । তা বিক্কিরিও বাল ঐল । এহন তোমাগো বাড়ি বেড়ায় যাই ।'

আজাহের বলে, 'ও বহির ! তোমার কারিগর দাদার কতা মনে নাই ? সেই যে ছোটবেলায় তোরে কোলে লয়া নাচাইত আর কত গান গাইত ।'

বহিরের একটু একটু মনে পড়ে । তাকে নাচাইবার সময় কারিগর দাদা গান করিত :

'নাচেরে মাল, চন্দনি কপাল,

যেওঁমধু খায়া তোমার টোবা টোবা গাল ।'

আবার কখনও কখনও গাহিত :

‘জোলা নাচে জুলনী নাচে নাচে জোলার নাল,
সব চরকী উইঠা বলে, আমরা নাচব কাল।’

আজাহের বউকে বলিল, ‘বড় মোরকড়া দরো। আর চাইল বিজাও।
পিটা বানাইতি অবি। আমি একদিক গিরামের হগল মাজ্জবরি ডাক দেই।
আজ রাইত বইরা তোমার গান হনব চাচা!’

রহিমদী বাধা দিয়া বলে, ‘না, না অত কাও-বেকাও করণের লাগবি না।
রাইত অয়া গ্যাছে। রাত্তির কালে বউ চাইল ভিজাইও না। সারা রাইত
জাইগা ওসব করণের কি দরকার?’ বউ বলে, ‘হোন কতা। জামাই খত্তর
বাড়ি আইলি জামাইর আদর না করলি ম্যায়া যে আমারে খুঁটা দিবি। আপনি
ত রাইত বইরা গান করবেন, আমিও গান হনব আর পিটা বানাব।’

আজাহের হুকোটি সাজিয়া আনিয়া রহিমদীর হাতে দেয়। রহিমদী
জিজ্ঞাসা করে, ‘তা আজাহের! কেমন আছ কও?’ আজাহের উত্তর করে,
‘আমার ধোঁয়ায় বাল আছি চাচা। আমাগো আলিপুন্নীর খবর কও।
মেনাজদী মাতবর কেমন আছে?’

কৌচার খোঁট হইতে লাউয়ের বীজ আর কনে সাজানী সীমের বীজ বাহির
করিতে করিতে রহিমদীন বলে, ‘বাল কতা, আমার মনেই ছিল না। মোড়লের
বউ এই বীজগুলি পাঠাইছে বউরে। তোমাগো হেই কত্তাসাজানী সীম
গাছের বীজ। তোমরা ত চইলা আইলা। তোমাগো গাছে কি সীমই না
দোরল! কিন্তুক মোড়ল-বউ এর একটাও কাউরে ছিঁড়বার দিল না। মানবির
কাছে কহিত, আমার কত্তা গেছে বিত্যাশে। কত্তাসাজানী সীম অ পন্ন কে
ছিঁড়ব। আমি ওরদিগে চায়া চায়া আমার কত্তারে দেখপার পাই।’ রহিমদীর
হাত হইতে সীমের বীজগুলি লইতে লইতে বউর চোখ দুইটি ছলছল করিতে
লাগিল।

আজাহের জিজ্ঞাসা করে, ‘আচ্ছা চাচা! আগের মত গীটিন্ আর গাও
না?’ রহিমদীন বলে, ‘তোমরা চইলা আসার পুরে গাজীর গানের দল
করছিলাম। কয় বছর চলছিলও বেশ, কিন্তু বিনা তারের গান না কি কয়,
হেই যে বাস্তের মধ্যি ত্যা গান বাইর অয়, সগল লোক তাই হনবার ভক্তি
ছোটে। আমাগো গান কেউ পোছেও না? দ্বি- দ্বিনি বাপু কাল বদলারা
বাইত্যাছে। এহুৎ এসব গান কেউ হনবার চায় নু। ওই হে ধিরেটার না
কি কয়, নাচনাআলীরা যে সব গান গায় লোকে হেই রহম গান হনবার চায়।

তা হে গান ত আমার জানা নাই।’

আজাহেরও উৎসাহিত হইয়া উঠে বিনা তারের গানের কথায়, কিন্তু রহিমদীকে যেন একটু সমবেদনা দেখাইবার জন্তই বলে, ‘তা দেহ চাচা! শেরখম ছুই একদিন ওই বিনা তারের গান বাল লাগে। কিন্তুক যে মাল্লখডা গীদ গাইল তারেই যদি না জানলাম, তার চেহারা, তার ভঙ্গী-ভাঙ্গী যদি না দেখলাম তবু গান শুইনা কি আরাম পাইলাম?’ রহিমদী খুশী হইয়া বলে, ‘তুমি জানি তা বুজল। কিন্তু ওই যে কলে কথা কয়। সগগুলি তাই কলের পিছনে পিছনে দৌড়ায়।’ আজাহের যেন রহিমদীকে সাহুনা দিবার জন্তই বলে, ‘কিন্তুক আমি কয়া দিলাম চাচা, মানষির মন ফিরবি। নতুন জিনিস দেখবার নিশা বেশী দিন থাকে না। আবার পুরান জিনিসের জন্তি মানষির মন কানবি। ওই কলের গান থুইয়া আবার তোমাগো গান হনবার জন্তি মাল্লখ ছুরবি।’

দীর্ঘ নিশ্বাস ফেলিয়া রহিমদী বলে, ‘হেই কাল যখন আইব তখন আমরা আর থাকপ না।’

আজাহের বলে, ‘কি যে কও চাচা? তা যা হোক, আইজ তোমারে গীদ গাইতে অবি। আমি ওদিক গিরামের সগলয়ে খবর দিয়া আসি।’

বউ রহিমদীর সামনে মুড়ি আর গুড় আনিয়া দিয়া বলে, ‘চাচাজান খাউক।’

‘আরে বেটি! তুমি কি লাগাইছাও আবার?’ এই বলিয়া হাত পা থুইয়া রহিমদী মুড়ি খাইতে বসে।

বউ জিজ্ঞাসা করে, ‘চাচাজান! কেদারীর মা কেমন আছে?’ ‘কেদারীর মা বাল নাই। বাতের বেদনায় বড়ই কাবু অয়া গ্যাছে। আসপার সময় কইল, বউর কইস, বাতের ব্যাথায় পইড়া আছি। নাতী-নাতনী গো জন্তি কিছু দিবার পারলাম না। বউরে আমার দোয়া কইস।’

কেদারীর মার কথা মনে করিতে বউর চোখ ছলছল করিয়া ওঠে। বিপদে-আপদে যখন যার দরকার কেদারীর মা বিনা ডাকে তাহার উপকার করিয়া আসে। এমন মাল্লখ কোথায় পাওয়া যায়?

রহিমদী নাতা খাইয়া আরাম করে! ওদিকে চুলায় রান্না চড়াইয়া দিয়া ঢেঁকিতে চাউল কুটিতে যায়। বড়ু এখনে চাউল আলাইতে শেখে নাই। বছির আর বড়ু ছইজনে ঢেঁকিতে পাড় দেয়। না চুকনের ওঠা নামার বাথখানে নোটের মধ্যে হাত দিয়া চাউলগুলি নাড়িয়া দেয়। মাঝে মাঝে সেই আথঙাড

চাউলগুলি কুলার উপর রাখিয়া আন্তে আন্তে মা কুলা দোলাইয়া ঔড়িগুলি টেকিয়া লয়। কেমন দুই হাতে সুন্দর পরিপাটি করিয়া ধরিয়া মা কুলাখানা দোলাইতে থাকে। মায়ের হাতের চুড়িগুলি টুং টুং করিয়া বাজে। তারই তালে তালে অভাঙ্গা মলকেগুলি নাচিয়া নাচিয়া মাকেই যেন খুশী করিবার জন্ত কুলার একপাশে বাটীয়া জড় হয়। ঔড়িগুলি জড় হয় কুলার আর একপাশে। মা আন্তে করিয়া কুলার একটি টোকা দিয়া সেই অভাঙ্গা মলকেগুলি নোটের মধ্যে ফেলিয়া দেয়। ঔড়িগুলি ধামার মধ্যে রাখে। সাজানো-গুছানো ভাবে সুন্দর করিয়া কাজ করিবার মায়ের কতই নিপুণতা। ঢেঁকির উপর হইতে চাহিয়া চাহিয়া বন্ধু দেখে, আর ভাবে কতদিনে সে মায়ের মত যোগ্যতা লাভ করিবে।

চাউল কোটা শেষ হইলে মা কুলার উপরে জল গরম দিয়া ধামার সজ্জিত ঔড়িগুলি হইতে কিঞ্চিৎ দুই হাতের মুঠার মধ্যে লইয়া বড় বড় গোলা বানাইয়া উননের সেই গরম জলের মধ্যে ফেলিতে থাকে। কিছুক্ষণ ঢেলাগুলি গরম জলে বলক দিয়া সেই জলটুকু একটি গামলায় ঢালিয়া রাখে। এই জলের সঙ্গে ঢেলা হইতে কিছুটা চাউলের ঔড়ি মিশিয়া গিয়াছে। বড় লোকেরা ইহা ফেলিয়া দেয়, কিন্তু মা ইহাতে মন মিশাইয়া অতি তৃপ্তির সঙ্গে খায়। তারপর মা ঔড়ির ঢেলাগুলি খালের উপর রাখিয়া দুই হাতে আটা ছানিতে থাকে। কি আর এমন কাজ! কিন্তু ছেলে-মেয়ে দুইটি তাহাই এক দৃষ্টিতে চাহিয়া দেখে। এ যেন মায়ের পিঠা বানানোর নাট্যাভিনয়! মাকে এই পিঠা বানাইতে তাহারা কতবার দেখিয়াছে তবুও দেখিয়া তৃপ্তি হয় না। শীতের দিনে মা শেষ রাতে উঠিয়া ভাপা-পিঠা বানায়। ছেলে-মেয়ে দুইটি মায়ের সঙ্গে উঠিয়া কতবার তাকে ভাপা-পিঠা বানাইতে দেখিয়াছে। প্রথম পিঠাটি সিদ্ধ হইলে মা তাদের খাইতে দেয় না। তাহাদের খাওয়া দেখিতে মায়ের সকল পরিশ্রম স্বার্থক হইয়া ওঠে। আজ্ঞাহরের কাছে মা কতদিন হাসিয়া বলিয়াছে, ‘পুলা-পান হওনের আগে পিঠা বানায়! স্বপ্ন ছিল না। কুলার পাশে বইসা পুলা-ম্যায়ারাই যদি পিঠা না খাইল তবে পিঠা বানায়! কিসির স্বপ্ন?’

আটা ছেনা হইলে মা ছোট ছোট করিয়া এক কটা গড়া বানাইল। সেই গড়াগুলি লইয়া আবার হাতের তেলোয় চাপটা করিয়া দুই হাতে টিপিয়া টিপিয়া এক একটুকু ছোট কটির মত করিল। তারপর বেলুন লইয়া মা কটি বেলিতে আরম্ভ করিল। মায়ের ডান হাতের বুড়ী আঙ্গুলের পরে যে কীক

আছে তার মধ্যে বেলুনের ডাঁটির একখান পুরিয়া বায় হাতের ভেলো দিয়া মা বেলুন ঘুরাইতে থাকে। মায়ের হৃদয় হাতের কাচের চুড়িগুলি আগেই টুং টুং করিয়া বাজিয়া উঠে। মায়ের বেলুনের তলায় আটা ঘুরিয়া ঘুরিয়া রুটিতে পরিণত হয়। মায়ের আদরেই যেন এরূপ হয়। মায়ের এই কাজ দেখিয়া বহির তাকব বনিয়া যায়। মনে মনে ভাবে, মা যেন আরও কত কিছু বানাইতে পারে। ছোট বোন বড় মার কাছ হইতে একটু আটা লইয়া তার চোটে বেলুনটি লইয়া রুটি বানাইতে চাহে। অপটু হাতে রুটির এদিকে মোটা হয় ওদিকে পাতালা হয়, মাঝে মাঝে আবার ছিঁড়িয়াও যায়। মা মিষ্টি করিয়া বলে, ‘আরে আদাখলের বেটি ! এই রকম কইরা ব্যাল।’

বহির বলে, ‘মা ! তুমি আমারে আটা দিয়া একটা নোকা বানায় দাও—একখানা পাকী বানায় দাও।’

মা বলে, ‘একটু সব্ব কর। আগে কয়খানা রুটি বেইলা লই।’ সাত আটখানা রুটি বেলা হইলেই মা কাঠখোলা চুলায় দিয়া রুটি সেকিতে থাকে। রান্না করিতে হাঁড়ি-পাতিল ঠুসিয়া গেলে তাহার অন্ধেকটা ভাঙিয়া মা কাঠখোলা বানাইয়াছে। তাহাতে কয়েকখানা রুটি সেকিয়া সস্ত রান্না-করা মুরগীর তরকারী একখানা মাটির সানকিতে করিয়া মা বলে, ‘তোরা আগে খায়া দেখ, কেমন ছালুন ঐছে।’

বহির আর বড় সেই তরকারীতে রুটি ভরাইয়া থাইতে থাইতে মায়ের তারিফ করে। ‘মা ! .ওমন ছালুন তুমি কুহুদিন রান্না নাই।’ তৃপ্তিতে মার গ্রাণ ভরিয়া যায়। আরও একটু ছালুন খালায় ঢালিয়া মা বলে, ‘বালো কইরা খা।’

বহির বলে, ‘মা ! আর একটু ছালুন দাও। মাথাডা আমারে ছাও।’ মা বলে, ‘দেখছন্ না তোরা দাদা আইছে ? আজকার মাথাডা তোরে দেই। আবার যখন মুরগী জবো করব তখন তোরে মাথাডা দিব। তুই আইজ মাইটাডা খা।’

ছেলে-মেয়ের খাওয়া হইলে আজাহের গ্রামের লোকদের গান শোনার দাওয়াত দিয়া বাড়ি ফিরিয়া আসিল।

রহিমদীকে সঙ্গে লইয়া আজাহের এবার থাইতে বসিল। ইতিমধ্যে গ্রামের লোকেরা একে একে আসিয়া আজাহেরের বাড়িতে জড় হইল। দীহু মাভবর, মোকিম, তাহের লেংড়া, ও-পাড়ার মিঞাজান সকলেই আসিল। ফুলুকে সঙ্গে লইয়া মোড়লের দ্বীও আসিল। তাহার আজাহেরের বউ-এর

সঙ্গে বারান্দায় বসিল।

উঠানের মধ্যে ছেঁড়া মাত্র আর গেজুরের পাটি বিছাইয়া পুরুষ লোকদের বসিতে দেওয়া হইল। মাঝখানে মোড়লের পাশে রহিমদীর জন্ত একখানা নক্সী কাঁথা বিছান হইল। খাওয়া শেষ করিয়া পান চিবাইতে চিবাইতে সালাম আলেকম বলিয়া রহিমদী সভান্তলে আসিয়া দাঁড়াইল। গরীবুজা মাতব্বর উঠিয়া দাঁড়াইয়া সেই নক্সী কাঁথার আসন দেখাইয়া বলিল, ‘গায়েন সাহেব! বসেন।’

রহিমদী বলে, ‘না, ও জায়গায় আপনি বসেন। আমি পাশে বসপ।’ মোড়ল বলে, ‘আপনি এলেন আমাগো মেজবান। আপনাকে ওহানে বসতি ঐব।’

রহিমদী বলে, ‘তা কি ঐতে পারে? আপনার মাইত্র ত আছে। আপনি এলেন মাতব্বর, তার উপর মুকুব্বী। আপনি ওগানে বসেন।’

একে অপরকে টানাটানি করে, কেউ বসে না। তখন আজাহের বলিল, ‘আপনারা দুইজনেই ওই নক্সী কাঁথার উপর বসেন।’ খুশী হইয়া মোড়ল রহিমদীকে পাশে লইয়া সেই নক্সী কাঁথার উপর বসিল। রহিমদীর বিনয় দেখিয়া সভার সকলেই খুশী হইল। মোড়লের পাশে বসিয়া রহিমদী একটা বিড়ি বাহির করিয়া মোড়লকে দিল, নিজেও একটি ধরাইয়া টানিতে লাগিল। এমন সময় আজাহের একটি একতারা আনিয়া রহিমদীর হাতে দিল। রহিমদী একতারাটি হাতে লইয়া টুং টুং করিয়া বাজাইতে লাগিল। সকলের দৃষ্টি তাহার দিকে। না জানি কি মধুর কাহিনী সে আঙ্গ প্রকাশ করিলে তাহার ঐ একতারার বাজারে বজারে। কিন্তু রহিমদী কেবল বাজাইয়াই লিগাচ্ছে। সমবেত শ্রোতাদের ঐশ্বর্য্য আর ধৈর্য্য মানে না। মোড়ল বলে, ‘গায়েন সাব। এবার গান আরম্ভ করেন।’ রহিমদী একতারা বন্ধ করিয়া একবার তার শ্রোতাদের উপর চারিদিকে চোখ ঘুরাইয়া দেখিয়া লইল। বৃত্তিতে পারিল, তাহাদের মন, কাহিনীর কল্পরাজ্যে ঘুরিবার জন্ত প্রস্তুত হইয়াছে। সে একটু কাশিয়া বলিল, ‘কি গীৎ আমি গাব। গলাডাও বাল নাই। আপনাগো হননির যোগ্য গান কি আমি জানি?’ মোড়ল বিনয় করিয়া জবাব দেয়, ‘আরে মিঞা! আপনি যা গাবেন তাই আমাগো বালো লাগবি। এইবার আরম্ভ করেন।’

রহিমদী বেশ মাটির সঙ্গেই নত হইয়া বলে, ‘দোহার পস্তর সঙ্গে আমি নাই। একলার গলায় কি গীৎ হনবেন?’ আজাহের বলে, ‘বছির, বড়,

তোরা কই গেলি। তোর দাদার পাশে বইসা গানের গড়ান দর।' মোড়ল বলে, 'নেহাজ, ফুলু, তোরাও আয়। ও কুণা কিডা বরান নাকি? আরে মিঞা! তুমি ত এক সময় গাজীর গানের দলের দোহার ছিল। আওগাইয়া আইস। গায়ের সাবের গানের গড়ান দর।'

দোহার ঠিক হইয়া গেল। হাতের বিড়িতে খুব জোরে আর একটা টান দিয়া নাকমুখ দিয়া খুঁয়া বাহির করিয়া রহিমদী গান আরম্ভ করিল :

ওকি আরে আরে আ—রে

দোহারেরা তাহার কণ্ঠ হইতে সুর কাড়িয়া লইয়া গায় :

ওকি আরে আরে আ—আ—রে।

রহিমদী আর বরান খাঁর মোটা গলার সঙ্গে ফুলু, বডু, নেহাজ আর বছিরের তরুণ কণ্ঠ মিলিয়া উপস্থিত গানের আসরে এক অপূর্ব ভাবের সমাবেশ হয়। রহিমদীর মনে হয় এমন মধুর সুর যেন কোনদিন তার কণ্ঠ হইতে বাহির হয় নাই। সঙ্গের দোহারদের স্মিষ্ট কণ্ঠস্বর, সেও যেন তার নিজেই। তার অন্তরের অন্তহল হইতে ভাব-তরঙ্গ উঠিয়া তাহাদের কণ্ঠে যাইয়া যেন আছড়াইয়া পড়ে। তার মনে হয়, আজ এই সুরের উপর যে-কোন কাহিনীকে সোয়াঁর করিয়া তাহার স্রব লইয়া সে যে-কোন দেশে যাইতে পারে। স্বর্গ, মর্ত, পাতাল, মাছুষ, দেবতা, দানব, অতীত, বর্তমান সব যেন আজ তাহার মূঠার মধ্যে। যখন বাহাকে ইচ্ছা সুরের স্রোত টানিয়া আনিয়া শ্রোতাদের সামনে সে দাঁড় করাইতে পারে। রহিমদী আরম্ভ করে :

পূবেতে বন্দনা করলাম পূবে ভানুশ্বর,

একদিগে উদয় গো'ভানু চৌদিগে পশর

পশ্চিমে বন্দনা করলাম মক্কা মদিন্তান,

উদ্দেশে জানায় সালাম মোমিন মুসলমান।

উত্তরে বন্দনা করলাম হিমালয় পর্বত,

যাহার হাওয়াতে কাঁপে সকল গাছের পাত।

দক্ষিণে বন্দনা করলাম ক্ষীর-নদীর সাগর,

যেইখানে বাণিজ্য করে চান্দ সওদাগর।

সভায় বারী বইসা আছেন পূর্ণাঙ্গারী চান,

তানগো উদ্দেশে আমি জানাইলাম সালাম।

সকল বন্দনা কইরা মধ্যে করলাম হিতি

এই থানে গাব আমি ওতলা সুলতানীর গীতি।

ইরান তুরান যুদ্ধকে আছে এক বাদশা নামদার । তার একহি কস্তা নাম
ওতলা স্বন্দরী । ওতলা স্বন্দরী, যার রূপের কোন তুলনা নাই । সেই কস্তার
হাতে পদ্ম পায়ে পদ্ম মুগে পদ্ম দোলে,
আসমানের চন্দ্র যেন ভূমিতে পড়ল ঢ'লে ।
হাইট্যা হাইট্যা যায় কস্তা খঞ্জন খঞ্জন পায়,
সোনার নুপুর বাজে যেখান দিয়া যায় ।

গান শুনিতে শুনিতে বহিরের মনে হয় এ যেন তার বোন বড় আর ফুল
রূপের বর্ণনা ।

গায়ের গাহিয়া যায়, সেই কস্তার সঙ্গে বিবাহ হইল এক সৎদাগরের পুত্রের ।
সেই বিয়েতে কি কি শাড়ী পরছিল রাজকস্তা ।

মোড়ল বলিল, 'কি শাড়ী পরছিল গায়ের সাহেব ? একটু নাইচা-পেইচা
বলেন ।'

রহিমদী তখন তার গানবার খোঁট হইতে নুপুর জোড়া ছুইপায়ে পরিয়া
হেলিয়া-হুলিয়া নাচিতে আরম্ভ করিল :

প্রথমে পরিল শাড়ী নামে গঙ্গাজল,
হাতে, উপর খইলে শাড়ী করে টলমল ।
মৃত্তিকায় খইলে শাড়ী পিঁপড়ায় লম্বা যায়,
জলেতে রাখিলে শাড়ী জলেতে মিশায় ।
সেই শাড়ী পরিয়া কস্তা শাড়ীর পানে চায়,
মনমত না হইলে দাসীকে পিন্ধায় ।

দোহারেরা ধূয়া ধরে :

ও কালো মেঘ যেন সাজিলরে ।

রহিমদীর নাচনের যেন আজ বাঁধ ভাঙিয়াছে । প্রত্যেকখানা শাড়ীর
বর্ণনা, যে ভাবে পরিচারিকারা তাহা রাজকস্তাকে পরাইতেছে, মনের মত না
হইলে যে ভাবে রাজকন্যা শাড়ীখানা দাসীদের দিয়া দিতেছে, সন্ত বিবাহস্থখ
রাজকস্তার মনের সলাজ আনন্দ সব কিছু তার নাচের মধ্যে প্রকাশ পাইতেছে ।
রহিমদী গাহিয়া যায় :

তারপরে পরিল শাড়ী তার নাম চীত,
হাজারও দুঃখিতে পরলে তারও আইএ গীত ।

এ শাড়ীও রাজকন্যার পছন্দ হইল না । সহচরীরা গুয়াফুলশাড়ী আনিল,
আসমান-তার শাড়ী আনিল, তারপর রাশমগুল, কেলিকদম্ব, জলেভাঙ্গা,

মনখুশী, দিলখুশী, কলমীলতা, গোলাপফুল, কোন শাড়ীই রাজকন্যার পছন্দ হয় না। তখন সব সখীতে যুক্তি করিয়া রাজকন্যাকে একখানা শাড়ী পরাইল।

তারপরে পরাইল শাড়ী তার নাম হিয়া,

সেই শাড়ী গিল্লিয়া হইছিল চন্নিশ কন্যার বিয়া

এই শাড়ী রাজকন্যার পছন্দ হইল। এবার রহিমদী সেই শাড়ীর বর্ণনা আরম্ভ করিল :

শাড়ীর মদি লেইখ্যা থুইছে নবীজীর আসন,

শাড়ীর মদি লেইখ্যা থুইছে আল্লা নিরাঞ্জন।

শাড়ীর মদি লেইখ্যা থুইছে কেলিকদম্ব গাছ,

ডালে বইসা ঠাকুর কৃষ্ণ বাঁশী বাজায় তাত।

দারুণ অভাবের মধ্যে যাহাদের দিন কাটে তাহারা ত' এই সব বিলাসের উপকরণ কোনদিন চোখেও দেখে নাই। বড় লোকদের সুন্দর সুন্দর মেয়েরা কত অট্ট-অলঙ্কার পরিয়া ঘুরিয়া বেড়ায়। তাহাদের জীবন কতই না মাধুর্যময়। সেই বিলাস উপকরণ—সেই রহস্যময় জীবনকে গানের সুরের মধ্যে ধরিয়া আনিয়া রহিমদী তার সর্বহারা শ্রোতাদের মধ্যে ঢালিয়া দিতেছে। বাস্তব জীবনে যারা সব কিছু হইতেই বঞ্চিত, রহিমদীর গানের সুরে তার কিছুটা পাইয়া হয়ত তাহাদের অবচেতন মনের কোন একটি স্থান পূর্ণ হইয়া উঠিতেছে। রহিমদীন গান গাহিয়া যান :

আনিল বেশেরের ঝাপি খুলিল ঢাকনি,

ডান হস্তে তুলিয়া লইল আবার কান্ধনখানি।

চিরলে চিরিয়া কেশবাসে বানল খোঁপা,

খোঁপার উপর তুলিয়া দিল গন্ধরাজ চাপা।

সাজিয়া পরিয়া এই দিন কত্তা হৈল ক্ষীণ,

কোমরে পরিল কত্তা সুরণের জিন।

তার দিল তক দিল কোমরে পাঙলী,

গলায় তুলিয়া দিল সুরণের হাসলী।

কোমরখানি মাঝা সরু মুঠের মধ্যে ধরে,

কাকুনিয়া গুয়া গাছটি হেইলা চুইলা পড়ে।

সাজিয়া পরিয়া কত্তা বসল বড় ঠাটে,

নীমানামের কালে বেন দর বইল পাটে।

সেই কত্তাকে বিবাহ করিয়া নওদাগরের পুত্র সারাদিন বারো বাঙলায়

বসিয়া বউ-এর সঙ্গে পাশা খেলে। 'বাইট' কাহন নোকা সওদাগরের ঘাটে বাঁধা থাকে। লোকজন পথে-ঘাটে সওদাগরের নিন্দা করে। এই খবর সওদাগরের কানেও আসিল। তখন ওতলা হুন্দরীর কাছে বিদায় লইয়া সওদাগর দূরের বাণিজ্যে পাড়ি দিল। যাইবার কালে অশ্রুসঞ্ছল কণ্ঠে সওদাগর মায়ের কাছে বোনের কাছে বলিয়া গেল :

‘ঘরেতে রহিল আমার ওতলা হুন্দরী,
আমার মতন তারে রাখ যত্ন করি।’

সওদাগর ছয় মাসের পথ চলিয়া গিয়াছে। কত ইরানী-বিরানীর বন্দর পাছে ফেলাইয়া, কতক বউঘাটা, গোদাগাড়ী, চিরিঙ্গার বাজারে নোকা িড়াইয়া সওদাগর সাত সমুদ্রেরের তীরে আসিয়া আসিয়া উপস্থিত হইল। এখানে এক পাখির কাছে ছয় মাসের পথ একদণ্ডে যাইবার ফিকির জানিয়া সওদাগর গভীর রজনী কালে ওতলা হুন্দরীর মহলে আসিয়া উপস্থিত হইল। মা-বোন দানিল না। কাক-কোকিলও টের পাইল না। ওতলার বাস-শয্যায়া রাত্র খাপন করিয়া প্রভাতের তারা না উঠিতেই আবার মস্ত-বলে সওদাগর সমুদ্র তীরে যাইয়া উপস্থিত হইল।

দিনে দিনে হায়রে ভাল দিন চইলা যায়
গভের চিহ্ন দেখা দিল ওতলার গায়।

প্রথমে কানাকানি—তারপর লোক জানাজানি। স্বাস্তী-ননদীর কাছে ওতলা সকল কথা কয়। কিন্তু কে বিশ্বাস করিবে ছয় মাসের পথ হইতে সওদাগর একদণ্ডে গৃহে আসিয়াছিল। তখন গায়ের অটম-কার খুলিয়া ছেঁড়া চটের বসন পরাইয়া স্বাস্তী-ননদী ওতলা হুন্দরীকে পাড়ি হইতে তাড়াইয়া দিল। ছিল রাজনন্দিনী হইল পথের ভিখারিণী। গানের সুরের বজ্রারে রহিমদী এবার রাজ সিংহাসন হইতে তার নাগিকাকে নামাইয়া আনিয়া সবসাধারণের দলে মিশাইয়া দিল। কান্দিতে কান্দিতে ওতলা হুন্দরী পথে বাহির হইল :

‘কান্দে কান্দে হায় ওতলা পথ চলে হায়
ওতলার কান্দনে আজকা আসমান ভাইলা যায়।’

গানের সুরে ঢেউ লাগাইয়া লাগাইয়া রহিমদী বাহিয়া চলে :

‘গাছের পাতা ঝইয়া পড়ে ওতলার কান্দনে,
না খায় দানা না খায় পানি বনের কুণী বনে।’

সেই কান্দনে সমবেত শ্রোতাদের চোখের পানি ঝরিয়া পড়ে। গামছার

খোঁটে চক্ষু মুছিয়া রহিমদ্দী গাহিয়া যায়, এক বৃদ্ধ চাষা ওতলাকে আশ্রয় দিল ।
সেখানে ওতলার গর্ভে এক সোনার পুত্র জন্ম গ্রহণ করিল । সেই বৃদ্ধ চাষী
মরিয়া গেল, পুত্র কোলে লইয়া অভাগিনী ওতলা আবার ঘরের বাহির হইল ।

‘উচ্চ ডালে থাকরে কোকিল ! অনেক দূরে যাও,
তুমি নি দেইখাছ পাখি আমার পতির নাও ।
জাল বাউ জানুয়া ভাইরে ! ছাইবা তোল পানি,
তুমি নি দেইখাছ আমার পতির নৌকাখানি ।’

কিন্তু কেউ তার পতির সন্ধান দিতে পারে না বনের মধ্যে থাকে এক ছুই
লোক । সে আসিয়া ওতলাকে বলে :

তোমার পতি মইরা গেছে নবলক্ষের দেশে
পান-গুয়া খাও ওতলা আমার ধরে এসে ।

ওতলা উত্তর করে :

আমার যদি মরত পতি শব্দ যাইত দূর,
রাম-লক্ষণ দুই গাছ শব্দ ভেঙে হইত চূর ।
ভীন দেশে আমার পতি যদি মারা যাইত,
সিন্ধার সিন্দুক আমার মৈলাম হইত ।

সেই ছুই লোক তখন কোল হইতে ওতলার ছেলেটিকে ছিনাইয়া লইল ।

ওতলা কান্দে :

‘এখনো শেখে নাই যাছু মা বোল বলার বোল,
এখনো সাধ মেটে নাইরে তারে দিয়া কোল ।

ওরে ডাকাত । আমার যাচুমনিকে তুই ফিরাইয়া দে ।’

ছুই তখন বলে :

‘ফিরাইয়া দিব যাছু যদি খোবন কর দান,
ফিরাইয়া দিব যাছু যদি খাও গুয়া-পান ।’

ওতলা বলে :

‘নাইকা মাতা নাইকা পিতা নাইকা সোন্ধের ভাই,
সৌতের শেহলা হয় ভাসিয়া বেড়াই ।

তুমি আমার পিতা । আমার যাচুরে ফিরাইয়া দাও ।’ তখন সেই ছুই লোক
কি করে ?

ওতলার ছেলেকে শূভ্রে উঠাইয়া বলে, ‘যদি তুমি আমার সঙ্গে না যাইবে
তোমার এই সন্ধানকে আমি আছড়াইয়া মারিব ।’

তনিয়া ওতলা শিহরিয়া উঠে। এই ভাবে কাহিনী করণ হইতে করণতর হইয়া আগাইয়া যায়। রহিমদী গান গাহিতে গাহিতে গামছা দিয়া ঘন ঘন চোখ মোছে। নিদারুণ সেই দুইলোক প্রথমে ছেলের একখানা হাত কাটিয়া ফেলিল। তবু ওতলা রাজি হইল না তার কথায়। তারপর আর একখানা হাত কাটিল। তবু ওতলা অটল। তখন সেই নিদারুণ দুইলোক ওতলার ছেলেটিকে আছড়াইয়া মারিয়া ফেলিল। পুত্র শোকে উন্মাদিনী ওতলা মাথার চুল ছেঁড়ে, বুক খাপড়ায়, মাটিতে মাথা ঘসে। হায়রে :

কারবা গাছের জালি কুমড়া কইরা ছিলাম চুরি,
সেই আমারে দিছে গালি পুত্র শোণী করি।
কোনবা দেশে যায় দেখব আমি সোনার বাতুর মুখ,
কোন দেশে যায় জুড়াব আমার পোড়া বুক।

উন্মাদিনী পথে পথে কান্দিয়া বেড়ায়। যারে দেখে তারই পায়ে ধরিয়া কান্দে—তোরা দে—আমার বাছাধনকে আনিয়া দে। ওতলার কান্দনে ভাটীর নদী, সেও ত উজান ধায়। আল্লার আরশ কুরছি কাপিয়া কাপিয়া ওঠে। গানের সুরে সুরে ঢেউ দিয়া কাহিনী আগাইয়া যায়। রাত্র ভোর হইতেই রহিমদী গান শেষ করে। চোখের স্রল মুছিতে মুছিতে শ্রোতার্য যার যার ঘরে ফিরিয়া যায়। গায়ের সাহেবের তারিফ করিয়া তাহারা এই ভাবের আবেগকে এতটুকুও স্নান করিতে চায় না। রহিমদীও বোঝে তাহাদের অন্তরে সে আত্ম নিজেকে ঢালিয়া দিতে সমর্থ হইয়াছে। এই ত গায়কের শ্রেষ্ঠ পুরস্কার !

মুর্খ রহিমদী এই গ্রামে মাত্র একটি রাত কাটাইয়া নিজের কথকতায় ছেলে-বুড়ো যুবক-যুবতী গ্রামের সকলকেই মুগ্ধ করিয়া দিয়া গেল। সে যেখানে যায় সেইখানেই এইরূপ আনন্দের হাট মেলে। তার কাহিনীর ভিতর দিয়া এই দেশের সব চাইতে যে শ্রেষ্ঠ আদর্শ সেই একনিষ্ঠ প্রেমের জয় ঘোষণা করিয়া গেল। সেই প্রেমের মর্যাদা রাখিতে এ দেশের মেয়েরা কত দুঃখের সাগরে স্নান করিয়াছে, কত বেহলার কলার মন্দাস গংকিনী নদীর সোঁতে ডালিয়া, কত চিরিঞ্জার ঘাট কত নিতাই ধুপুনীর ঘাট পায় হইয়াছে, যুগে যুগে এই প্রেম, দুঃখের অনলে পুড়িয়া নিজের আত্মোত্তি আরও উজ্জ্বলতর করিয়াছে। অত্ৰ তাহাকে ছেদন করিতে পারে নাই, অগ্নি তাহাকে দাহন করিতে পারে নাই। রহিমদীর মত বাঙলার গ্রামগুলিতে এইরূপ কত গায়ক,

কত কবি, কত কথক রহিয়াছে। তাহারা বাঙলার অবহেলিত জনগণের মধ্যে আনন্দ-রসে ভরিয়া এই আদর্শবাদ আর নীতির মহিমা প্রচার করিতেছে। হয়ত সেই জন্যই আজও দেশে পুণ্যাত্মাদের সমাদর। অসংখ্য চূর্ণন ব্যক্তিকে লোকে হয় চক্ষে দেখে। কিন্তু রহিমদীনের মত গুণী ব্যক্তিদের সমাদর ক্রমেই কমিয়া বাইতেছে। কে তাহাদের সভ্য সমাজে ডাকিয়া আনিয়া উচ্চ সম্মানের আসনে বসাইবে ?

আজাহের রহিমদীকে থাকিতে বলিতে পারে না। একজন অতিথিকে আরও একদিন থাকিতে বলা মানে তাহাদের আর একদিন আধপেটা খাওয়া। দিন কামাই করিয়া দিন খায় রহিমদী। একদিন তাঁতের কাজ বন্ধ থাকা মানে তারও আর একদিন না খাইয়া থাকা। অনেক বলিয়া কহিয়া আবার আসিব বলিয়া রহিমদী বড়ুর সৰু বাহ-বন্ধনখানি ছাড়ায়। আজাহেরের বউ বলে, ‘চাচাজান! এই শিশুর-ত্যালটুক নিয়া যান। কেদাইয়ার মাঝে দিবেন। হনছি শিশুর-ত্যাতে বাতের ব্যামো হারে। ও-পাড়ার মোকিমীর বাড়িত্যা কাইল সন্ধ্যার আমাগো বাড়ির উনিরে ছা আনাইছি। আর এই ঢ্যাপের বীজগুলান নিয়া যান। চাচীজান যেন অদ্দেক রাহে আর অদ্দেক মোড়লের বউরে পাঠায়া ছায়। আর তারে কইবেন, গরীব আমরা। গরে মিটাই থাকলি ঢ্যাপের বীজছা খই বাইজা মওয়া বাইন্দা দিতাম। তানি যেন মোড়লসাবরে মওয়া বাইন্দা খাওয়ায়।’ রহিমদী ঢ্যাপের পোঁটলা আর তেলের শিশি তার বৌচকার মধ্যে বাঁধিতে বাঁধিতে বলে, ‘তোমরা সব পাগল ঐলা নাকি ? এত জিনিস নেওয়া যায় ?’

বউ বলে, ‘আর এক কতা। মোড়ল বউরে কইবেন তার ছাইলার যহন বিয়া অবি আমারে যেন নাইয়ারে নেয়। কতকাল গিরামডারে দেহি না। একবার বাইবার ইচ্ছা করে।’

বিদায় লইয়া রহিমদী পথে রওনা হয়। আজাহের তাকে গ্রামের শেষ সীমা পর্যন্ত আগাইয়া দিয়া আসে। ফিরিবার সময় আজাহেরের মনে হয়, আজ যে গান গাহিয়া রহিমদীন সকলের অন্তর জয় করিয়া গেল, এ যেন তাহার নিজেরই কীর্তি। সে যেন নিজেই গান গাহিয়া সকলকে মাতাইয়া দিয়াছে। রহিমদী ঠপলক মাজ। কারণ সেই ত’ তাহাকে ডাকিয়া আনিয়াছিল। গর্বে আজাহেরের নাচিতে ইচ্ছা করে।

উনিশ

ভর-দুগ্নরে কোন জ্বল হইতে এক কৌচ বেথুন, সজারর কাঁটা আর লাল মাকাল ফল কুড়াইয়া আনিয়া বডু বলে, ‘মা! আমার জানি কেমন করত্যাছে।’

মেয়ের গায়ে কপালে হাত ব্লাইয়া দিতে দিতে মা বলে, ‘কারে নকী! কি ঐছে?’

বডু কয়, ‘মা! আমার যিনি বমি বমি করত্যাছে।’

মায় বলে, ‘গরের মাঠজায় সপ মেইলা দিলাম। তাই একটু শুইয়া থাক।’

মায়ের মেলান সপের উপর শুইয়া বডু মার গলা জড়াইয়া ধরে, ‘মারে! তুই আমার ফাছে বইয়া থাক।’

মায় কয়, ‘আমার নকী! আমার স্তনা! কত কাম পইড়া রইছে। তুমি শুইয়া থাক। আমি যাই।’

মেয়ে বলে, ‘আইছা মা! তবে তুমি যাও।’

মা একাঙ্গ করে ওকাজ করে কিন্তু কোন কিছুতেই মন টেকে না। ঘরে আসিয়া দেখে, বডু বমি করিতেছে। মা আসিয়া মেয়েকে জড়াইয়া ধরে। মেয়ে বলে, ‘একটুখানি বমি ঐছে মা। গ্যাছনি সাইয়া যাবি। তুমি কাম কর গিয়া। মিঞাবাই ত আসপানে পাঠশাল ঐতে। তার বন্দ রান্দ গিয়া।’

মা মেয়েকে আদর করিয়া বলে, ‘ওরে আমার মা জননীর। আমার মায়ের কত বুদ্ধি ঐছে!’

মেয়ে আবার বমি করে। এমন সময় বাঁ আসিল। মা ডাকে, ‘শামাগো বাড়ির উনি এদিগে আইয়া দেহক। আমার বডু যে বমি করত্যাছে।’

বাপের প্রাণ ছ্যাত করিয়া উঠিল। ওদিকের হিন্দু পাড়ায় কলেরা আরম্ভ হইয়াছে। তাড়াতাড়ি বাপ আসিয়া মেয়ের পাশে বসিল। ‘কি মা! তোমার কেমন লাগত্যাছে?’

মেয়ে বলে, ‘আমারে যিনি অস্থির কইরা ফেলত্যাছে।’

মায় বলে, ‘শামাগো বাড়ির উনি ও-পাড়ার মোকিম মিঞারে ডাইকা নিয়া

আম্বক। ম্যাগার বাতাস লাগছে। হে আইসা ঝাইড়া দিলি বাল অয়া বাব্যানো।”

আজাহের তাড়াতাড়ি মোকিম মিঞাকে ডাকিয়া আনে। আসিয়া দেখে, মেয়ে বমিই করিতেছে না—জলের মত পায়খানাও করিতেছে। মোকিম মিঞা নাড়ী ধরিয়া বলিল, ‘মাইয়ার বাতাস লাগছে। আমি পানি পইড়া দিয়া বাই। বাল অয়া বাব্যানো।’ কিন্তু মোকিম মিঞার জল পড়া খাইয়া মেয়ের কোনই উপকার হইল না। আশ্বে আশ্বে মেয়ে যেন নেতাইয়া পড়িতেছে। গায়ের সোনার বর্ণ কালো হইয়া গিয়াছে। বউ বলে, ‘এহন কি করবা? কেমন কইরা আমার বড়ুরে বাল করবা?’

আজাহের ঘরের মেঝের মাটি ঝুড়িয়া একটি ঘট বাহির করিল। তাহা হইতে কতকগুলি সিকি, আনি, দুয়ানী বাহির করিয়া গামছায় রাখিল। বউকে বলিল, ‘তুমি উয়ারে লয়া বইস। আনি বন্দর ঐতে ডাক্তার লয়া আসি।’

বাড়ি হইতে বন্দর মাজ দুই মাইল। এই পথ কি আজাহেরের শেষ হয়? চলিতে চলিতে তার হাত পা যেন ভাঙ্গিয়া আসিতেছে। বন্দরে তিনজন ডাক্তার। তারিনী ডাক্তার, সেন মশায় আর কাজী সাব। তার মধ্যে কাজী সাহেবেরই নাম ডাক বেশ। কলিকাতা হইতে পাণ করিয়া আসিয়াছেন। আজাহের কাজী সাহেবের ডাক্তারখানায় যাইয়া কান্দিয়া ফেলিল। কাজী সাহেব বসিয়া বসিয়া একখানা বই পড়িতেছিলেন। বই হইতে মুখ তুলিয়া বলিলেন, ‘কি চাই?’ আজাহের বলিল, ‘আমার ম্যাগাডার ভেদবমী ঐত্যাছে, আপনি আইসা একবার দেইখ্যা যান।’ কাজী সাহেব বলিলেন, ‘ভেদবমী হচ্ছে। তবে ত এ কলেরা।’

আজাহেরের পরাণ ছ্যাত করিয়া উঠিল। কান্দিয়া বলিল, ‘হুজুর আপনি চলেন।’

কাজী সাহেব গম্ভীর হইয়া বলিলেন, ‘যেতে ত বলছ। ডিজিটের টাকা এনেছ?’ গামছার খোঁট হইতে সিকি, দুয়ানীগুলি কাজী সাহেবের টেবিলে রাখিয়া আজাহের বলিল, ‘আমার এহন জ্ঞান গরিমা নাই। এই আমার খা সম্বল আছে আপনারে ফিলাম। আপনি দয়া কইরা চলেন।’

টেবিলের পয়সাগুলি গুনিয়া কাজী সাহেব বলিলেন, ‘মাজ দুই টাকা চার আনা হ’ল মিঞা। আমার ডিজিট লাগে পাঁচ টাকা আগে আর টাকা নিয়ে এসো, তখন আমি যাব।’

আজাহের কাজী সাহেবের পা জড়াইয়া ধরে, ‘হজুর! এই আমার আছে। আপনি দয়া কইরা আমার ম্যাগাডারে দেইখ্যা আসেন। ম্যাগা সারলি আপনার টেহা আমি দিব।’

কাজী সাহেব পা ছাড়াইয়া লইয়া বলেন, ‘ও কথা ত কত জনই কয় কিন্তু অস্থখ সেরে গেলে আর কারো পাত্তা পাওয়া যায় না। দেখ মিঞা দয়ার কথা বলছ? একটা ডাক্তারী পাণ করতে কত টাকা পরচ করেছি জান? সেই টাকাটা ত উস্থল করতে হবে। আমাকে দয়া দেখালে চলবে না।’

আজাহের বলে, ‘হজুর! আমার ম্যাগাডারে দেইখ্যা আসেন। আল্লা আপনার দিগে চাইব। আমি রোগ নানাড পইড়া আপনার ভক্তি দোয়া করব।’

কাজী সাহেব বলে, ‘আরে মিঞা! ওতে আমার মন ভেজে না। পাচ টাকা যদি দিতে পার, আমি যাব আর যদি না পার, আমার সময় নষ্ট করো না। দেখছ না আমি ডাক্তারী বই পড়ছি?’

আজাহের তবু হাল ছাড়ে না। ‘হজুর! আপনার গরো ত ছাওয়াল-ম্যাগা আছে! তাগো মূহির দিগে চায়া আমার ম্যাগাডারে দেইখা আসেন। আল্লার আসমান নাইমা পড়বি আপনারে দোয়া করনের ভক্তি। আমার কেবলই মনে ঐত্যাছে আপনি গেলি আমার ম্যাগাডা বাল অব।’

কাজী সাহেব এবার চটিয়া গিয়া বলিলেন, ‘আরে মিঞা! ছেলেপেলে তুলে কথা বল? যাও এখান থেকে। পাচটাকা না ছোট্টে ওই সস্তা ডাক্তার আছে তারিনী ডাক্তার, সেন মশায় তাদের ডেকে নাও গিয়া।’ ইহা বলিয়া কাজী সাহেব অন্দরে প্রবেশ করলেন। অনেকক্ষণ বসিয়া ‘কিয়া মরার মত উঠিয়া আজাহের তারিনী ডাক্তারের কাছে আসিয়া উপস্থিত হইল। তারিনী ডাক্তার সেই কবে করিমপুরের এক ডাক্তারের কম্পাউণ্ডারী করিত। ঔষধ চুরি করিয়া চাকরি হইতে বরখাস্ত হইয়া দেশে আসিয়া ডাক্তারী আরম্ভ করিয়াছে। পাড়া গায়ের লোক। কোন্ ডাক্তারের কত বিজ্ঞা কেহ জানে না। নানা ভেলভাল দিয়া যে লোক ঠকাইতে পারে তাহারই বেশী পসার।

তারিনী ডাক্তারকে আজাহের যাহা দিল তাহাতেই সে তাহার বাড়িতে রোগী দেখিতে রাজি হইল। কারণ এ তলাটে তাহাকে বড় কেউ ডাকে না।

ডাক্তারকে সঙ্গে লইয়া আজাহের যখন ‘হ ফিরিল তখন মেয়ে আরও অস্থির। কেবল ঘন ঘন জল খায় আর বমি করে। তারিনী ডাক্তার রোগীর নাড়ী ধরিয়া অনেকক্ষণ চোখ বুজিয়া বসিয়া রহিল, তাহার পর রোগীর চোখের

পাতা উন্টাইয়া পেরি টিপিয়া দেখিয়া অতি গভীর হইয়া বাহিরে আলিয়া ঘূটের ছাই হাতে মাখিয়া হাত ধুইল। আজাহের আগ্রহের সঙ্গে জিজ্ঞাসা করে, 'ডাক্তারবাবু! কেমন দেখলেন?'

ডাক্তার বিজ্ঞের মতন গভীর হইয়া বলেন, 'ঠিক সময়েই আমাকে ডেকেছ। ডাকতে যদি ওই কাজী ডাক্তারকে তবে কিছুই করতে পারত না। জান ত বিলনাইলার মাতব্বর, কি নাম জানি? হ হ অছিরদী মুন্সী, তার ছেলের নামটা যেন কি?'

আজাহের আবার বলে, 'আমার ম্যায়াদা কেমন দেখলেন দাক্তারবাবু?'

'দাঁড়াও কই আগে, অছিরদী মুন্সীর ছেলের নাম—হ হ মনে পড়েছে গইজদী—তার হ'ল কলেরা। বড় লোক ত। ডাকল ঐ কাজী ডাক্তারকে। এ সব অস্থখের চিকিৎসা ওকি জানবে? সাতদিন চিকিৎসা করার পরেও রোগী চিৎপাত। তখন এ-পাড়ার বরান খাঁ সেই তাদের যেয়ে বলল আমার কথা। আমি যেয়ে এক গুলিতেই রোগ সারিয়ে দিয়ে এলাম।'

আজাহের বলে, 'আপনার গুণপনার কতা ত আমরা জানিই। আমার ম্যায়াদারে কেমন দেখলেন?'

ডাক্তার বলে, 'তোমার মেয়ের অবস্থাটা ভাল না, তবে কোন চিন্তা নাই। আমারে যখন ডেকেছ, এমন ঔষধ দেব তোমার মেয়েটা ভাল হয়ে যাবে। তবে একটা কথা, জল দিতে পারবে না। জল খাওয়ান বন্ধ করতে হবে।'

আজাহেরের বউ বলে, 'দাক্তারবাবু! পানি না খাওয়ায়া উয়ারে কেমন কইয়া রাখপ?'

ডাক্তার বলে, 'মেয়ে যদি বাঁচাতে চাও তবে তা রাখতেই হবে।'

ঔষধ দেওয়ার জন্ত বাড়িতে কোন পরিষ্কার শিশি নাই। জল খাওয়ার একটি কঁচের গ্লাস ছিল। তাহাতেই ডাক্তারবাবু কয়েক ফোটা ঔষধ ঢালিয়া দিলেন। বলিয়া দিলেন, 'চার বারের ঔষধ দিলাম। সারা রাত্রে চার বার আন্দাজ মত ঢেলে খাওয়াবে। কাল খুব ভোরে যেয়ে আমাকে খবর দিও! ভালকথা, ঔষধের দাম ত দিলে না মিঞা?'

আজাহের বলে, আমার যা ছিল সবই ত আপনাদের দিছি দাক্তারবাবু।'

ডাক্তার জিজ্ঞাসা করে, 'মুড়ির ধান আছে নি তোমার বাড়িতে? কাল সকালে যখন যাবে আমার জন্ত তিন কাঠা মুড়ির ধান নিয়ে যেয়ো। ওকি! তোমার ওই পালানে কেমন সুন্দর এর কাঁদি মর্তমান কলা হয়েছে। ভালকথা আজাহের। আমার মনেই ছিল না। একটা সুন্দর ঔষধের কথা মনে

পড়েছে। তুমি ওই কলার কাঁদিটা কেটে নিয়ে আমার সঙ্গে সঙ্গে চল। ঔষধটা এখনই নিয়ে আসতে পারবে। আর শোন আজ্ঞাহের এক বোঝা খড় নিয়ে চল। আমার গরুটার খাবার নেই।’

মর্তমান কলার কাঁদি আর এক বোঝা খড় লইয়া আজ্ঞাহের তারিনী ডাক্তারের সঙ্গে সঙ্গে চলিল।

ডাক্তার চলিয়া গেল। মেয়ে বারবার জল চায়, ‘মারে আর একটু পানি দাও।’

মা মেয়ের গায়ে মুখে হাত ব্লাইতে ব্লাইতে বলে, ‘মা! দাক্তার তোমাকে পানি দিতে বারণ কইর্যা গ্যাল।’

মেয়ে কয়, ‘মা! পানি না থাইলি আমি বাঁচপ না। একটু পানি দাও।’ মায়ের ত মন। মা মেয়ের মুখে একটু জল দেয়।

মেয়ে বলে, ‘মা! অতটুকু পানিতি ত আমার কইলজা ঠাণ্ডা অয় না। আমারে এক কলসী পানি দাও।’

গরীবুজা মাতব্বরের বউ আসিয়াছিল পবর পাইয়া। সে বলিল, ‘বউ! সজ বিজ্ঞান পানি ওরে ছাও। তাতে তেঁষ্টা কমবানে!’ মা তাড়াতাড়ি নেকড়ার সজ বাঁধিয়া জলে ভেড়ায়। সেই নেকড়া মুপের কাছে ধরে। দুই এক ফোটা জল মেয়ের মুখে পড়ে!

মেয়ে বলে, ‘মা! ও-পানি না, আমারে ইন্দারার পানি দাও। আমারে পুকুরির পানি দাও। মা! পানি—পানি—পানি।’

মোড়ল-বউ-এর গলা জড়াইয়া মা কান্দে, ‘বুঝো! এ তো সওন যায় না।’

নিজেরই চোখের জল গড়াইয়া পড়ে বউকে প্রবোধ দিতে যা .।, ‘কি করবা বউ। সব্ব কইরা থাক।’

বছির পাঠশালা হইতে ফিরিয়া আসে। ‘ও বডু তোর জন্তি সোনালতা আনছি।’

বডু ডাকে, ‘মিঞা ভাই! তুমি আইস্তা আমার কাছে বইস।’ বছির ষাইয়া বোনের পাশে বসিয়া মাথার চুলগুলিতে হাত ব্লায়। আবার বডু বলে, ‘মা! তোমার পায়ে পড়ি আমারে অনেকটুকু পানি দাও।’

মা কান্দিয়া বলে, ‘দাক্তার যে তোরে পানি দিবাব মানা করছে।’

রাগ করিয়া ওঠে বডু। ‘ছাই দাক্তার। ও কজুই জানে না। মিঞা বাই! তুমি আইছ। মা আমারে পানি ছায় না। তুমি আমাকে পানি দাও।’ বছির মার দিকে চাহিয়া বলে, ‘মা! দেই?’

চোখের জলে বুক ভাসাইয়া মা বলে, ‘দে।’

গেলাস লইয়া ধীরে ধীরে বহির বোনের মুখে জল দেয়। জল খাইয়া বড়ু যেন কিছুটা শান্ত হয়। ভাইয়ের হাতখানা কপালে ঘসিতে ঘসিতে বলে, ‘মিঞা বাই! দেহা ত কেয়ন সোনালতা আনছাস।’ বহির সোনালতা গাছি বোনের হাতে দেয়। হাতের উপর সোনালতাগুলি নাড়িয়া চাড়িয়া বোন বলে, ‘মিঞা বাই! আমি ত এহন খেলতি পারব না। এই সোনালতাগুলি তুমি রাইখা দাও। কালকা বিয়ানে ফুলু আসপি। তারে দিও। হে সোনালতার বয়লা বানায়। পরবি, হাসলী বানায়। পরবি।’

ফুলুর মা বলে, ‘আলো মায়া! তুই রইলি অস্থপে পইড়া, হে সোনালতা লয়া কার সঙ্গে খেলা করবি লো?’

আজাহের তাঁরিনী ডাক্তারের নিকট হইতে ঔষধ লইয়া ফিরিয়া আসিল! বাপকে দেখিয়া মেয়ে আবার কাঁদিয়া উঠিল, ‘ও বাজান! আমারে পানি দাও—পানি দাও।’

বাপ বলে, ‘মা’রে একটু সহ্য কইরা থাক। দাক্তার তোরে পানি দিতে নিষেধ করছে।’

মেয়ে তবু কান্দে, ‘পানি—পা—নিপানি আমারে পানি দাও।’

মা জলে ভেজানো ধনের পোটলাটা মেয়ের মুখের কাছে ধরে!

মেয়ে চিৎকার করিয়া কাঁদিয়া ওঠে, ‘অতটুকু পানিতে আমার হয় নারে। আমারে কলসী কলসী পানি দাও।’ ডাক ছাড়িয়া মেয়ে বিছানা হইতে উঠিয়া যাইতে চাহে। বাপ তাকে জোর করিয়া বিছানার সঙ্গে ধরে রাখে। মা জোড়হাত করিয়া আল্লার কাছে দোয়া মাঙে—‘আল্লা রহুল—পাক পরওয়ারদেগার! আমার বড়ুরে বাল কইরা দাও।’

পাড়া-প্রতিবেশীরা খবর পাইয়া সকলেই বড়ুকে দেখিতে আসিয়াছে। গরীবুল্লা মাতব্বরও আসিয়াছে। হলদে পাগির মত ডুগ ডুগে মেয়েটি, যার বাড়িতে বেড়াইতে যাইত, সেই কাছে ডাকিয়া আদর করিত। কিন্তু তারা যে সকলেই আজ নাচার! কেউ আসিয়া এমন কিছু বলিয়া যাইত যা করিলে মেয়েটির সকল যন্ত্রণা সারে, সে কাজ যতই কঠিন হউক, তারা তা করিত! নীরব দর্শকের মত তারা উঠানে বসিয়া চোখের জল ফেলিতে থাকে। সারা রাত্রি এই ভাবে ‘পানি’ ‘পানি’ করিয়া মেয়ে ছটফট করে।

‘ও বাজান! তোমার পায়ে পড়ি। আমাকে পানি দাও। আমাকে পানি দাও। পানির জন্তি আমার বুক কাইট্যা গেল।’

আজাহের মেয়েকে জল দেয় না। ডাক্তার বলিয়াছে, যদি মেয়েকে বাঁচাইতে চাও, তবে তার মুখে জল দিও না। আজাহের নির্ভয় পাষাণের মত নির্ভর হইবে, তবু সে মেয়েকে বাঁচাইবে। জল না দিলে সে বাঁচিবে। ডাক্তার বলিয়াছে, যে অনেক কিছু জানে, যার বিজ্ঞা আছে। বহু ঠেকিয়া আজাহের শিথিয়াছে বিধান লোকে বেশী বোঝে। তার কথা পালন করিলে মেয়ে বাঁচিবে।

বউ কাঁদিয়া আজাহেরর পায়ে আছড়াইয়া পড়ে, ‘তুমি কি পাষণ ঐছ ? দাও একটু পানি। যদি বাঁচনের অর্থ এমনই বাঁচপি।’ না ! না ! মেয়েকে তার বাঁচাতেই হইবে। মেয়ে না বাঁচিলে আজাহের পাগল হইবে—আজাহের গলায় দড়ি দিবে। তাই মেয়েকে তার বাঁচাতেই হইবে। ডাক্তার বলিয়াছে—বিজ্ঞলোকে বলিয়াছে, জল না দিলে মেয়ে বাঁচিবে। বছির বলে, ‘বাজান ! একটু পানি ওর মুহি দেই।’

আজাহের রাগ করিয়া উঠিয়া যায়। ‘তোগো যা মনে অর্থ কর। আমার আর সহ্য অর্থ না।’ বাপ চলিয়া গেলে মা আবার সেই সজ্জা ভিজানো একটুকু জল মেয়ের মুখে দেয় ! অনেকক্ষণ পরে জল পাইয়া মেয়ে যেন একটু শান্ত হয়। মার গলা জড়াইয়া ধরিয়া বলে, ‘মা’রে ! কারা যিনি আসত্যাছে। আমারে কয়, আমাগরে সঙ্গে খেলতি যাবি ? আমি কই : আমি ত খেলি মিঞা বাইর সঙ্গে, ফুলুর সঙ্গে। ওই যে—ওই যে তারা আসত্যাছে। কি সোন্দর ওগো দেখতি ওই যে দেহ মা।’

মা বলে, ‘কই আমি ত কেওইরে দেহি না।’ মায়ের গলা জড়াইয়া ধরিয়া মেয়ে বলে, ‘মা ! তুই আমার আরো কাছে আয়। ওরা আমারে নিয়া যাবার চায়। তুই কাছে থাকলি আমারে কেওই নিবার পারবি না।’

মা মেয়েকে আরও বুকের কাছে টানিয়া আনে।

মেয়ে মায়ের মুখের কাছে মুখ লইয়া বলে, ‘আমার সোনা মা ! আমার নকী মা ! তুমি গিলাসে কইরা এক গিলাস পানি আমারে দাও। পানি খাইলি আমি মরব না।’

মা আর একটুকু জল মেয়ের মুখে দেয়।

ঘর হইতে বাহির হইয়া আজাহের মাঠের ধারে বসিয়া কান্দে। বাড়িতে বসিয়া কান্দিলে বউ আরও আঙলাইয়া যাইবে, অনেকক্ষণ কাঁদিয়া আজাহের তারিনী ডাক্তারের বাড়িতে গেল। মুড়ির ধান গানে নাই দেখিয়া তারিনী ডাক্তার রাগিয়া খুন। ‘আরে মিঞা ! মনে করছ বিনে জলে চিড়ে ভিজবে। তা হয় না।’

আজারের বলে, ‘দাক্তার বাবু! মেয়ের অবস্থা দেইখ্যা আমার কুছ জান গিয়াম নাই। আমি কাইলই আপনারে মুড়ির দান আইনা দিবানি। আইজ আবার চলেন আমার ম্যায়াডারে দেখপার জন্তি।’ কলেরার রোগী টাকা পাইলেও তারিনী ডাক্তার বাইয়া দেখিতে ভয় পায়। হোঁরাছে রোগ। কখন কি হয় কে বলিবে।

বিজের মত ডাক্তার বলে, ‘আর দেখতে হবে না। যা ঔষধ দিয়াছি তাই খাওয়াও গিয়ে। কিন্তু জল খেতে দিও না। জল দিলে বাঁচাতে পারব না।’

আজাহের বলে, ‘দাক্তার বাবু! ম্যায়া আমার পানি পানি কইরা এমুন ছটকট করে যে মন্দি মন্দি পানি না দিয়া পারি না। জানেন ত বাপ-মায়ের প্রাণ!’

ডাক্তার ঘাড় নাড়িয়া বলে, ‘জল দিলে মেয়ে বাঁচাতে পারব না। তোমরা মূৰ্খ মানুষ। তোমাদের মধ্যে চিকিৎসা করে ওই ত এক দায়। যা বলেছিলাম করলে তার উন্টো।’

আজাহের কাঁদিয়া বলে, ‘ম্যায়ার পানি পানি কান্দা যে সইবার পারিন্তা দাক্তার বাবু।’

ডাক্তার কিছুক্ষণ নীরব থাকিয়া বলে, ‘হা! হা! মনে পড়েছে—একটা ঔষধের কথা মনে পড়েছে। এই ঔষধটা নিয়ে যাও। খুব দামী ঔষধ। কেবল তোমাকে বলে দিলাম। এই ঔষধ খাওয়ালে মেয়ে ঘুমিয়ে যাবে। আর ‘পানি’ ‘পানি’ করে কাঁদবে না। মনে থাকে যেন আজ বিকেলে মুড়ির দান দিবে যাবে।’

আজাহের ঔষধ লইয়া বাড়ি ফিরিল। মেয়ে জোরে জোরে নিশ্বাস লইতেছে আর দমে দমে জপনা করিতেছে, ‘পানি—পানি—পানি। আমারে পানি দাও।’

আজাহের মেয়ের কাছে আসিয়া ডাকিল, ‘মা!’ মেয়ে জবাব দিল না। কেবলই দমে দমে বলিতেছে, ‘পানি—পানি—পানি।’ বাপ যে জল দেয় নাই, সেইজন্ত বাপের উপর মেয়ের অভিমান। বহির বোনের কানের কাছে মুখ লইয়া বলে, ‘বড়ু এই যে বাজান আইছে। তোরে ডাকতাছে।’

চোখ মেলিয়া বড়ু বলে, ‘ও বাজান! পানি দাও।’ আজাহের বলে, ‘না রে! ঔষধটুকু খায়া ফালাও। তোমার গোম আসপ্যানে।’ মেয়ে ঘাড় নাড়িয়া উত্তর করে, ‘না বাজান! আমারে গোম পাড়াইও না। গুমাইলি আমি মইরা যাব।’

আজাহের বলে, ‘আমার নক্তি ! আমার স্তনা ! ওষুটুকু খায়া ফালাও ।’
মেয়ে কাঁদিয়া বলে, ‘না বাজান ! আমারে ওষইদ দিও না—আমারে পানি
কাও ।’ বাপ জোরে করিয়া মেয়ের মুখের মধ্যে ওষুটুকু ঢালিয়া দেয় ।

মেয়ে চিৎকার করিয়া উঠে, ‘হায় হায়রে আমারে কি খাওয়াইলরে !’
মেয়ের চিৎকারে বাপের বুক ছুক ছুক করিয়া কাঁপিয়া উঠিল । মেয়ে খানিকক্ষণ
চূপ করিয়া রহিল । তারপর কি মনে করিয়া চোখ মেলিয়া এদিক ওদিক
চাহিল । মা মেয়ের গলা জড়াইয়া ধরিয়া বলে, ‘বড়ু ! আমার বড়ু !’

মেয়ে কয়, ‘মা ! তুমি ঘরের কেয়াড়ডা খুইলা দেও ত । ওই যে
আলুমান না ? ওই আসমানের উপর আল্লা বইসা আছে । কে জানি আমারে
কইল, তোরে ওইহানে নিয়া যাব ।’ মেয়ে মায়ের মুখানা আরও কাছে
টানিয়া লইয়া বলে, ‘মারে ! আমি যদি সত্যি সত্যিই মইরা যাই, তুই
আমারে ছাইড়া কেমন কইরা থাকপি ?’

মা বলে, ‘বালাই ! বালাই ! তুমি বালা অয়া যাব । এই ওষইদে তুমি
সাইরা যাব ।’

মায়ের মুখের কাছে মুখ লইয়া মেয়ে বলে, ‘মা ! চুরি কইরা একটু পানি
তুমি আমার মুখে দাও ।’ না আজাহেরর মুখের দিকে চায় । আজাহেরর
মুখ কঠিন পাষণ । ময়ের মত সে বারবার করিয়া ঝাওড়াইতেছে । ডাক্তার
বলিয়াছে, বিজ্ঞলোকে বলিয়াছে । জল দিলে মেয়ে বাঁচিবে না । জল না
দিলে মেয়ে বাঁচিবে । বিজ্ঞলোকের কথা—বিদ্বান লোকের কথা । এ
কোনদিন অনড় হইবার নয় ।

মেয়ে গড়াইতে গড়াইতে ভলের কলসীর কাছে যাওয়া হাত্য় য়া কলস
ধরে । ‘মা ! এই কলসীর ত্যা পানি ডাইল্যা আমারে দাও ।’ বাপ সযত্নে
মেয়েকে টানিয়া আনিয়া বিছানায় শোয়াইয়া দেয় । আস্তে আস্তে মেয়ের
ছটকটানি থামিয়া আসিতে লাগিল । আজাহের ভাবে ওষধে কাজ করিতেছে ।
এবার মেয়ে ভাল হইবে । বিদ্বান লোকের জয় হোক—জানা স্তনা লোকের
জয় হোক । খোদা ! তুমি রহম কর । তুমি মুখ তুলিয়া চাও ।

ঘরের চালে প্রভাত কালের কুয়া পাখি ডাকিয়া গেল । চারিদিকে বোর
কুষ্টি অন্ধকার । বনের পথে আজ এত জোনাকি কেন ? এ বেন ছনিয়ার
সকল জোনাকি লাজিয়া আসিয়াছে । রহিয়া রাহিয়া তুতুম ডাকিয়া ওঠে ।
ছনিয়ার বত ঝিঝিঁপোকা আজ একসঙ্গে কাঁদিতেছে । মায়ের বুক বেন তার
কাটিয়া চোচির করিয়া দিয়া যায় । রাত তুই ভোর হইয়া যা । কুব কুব

হুব। কি একটা পাখি রহিয়া রহিয়া ডাকে। এ পাখি ত রোজই রাতে ডাকে। তবে আজ এই পাখির ডাকে মায়ের পরাণ এমন করে কেন? রাত তুই পোহাইয়া যা। মেয়ের হাতে পায়ে হাত দিয়া মা দেখে। হাত যেন টাল টাল মনে হইতেছে। পা ও যেন টাল টাল। স্বামীকে বলে, 'উনি একটু দেখুক ত, মায়ার যেন আত পাও ঠাণ্ডা লাগত্যাছে।' বসিয়া বসিয়া আজাহের ঝিমাইতেছিল। ধড়মড় করিয়া উঠিয়া মেয়ের পায়ে হাত দেয়, হাতে হাত রাখে। তাই ত মেয়ের হাত পা যে ঠাণ্ডা হিমের মত। নাকে হাত দিয়া দেখে, এখনও নিশ্বাস বহিতেছে। 'তুমি যাও আগুন কইর্যা আন। উয়ার আতে পায় শাক দিতি অবি।' তবে মা যা ভাবিয়াছিল তাই? 'সোনার বডুরে! একবার আশ্বি মেইলা চাও।' মা চিংকার করিয়া কাঁদিয়া উঠে। বাপ আগুন করিয়া লইয়া আসে। মায়ের কান্না খামে না। মা জানে এমনি হাত পা ঠাণ্ডা হইয়া তার দাদী মরিয়াছিল।

আজাহের বলে, 'এ্যাহন না কাইন্দা উয়ার আত পায় স্যাক ছাও।' কি দিয়া স্যাক দিবে? গরীবের ঘরে কি ছাকড়া আছে? রহিমদ্দী যে লাল শাড়ীখানা কাল মেয়েকে দিয়া গিয়াছিল, তাই আগুনের উপর গরম করিয়া মা আর বাপ দুইজনে মেয়ের হাতে পায়ে মৌক দেয়। আল্লা রহুল, তুমি রহম কর—রহমানের রহিম! তুমি দয়া কর।

মায়ের কান্দনে সমস্ত পাড়া জাগিয়া ওঠে। গরীবুল্লা মাতব্বর উঠানে আসিয়া জিজ্ঞাসা করে, 'বডু এহন কেমন আছে?' আজাহের আসিয়া মাতব্বরের পা জড়াইয়া ধরিয়া কান্দিয়া ফেলে, 'তারিঁ দাক্তারের ওষুধ খাওয়ায়া ম্যায়াডারে মাইর্যা ফ্যালাইলাম, বৈকাল ব্যালা যাদা কইলাম, 'দাক্তার বাবু, ম্যায়া যে পানি পানি কইর্যা কেবাল কান্দে। তার কান্দন যে সওয়া যায় না। দাক্তার তহন একটা ওষুধ দিল, আর কইল, এই ওষুধ খাওয়াইলি ম্যায়া গুমায়া পড়বি। আর পানি পানি কইরা কানবি না। হেই ওষুদ আইনা খাওয়াইলাম। এহন ম্যায়া নড়েও না, কতাও কয় না। আত পা, ঠাণ্ডা অয়া গ্যাছে। হায় হায়রে! আমার সোনার বডুরে আমি নিজ আতে মারলাম।'।

আজাহের কান্দে আর উঠানে মাথা কোটে। মোড়ল ঘরে ঢুকিয়া বডুর পায়ে মুখে হাত দিল। এখনও রোগী তিরতির করিয়া দম লইতেছে। বাহিরে আসিয়া মোড়ল বলিল, 'আজাহের! তুমি উয়ার কাছে বইস। আমি কাজী ডাক্তারেরে লয়া আসি।'

আজ্ঞাহের কয়, ‘ভারে যে আনবেন, টাছা দিবানি ক্যায়ন কইরা ?’

মোড়ল উত্তর করে, ‘আরে মিয়া হে কতায় তোমার কাম কি ?’ তোমার ভাবির গায়ে ত কয়গান গয়না আছে ।’ এই বলিয়া মোড়ল বাহির হইয়া গেল ।

মা আর বাপ দুইজন বসিয়া মেয়েকে সৈঁক দেয় কিন্তু ঠাণ্ডা হাত আগুনের সৈঁকে গরম হয় না । কান্দিয়া কান্দিয়া ডাকে, ‘সোনার বড়ুরে ! একবার মুখ তুলিয়া চা । যত পানি তুই চাস তোরে দিবানি ।’ কিছুকৈ করিয়া মা মেয়ের মুখে জল দেয় কিন্তু কার জল কে থায় ! তুই ঠোট বহিয়া জল গড়াইয়া পড়ে । ডানধারের তেঁতুল গাছে ভুতুম আসিয়া ডাকে । একটা কি পাখিকে যেন অপর একটি পাখি আসিয়া ধরিয়া লইয়া গেল । পাখিটির ডাকে আজ্ঞার ছুনিয়া ফাটিয়া যায় । ওধারের পালানে আভ এত ভোনাকি আসিয়াছে কোথা হইতে ! এধার হইতে ঘুরিয়া তারা ওধারে যায় । ওধার হইতে ঘুরিয়া এধারে আসে কিনি পোকাক ডাকে নিশ্চিতি রাতের নীরবতা ফাটিয়া কাটিয়া ঝুঁড়ে হইয়া যায় । রাত তুই পোহাইয়া যায় । দুঃখের রাত তুই শেষ হইয়া যায় । মায়ের কান্না শুনিয়া বহির ঘুম হইতে ভাগিয়া বোনের কাছে আসিয়া বসে ।

গ্রন্থীঝা নাভস্বর কাজী ডাক্তারকে লইয়া আসে । ডাক্তারের আগমনে মায়ের মনে আবার আশার সঞ্চার হয় । ডাক্তার নোগী দেগিয়া গম্ভীর হইয়া উঠানে বাইয়া ভিজিটের টাকার জুফ অপেক্ষা করে । আজ্ঞাহের আহুপূবিক সকল ঘটনা ডাক্তারকে বলে । ডাক্তার উত্তর করে, ‘মিঞা ! পরসা থরচ করে ডাক্তারী শিখেছি । ওই তারিনী ডাক্তার ছিল ফরিদপুরের বড়ো শ্রীধর ডাক্তারের কম্পাউণ্ডার । তখনকার দিনে ডাক্তারদের বঙ্গ ধারণা ছিল কলেরার রোগীকে জল পাওয়ালে রোগীর পারাপ হয় । তুই তখনকার ডাক্তাররা রোগীকে জল দিত না । কিন্তু এগনকার ডাক্তাররা গবেষণা করে বের করেছে, কলেরার রোগীকে জল দিলে তার ভালই হয় । জল না দিয়েই মেয়েটাকে মেরে ফেলল ।’

আজ্ঞাহের বলে, ‘দাক্তারসাব ! কেমন দেখলেন । আমার বড়ু বাল অবি ত ?’

এমন সময় ঘরের মধ্য হইতে বউ চিৎকার করিয়া ওঠে, ‘আমার বড়ুর যে নিশ্বাস বন্দ হয় গ্যাছে ।’

আজ্ঞাহের ডাক্তারের পা জড়িয়া ধরে, ‘দাক্তারসাব ! আর একটু জাহেন ।’

ডাক্তার বলে, ‘আর দেখে কি করব। সব শেষ।’

‘ওরে বড়ু রে আমার!’—কাঁদিয়া আজাহের গড়াগড়ি যায়। কাঁদিয়া বড়ু আকাশ-পাতাল ফাটায়। ‘আমার বড়ু! ওরে আমার বড়ু! একবার শুধু সোনা মুহি মা বোল বইলা ডাক। আরে আমি কোথায় যান্না জুড়াবরে—আরে আমি কোথায় যান্না মার দেহা পাবরে।’

উঠানে পাড়াইয়া ডাক্তার গরীবুল্লাকে বলে, ‘মিঞা! আমার ভিজিটের টাকাটা দাও। রাত করে এসেছি। কুড়ি টাকা লাগবে।’

গরীবুল্লা বলে, ‘দাক্তারসাব! আপনি ত ওষুদ্ব দিলেন না? গরীবের টাহাটা ছাইড়া দেওয়া যায় না?’

ডাক্তার উত্তর করে, ‘সেই জন্তই ত বলেছিলাম, ভিজিটের টাকাটা আগে দাও। রাত করে এসেছি। বুঝতে পারলে ত মিঞা? রোগী মরেছে বলে কি আমার ভিজিটের টাকাটাও মরেছে নাকি?’

গরীবুল্লা বলে, ‘আর কইতি অবি না দাক্তারসাব। সবই আমাগো বরাত। বোমেই বহন ছাড়ল না, তয় আপনি ছাড়বেন ক্যান?’

আজাহের ধূলা হইতে উঠিয়া বলে, ‘মোড়লবাই! আমার আতালের গরুড়ারে নিয়া যান। ওইডা বেইচা দাক্তাররে ছান। আমার মার দেন। আমি রাহম না।’

গরীবুল্লা বলে, ‘আরে থাম মিঞা! আসেন দাক্তারসাব! আমার বাড়ির ত্যা আপনার টাহা দিয়া দিবানি।’ ডাক্তার চলিয়া যায়।

রাত তুই যারে যা পোয়াইয়া। রাইত পোয়াইয়া যায় কিন্তু শোকের রজনী শেষ হয় না। মৎস্তে গহীন গভীর চেনে, পক্ষি চেনে ডাল, মাংস জানে বেটার দরদ যার কলিজায় শেল। রাত প্রভাত হইলে মা কার বাড়িতে বাইবে, ওমন মধুর মা মা বলিয়া কে তারে ডাকিবে, মা কারে কোলে লইয়া জুড়াইবে। রাইত তুই যারে যা পোয়াইয়া।

কাউকে ডাক দিতে হইল না। মায়ের কান্না, বাপের কান্না, ভাইয়ের কান্না বাতালে ঘুরিয়া আন্নার আরশে উঠে। সেই কান্না ডাক দিয়া আনে গ্রামের সকল লোককে। আনন্দ ওদের জীবনে নাই। শুধু অভাব আর দুঃখ। তাই দুঃখের ডাক ওরা অবহেলা করে না। অপয়ের কান্দনে নিজের কান্দন মিশাইয়া দিতে স্বপ্ন পায়। ওদের সব চাইতে মধুর গান তাই সব চাইতে দুঃখের গান।

বাড়ির পালানে কদমগাছটির তলায় যেখানে বড়ু সঙ্গী-সাথীদের লইয়া

খেলিত সেইখানে কবর খোঁড়া হইল।

ভাঙ্গুলখানার হাট হইতে আতর লইয়া আস—লোবান লইয়া আস।
জলদি কইরা বায়া মোজারে খবর দাও। কাকন কেনার টাকা কোথায় পাব?
কান্দিগর দাখা বে শাড়ীখানা দিয়া গেছে তাই চিরিয়া কাকন করিয়া দাও।
গরীবের মেয়ে আত্মা সবই জানেন। সাত তবক আসমানের উপর বসিয়া
এই দুস্কর কাহিনী দেখিতেছেন।

কে মেয়েকে গোছল দিবে? মোড়লের বউ। অমনি পাঁচটি মেয়েকে
গোছল দিয়া বে গোরের কাকন সাজাইয়া দিয়াছে তারেই ডাক দাও। মেয়ে
গায়ের বর্ণ এখনো কাঁচা হলুদের মত ডুগ ডুগ করে। গায়ে জল ঢালিতে
জল পিছলাইয়া পড়ে। মুখখানা যেন হাসি-খুশীতে ভরা। রোগের যন্ত্রণা
নাই, জলের পিয়াস নাই। তাই মরিয়াও আরও সুন্দর হইয়াছে। এমনই
বুঝি সুন্দর হয় যারা না খাইয়া মরে, যারা দুঃখের তাড়নায় মরে। মরিয়া
তাহারা শান্তি পায়।

গোছল হইল, কাকন পরানো হইল, মাথায় শাড়ী দিয়া তৈরী রঙিন টুপি,
গায়ে রঙিন শাড়ী। আতর লাগাইয়া দাও—লোবান জ্বলাইয়া দাও।
'বুঝো বুঝ! তোমরা চায়া চায়া দেহ নায়া-ধুইয়া আমার বড় শব্দে বাড়ি
খাইত্যাছে।' গায়ের মোজার কণ্ঠে কোরানের হ্রস্ব কান্দিয়া কান্দিয়া ওঠে।

কুড়ি

তবুও আজাহরকে আবার মাঠে বাইতে হয়। আবার মাঠে বাইয়া হাল
বাহিতে হয়। মাঠের কাজে একদিন কামাই দিলে সামনের বছর না খাইয়া
খাকিতে হইবে। বাইনের সময় বাইন করিতে হইবে। নিড়ানের সময় খেত
নিড়াইয়া দিতে হইবে। একদিনও এদিক ওদিক করিলে ফসল ভাল হইবে না।
মাঠের কাজে অবহেলা চলে না।

বউকে আবার টেকিতে উঠিয়া ধান ভানিতে হয়। কিন্তু পা বে চলে না।
কে তার ধান আলাইয়া দিবে। কে ছোট্ট কুলা- লইয়া মায়ের সঙ্গে ধান
ঝাড়িবার অঙ্ককরণ করিবে? ধান পারাইতে পারাইতে কাড়াইল দিয়া খোচাইয়া
খোচাইয়া মা নোটের ধান নাড়িয়া দেয়। কিন্তু ইহাতে কাজ আগায় না।

বছির তার পড়ার বই কেলিয়া আসিয়া বলে, ‘মা ! আমি তোমার বারা আলায়া দেই ।’

মা বলে, ‘না বাজান ! তুমি পড় গিয়া ।’

দিনে দিনে হায়রে ভাল দিন চইলা যায় । শুকনা ডালের পরে বইলা ডাকে কাগা । বছর শেষ হইয়া আম গাছে আবার আম ফল ধরে—জামগাছ কালো করিয়া জামফল পাকে কিন্তু পছের দিগে মা চায়। থাকে । তার বড়ু ত ফিরিয়া আসে না । নানা কাজের মধ্যে সারাদিন মা ডুবিয়া থাকে । কিন্তু রাত যে তাহার কাটে না । রাতের অন্ধকারের পরদায় মায়ের সকল কাহিনী কে খেন জীবন্ত করিয়া আঁকিয়া তুলে ।

মা খেন সপ্নন দেগে : ‘মেয়ের বিবাহ হইয়াছে । সাজিয়া-গুজিয়া ভিন দেশ হইতে বর আসিয়া মেয়েকে লইয়া গেল । ময়নার মায়ে কান্দন করে, গাছের পাতা ঝরে, আমি আগে যদি জানতামরে ময়না তোরে নিবে পরে, আমি নোটের বারা নোটে রাইখা তোরে লইতাম কোলে । কতদিন মেয়ে আসে না । মার ভক্ত তার খেন মন কেমন করিতেছে । গাঙে নতুন জল আসিয়াছে । ওগো তুমি যাও—নৌকার উপর কঞ্চি বাঁকাইয়া তার উপর কঞ্চি বাঁকাইয়া তার উপর হোগলা বিছাইয়া ছই বানাও । আমার বড়ু আসপি ; আইজ আমার বড়ু আসপি । কত পিঠা তৈরী করে মা । যে পিঠা মেয়ে পছন্দ করিত মনের মত করিয়া সেই পিঠা মা বানায় । নতুন করিয়া সিকা বুনায় । কাঁথার উপরে রঙিন সূতা ধরিয়া ধরিয়া নক্সা আঁকে, আমার বড়ুরে বেবার দিব ।’

দিন খেন শেষ হইতেছে । মায়ের আর ধৈর্য মানে না । সন্ধ্যাবেলায় জল আনিবার অজুহাতে গাঙের ঘাটে বাইয়া মা মেয়ের অগ্ন অপেক্ষা করে । লাল নীল পাল উড়াইয়া কত নৌকা যায় কত নৌকা আসে । আমার বড়ুরে লইয়া ত আমাগো নাও আসিল না । ওই যে দেখা যায় হোগলা ঘেরা ছই । শাড়ী কাপড় দিয়া ছই—এর আপা পিছা ঢাকা । ওই আমার বড়ু আসত্যাছে । হয়ত ছই—এর কাপড় উদলা করিয়া বাপ-ভাইর চাপ দেগত্যাছে । এই ত নাও ঘাটে আসিয়া ভিড়িল । আমার বড়ু বাইর ঐল না কেন ? মেয়ের বৃষ্টি অভিমান ঐছে । মায় যান্না তারে ড্যানা দইরা আনিবি । তবে ও মেয়ে নামবি । মা তাড়াতাড়ি বাইয়া ছই—এর কাপড় খুলিয়া চিৎকার করিয়া ওঠে । একি আমার বড়ু যে কাকন পইরা শুইয়া আছে । ও বড়ুরে—আমার বড়ুরে ! কোন ভাশে বারা আমি এ বুক জুড়াব । মায়ের কান্দনে পাড়ার লোকেরা

জাগিয়া ওঠে। একে অপরকে বলে, ও-পাড়ার রতিমের মা উঠিয়া রহিমের কবরের উপর আছড়াইয়া পড়ে। পাড়ার জানকীর মা তার জানকীর জন্ত শ্রশান-ঘাটে যাইয়া ডাক ছাড়িয়া কান্দিয়া ওঠে। রাইত তুই যারে যা পোয়াইয়া। শোকের রাত তুই পোয়াইয়া। শোকের রাত তুই পোয়াইয়া যা। রাত পোয়াইয়া যায়। শোকের রাত পোয়ায় না। সে যে কবে পোয়াইবে তাহাও কেহ বলিতে পারে না।

বছিরও পাঠশালায় যায়। ছুটির পরে গণ্ণা বলে, ‘ক্যানরে বছির। ভোর মুক্‌টা স্নাত ব্যাজার किसিরে?’

বছির বলে, ‘আমার একটা মাস্তর বইন ছিল। কাইল মারা গ্যাছে।’

গণ্ণা কিছুই বলিবার ভাষা পায় না।

বছির বলে, ‘আমার বইন পানি পানি কইরা মরছে। হাতুইড়া দাক্তার তারে পানি খাইবার দেয় নাই। সেই ভক্তি মরছে। দেপ গণ্ণা! আমি পইড়া-ভুটনা দাক্তার অব—থুব বড় দাক্তার অব।’

গণ্ণা বলে, ‘হে তো অনেক পাণ দিত্তি অবি। আর গরচ অনেক। তুই কেমন কইরা পারবি?’

বছির উত্তর করে, ‘যেমনি ওক, আমি দাক্তার অবই, এহন ত্যা তুই আমারে পড়াবি। আমার কেলাসের যা পড়া তুই আমারে শিহায়া দিবি।’

গণ্ণা বলে, ‘দ্যোৎ! আমি আবার কি মাষ্টারী করবরে। আমি নিজেই কিছু জানি স্তা।’

বছির অহুরোধের সুরে বলে, ‘দেপ গণ্ণা। তুই আমারে বা বলিস না। আমার যা বই তুই তা আমারে পড়াইতি পারবি।’

তুই বন্ধুতে ঠিক হইল পাঠশালার ছুটির পর গহন জঙ্গলের মধ্যে গণ্ণার সেই গোপন ভায়গায় যাইয়া তাহার লেখাপড়া করিবে।

বাড়িতে মা কান্দে, বাপ কান্দে। তারা শুধুই কান্দে আর কিছু করে না। বোনের জন্ত বছিরও কান্দে কিন্তু সেই কান্দন বৃকে করিয়া সে এমন কিছু করিয়া সে এমন কিছু করিবে যার জন্ত তার হতভাগিনী বোনের মত হাতুড়ে দাক্তারের কবলে আর কেউ অকালে জীবন দিবে না। সে দাক্তার হইবে—সব চাইতে বড় দাক্তার—যে দাক্তার চিন! ঈশ্বরের মত গরীব দেব চুবিয়া খাইবে না—যে দাক্তার হইবে গরীবের বন্ধু—আতের আত্মীয়, কিন্তু কেমন করিয়া সে দাক্তার হইবে। সামনে সীমাহীন হৃদীর্ঘ পথ। কেমন করিয়া যেখানে যাইতে তা সে জানে না। তবু সে সেখানে যাইবে। বর্ণ পরিচয়ের

বইখানা সামনে লইয়া বহির বসে। এই তার সাধনার স্থান। অক্ষরগুলির দিকে চাহিয়া চাহিয়া বলে, ‘তোমরা আমার-সঙ্গে কথা কও—তোমরা আমার পরিচিত হও।’

গণশার সাহায্যে বর্ণগুলির নাম সে মুখস্থ করিয়া ফেলিয়াছে। কিন্তু হরফগুলিকে চিনিতে পারিতেছে না। ক, খ, গ, ঘ, ঙ। একটার সঙ্গে আর একটা গুলট-পালট হইয়া যায়। পাঠশালার খাঁড়া পাতাগুলির অক্ষরের সঙ্গে বই-এর অক্ষরগুলি মিলাইয়া দেখে। খাঁড়া পাতার কলম লইয়া হাত ঘুরায়। ঘরের মেঝেয় কয়লা দিয়া অক্ষরগুলি লিখিতে চেষ্টা করে। হাত কাঁপিয়া যায়। তবু সে লেখে। কচি হাতের অক্ষর আঁকিয়া বাঁকিয়া যায়। লিখিয়া লিখিয়া সে ঘরের মেঝে ভরিয়া ফেলে। শেষ রাত্রে মা যখন কান্দিতে বসে সে তখন কেরোসিনের কুপীটি জ্বালাইয়া বই সামনে লইয়া বসে। মায়ের মত বাপের মত বাপের মত তার কান্নাকে সে বুথা বাইতে দিবে না। গল্পে সে শুনিয়াছে, এই দেশের কোন বাদশা তার জন্ত শুধু বসিয়া বসিয়াই কাঁদিল না। বাদশাজাদীর কবরের উপর এক সুন্দর ইমারত গড়িতে মনস্থ করিল। দেশ-বিদেশ হইতে শিল্পীরা আসিল। নানা দেশের নানা রঙের পাথর আনিয়া জড় করা হইল। কত মণি মুক্তা, লাল, ইয়াকুত-জবরুত কাটিয়া নক্সা করিয়া সেই সব বেরঙের পাথরের উপর বসাইয়া গারজ হইল সৃষ্টিকার্য। মাসের পর মাস বৎসরের পর বৎসর কাটিয়া গেল। একদিন ছুনিয়ার লোকে বিন্ময়ে অবাক হইয়া দেখিল, মাটির ধুলার উপরে শুভ্র-সমুজ্জল সে তাজমহল। তেমনি তাজমহল সে গড়িবে। তার বোনের মৃত্যুকে সে বুথা বাইতে দিবে না। ওই মাটির ভলে ওই কদম গাছটার নীচে তার বোন বদ্ধ কবরের আবরণ ভেদ করিয়া প্রতি মুহূর্তে যেন তাকে ডাকিয়া বলিতেছে, ‘মিঞা বাই। তোমার কাছেই আমি নালিশ রাখিয়া গেলাম। আমনি হাতুড়ে দাক্তারের হাতে প্রতিদিন আমারই মত শত শত জীবন নষ্ট হইতেছে। আমার যরণে সেই নিষ্ঠুরতার যেন শেষ হয়।’ বোনেব কবর ছুঁইয়া সে প্রতিজ্ঞা করিয়াছে, যেমন করিয়াই হোক সে দাক্তার হইবে। সেই তাজমহলের নির্মাতার মতই নানা দেশ হইতে নানা লোকের বিড়া সে সংগ্রহ করিবে। নানা লোকের সাহায্য লইবে। তারপর তিলে তিলে পলে পলে গড়িয়া যাইবে জীবনের তাজমহল।

পাঠশালা হইতে এখন আর বহির সকাল সকাল ফেরে না। গণশাকে লইয়া সেই জঙ্গলের মধ্যে বসিয়া পড়াশুনা করে। বাড়ি আসিয়া সামান্য কিছু খাইয়া আবার বই লইয়া বসে। সকাল বেলা ফুলু আসে। ‘বহির বাই।

চল, ওই জঙ্গলের যদি একটা গাছে কি মাকাল ফল ঐছে। আমি পাড়বার
পারি না। তুমি পাইড়া দিয়্যানে।’

কিন্তু মাকাল ফল পাড়িয়া আনিয়া এখন সে কাকে দেখাইবে? কে তাকে
ডানা ধরিয়া টানিয়া লইয়া যাইবে সেই জঙ্গলের ভিতর। আর কি বহিরের
সেই জঙ্গলে গেলে মন টেকে? বনের যে প্রতিটি ঝোপের আড়ালে তার বোন
বড়ুর চিহ্ন লাগিয়া আছে। এখানটিতে খেলাইছিল। তাড়কাটি সঙ্গে নিয়া,
এখানটি রুখে দে ভাই ময়না কাঁটা পুইতা দিয়া। সে পথ যে চিরকালের জন্য
বন্ধ হইয়া গিয়াছে। বহির প্রকাশে বলে, ‘নারে ফুল। আমি এখন যাইতি
পারব না। আমার কত পড়বার আছে।’

ফুল অভিমানে গাল ফুলাইয়া চলিয়া যায়। বহির ডাক দেয়, ‘ও ফুল।
হইনা যা। যেদিন স্থানালতা আনছিলাম বড়ুর জন্তি সেই দিনই তার ভেদবমি
এল। আমরা ডাইকা কটল, আমি ত এ গুলান লয়া খেলতি পারব না।
কাইল ফুল আইলে তারে দিও। হে এ গুলান দিয়া যেন আতের বয়লা গড়ায়া
আতে পরে, গলার হার বানায়। গলায় পরে। এ কয়দিনের গুণগোলে ইয়া
তোরে দিবার পারি নাই। লতাগুলান শুকাইয়া গ্যাছে।’

বহিরের হাত চইতে লতাগুলি লইতে লইতে ফুল বলে, ‘বহির বাই।
এই লতার গয়না গড়ায়া আমি কারে লয়া খেলব, কারে দেখাব?’ বলিতে
বলিতে চুইজনেই কান্দিয়া ফেলে।

দিনে দিনে হায়রে ভাল দিন চলিয়া যায়। উড়িয়া যায় হংস পক্ষী পড়িয়া
রয় ছায়া। দেশের মানুষ দেশে যায়, পড়িয়া থাকে মায়। বড় ঘর বাক্যাছাও
মোনাভাই বড় করছাও আশা, রজনী পরভাতের কালে পক্ষী ড়ে বাসা।
দিনে দিনে হায়রে ভাল দিন চইলা যায়।

আমগাছ ভরসা করি কোকিল বানায় বাসা। নলের আগায় নলের কুলটি
তারপরে টিয়া, এমন সোনার বোনরে কে যে গেল নিয়া। দিনে দিনে হায়রে
ভাল দিন চইলা যায়। পাঠশালার পড়া শেষ করিয়া বহির ক্ষরিদপুরে
চলিয়াছে উচ্চ ইংরেজী বিদ্যালয়ে। প্রাইমারী পরীক্ষায় বৃত্তি পাইয়াছে সে।
ছেলেকে বিদায় দিতে আজ আবার নতুন করিয়া মায়ের মনে মেয়ের শোক
জাগে। কিন্তু মা কান্দিতে পারে না। বিদায় কালে চোখের জল কলিলে
ছেলের অমঙ্গল হইবে।

সমস্ত বাক্যা-ছান্দা শেষ হইয়াছে। এখন রওয়ানা দিতে হইবে। ফুল
আসিয়া বলে, ‘বহির বাই। একটু দেইখা যাও।’ বহিরের ডানা ধরিয়া

ফুলু টানিয়াই লইয়া যায়। বড়ুর কবরের ওই পাশে একটা বুনো কুলের গাছ। সেই গাছের উপর শোভা পাইতেছে গুচ্ছ গুচ্ছ সোনালতা।

বছির বিষয়ে বলে, এখানে এমন সোনালতা এঁছে তাতো এতদিন দেখি নাই ?’

ফুলু বলে, ‘তুমি যে সোনালতা আমারে দিছিলি না বছিরবাই ! বড়ুরে ছাইড়া হেই লতার গয়না বানানায়্য পরবার আমার মনে লইল না। তাই লতাডারে মেইলা দিলাম এই বোরই গাছটার উপরে। রোজ উয়ার উপরে পানি ডাইলা ডাইলা ইয়ারে বাঁচায়্য তুলছি। দেখছাও না কেমন জাটরায়্য উট্টেছে ?’

বছির বোঝে, এও এক রকলের তাজমহল গড়িবার প্রয়াস। ফুলুর তাজমহল গড়িয়া উঠিয়াছে কিন্তু তার তাজমহল যে আরও কতদূরে—তার জীবনের তাজমহল। কতদিনে তার গড়ন শেষ হইবে ?

ফুলু জিজ্ঞাসা করে, ‘আচ্ছা বছির বাই ! হনছি শববরাতের রাইতে সগল মূর্দার কবরে ফির্যা আসে। আগামী শববরাতের রাইতে বড়ু যদি এখানে আসে তবে হে এই বোরই গাছটার উপর সোনালতাগুলান দেখতি পাবি ন্তা ?’

বছির অশ্রুমনস্ক হইয়া বলে, ‘হয়ত দেখতি পাবি।’

‘আর আমি যে তার দেওয়া সোনালতাডা এই বোরই গাছে বাঁচায়্য রাখছি তাও সে জানতি পারবি, না বছিরবাট ?’

বাড়ি হইতে আজাহের ডাকে, ‘ও বছির ! ব্যালা বাইড়া গ্যাল, রইদ উঠলি খুব কষ্ট অবি। শিগগীর আয়, রওয়ানা দেই।’

মা আজ বারবার ছেলের মুখের দিকে চায়। ছেলেকে দেখিয়া তবু যেন সাধ মেটে না। মায়ের গলা জড়াইয়া ধরিয়া ছেলে আর ভুমাইবে না। মায়ের বিছানার ওইখানটা আজ শূন্য হইয়া থাকিবে।

বাইবার সময় মা ছেলের মাথায় তেল মাখাইয়া দেয়। বাপ বলে, ‘তেল দিলি রইদে মাখা গরম অয়া যাব্যানে, কি যে কর।’ তেল দিবার অছিলায় মা ছেলের গায়ে মুখে হাত বুলাইয়া দেয়। ছেলে বলে, ‘দাও মা ! বাল কইরা মাইখা দাও।’ মায়ের হাতের স্পর্শ আর কতদিন পাইবে না ছেলে।

চিড়া কুটিয়া মা গামছায় বাঁধিয়া রাখিয়াছে। মা বলে, ‘সঙ্গে নিয়া যা। সকালে সন্ধ্যার নাত্তা করিস। আর এই দুই স্থান পাটি সাঁপটা পিঠা, নিবিরে ? পথের মদি খাইস।’ বাপ বলে, ‘বাজা-পুড়া অবাজা, সঙ্গে দিও

না।’ কিন্তু ছেলে বলে, ‘তুমি দাও মা।’ মাকে ধুশী করিবার জন্ত সে যেন ‘আজ যা কিছু করতে পারে! ছেলেকে সঙ্গে করিয়া আত্মাহের রওয়ানা হয়। মা পথের দিকে চাহিয়া থাকে। যাইতে যাইতে ছেলে বারবার পিছন ফিরিয়া চায়। মাকে যে সে জন্মের মত ফেলিয়া যাইতেছে! কিন্তু তাকে যাইতেই হইবে। তাজমহল গড়িবার পাথর সংগ্রহ করিয়া আনিতে হইবে—দেশ-বিদেশের বিজ্ঞা লুণ্ঠন করিয়া আনিতে হইবে।

মুরালদান পথের উপর গণ্ণা পাড়াইয়া আছে। ‘এই যে গণ্ণা বাই। তুমি এখানে কি কর?’ বহির জিজ্ঞাসা করে।

গণ্ণা উত্তর দেয়, ‘তুই আইজ চইল্যা যাবি। হেই জন্তি পথের মদি খাঁড়িয়া আছি। তোরে দুইডা কতা কয়া যাই।’ গণ্ণা এখনো পাঠশালায় সেই একই ক্লাশে পড়িতেছে।

বহির বলে, ‘গণ্ণাবাই! তোমার জন্তিই আমি বাল মত পড়াশুনা করতি পারলাম। তুমিই আমার পরথম গুরু। তুমি যদি এমন যতন কইরা আমারে ব, খ-ব এই পড়িয়া না দিতা এয় আমি পাশ করবার পারতাম না। আচ্ছা গণ্ণাবাই! ইচ্ছা করলি তুমিও ত বালমত পড়াশুনা করতি পার?’

গণ্ণা বাই বলে, ‘ও কতা আর কত কবি? পড়াশুনা আমার অবিক্ত। বই দেখলিই আমার মাটার মশায় ব্যাভের কতা মনে অয়।’

এ কথাই আর বহির কি জবাব দিবে? ছোট্ট ছেলে-মাতুষ বহির। এখনো জানে না, জোর করিয়া মারিয়া ধরিয়া পড়াইতে যাইয়া গণ্ণার শিক্ষক পড়াশুনাটাকে তার কাছে এমন ভয়াবহ।

বাপ আগাইয়া যায়। গণ্ণা বহিরের আরও কাছে আসিয়া; ল, ‘দেপ্ বহির! তুই ত গহরে চললি, দেহিস সেহানে কেউ এমন কোন মস্তুর যদি জানে যা পড়লি মাটারেয় ব্যাভের বাড়ি পিঠে লাগে না, আমারে খবর দিস। আমি যান্না শিখ্যা আসপ।’

‘য়্যা গণ্ণা বাই! তোমারে মাটার মশায় আইজ আবার মারছে নাকি?’ বলিয়া বহির সমবেদনায় গণ্ণার পিঠে হাত রাখে।

‘নারে, সে জন্তি না। মাটার মশার মাইর ত আমার গা-সওয়া হয় গ্যাছে। উয়ার জন্তি আমি ডরাই না। পাঠশালার আর মগল ভাতগো মাটার মশায় মারে, ওগো কান্দন আমি সইবার পারি ক্তা। তেমন একটা মস্তুর জানতি পারলি আমি ওগো শিখাইয়া দিতাম, ওগো গায়ে মাটারেয় ব্যাভের বাড়ি লাগত না। এমন মস্তুর জানা লোক পাইলি তুই আমারে

খবর দিল ?

বছির বলে, ‘আইচ্ছা ।’

গণ্শা আগ্রহে বছিরের আরো কাছে আসে, ‘আর হোন বছির । তুই ত লেহাপড়া শিহা খুব বড় দাক্তার অবি । যখন তোর অনেক টাঁহা অবি, আমাগো গিরায়ে আইসা এমুন একটা পাঠশালা বানাবি সেহানে মাষ্টারেরা ছাওয়াল-পান গো মারবি জ্ঞা । তুই আমার গাও ছুইয়া কিরা কাইটা এই কতাদা আমারে কয়া যা ।’

বছির গণ্শার গা ছুইয়া প্রীতিজ্ঞা করে । তার ভবিষ্যত জীবনের সাকল্যের উপর গণ্শার এমন বিশ্বাস দেখিয়া বছিরের বড় ভাল লাগে ।

গণ্শা বলে, ‘তবে আমি যাই, বছির ! এই কতাদা কইবার জ্ঞিই আমি এতদূর আইছিলাম ।’

একুশ

ফরিদপুরে আসিয়া বছির স্থান পাইল রমিজ্জদীন উকিলের বাসায় । লাকড়ি বেচিতে আসিয়া আজাহের রমিজ্জদীন সাহেবের সঙ্গে পরিচিত হয় । তাঁহাকে বলিয়া কহিয়া অনেক কাকুতি মিনতি করিয়া ছেলে বছিরকে তাঁহার বাসায় রাখিবার অজুমতি পাইয়াছে ।

রমিজ্জদীন সাহেব ফরিদপুরের নতুন উকিল । তাঁহার বাড়িতে মামলাকারী মকেল বড় আসে না । শূন্য বৈঠকখানায় বসিয়া তিনি মকেল ধরিবার নানা রকম কন্দি-ফিকির মনে মনে আওড়ান । তখনকার দিনে মুসলমান বলিতে কয়েকজন জুতার দোকানদার, (হিন্দুরা তখন জুতার ব্যবসা করিত না ।) কলা কচুর বেপারী আর অফিস আদালতের জনকতক পিওন-চাপরাসী ছাড়া ফরিদপুর শহরে আর কোন মুসলমানের বাস ছিল না । ইহাদিগকে লইয়া উকিল সাহেব একটি আঞ্জমান-এ-ইসলাম প্রতিষ্ঠান গঠন করিলেন । এই সমিতির পক্ষ হইয়া তিনি মাঝে মাঝে শহরের নিকটবর্তী মুসলমান-প্রধান গ্রামগুলিতে যাইয়া বক্তৃতা করিতেন । শহরের সব কিছুই হিন্দুদের অধিকারে । বড় বড় দোকানগুলি হিন্দুরা চালায় । অফিস আদালতের চাকরিগুলি সব হিন্দুরা করে । শহরে উকিল মোক্তার সবই হিন্দু । হিন্দু হাকিম—হিন্দু ডেপুটি—হিন্দু জজ । মুসলমানেরা অমা-অমি লইয়া মামলা মোকদ্দমা করে ।

ভাইয়ে ভাইয়ে বিবাদ করিয়া শহরে বাইয়া বিচার চায়! নিজেদের কষ্টের উপাজিত টাকা তাহারা শহরে বাইয়া হিন্দু উকিল মোক্তারদিগকে ঢালিয়া দিয়া আসে।

‘ভাই সব! আপনারা আর মামলা-মোকদ্দমা করিবেন না। যদিই বা করেন, এই থাকসার আপনাদের খেদমত করিবার জন্ত প্রস্তুত রহিল। আমাকে যাহা দিবেন তাহাতেই আমি আপনাদের মামলা করিয়া দিব।’ শুনিয়া শ্রোতারা সকলেই সায় দেয়। উকিল সাহেব এ-গ্রামে বান—ও-গ্রামে বান। সকলেরই এক কথা। এবার মামলা করিতে হইলে আপনাকেই আমরা উকিল দিব। কিন্তু মামলা করিতে আসিয়া তাহারা রমিজদ্দীন সাহেবকে নিযুক্ত করে না। ও-পাড়ায় সেনমশায়—দ.সমশায়—মিত্তিরমশায়—খোবশমশায় কত উকিল। তাহাদের বৈঠকখানায় মক্কেলে গম গম করে। রমিজদ্দীন সাহেবের বৈঠকখানায় রাশি রাশি ধূলি তাহার দীর্ঘ নিশ্বাসের প্রতীক হইয়া বাতাসে উড়িয়া বেড়ায়। তাহারই একপাশে বসিয়া বহুদিনের পুরাতন খবরের কাগজখানা সামনে লইয়া উকিল সাহেব বুখাই মক্কেলের জন্ত অপেক্ষা করিয়া বসিয়া থাকেন। বিষয় সম্পত্তি হারাইয়া খুনী মোকদ্দমার আসামী হইয়া তাহারা মামলা করিতে শহরে আসে তাহারা উকিল নির্বাচন করিতে হিন্দু মুসলমান বাত্বে না। নিজেদের বিপদ হইতে উদ্ধার পাইবার জন্ত তাহারা ভাল উকিলেরই সন্ধান করে। সব চাইতে ভাল উকিল হয়ত সব সব সময় তাহারা নির্বাচন করিতে পারে না। কিন্তু কোন্ উকিলের পশার ভাল তাহা তাহারা জানে। সেই পশার দেখিয়াই তাহারা উকিল নির্বাচন করে। ডাক্তার বা উকিল নির্বাচনে তাই সাংপ্রদায়িক বক্তৃত্য ফান প্রভাব বিস্তার করিতে পারে না। যে লোক খুনী মোকদ্দমার আসামী, সে চায় এমন উকিল যে তাহাকে জেল হইতে ফাসী-কাঠ হইতে বাঁচাইতে পারিবে। সে তখন নিজের অর্থ-সামর্থ্য অনুসারে উপযুক্ত উকিলই বাছিয়া লয়। যার ছেলে যত্না শযায় সে ক্ষণেকের জন্তও চিন্তা করে না তাহারা ডাক্তার হিন্দু না মুসলমান। গ্রামে গ্রামে বহু বক্তৃত্য দিয়াও উকিল সাহেব তাই কিছুতেই তাঁর পশার বাড়াইতে পারিলেন না। তখন তিনি মনে মনে আরও নতুন নতুন ফন্দি-ফিকির আওড়াইতে লাগিলেন।

পাক-ভারতে মুসলিম রাজত্ব শেষ হইবাঃ পর একদল মাওলানা এদেশ হইতে ইংরেজ তাড়ানোর স্বপ্ন দেখিয়াছিলেন। সহায় সম্পদহীন যুদ্ধ-বিজ্ঞায় অনভিজ্ঞ সেই মুসলিম দল শুধু মাত্র ধর্মের জোরে সে যুগের ইংরেজ-রাজের

অত্যাধুনিক অস্ত্র-সজ্জার সামনে টিকিয়া দাঁড়াইতে পারিল না। খাঁচার আবদ্ধ লিহ যেমন লৌহপ্রাচীর ভাঙিতে না পারিয়া আপন অন্ধ-প্রত্যক ছিঁড়িয়া খাইতে চাহে, সেইরূপ এই যোদ্ধার দল নানা সংগ্রামে পরাজিত হইয়া হত-সর্বস্ব হইয়া কোঙে দুঃখে আপন সমাজ দেহে আক্রমণ চালাইতে লাগিল। স্বাধীন থাকিতে যে মুসলিম সমাজ দেশের চিত্র-কলা ও সঙ্গীত কলায় যুগান্তর আনয়ন করিয়াছিল, আজ তাহারাই ঘোষণা করিলেন গান গাওয়া হারাম— বাস্তব বাজানো হারাম, মাহুয ও জীব-জন্তুর ছবি অঙ্কন করা হারাম। ইংরেজ আমলে উচ্চশ্রেণীর মুসলমানেরা আর্থিক অবনতির ধাপে ধাপে ক্রমেই নারিয়া যাইতেছিলেন। আর্থিক সঙ্গতি না থাকিলে মাহুযের মধ্যে সঙ্গীত-কলার অল্পরাগ কমিয়া যায়। বাহাদুরের ঘরে দুঃখ তাহার অপরের আনন্দে ঈর্ষাতুর হইয়া পড়ে। তাই দেখিতে পাই, তখনকার দিনের মুসলিম শিক্ষিত সমাজ এই পরিবর্তনের আন্দোলনে পুরোধা হইয়া দাঁড়াইয়াছিলেন।

ইংরেজের কঠোর শাসনে ধর্ম এখন আর জেহাদের জন্ত, মানবতার সেবার জন্ত লোকদিগকে আহ্বান করিতে পারে না। প্রথা-সর্বস্ব ধর্ম এখন মাহুযের আনন্দ-মুখর জীবনের উপর নিষেধের বেড়া জাল বিস্তার করিতে লাগিল। মুসলমান রাজত্বকালে দেশের জনসাধারণের যে অবস্থা ছিল, ইংরেজ আমলে তাহার কোনই পরিবর্তন হইল না। বরঞ্চ ইংরেজের শৃঙ্খলানিয়ন্ত্রিত শাসনে তাহার বহিঃশক্তির হাত হইতে কিছুটা রক্ষা পাইল। সেইজন্য দেখিতে পাই, সাহিত্য-কলা-শিল্পের ক্ষেত্রে দেশের মুসলিম শিক্ষিত সমাজের তেমন কোন দান নাই, অপরপক্ষে দেশের অশিক্ষিত চাষী মুসলমান সমাজে লোক-সাহিত্য ও লোক-শিল্পের দান দিনে দিনে শতদলে ফুটিয়া উঠিতেছিল। গত ঊনবিংশ শতাব্দীতে হিন্দু শিক্ষিত সমাজ তার সাহিত্য-কলায় ইউরোপীয় ভাবধারা আহরণ করিয়া যে সাহিত্য-সম্পদ সৃষ্টি করিলেন, মুসলিম চাষী সমাজের লোক-সাহিত্য ও লোক-কলার দান তাহার চাইতে কোন অংশে হীন নয়। বরঞ্চ দেশের মাটির সঙ্গে ইহার যোগ থাকায় স্বকীয়তায় ইহা শ্রেষ্ঠত্বের দাবী করিতে পারে। দেশের আরবী, পারস্যী শিক্ষিত সমাজ ইংরেজ যুগে অর্থহীন, সম্মানহীন ও জীবিকাহীন হইয়া দারিদ্র্যের চরমতম ধাপে নামিয়া গেল। আগেই বলিয়াছি, বাহাদুরের ঘরে সুখ নাই তাহার পরের আনন্দে ঈর্ষাতুর হইয়া পড়ে। দেশের তথাকথিত মোল্লা সমাজ এই অপূর্ব পত্নী-সম্পদের শত্রু হইয়া পড়িলেন। এই মোল্লা সমাজের হাতে একদিন জেহাদের অস্ত্র ছিল। আদর্শবাদের জন্ত লড়াই করিবার প্রাণ-সম্পদ ছিল। তাহা ধীরে ধীরে

রূপান্তরিত হইল দোজখের ভয়াবহ বর্ণনায়, কঠিন শাস্তির নিষ্ঠুর পরিকল্পনায়, আর নিষেধের নানা বেড়াঝাল রচনায়। দেশের জনসাধারণ যদিও মাওলানাদের আড়ালে-আবডালে আনন্দ-উৎসবে মাতিয়া উঠিত, কিন্তু মাওলানাদের বক্তৃতার সভায় আসিয়া তাহারা দোজখের ভীষণতর বর্ণনা শুনিয়া ভয়ে কাঁপিয়া উঠিত। তাই অশিক্ষিত মুসলিম সমাজে এই মাওলানাদের প্রভাব ছিল অসামান্য।

রমিজদ্দীন সাহেব অনেক ভাবিয়া চিন্তিয়া এবার এই মাওলানা সাহেবদের তাঁহার আজ্ঞামান-সমিতির মেস্কার করিয়া লইলেন। তাঁহাদিগকে সঙ্গে লইয়া তিনি গ্রামে গ্রামে বক্তৃতা করিতে লাগিলেন। শুধুমাত্র গান গাওয়া আর বাস্তব বাঁজানো হারাম নয়, হাদীসের হুম্মতি হুম্ম আয়াতের ব্যাখ্যা করিয়া তাঁহার দলের মাওলানা সাহেবরা আরও অনেক নিষেধের প্রাচীর রচনা করিতে লাগিলেন। মাওলানা সাহেবদেরই মত এবার হইতে উকিল সাহেবও গ্রামবাসীদের প্রচার ও ভক্তির পাত্র হইয়া উঠিলেন। মাওলানাদের চেষ্টায় দু'একটি মোকদ্দমাও তিনি পাইতে লাগিলেন। দিনে দিনে তাঁহার বৈঠকখানা হইতে ধূলি উড়িয়া গেল। লোকজনে বৈঠকখানা গম গম করিতে লাগিল।

পিতার সঙ্গে আসিয়া বছির রমিজদ্দীন সাহেবের বাসায় স্থান পাইল। বৈঠকখানার এক কোণে একখানা চৌকীর উপর সে তাহার বই-পত্র সাজাইয়া লইল। কিন্তু পড়িবে কখন? সব সময় কাছারী ঘরে লোকজনের কোলাহল। কোন কোন রাজ্যে দূরদেশী কোন মজেল আসিয়া তাহার বিছানার অংশী হয়। বছির একেবারেই পড়াশুনা করিতে পারে না। গ্রামদেশে থাকিয়া তাহার অভ্যাস কিন্তু শহরের এই কোলাহলে রাজ্যে তাহার ঘুম আসে না। জাপিয়া থাকিয়া বই পড়িবারও উপায় নাই; কারণ রাজ্যে হারিকেন ৭৪টি উকিল সাহেব অন্দর মহলে লইয়া যান।

বিছানায় শুইয়া বছির মায়ের কথা মনে করে—পিতার কথা মনে করে। তাহাদের বাড়ির বড় আমগাছটির কথা মনে করে। সেই আমগাছের তলায় ছোট বোন বড়কে লইয়া তাহারা খেলা করিত। সেই বড়ু আর তাহাদের সঙ্গে খেলিবে না। বড়ুর কবরে বসিয়া বছির প্রতিজ্ঞা করিয়াছিল, লেখাপড়া শিখিয়া সে বড় ডাক্তার হইবে। কিন্তু পড়াশুনা না করিলে কেমন করিয়া সে ডাক্তার হইবে। রোজ সকাল হইলে তাহাকে বাজার করিতে বাইতে হয়। বাজার করিয়া আসিয়া দেখে তাহার চৌকীখানার উপর তিন চারজন লোক বসিয়া গল্প করিতেছে। তাহারই

পাশে একটুখানিক জায়গা করিয়া লইয়া সে পড়িতে বসে। অমনি উকিল সাহেব এটা ওটা কাজের জন্ত তাহাকে ডাকিয়া পাঠান। শুধু কি উকিল সাহেব ? মাওলানা সাহেবরা তাহাকে প্রায়ই পান আনিতে পাঠান—লিগারেট আনিতে পাঠান। ওজুর জল দিতে বলেন। এইসব কাজ করিয়া কিছুতেই সে তাহার পাঠ্য-পুস্তকে মন বসাইতে পারে না। স্কুলে বাইয়া মাঠারের বকুনি খায়। রোজকার পড়া রোজ তৈরী করিয়া বাইতে পারে না। ছুটিছাটার দিনে সে যে পড়া তৈরী করিবে তাহারও উপায় নাই। তাহাকে স্বেচ্ছা-সেবকের ব্যাজ পরাইয়া উকিল সাহেব মাওলানাদের সঙ্গে লইয়া এ-গ্রামে ও-গ্রামে বক্তৃতা করিতে যান।

ষড়িও বছর একেবারেই ছেলে মানুষ তবু উকিল সাহেবের অন্দর মহলে তাহার বাইবার হুকুম নাই। একটি ছোট্ট মেয়ে-চাকরানী টিনের থালায় করিয়া সামান্ত কিছু ভাত আর ডাল তাহার জন্ত দুইবেলা রাখিয়া যায়। ইদারা হইতে জল উঠাইয়া একটি নিকেলের মাসে জল লইয়া বছর সেই ভাত খায়। সেই অল্প পরিমাণ ভাতে তাহার পেট ভরে না। মাস হইতে জল লইয়া সে শূন্য পেট ভরায়। বিকালে স্কুল হইতে আসিয়া তাহার এমন ক্ষুধা লাগে যে ক্ষুধার জ্বালায় তখন নিজের গা চিবাইতে ইচ্ছা করে। রাত্রে আরও আসে সেই নয়টার সময়। তখন পৰ্বন্ত তাহাকে দারুণ ক্ষুধা লইয়া অপেক্ষা করিতে হয়।

উকিল সাহেব যখন মাওলানাদের সঙ্গে লইয়া বক্তৃতা করিতে এ-গ্রামে ও-গ্রামে যান তখন গ্রামের লোকেরা ভালমত খাবারের বন্দোবস্ত করে। সেখানে বাইয়া বছর পেট ভরিয়া খাইতে পায়। উকিল সাহেবের বাসায় আধপেটা খাইয়া তাহার শরীরের যেটুকু ক্ষয় হয় গ্রাম দেশে দাওয়াত খাইয়া সে তাহার ক্ষতিপূরণ করিয়া লয়। প্রত্যেক সভায়ই উকিল সাহেবের খাস মাওলানা শামসুদ্দীন সাহেব বক্তৃতা শেষ করিয়া সমবেত লোকদিগকে বলেন, ‘দেখুন ভাই সাহেবরা ! এই গরীব ছেলেটিকে উকিল সাহেব দয়া করিয়া বাসায় রাখিয়া খাইতে দেন। আপনারা খেয়াল করিবেন, শহরে একটি ছেলেকে খাওয়াইতে উকিল সাহেবকে কত খরচ করিতে হয় ! প্রতিমাসে যদি দশ টাকা করিয়াও ধরেন তবে বৎসরে একশত কুড়ি টাকা। এই ছেলে আরও বার বৎসর শহরে থাকিয়া পড়িবে। হিসাব করিয়া দেখিবেন, এই বার বৎসরে উকিল সাহেবকে এক হাজার চার শত চল্লিশ টাকা খরচ করিতে হইবে। এত বড় মহৎপ্রাণ না হইলে,—সমাজ-দয়াদী না হইলে আপন ইচ্ছায় তিনি এত টাকা কেন খরচ

করিবেন ? এই টাকা দিয়া তিনি বিবির গহনা গড়াইতে পারিতেন—নিজের বাড়ি-ঘর পাকা করিতে পারিতেন। আজ যে কত কষ্ট করিয়া উকিল সাহেব পায়ে হাঁটিয়া এখানে আসিয়াছেন, ইচ্ছা করিলে তিনি এই টাকা দিয়া মোটর গাড়ি কিনিয়া ধূলি উড়াইয়া আপনাদের এখানে আসিয়া উপস্থিত হইতে পারিতেন ! এই নাদান মুসলিম সমাজের জন্ত তিনি যে ত্যাগ স্বীকার করিলেন, ভাই সাহেবানরা ! আসুন আমরা উকিল সাহেবের জন্ত আল্লার দরবারে মোনাজাত করি।’

মোনাজাত শেষ হইলে মাওলানা সাহেব বলিতেন, ‘ভাইসব ! এবার ডিস্ট্রিক্ট বোর্ডের ভোটের দিন আপনারা উকিল সাহেবকে ভুলিবেন না। আর শহরে যাইয়া মামলা-মোকদ্দমা করিতে সকলের আগে আপনাদের দরদী-বন্ধু উকিল সাহেবকে মনে রাখিবেন।’

তখন উকিল সাহেব উঠিয়া বক্তৃতা আরম্ভ করেন, ‘ভাইসব ! ইতিপূর্বে মাওলানা সাহেব সব কিছুই বলিয়া গিয়াছেন। আমি নাত্র একটি কথা বলিতে চাই। ছুনিয়া যে গাউন হইয়া যাইবে সে বিষয়ে আমার একটু মাত্রও সন্দেহ নাই। আমরা কি দেখিতেছি—মুসলমানের ঘরে জন্ম লইয়া বহু লোকে গান বাজনা করে, সারিন্দা-দোতারা বাজায়, মাথায় লম্বা চুল রাখে আর রাত ভরিয়া গান করে। উহাতে আল্লাহ কত বেজার হন তাহা আপনারা মাওলানা সাহেবের মুখে শুনিয়াছেন ! আপনারা খেয়াল করিবেন, দেশে যে এত বাল্য মুছিবাত আসে, কলেরা, বসন্তে হাজার হাজার লোক মৃত্যুমুখে পতিত হয় তাহা এই গান বাজনার জন্ত। ভাইসব ! আপনাদের গ্রামে যদি এখনও কেহ গান বাজনা করে তাহাকে ধরিয়া আনিয়া এই ধর্ম-সভায় ন্যায় বিচার কঃ ।’ এই বলিয়া উকিল সাহেব তাঁহার বক্তৃতা শেষ করেন।

তখন গ্রামের মধ্যে কে গান করে, কে সারিন্দা বাজায় তাহাদিগকে ধরিয়া আনিয়া বিচার করা হয়।

এইভাবে সভা করিতে করিতে একবার উকিল সাহেব তাঁহার দলবল লইয়া পদ্মানদী পার হইয়া ভাসানচর গ্রামে আসিয়া উপস্থিত হইলেন। সেখানে খুব উচ্ছ্বাসের সঙ্গে বক্তৃতা করিয়া উকিল সাহেব যখন বসিয়া পড়িলেন, তখন গ্রামের একজন লোক বলিল, ‘হজুর ! আমাগো গায়ের আরজান ফকির সারিন্দা বাজায়া গান গায়।’

উকিল সাহেব উপস্থিত লোকদিগকে বলিলেন, ‘আপনারা কেহ যাইয়া আরজান ফকিরকে ধরিয়া আনেন।’ বলা মাত্র তিন চারজন লোক ছুটি

আরজান ফকিরকে ধরিয়ে আনিতে ।

অল্পকণের মধ্যেই বহির দেখিল সৌম্যমুতি একজন বৃদ্ধকে তাহারা ধরিয়ে আনিয়াছে । তাহার মুখে সাদা দাড়ী । মাথায় সাদা লম্বা চুল । বৃদ্ধ হইলৈ মাথায় যে কত স্কন্ধর হইতে পারে এই লোকটি যেন তাহার প্রতীক । মুখখানি উজ্জ্বল হাসিতে ভরা । যেন কোন বেহেশ্বের প্রশান্তি সেখানে লাগিয়া আছে । সে আসিয়া বলিল, ‘বাজানরা ! আপনারা আমারে বোলাইছেন ? দয়ালচানগো এত কাইন্দা কাইন্দা ডাহি । দেহা দেয় না । আইজ আনার কতই ভাগি দয়ালচানরা আমারে ডাইকা পাঠাইছেন ।’

এমন সময় শামসুদ্দীন মাওলানা সাহেব সামনে আগাইয়া আসিয়া জিজ্ঞাসা করিলেন, ‘তোমার নাম আরজান ফকির ?’

ফকির হাসিয়া বলিল, ‘হয় বাজান ! বাপ মা এই নামই রাইখাছিল ।’

মাওলানা সাহেব জিজ্ঞাসা করিলেন, ‘মিঞা ! তুমি মাথায় লম্বা চুল রাখিয়াছ কেন ?’

‘আমি ত রাখি নাই বাজান ! আল্লাহ রাইখাছেন !’

‘আল্লাহ উপর ত তোমার বড় ভক্তি দেখতে পাই ! আল্লাহ কি তোমাকে লম্বা চুল রাখতে বলেছেন ?’

‘বাজান ! লম্বাও বৃদ্ধি না খাটোও বৃদ্ধি না । হে যা দিছে তাই রইছে ।’

‘চুল কাটো নাই কেন ?’

‘বাজান ! হে যা দিছে তাই রাখছি । যদি কাটনের কতা ঐত, তয় হে দিল ক্যান ?’

‘আর শুনেতে পেলাম, তুমি সারিন্দা বাড়িয়ে গান কর । মরাকাঠ, তাই দিয়ে বাজ বাজাও ।’

‘কি করব বাজান ? দেহ-কাঠ এত বাজাইলাম, কথা কয় না । তাই মরা কাঠ লয়া পড়ছি । এহনও কথা কয় নাই । তবে মন্দি মন্দি কথা কইবার চায় ।’

‘তোমার সারিন্দা আমরা ভেঙে ফেলাব ।’

‘কাঠের সারিন্দা বাঙবেন বাজান ? বুকের মন্দি যে আর একটা সারিন্দা আছে সেডা ভাঙবেন কেমন কইরা ? -হেজা যদি ভাঙতি পায়তেন তয় ত বাচতাম । বৃহির মন্দি যহন, সুর গুমুইরা গুমুইরা ওঠে তখন ঘুম হয় না । খাইঁতে পারি জা । সেইডার কান্দনে থাকপার পারি না বইলা কাঠের সারিন্দা বানায় কান্দাই । আমার কান্দনের লজে হেও কান্দে, তাই কিছুক শান্তি পাই ।’

‘দেখ ফকির ! তোমার ওসব বুজুরকি কথা শুনতে চাইনে। আজ তুমি আমার কাছে তোবা পড়—আর গান গাইতে পারবে না।’

‘বাজান ! গান বন্দ করার কল-কৌশল যদি আপনার জানা থাকে আমারে শিহায়া ছান। বুকের খাঁচার যদি গান আটকায় রাখপার চাই। খাঁচা খুইলা পাখি উইড়া যায়। মানমির মনে মনে গোরে। কন ত বাজান ! এড়া আমি কেমন কইরা থামাই ?’

‘ও সব বাজে কথা আমরা শুনতে চাইনে।’

‘বাজান ! জনম কাটাইলাম এই বাজে কথা লয়া। আসল কথা ত কেউ জামারে কইল না। আপনারা যদি জানেন, আসল কথা আমারে শিহায়া ছান।’

‘তোমার মত ভণ্ড কোথাও দেখা যায় না।’

‘আমিও ত কই বাজান। আমার মত পাপী লোক আর আল্লার আলমে নাই। কিন্তুক এই লোকগুলান তা বুঝবার পারে না। ওরা আমারে টাইনা লয়া বেড়ায়।’

‘শুনতে পেলাম, তোমার কতকগুলান শিষ্য ছুটেছে। তারা তোমার হাত পা টিপে দেয়। মাথায় তেল মালিশ করে। জান এতে কত গুনা হয় ? আল্লাহ্ কত বেজার হন ?’

‘কি করব বাজান ? ওগো কত নিষেধ করি। ওরা হোনে না। ওরা আমার ভালবাসায় পড়ছে। প্রেম-নদীতে যে সাঁতার দেয় তার কি ডোবার ভয় আছে ? এর যে কুল নাই বাজান। ভাইবা দেখছি, এই দেহড়া ত আমার না। একদিন কবরে রাইখা শূন্য ভরে উড়াল দিতি অবি। তাই দেখলাম, আমার দেহডারে ওরা যদি পুতুল বানায় খেইলা স্থখ পায় তাহে আমি বাদী ঐব ক্যান ?’

‘আচ্ছা ফকির। তুমি হাতের পায়ের নখ কাট না কেন ?’

‘বাজান। একদিন মাহুষ হাতের পায়ের নখ দিয়াই কাইজা-ফেসাদ করত। তাই নখ রাখতো। তারপর মনের নখের কাইজা আরম্ভ ঐল।—কলমের নখের কাইজা আরম্ভ ঐল। তখন আতের পায়ের নখের আর দরকার ঐল না। তাই মানষি নখ কাইটা ক্যালাইল। আমার যে বাজান বিছা-বুজি নাই। তাই মনের নখ গজাইল না। হেই জক্তি আতের পায়ের নখ রাখছি। মনের নখ যদি থাকতো তয় ডিগ্রাজারীতে ডিগ্রী কইরা কত জমি-জমা করতি পারতাম। কত দালান-কোঠা গড়াইতাম। মনের নখ নাই বইলা ছয়ায়ে ছয়ায়ে ভিকা কইরা খাই। গাছতলায় পাতার ঘরে বসত করি।’

এ পৰ্বন্ত আরজন ফকির যত কথা বলিল, তার মুখের মৃদু হাসিটি এতটুকুও মলিন হয় নাই। মাওলানা সাহেব যতই কুণ্ঠিত হইয়া তাহাকে প্রশ্ন করিয়াছেন, সে ততই বিনীত ভাবে তাহার উত্তর করিয়াছে। সভা সমবেত লোকেরা অতি মনোযোগের সঙ্গে তাহার উত্তর শুনিয়াছে। উকিল সাহেব দেখিলেন বক্তৃতা করিয়া ইতিপূর্বে তিনি সভার সকলের মনে যে ইসলামী জোশ আনয়ন করিয়াছিলেন, আরজান ফকিরের উত্তর শুনিয়া সমবেত লোকদের মন হইতে তাহার প্রভাব একেবারেই মুছিয়া গিয়াছে। সভার সকল লোকই এখন যেন আরজান ফকিরের প্রতি সহানুভূতি শীল। তাহারা যখন অতি মনোযোগের সঙ্গে আরজান ফকিরের কথাগুলি শুনিতেছিল উকিল সাহেবের মনে হইতেছিল, তাহারা মনে মনে তাহাকে সমর্থন করিতেছে। তিনি বাস্তব ব্যক্তি। ভাবিলেন, এইভাবে যদি ফকিরকে কথা বলিবার সুযোগ দেওয়া হয়, তবে তাহার আত্মান করা সভা ফকির সাহেবের সভায় পরিণত হইবে।

তাই তিনি হঠাৎ চেয়ার হইতে উঠিয়া বক্তৃতার স্রোত বন্ধিতে লাগিলেন, 'ভাইসব! ভেবেছিলাম, আমাকে আর কিছু বলতে হবে না। এই ভণ্ড-ফকিরের কথা শুনে আমি আর স্থির থাকতে পারলাম না। ইহার কথা আপনাদের কাছে আপাততঃ মিষ্ট হইতে পারে। ভাইসাবরা। একবার খেয়াল করে দেখবেন, শয়তান যখন আপনাদের দাগা দেয় এইরূপ মিষ্টি কথা বলেই আপনাদের বশে আনে। আপনারা আগেই আলেমদের কাছে শুনেছেন, গান গাওয়া হারাম। যে কাঠ কথা বলতে পারে না সেই কাঠে বাঁধ বাজানো হারাম। এই ভণ্ড-বেশী ফকির সারিন্দা বাজিয়ে গান করে। এই গান আসমানে সোয়ার হয়ে আল্লার আরশে যেয়ে পৌছে আর আল্লার আরশ কুরছি ভেঙে খানখান হয়। বিরাদারানে ইসলাম। এই ভণ্ড-ফকিরের মিষ্টি কথায় আপনারা ভুলবেন না। আমাদের খলিফা হজরত ওমর (রাঃ) বিচার করতে বলে আপন প্রিয়-পুত্রকে হত্যা করার আদেশ দিয়েছিলেন, মুনসুর হাল্লাজকে শরীয়ত বিরোধী কাজের জন্ত পারশ্বের অপর একজন খলিফা তার অর্দ্ধ অঙ্গ মাটিতে পুঁতে প্রস্তর নিক্ষেপ করে মারার হুকুম দিয়াছিলেন। ভাই সকল। এখন দীন ইসলামী সময় আর নাই। নাছারা ইংরেজ আমাদের বাদশা। এই ফকির বা অপরাধ করেছে তাকে হত্যা করা হাদীসের হুকুম। কিন্তু বিচার আমাদের কাছে করতেই হবে। ভাই সাহেবরা। মনে রাখবেন, আপনারা সকলেই আজ কাজীর আসনে বসেছেন। খোদার কছম আপনাদের, কাজীর মতই আজ বিচার করবেন। আপনাদের প্রতিনিধি হয়ে মাওলানা সাহেব

এই ফকিরের প্রতি কি শান্তি হতে পারে তা কোরান কেতাব দেখে বয়ান করবেন আপনারা ইহাতে রাজী ?’

চারিদিক হইতে রব উঠিল, ‘আমরা রাজী।’ তখন উকিল সাহেব মাওলানা সাহেবের কানে কানে কি বলিয়া দিলেন। মাওলানা সাহেব কোরান শরীফ হইতে একটি ছুরা পড়িয়া বলিলেন, ‘আল্লামার বিচার মত এই ফকিরের মাথার লম্বা চুল কাইটা ফেলতি হবি। আর তায় সারিন্দাটাও ভাইলা ফেলতি হবি।’

উকিল সাহেব বক্তৃতা শেষ করিলেন। দুই তিনজন লোক ছুটিল আরজান ফকিরের সারিন্দা আনিতে। এখন সমস্তা হইল কে ফকিরের মাথার চুল কাটিবে। গ্রামের লোক কেহই তাহার চুল কাটিতে রাজী হয় না। কি জানি ফকির কি মন্ত্র দিবে। তাহাদের ক্ষতি হইবে। অবশেষে মাওলানা সাহেব নিজে ফকিরের মাথার চুল কাটিবার জন্ত আগাইয়া আসিলেন। এমন সময় সভা’হ দু’একজন লোক আপত্তি করিয়া উঠিল। একজন বলিয়া উঠিল, ‘আমরা জীবন গেলিও ফকিরসাবের মাথার চুল কাটিবার দিব না।’

আরজান ফকির মুহু হাসিয়া বলিল, ‘বাজানরা। বেজার অবেন না। মাওলানাসাবের ইচ্ছা ঐছে আমার মাথার চুল কাটনের। তা কাটুন তিনি। খোদার ইচ্ছাই পূরণ হোক। বাপজানরা। তোমরা গোঁসা কইর না। চুল কাটলি আবার চুল ঐব। আল্লামার কাম কেউ রদ করতি পারবি না।’

মাওলানা সাহেব কাঁচি লইয়া আরজান ফকিরের মাথার চুল কাটিতে লাগিলেন। সেই কাঁচির আঘাত হেন অশিক্ষিত গ্রামবাসীদের বুকের কোন স্বকোমল স্থানটি কাটিয়া কাটিয়া খণ্ডিত বিখণ্ডিত করিতেছিল। কিন্তু কোরান হাদীসের কালাম ধীর কণ্ঠস্ব সেই মাওলানা সাহেবের কাজে তাহার কোন বাধাই দিতে সাহস করিল না। যতক্ষণ চুলকাটা চলিল, আরজান ফকিরের হাসি মুখখানি একটুকুও বিকৃত হইল না। কি এক অপূর্ব প্রশান্তিতে যেন তার স্তম্ভ শব্দ-ভরা মুখখানি পূর্ণ।

এমন সময় দুই তিনজনে আরজান ফকিরের সারিন্দাটি লইয়া আসিল কাঁঠাল কাঠের সারিন্দাটি যেন পূজার প্রতিমার মত বাকমক করিতেছে। সারিন্দার মাথায় একটি ডানা-মেলা পাখি যেন স্বরের পাখা মেলিয়া কোন তেপান্তরের আকাশে উড়িয়া যাইবে। সেই পাখির গলায় রঙ-বেরঙের পুঁতির মালা। পায়ে পিতলের হুপূর আর নাকে পল্লী-বধূদের মত একখানা নখ পরানো। সারিন্দার গায়ের দুই পাশে কতকগুলি জামা-মেয়ে গান গাহিতে

গাহিতে নাচিয়া নাচিয়া কোথায় চলিয়াছে ।

এই সারিন্দাটি আনিয়া তিন চারজন লোক মাওলানা সাহেবের হাতে দিল । সারিন্দাটির দিকে একবার চাহিয়া দেখিয়া আরজান ফকিরের মুখখানি হঠাৎ যেন কেমন হইয়া গেল । ফকির পাড়াইয়া উঠিয়া বলিল, ‘বাজানরা ! আপনারা যা বিচার করলেন, আমি মাথা পাইত্যা নিলাম । কিন্তু এই মরা কাঠের সারিন্দা আপনাগো কাছে কোন অপরাধ করে নাই । এর উপরে শাস্তি দিয়া আপনাগো কি লাভ ? আমার মাথার চুল কাটলেন । এত লোকের মদি আমার বাল-মন্দ গাইলেন । আরও যদি কোন শাস্তি দিবার তাও ছান । কিন্তু আমার সারিন্দাডারে রেহাই ছান ।’

মাওলানা সাহেব বলিলেন, ‘মিঞা । ও সকল ভণ্ডামীর কথা আমরা কেউ শুনবো না । কোরান কেতাব মত আমাকে কাজ করতি হবি । তোমার ওই সারিন্দা আমি ভাইজা ফ্যালব ।’

ফকির আরও বিনীতভাবে বলিল, ‘বাজান ! আমার এই বোবা সারিন্দাডারে ভাইজা আপনাগো কি লাভ এব ? আমার বাপের আতের এই সারিন্দা । মউত কালে আমারে ডাইকা কইল, দেখরে আরজান ! টাকা পয়সা তোর জন্তি রাইখা যাইতি পারলাম না । আমার জিম্মিগীর কামাই এই সারিন্দাডারে তোরে দিয়া গেলাম । এইডারে যদি বাজাইতি পারিস তোর বাতের দুঃখ এব না । হেই বাপ কতকাল মইরা গ্যাছে । তারির আতের এই সারিন্দাডারে বাজায়া বাজায়া দুঃখীর গান গাই । পেরতমে কি সারিন্দা আমার সঙ্গে কতা কইত ? রাইত কাবার কইরা দিতাম, কিন্তুক সারিন্দা উত্তর করত না । বাজাইতি বাজাইতি তারপর যখন বোল দরল তখন সারিন্দার সঙ্গে আমার দুঃখীর কতা কইতি লাগলাম । আমার মতন যারা দুঃখিত তারা বাজনা শুইনা আমার সঙ্গে কানত । মাওলানাসাব ! আমার এই সারিন্দাডারে আপনারা ভাঙবেন না । কত সভায় গান গায়া কত মানষির তারিফ বয়া আনছি গিরামে এই সারিন্দা বাজায়া ! হেবার রহুলপুরীর সঙ্গে মামুদপুরীর লড়াই । দুই পক্ষে হাজার হাজার লাইঠ্যাল । কতজনের বউ যে সিন্ধার সিন্ধুর আরাইত, কতজনের মা যে পুত্র শোগী ঐত সেই কাইজায় । কি করব, দুই দলের মদ্বিখানে যায় সারিন্দায় সুর দিলাম । দুই দলের মানুষ হাতের লাঠি মাটিতি পাইতা সারিন্দার গান শুনতি লাগল । মাওলানাসাব ! আমারে যে শাস্তি দিবার ছান, কিন্তুক আমার সারিন্দাডারে বাঙবেন না ।’ এই কথা বলিয়া আরজান ফকির গামছা দিয়া চোখের জল মুছিল ।

চারিদিকের লোকজনের মধ্যে থমথমা ভাব। আরজান ফকিরের সারিন্দার কাহিনী ত সকলেরই জানা। তাহারা মনে মনে ভাবিতে লাগিল, এখানে এমন কিছু ঘটয়া থাক যাহাতে ফকিরের সারিন্দাটি রক্ষা পাইতে পারে। কিন্তু কেহই সাহস করিয়া কোন কথা বলিতে পারিল না।

উকিল সাহেব দেখিলেন, আরজান ফকির এই কথাগুলি বলিয়া সভার মন তাহার দিকে ফিরাইয়া লইতেছে। তিনি মাওলানা সাহেবকে বলিলেন, ‘আপনি আলেম মানুষ। নায়েবে নবী। কোরান কেতাব দেখে বিচার করেন। এই ভণ্ড-ফকিরকে এসব আবোল-তাবোল বলবার কেন অবসর দিচ্ছেন?’

মাওলানা সাহেব তখন হাঁটুর সঙ্গে ধরিয়া সারিন্দাটি ভাঙিবার চেষ্টা করিলেন। সারি-কাঠাল গাছের সারিন্দা। সহজে কি ভাঙিতে চাহে? সমবেত লোকেরা এক নিশ্বাসে চাহিয়া আছে। কাহার আদরের ছেলটিকে যেন কোন ডাকাত আঘাতের পর আঘাত করিয়া খুন করিতেছে। কিন্তু ইসলামের আদেশ---কোরান কেতাবের আদেশ। নায়েবে নবী মাওলানা সাহেব স্বয়ং সেই আদেশ পালন করিতেছেন। ইহার উপর ত কোন কথা বলা যায় না।

হাঁটুর উপর আটকাইয়া যখন সারিন্দাটি ভাঙা গেল ন, তখন মাওলানা সাহেব মাটির উপর আছড়াইয়া সারিন্দাটি ভাঙিতে লাগিলেন। কসাই যেমন গরু জবাই করিয়া ধীরে ধীরে তাহার গা হইতে চামড়া উঠাইয়া খণ্ড খণ্ড করিয়া মাংসগুলি কাটিয়া লয়, সেইভাবে মাওলানা সাহেব প্রথম আছড়া সারিন্দার গলা ভাঙিয়া ফেলিলেন। পাখিগুচ্ছ সারিন্দার মাথাটি সামনে মুখঠাসা দিয়া পড়িল। তবু সেই মাথা তারের সঙ্গে আটকাইয়া আছে! টান দিয়া সেই তার ছিঁড়িয়া সারিন্দার খোলের উপরের সানকুনী সাপের ছাউনি ছিঁড়িয়া মাওলানা সাহেব সারিন্দাটিকে দুই তিন আছড়া মারিলেন। সারিন্দার গায়ে নৃত্যরতা মেয়েগুলি যাহারা এতদিন হাত ধরাধরি করিয়া কোন উৎসবের শরিক হইতে সামনের দিকে আগাইয়া চলিতেছিল তাহারা এখন খণ্ড খণ্ড কাঠের সঙ্গে একে অপর হইতে চিরকালের জন্ত বিচ্ছিন্ন হইয়া গেল। খুনী যেমন কাহাকে খুন করিয়া হাপাইতে থাকে, সারিন্দাটি ভাঙা শেষ করিয়া মাওলানা সাহেব জোরে জোরে নিশ্বাস ফেলিতে লাগিলেন।

আরজান ফকির জিজ্ঞাসা করিলেন, ‘বাজানরা! আমারে দিয়া ত আপনাগো কাম শেষ ঐছে। আমি এহন যাইতি পারি?’

মাওলানা সাহেব বলিলেন, ‘হাঁ। তুমি এখন যাইতে পার।’

আরজান ফকির নীরবে সভাস্থান হইতে উঠিয়া চলিয়া গেল। সভার কার্যও শেষ হইল।

সমবেত লোকেরা একে একে যাহার যাহার বাড়ি চলিয়া গেল। কি এক বিষাদে যেন অধিকাংশ গ্রামবাসীর অন্তর ভরিয়া গেল।

রাজে গ্রামের মাভব্বর সাহেবের বাড়িতে কত রকমের পোলাও কোর্মা, কালিয়া, কাবাব প্রভৃতি খাবার প্রস্তুত হইয়াছিল। মাওলানা সাহেব আর উকিল সাহেব নানা গাল-গল্প করিয়া সে সব আহার করিলেন। বহির সেই উপাদেয় খাণ্ডের এতটুকুও মুখে দিতে পারিল না। তাহার কেবলই মনে হইতেছিল, এই সৌম্যদর্শন গ্রাম্য-ফকিরের মাথার চুল সে-ই যেন কাটিয়াছে আর তাহার সারিন্দাটি সে-ই যেন নিজ হাতে ভাঙিয়া চূর্ণ-বিচূর্ণ করিয়াছে।

বাইশ

উকিল সাহেবের বাসায় ফিরিয়া আসিয়া বহিরের কিছুতেই পড়াশোনায় মন ধসে না। সব সময় আরজান ফকিরের সৌম্য-মূর্তিখানি তাহার মনে উদয় হয়। আহা! হাতের সারিন্দাটি ভাঙিয়া ফেলায় তার যেন কতই কষ্ট হইতেছে। কি বাজাইয়া সে এখন ভিকায় যাঠবে! তার বাজনা শুনিয়াই ত লোকে তাহাকে ছ’চার পয়সা দেয়। এখন কি আর লোকে তাহাকে সাহায্য করিবে?

উকিল সাহেবের বাড়ির ভাত যেন তার গলা দিয়া যাইতে চাহে না! গ্রামে গ্রামে তাহাকে সঙ্গে লইয়া উকিল সাহেব কোরান কেতাবের দৃষ্টান্ত দিয়া বিচারের নামে যে সব অবিচার করেন, সেজন্য সে যেন নিজেই দায়ী। তাহাকে চাকরের মত খাটাইয়া রোজ দুইবেলা চারটে ভাত দেওয়া হয়। ইহাতেও গ্রাম্য সভায় যাইয়া উকিল সাহেবের কত বাহাদুরী। ছোট হইলেও সে এসব বোঝে। কিন্তু সকল ছাপাইয়া সেই গ্রাম্য-গায়ক আরজান ফকিরের কথা কেবলই তাহার মনে হয়।

সেদিন কি একটা উপলক্ষ করিয়া স্কুলের ছুটি হইয়া গেল। বহির বই-পুস্তক রাখিয়া আরজান ফকিরের বাড়ি বলিয়া রওয়ানা হইল। লক্ষ্মীপুর

ছাড়াইয়া সতরপাড়া গ্রাম। তার উত্তরে পদ্মনদী। সেখানে খেয়া-পার হইলে মাধবদিয়ার চর। খেয়া নৌকায় কত লোক জমা হইয়াছে। আজ হাটের দিন। চরের লোকেরা হাট করিয়া বাড়ি ফিরিয়া যাইতেছে। সারি সারি ধামায় বাজারের সওদা রাখিয়া হাটুরে-লোকেরা গল্প-গুজব করিতেছে। কারো ধামায় ছোট্ট মাটির পাত্রে খেজুরে গুড়। হু' একটি পাকা আতা বা বেল। কেউ ইলিশমাছ কিনিয়া আনিয়াছে। বছির মনে মনে ভাবে এরা যখন বাড়ি পৌছিতে তখন হাটের সওদা পাইয়া এদের ছেলে-মেয়েরা কত খুশীই না হইবে। চরে ফল-ফলারির গাছ এখনও জন্মে নাই। তাই কেহ কেহ বেল কিনিয়া আনিয়াছে—কেহ খেজুর গুড় কিনিয়া আনিয়াছে। কি সামান্য জিনিস! ইহাতেই তাহাদের বাড়িতে কত আনন্দের হাট মিলিবে। বাহাদের আলতো পয়সা নাই, তাহারা শুধু তেল আর ছন কিনিয়া আনিয়াছে। হয়ত বাড়ির ছেলে-মেয়েদের কাঁদাইয়া গাছের কলাগুলি, পাকা পেঁপেগুলি সমস্ত হাটে আনিয়া বেচিয়া শুধু তেল আর ছন কিনিয়াছে। শূন্ত হৃদের হাঁড়িগুলির মধ্যে নদীর বাতাস ঢুকিয়া ছ ছ করিয়া কাঁদিতেছে। হৃদের অভাবে ওদের ছেলে-মেয়েদের যে কান্না—এ যেন সেই কান্না। সবাই কিছু না কিছু কিনিয়া আনিয়াছে। আহা! আরজান ফকিরের বুঝি আজ হাট হয় নাই! সারিন্দা বাজাইয়া গান করিতে পারিলে ত লোকে তাহাকে পয়সা দিবে?

নদী পার হইয়া বছির চরের পথ দিয়া হাঁটিতে লাগিল। বর্ষা কবে শেষ হইয়া গিয়াছে। কিন্তু ছোট ছোট ঢেউগুলি বালির উপর যে নক্সা আঁকিয়া গিয়াছিল, তাহা এখনও মুছিয়া যায় নাই। কত রকমেরই নক্সা। কোথায় বালির উপর এঁটেল মাটির প্রলেপ। রৌদ্রে ফাটিয়া নানা রকমের মূর্তি হইয়া হাসিতেছে। তার উপর দিয়া পা ফেলিতে মন চায় না। হু'এক টুকরা মাটির নক্সা হাতে লইয়া বছির অনেকক্ষণ দেখিল। প্রকৃতির এই চিত্র-শালা কে আসিয়া দেখিবে! হয়ত কোন অসাবধান কৃষাণের পায়ের আঘাতে একদিন এই নক্সাগুলি গুঁড়ো হইয়া ধূলিতে পরিণত হইবে। সেই ধূলি আবার বাতাসে ভর করিয়া নানা নক্সা হইয়া সমস্ত চর ভরিয়া ঘুরিয়া বেড়াইবে। এ-দিকে ও-দিকে ঘুরিয়া বছির পথ চলে, নক্সাগুলো বাহাতে পায়ের আঘাতে ভাঙিয়া না যায়। তবুও দোমড়ানো মাটি পায়ের তলায় মড় মড় করিয়া ওঠে। মুক-মাটি যেন তাহার সঙ্গে কথা বলিতে চায়। চরের পথ ছাড়িয়া নলখাগড়ার বন। তারপর চৈতালী খেত। তার পাশ দিয়া

পথ গরুর পায়ের ছুরে ক্ষত-বিক্ষত । সেই পথ দিয়া খানিক আগাইয়া গেলে
 নাজির মোল্লার ডাঙি, তারপর মোমিন খাঁর হাট । তার ভাইনে ঘন কলাগাছের
 আড়াল দেওয়া ওই দেখা যায় আরজান ফকিরের বাড়ি । বাড়ি ত নয়, মাঝ
 একখানা কুঁড়ে ঘর । উঠানে লাউ-এর জাঙলা—কত লাউ ধরিয়া আছে ।
 শিমের জাঙলায় কত শিম ধরিয়া আছে ।

দূর হইতে বহির গান শুনিতে পাইল,

‘যে হালে সে হালে রাখছাওরে

দয়ালচান তুই আমারে

ও আমি তাইতে ভাল আছি।

কারে দিছাও দালান কোঠা

ও আল্লা আমার পাতার ঘররে ।

কারে খাওয়াও চিনি সন্দেহ

ও আল্লা আমার খুদের জাওরে ।

ফকির গান করিতেছে আর কাঁদিতেছে । বহির অনেকক্ষণ দরজার
 সামনে দাঁড়াইয়া তাহার গান শুনিতে লাগিল । এ ত গান নয় । অনাহারী
 সমস্ত মানবতার মর্মস্তদ আর্তনাদ । কিন্তু হুংগে এরা শুধু কাঁদে—আল্লার কাছে
 মুক-মনের কথা নিবেদন করে । কাহারো প্রতি ইহাদের কোন অভিযোগ
 নাই । শুধু একজনের কাছে হুংগের কথা कहিয়া শান্তি পায় । যুগ যুগ হইতে
 ইহারা নীরবে পরের অত্যাচার সহ করিয়া চলিয়াছে । সমস্ত দুনিয়ার যে
 মালিক সেই কলিত একজনকে তাহাদের হুংগের কথা বলিয়া তাহারা হয়ত
 ক্লান্ত শান্তি পায় । আহারে ! সেই হুংগ প্রকাশের গানও তাহাদের
 নিকট আজ নিষিদ্ধ হইল !

গান শেষ করিয়া ফকির বহিরকে দেখিয়া গামছা দিয়া চক্ষু মুছিয়া বলিল,
 ‘বাজান ! আরও কি অপরাধের বিচার করনের আইছেন ? আমার শান্তির
 কি শেষ ঐল না ?’ এবার বহির ফুঁপাইয়া কাঁদিয়া উঠিল । মুখ দিয়া
 বলিতে পারিল না, ‘ফকির সাহেব ! আপনার সারিন্দা যাহারা ভাঙিয়াছে
 আমি তাহাদের দলে নই ।’ ছেলে-মাল্লুষ এখনও মনের কথা গোছাইয়া
 বলিতে শেখে নাই । আরজান ফকির সবই বুঝিতে পারিল । বহিরকে বৃকের
 কাছে লইয়া তার ছেঁড়া কাঁথার আসনে আনিয়া বসাইল । কিন্তু বহিরের
 কান্না আর কিছুতেই থামে না । ফকির গামছা দিয়া বহিরের মুখখানি
 মুছাইয়া বলিল, ‘বাজান ! তোমার রূপ ধইরা আল্লা আমার গরে আইছেন ।

বেদিন ওরা আমার সারিন্কা বাঙল, সেদিন বুঝলাম আমার দরদের দরদী এই
সয়াল সংসারে কেওই নাই। আইজ তুমারে দেইগা মনে ঝটল, আছে—
আমার জগ্গিও কান্দইনা আছে।’

এমন সময় ফকিরের বউ আসিয়া বলিল, ‘আমাগো বাড়ির উনি কার সঙ্গে
কতা কইত্যাছে?’ দরজার সামনে যেন পটে আঁকা একটি প্রতিমা। পঞ্চাশ
বৎসরের বুঝা। সমস্ত গায় চম্পকবর্ণ যেন বাকমক করিতেছে। রাঙা মুখখানি
ভরা কতই স্নেহ। দেখিয়া ‘মা’ বলিতে প্রাণ আঁকুবাকু করে।

ফকির হালিয়া বলিল, ‘দেখ আইসা, আমার বাজান আইছে।’

বউ বলিল, ‘না, তোমার বাজান না আমার বাজান?’

বউ দুইহাত দিয়া বহিরের মুখখানি মুছিয়া জিজ্ঞাসা করিল, ‘কও ত
বাজান! তুমি আমার বাজান না ওই বুইড়া ফকিরের বাজান?’

লজ্জায় বহির মাটির সঙ্গে মিশিয়া যাইতেছিল।

ফকির বলিল, ‘তোমার বাজান না আমার বাজান সে কথা পরে মীমাংসা
করবানে। এবার বাজানের ভক্তি কিছু খাওনের জোগাড় কর।’

কথাটি শুনিয়া যেন ফকির-গৃহিনীর মুখখানা কেমন হইয়া গেল। ফকির
বলিল, ‘বউ! তুমি অত বাবছ ক্যান। জান না কেটে ঠাকুর কত বড়লোকের
দাওয়াত কবুল না কইরা পিড়রের বাড়িতে খুদের হাউ থাইছিল। যা আছে
তাই লয়া আস। আমি এদিক বাজানরে গীদ হনাই।’ ফকির গান ধরিল,

‘আমি কি দিয়া ভজিব তোরে রাঙা পায়;

দুধ দিয়া ভজিব তোরে

সেও দুধ বাছুরিতে খায়।

চিনি দিয়া ভজিব তোরে

সেও চিনি পিঁপড়ায় লয়া যায়।’

গান শেষ হইতে না হইতে ফকিরের স্ত্রী সামান্য খুদ ভাজিয়া লইয়া
আসিল। দুইটি শাঁখআলু আগেই আখায় পোড়ানো হইয়াছিল। একটি
পরিষ্কার নারকেলের আচিতে ভাজা খুদ আর মাটির সানকিতে সেই পোড়া
শাঁখআলু দুইটি আনিয়া বহিরের সামনে ধরিল। আগের মতই দুই হাত দিয়া
তাহার মুখ সাপটাইয়া বলিল, ‘বাজান! গরীব মায়ার বাড়ি আইছাও। এই
সামান্য খাওয়ারটুকু খাও।’

অনেক সাধ্য-সাধনা করিয়া ফকির-বউ সেই ভাজা খুদটুকু সব বহিরকে
দিয়া খাওয়াইল। তারপর নিজের হাতে সেই পোড়া আলু দুইটির খোলা

ছাড়াইয়া বহিরের মুখে তুলিয়া দিল। খাওয়া শেষ হইলে বহির আরজান ফকিরকে বলিল, ‘বেলা পইড়া যাইত্যাছে। আমি এহন যাই।’

ফকিরের বউ বলিল, ‘ক্যা বাজান! আইজ আমাগো এহানে থাকলি অয় না?’

বহির বলিল, ‘থাকুনের যো নাই। উকিল সাহেবের কাছে না কয়া গোপনে আপনাগো এহানে আইছি। তিনি জানতি পারলি আর রক্ষা থাকপি না।’

ফকির বলিল, ‘না বউ। উনারে থাকুনের কইও না। আমরা উনারে রাইখা কিবা খাওয়াব। আর কিবা আদর করব।’

বহির বলিল, ‘আপনারা আমারে যে আদর করলেন, এমন আদর শুধু মা-ই আমার করেছে। আমার ত ইচ্ছা করে সারা জনম আপনাগো এহানে থাকি। কিন্তুক উকিলসাব যদি শোনেন আমি আপনাগো এহানে আইছি তন্ন আমারে আর আস্ত রাখপি না। ফকিরসাব! ওরা আপনার সারিন্দাডারে ভাইকা ফালাইছে। আমি এই আট আনার পয়সা আনছি। আমার বাপ-মাও বড় গরীব। এর বেশী আমি দিবার পারলাম না। এই আটআনা দিয়া একটা কাঁঠাল গাছের কাঠ কিন্তা আবার সারিন্দা বানাইবেন।’

ফকির বহিরকে আদর করিয়া ধরিয়া জিজ্ঞাসা করিল, ‘কও ত বাজান! এই পয়সা তুমি কোথায় পাইলা?’

বহির বলিল, ‘আমি যখন বাড়ির থইনে আসি তহন আমার মা আমারে দিছিল। আর কয়া দিছিল, এই পয়সা দিয়া তোর ইচ্ছামত কিছু কিন্তা খাইস। আমি ত উকিলসাবের বাড়িই দুই বেলা খাই। আমার আর পয়সা দিয়া কি অবি? তাই আপনার জন্তি আনলাম।’

শুনিয়া ফকির কাঁদিয়া ফেলিল, ‘বাজান! আপনার পয়সা লয়া যান। ওরা আমার কাঠের সারিন্দা বাঙছে কিন্তুক মনের সারিন্দা বাঙতি পারে নাই। সারিন্দা বাঙা দেইখা ও-পাড়ার ছদন সেপ আমারে কাঁঠালের কাঠ দিয়া গ্যাছে। ছ’এক দিনির মন্দিই আবার সারিন্দা বানায়া ফেলাব। একদিন আইসা বাজনা শুইনা যাইবেন।

ফকিরের নিকট হইতে বিদায় লইয়া বহির আবার সেই আঁকা-বাঁকা গৈয়ো-পথ ধরিয়া পেয়াঘাটের দিকে চলিল। তাহার মনে কে যেন বসিয়া আনন্দের বাঁশী বাজাইতেছে। দুই পাশে মটরশুঁটির খেত। লাল আর সাদায় মিলিয়া সমস্ত খেত ভরিয়া ফুল ফুটিয়া আছে। সবুজ পাতার ফাঁকে

ফাঁকে মটরশুঁটির ফুলগুলি। প্রত্যেক ফুলের দুইটি পর সাদা। মাঝখানে সিঁচুরে রঙের বউটি যেন বসিয়া আছে। বাতাসে যখন মটরশুঁটির ডগাগুলি ছলিতেছিল বছরের মন হইতেছিল তার বোন বড় বুঝি তার হাজার হাজার খেলার সাথীদের লইয়া সেই খেতের মধ্যে লুকোচুরি খেলিতেছিল। মরিয়া সে কি এই খেতে আসিয়া ফুল হইয়া ফুটিয়া আছে ?

অনেকক্ষণ দাঁড়াইয়া বছির এই খেতের পানে চাহিয়া রহিল। তারপর একটি দীর্ঘ নিঃশ্বাস ছাড়িয়া সামনের দিকে আগাইতে লাগিল। এবার পথের দুই পাশে সরিষার খেত। সমস্ত খেত ভরিয়া সরিষার হলদে ফুল ফুটিয়া চারিদিকে গন্ধ ছড়াইতেছে। সমস্ত চর যেন আঙ্গ বিয়ের হলদি কোটার শাড়ীখানা পরিয়া বাতাসের সঙ্গে হেলিতেছে ছলিতেছে। ফকিরের বাড়ি যাইবার সময় বছির এই খেতের মধ্য দিয়াই গিয়াছে। কিন্তু তখন এই খেতে যে এত কিছু দেখিবার আছে তাহা তাহার মনেই হয় নাই। গ্রাম্য ফকিরের স্নেহ-মমতা যেন তার চোখের চাহনিটিতে রঙ মাখাইয়া দিয়াছে। সেই চোখে সে দেখিতেছে, হাজার হাজার নানা রঙের প্রজাপতি পাখা মেলিয়া এ-ফুল হইতে ও-ফুলে যাইয়া উড়িয়া পড়িতেছে। তাদের পাখায় ফুলের রেণু মাখানো। কোটা সরিষার গন্ধে বাতাস আঙ্গ পাগল হইয়াছে। সেই গন্ধ তাহার বুকে প্রবেশ করিয়া সমস্ত চরখানিতে যেন হলুদের ঢেউ খেলিতেছে। মাঝে মাঝে দমকা বাতাস আসিয়া চরের উপর দিয়া বহিয়া যাইতেছিল। সেই বাতাসে সরসে গাছগুলি হেলিয়া যাইয়া আবার খাড়া হইয়া উঠিতেছিল। বছির দাঁড়াইয়া দাঁড়াইয়া অনেকক্ষণ এই ছবি দেখিল। বাতাস যেন হলুদ শাড়ী-পরা চরের মেয়ের মাথার চুলগুলিতে বিলি দিতেছে। খেতের মাঝে ও কত কি দেখিবার ! দুধালী লতাগুলি সরসে গাছের গা বাহিয়া সাদা ফুলের স্তবক মেলিয়া হাসিতেছে। মাঝে মাঝে মটরের লতা, পা ভরা লাল ফুলের গহনা। সেখান দিয়া লাল ফড়িংগুলি রঙিন ডানা মেলিয়া নাচিয়া বেড়াইতেছে। দেখিয়া দেখিয়া বছিরের সাথ যেন আর মেটে না। শুদিকে বেলা পশ্চিম আকাশে হেলিয়া পড়িয়াছে। আর ত দেৱী করা যায় না। আন্তে আন্তে বছির খেয়াঘাটের দিকে পা বাড়াইল। চলিতে চলিতে তার কেবলই মনে হইতেছিল, এমন সুন্দর করিয়া মাঠকে বাহারা ফুলের বাগান করিতে পারে কোন অপরাধে তারা আজ পেটের ভাত সংগ্রহ করিতে পারে না ?

তেইশ

উকিল সাহেবের বাড়ি পৌছিয়া বহির তাহার বইগুলি সামনে লইয়া বসিল। যেমন করিয়াই হউক পড়াশুনায় ভাল তাহাকে হইতেই হইবে। সেই আট আনার পয়সা দিয়া সে একটি কেরোসিনের কুপী কিছু কেরোসিন তৈল কিনিয়া আনিল। তারপর উকিল সাহেব যখন নয়টার পর তাঁর হারিকেন লঠনটি লইয়া অন্দরে চলিয়া গেলেন সে তাহার কুপী জালাইয়া পড়িতে বসিল।

এইভাবে দশ বার দিন পরে তার কেনা কেরোসিন তৈল ফুরাইয়া গেল। তখন সে ভাবিতে বসিল, কি করিয়া পড়াশুনা করা যায়? সামনে রাস্তার উপর একটি বাতি জলিতেছিল। সে তাহার পড়ার বইখানি লইয়া রাস্তার সেই বাতিটির নিচে দাঁড়াইয়া দাঁড়াইয়া পড়িতে আরম্ভ করিল। কতদিন পড়িতে পড়িতে পা অবশ হইয়া আসে। কিন্তু শরীরের কষ্টের দিকে চাহিলে ত তাহার চলিবে না। সে পড়াশুনা করিয়া বড় ডাক্তার হইবে। দেশের চারিদিকে নানান নির্ধাতন চলিতেছে। বড় হইয়া সে এই নির্ধাতন দূর করিবে। তার ত শারীরিক কষ্টের দিকে চাহিলে চলিবে না।

ইতিমধ্যে বহির ও মাওলানা সাহেবকে সঙ্গে লইয়া উকিল সাহেব আরও তিন চারিটি গ্রামে যাইয়া বক্তৃতা করিলেন। ভাঙ্গন ডাঙা গ্রামে কমিরদী সরদার নামডাকের লোক। তাহার অবস্থাও আশে পাশের সকলের চাইতে ভাল। উকিল সাহেব খবর পাইলেন, সে ইসলামের নিয়ম-কানুন বরখেলাপ করিয়া পদ্মা নদীতে দৌড়ের নোকা লইয়া বাচ খেলায় আর তার বাড়িতে গানের দল আনিয়া মাঝে মাঝে জারী গানের আসর বসায়। ইহাতে আশে পাশের যত সব মুসলমান ভাইরা গোমরাহ হইয়া যাইতেছে। সুতরাং এই গ্রামে যাইয়াই সকলের আগে উকিল সাহেব তাঁর দীন ইসলামী ঝাণ্ডা তুলিবেন। লোক ম'রফত তিনি আগেই শুনিয়াছিলেন, কমিরদী সরদার খুব নামডাকের মানুষ। শত শত লোক তাহার হুকুমে ওঠে বসে। তাই এবারের সন্মানে সেই গ্রামের জমিদার সরাজান চৌধুরী সাহেবকে তিনি সঙ্গে করিয়া লইলেন।

এই সব সভায় সাধারণতঃ বেশী লোক জমা হয় না। কিন্তু সভা হইবার ঘণ্টাখানেক আগে জমিদার সাহেবের তিন চারজন শেয়াদা তকমাওয়াল চাপকানের উপর জমিদারের নিজ নাম অঙ্কিত চাপরাশ ঝুলাইয়া যখন অহঙ্কারী পদক্ষেপে সভাস্থলে আসিতেছিল তখন গ্রামবাসীদের চক্ষে তাক লাগিয়া গেল। তারপর জমিদার সাহেব নিজে যখন তাঁহার তাজী ঘোড়াটায় চড়িয়া গ্রামে প্রবেশ করিলেন তখন গ্রামের কুকুরগুলির সহিত ছোট ছোট ছেলেমেয়েরা তাঁহার পিছে পিছে যে ভাবে শব্দ করিয়া ছুটাছুটি করিতে লাগিল, তাহাতে গ্রামবাসীদের কোঁতুহল চরমে পৌছিল। তাহারা দল বাঁধিয়া সভাস্থলে আসিয়া উপস্থিত হইল। জমিদার সাহেবের ঘোড়ার পিঠে হৃদয় গদি, গলায় নকসী চীমড়ার সঙ্গে নানা রকমের ঘুঙুর। সেই ঘুঙুর আবার ঘোড়ার নড়নে-চড়নে বাজিয়া উঠিতেছে। দেখিয়া দেখিয়া গ্রামবাসীদের সাধ মেটে না। কেহ কেহ সাহস করিয়া জমিদার সাহেবের বরকন্দাজদের সঙ্গে কথা বলিয়া নিজেকে ধস্ত মনে করে। তাহারা কি সহজে কথা বলে? তিন চারটি প্রশ্ন করিলে এক কথায় উত্তর দেয়। এও কি কম সৌভাগ্য? মূল জমিদার সাহেবের দিকে কেহ ফিরেও তাকায় না।

কিছুক্ষণ পরে সভা আরম্ভ হইল। উকিল সাহেব দাঁড়াইয়া প্রস্তাব করিলেন, ‘জন-দর-গী প্রজা বংসল জমিদার মি: সরাজান চৌধুরী সাহেব এই সভায় তসরিফ এনেছেন। জমিদারী সংক্রান্ত বহু জরুরী কার্য ফেলিয়া তিনি শুধু আপনাদের খেদমতের জন্যই এখানে আসিয়াছেন। আমি প্রস্তাব করি তিনি এই সভায় সভাপতির পদ অলঙ্কৃত করুন।’ মাওলানা সাহেব এই প্রস্তাব সমর্থন করিলেন। জমিদার সাহেব সভাপতির দস্ত নির্দিষ্ট চেষ্টার আসিয়া উপবেশন করিলেন।

প্রথমে মাওলানা সাহেব বক্তৃতা আরম্ভ করিলেন। গোর আজাব হইতে আরম্ভ করিয়া হজরতের ওফাত পর্যন্ত শেষ করিয়া তিনি বলিতে লাগিলেন, ‘ভাই সাহেবানরা! বড়ই আফসোসের কথা, আপনাদের এই গ্রামের কমিরদর সরদার মুসলমান ভাইগো সঙ্গে লয়া পদ্মা নদীতে নোকা বাইচ খেলায়। তার চায়াও আফসোসের কথা, সেই নোকা বাইচ খেলানো হয় হিন্দু গো পূজা-পার্বণের দিনি। আরও আফসোসের কথা, কমিরদর সরদার তার বাড়িতি জারী গানের আসর বসায়। বিচার গানের বাজ করান। আমার খোদাওন তালা জালে আলালুহ কোরান শরীফে ফরমাইয়াছেন, এমন লোককে পয়কার মাইরা শায়েস্তা করা প্রত্যেক যোমিন মুসলমানের পক্ষে ফরজ। আইজ

আপনাগো এহানে আমরা আইছি দেহনের লাইগা, আপনারা এই না-ফরমানি কাজের কি বিচারডা করেন।’

এমন সময় একটি যুবক উঠিয়া বলিল, ‘সভাপতি সাহেব! এই সভায় আমি কিছু বলতে চাই।’

মাওলানা সাহেব সভাপতির কানে কানে বলিলেন, ‘ওই যুবকটি কলেজে পড়ে—কমিরদী সরদারের পুত্র।’

কিন্তু সভাপতি সাহেব মাওলানা সাহেবের ইঙ্গিত বুঝিলেন না। তিনি ভাবিলেন, এই যুবক হয়ত মাওলানা সাহেবকেই সমর্থন করিবে। প্রকাশে বলিলেন, ‘আচ্ছা! শোনা যাক যুবকটি কি বলতে চায়।’

যুবকটি এবার বলিতে আরম্ভ করিল, ‘ভাই সকল! ঐতিপূর্বে আপনারা মাওলানা সাহেবের বক্তৃতা শুনেছেন। আমার পিতা হিন্দুর তেহারের দিন দোড়ের নৌকাখানি নিয়ে বাচ খেলান। আপনারা সকলেই জানেন, ইসলাম ধর্মের মূলনীতি হল একতা, সকলে দলবদ্ধ হয়ে থাকা। আল্লার এবাদত বন্দেগী করতেও তাই দলবদ্ধ হয়ে করার নির্দেশ। যে জামাতে যত লোক সেখানে নামাজ পড়লে তত ছওয়াব। আপনারা সকলেই ঈদের দিন মাঠে গিয়ে নামাজ আদায় করেন। সেখানে লক্ষ লোক একত্র হয়ে নামাজ পড়েন। এর অন্তর্নিহিত কথা হল শত্রু-পক্ষীয়রা জাহুক মুসলমানেরা সংখ্যাগ কত—তাহাদের একতা কত দূর। ইমামের নির্দেশ মত লক্ষ লক্ষ লোক নামাভের সময় নীরবে ওঠে বসে। জগতের লোক জাতির মধ্যে এমন শৃঙ্খলা দেখা যায় না। আমার পিতা যে নৌকা বাইচ খেলান তাহাতেও গ্রামবাসীদের মধ্যে একতা বৃদ্ধি পায়। মুসলমান ভাইদের নিয়ে আমার পিতা যে হিন্দুর পূজা-পার্বণে নৌকা বাইচ খেলান তার পেছনেও একটা সত্য আছে। আপনারা জানেন, মাঝে মাঝে আমাদের দেশে নমু-মুসলমানে দাঙ্গা হয়। এক গ্রামের লোকের সঙ্গে অপর গ্রামের লোকের দাঙ্গা হয়। আমাদের গ্রামের ইচ্ছক বাতে রক্ষা হয় সেজন্য আমাদের সর্বদা প্রস্তুত থাকতে হয়। সেবার দীগনগরের হাটে আমাদের গ্রামের লক্ষর তালুকদার মুরালদার লোকদের হাতে মার খেয়ে এলো। পরের হাটে আমাদের লোকজন দলবদ্ধ হয়ে মুরালদার লোকদের বেদম মারপিট করে এলো। সেই হতে আমাদের গ্রামের লোকদের সবাই ভয় করে চলে। হিন্দুর পূজা-পার্বণে বহুলোক একত্র জমা হয়। সেখানে নৌকা বাচ খেলে আমার পিতা প্রতিপক্ষদের নৌকাগুলিকে হারিয়ে দিয়ে আসেন। হাজার হাজার লোক জানতে পারে, ভাজনডাঙার লোকদের শক্তি

কত। তাই কেউ আমাদের বিপক্ষে দাঁড়াতে সাহস করে না। এক কালে হয়ত হিন্দু মুসলমানে রেশারেশি ছিল। তাই হিন্দুর উৎসবের দিন হাজার হাজার হিন্দুর মধ্যে মুসলমানেরা দৌড়ের নৌকা নিয়ে তাদের প্রতাপ দেখিয়ে আসত। সেই থেকে হয়ত হিন্দুর পূজা-পার্বণে মুসলমানের নৌকা বাচ খেলার রেওয়াজ হয়েছে। আমার পিতা হিন্দুর তেহারে নৌকা বাচ খেলান কিন্তু হিন্দুর পূজায় অংশ গ্রহণ করেন না। হিন্দুর প্রতিমাকে খোদা বলেও শেজদা করেন না। বরঞ্চ হিন্দুর উৎসবে মুসলমান পয়গাম্বরদের কাহিনী গানের মাধ্যমে প্রচার করে আসেন। আমি ত কতবার দেখেছি, আমাদের দৌড়ের নৌকা থেকে ইমাম হোসেনের আরী গান শুনে বহু অশ্রু বিসর্জন করেছে। আপনারা আজ যদি আমাদের গ্রামের লোকদের মধ্যে বাচ খেলানো বন্ধ করেন তবে আমাদের গ্রামের একতা নষ্ট হয়ে যাবে। গ্রামের লোকদের সম্মবন্ধ হয়ে কাজ করার ক্ষমতা কমে যাবে।’

যুবকটির বলিয়া বক্তা এমন চমৎকার যে সভার লোক নীরবে তার কথা গুলি শুনিতেন। উকিল সাহেব বৃহলোক। দেখিলেন, এই যুবকের বক্তৃতায় সভার মূল উদ্দেশ্যই ব্যর্থ হইয়া যায়। তিনি মাওলানা সাহেবের কানে কানে কি বলিলেন। মাওলানা সাহেব যুবকটিকে থামাইয়া দিয়া জিজ্ঞাসা করিলেন, ‘মিঞা যে এত বক্তৃতা করত্যাও, মুহির দাড়ি কাইটা ত এহেবারে নমশুয়ের মত দেখিতি এছ। আর ইংরাজী বাঙলা নাছারা কিতাব ত অনেক পড়ছাও। কোরান কিতাবের কোন খবরনি রাহ? মিঞাসাবরা! এই বেদাড়ি নাছারার ওয়াজ কি আপনারা হনবেন?’

যুবকটি কি বলিতে যাইতেছিল। সভাপতি সাহেব তাহাকে থামাইয়া বলিলেন, ‘চুপ কর, তুমি বেয়াদপ। ময়মুরক্বা চেন না। মাওলানা সাহেবকে বলতে দাও।’

মাওলানা সাহেব আরম্ভ করিলেন, ‘তাই সাহেবানরা! আমার খোদা কইছেন, এমন দিন আইব যখন আলেম-ওস্তাদের কথা লোবে শুনব না। নাছারা লোকের কথায় মানাষ কান দিব। কিন্তু আপনাগো কয়া বাই, আইজ যদি আপনারা এই কমিরদী সরদারের বিচার না করেন তয় এহানে আমি জান কবজ কইরা দিব। আল্লার কোরান আওনে পুড়িয়া দিব, সগল মুসলমানগো আপনারা কি এমন গোমরাহ হয় থাকতি বলেন? আমাগো হজুর জমিদার সাহেব! তারির কাছেও আমি বিচারডা সইপা দিয়া এই আমি বইলাম। কমিরদী সরদারের বিচার বতদিন না অবি, রোজ কেদামত পর্বন্ত আমি

এখানে বসে থাক।’

মাওলানা সাহেব আসন গ্রহণ করিলে জমিদার সাহেব কমিরদী সরদারকে ডাকিয়া বলিলেন, ‘মিঞা! তোমার দৌড়ের নৌকানো তুমি আজ নিজ হাতে ভাঙবে কিনা সেই কথা বল?’

কমিরদী বলিলেন, ‘আমার পুলাপানরে খেয়ান আমি বালবাসি তেমনি বালবাসি আমার নাওখানা। আমার জান থাকতি এই বাইচের নৌকা ভাঙবার দিব না।’

জমিদার সাহেব তখন বলিলেন, ‘মিঞা! মনে থাকে যেন তোমার কাছে আমি বছর পাঁচশ’ টাকা খাজনা পাই। সে খাজনা নালিশ না করে নেব না। তোমার ভিটায় যেদিন ঘুঘু চরবে সেদিন তোমার খাজনা চাব! বেশ, তোমার বাইচের নৌকা তুমি কেমন করে চালাও তাই আমি দেখব।’

মাওলানা সাহেব বলিয়া উঠিলেন, ‘হজুর! অতদূর যাওয়ার দরকার নাই। আপনার পেয়াদাগো একটা হুকুম ছান। কমিরদীকে বাইন্দা ফেলাক! দেহি এর শরীয়তের বিচার করিতে পারি কিনা?’

জমিদার সাহেবকে হুকুম দিতে হইল না। তিন চারজন পেয়াদা কমিরদী সরদারকে আসিয়া আক্রমণ করিল। সরদার হাতের লাঠিখানার এক ঘুরান দ্বিয়া তাহাদিগকে ফেলিয়া দিল। তখন গ্রামের দুই দলে মারামারি আরম্ভ হইল। গ্রামে বাহার্য্য কমিরদী সরদারের ঐশ্বর্য্য দেখিয়া ঈর্ষা করিত তাহার। জমিদার সাহেবের পক্ষ লইল। বাড়ি বাড়ি হইতে বোঝায় বোঝায় শড়কি লাঠি আনিয়া এ-দলে ও-দলে তুমুল দাঙ্গা চলিল। ইতিমধ্যে মাওলানা সাহেব তাঁহার কেতাব কোরান বগলে করিয়া পালাইয়া জান বাঁচাইলেন। জমিদার সাহেব থানায় খবর দিবার ওজুহাতে ঘোড়ায় সোয়ার হইয়া শহরে চলিলেন। উকিল সাহেব বহুপূর্বেই বহিরকে সঙ্গে লইয়া সভা স্থল ত্যাগ করিয়াছেন।

ইহার পর দুই দলের মধ্যে সদর কোটে মাথলা চলিতে লাগিল। উকিল সাহেবের বৈঠকখানা বহু লোকের সমাগমে পূর্বের চাইতে আরও সরগরম হইতে লাগিল।

এই ঘটনার পর উকিল সাহেব কিছুদিনের জন্ত গ্রাম দেশে সভা-সমিতি করিতে আর বাহির হইলেন না। তাঁহার প্রয়োজনও ছিল না। কারণ তাঁহার বৈঠকখানায় লোকজনের আনাগোনা দেখিয়া প্রতিদিন দু’একজন মাথলাকারী আসিয়া তাঁহাকে উকিল নিযুক্ত করিতে লাগিল।

এই সব ঝামেলার মধ্যে বহিরের পড়াশুনার বড়ই ব্যাঘাত হইতে লাগিল।

এখন আর উকিল সাহেব গ্রামদেশে বক্তৃতা করিতে খান না বলিয়া তাহার ভাগ্যে প্রতি রবিবারে খে ভাল খাবার জুটিত তাহা বন্ধ হইয়া গেল। দুই বেলা সামান্ত ডাল ভাত খাবার খাইয়া তাহার শরীর দিনে দিনে ক্লান্ত হইতে লাগিল। স্কুলের ছুটির পর এমন ক্লান্ত লাগে। তখন সে নিকটস্থ জলের কল হইতে এক গ্লাস জল আনিয়া ঢোক ঢোক করিয়া গলে। তাহাতে উপস্থিত পেটের ক্লান্ত নিবারণ হয় বটে, কিন্তু, গালি পেটে জল খাইয়া মাঝে মাঝে বেশ পেটে ব্যথা হয়। সন্ধ্যাবেলা বই-পুস্তক সামনে লইয়া বসে আর খড়ির দিকে চাহে। কখন নয়টা বাজিবে। কখন উকিল সাহেব অন্তরে ঢুকিবেন। বাড়ির চাকর যখন অল্প পরিমাণ ভাত আর সামান্ত ডাল লইয়া তার ঘরে ঢোকে তখন তার মনে হয় কোন ফেরেস্তা যেন তাহার অগ্র বেহেস্তী থানা লইয়া আসিয়াছে। সেই ডালভাত সম্পূর্ণ খাইয়া সে টিনের থালাখানা ধুইয়া যে জলটুকু পায় তাহাও খাইয়া ফেলে।

কতদিন রাজে ঘুমাইয়া ঘুমাইয়া স্বপ্নে দেখে কোথায় যেন সে গিয়াছে। তাহার মায়ের ইতাই দেখিতে একটি মেয়ে কত ভাল ভাল খাবার নিজ হাতে তুলিয়া তাহাকে খাওয়াইতেছে। ঘুম ভাঙিলে সে মনে মনে অস্থতাপ করে, আহা! আর যদি একটু ঘুমাইয়া থাকিতাম তবে আরও কিছুকণ ধরিয়া সেই ভাল ভাল খাবারগুলি খাওয়ার আনন্দ পাইতে পারিতাম। শহরের কোথাও মিলাদ হইলে সে স্বেযোগ পাইলেই রবাহূত ভাবে সেখানে যায়। তার নিজ গ্রামে কোথাও মিলাদ হইলে সমবেত লোকদিগকে ত্বরীভোজন করানো হয়। শহরের মিলাদে সেরূপ খাওয়ানো হয় না। কোথাও শ্রোতাঙ্গির হাতে মাড় চার পাঁচখানা বাতাসা বা একখানা করিয়া জ্বিলাপী দেওয়া হয়। শুধু এই সামান্ত দু'একখানা বাতাসা বা জ্বিলাপীর লোভই সে মিলাদে যায় না। ওয়াজ করিবার সময় মৌলবী সাহেব যখন বেহেস্তের বর্ণনা করেন, সেই বেহেস্তে গাছে গাছে সন্দেশ, রসগোল্লা ধরিয়া আছে। ইচ্ছামত পাড়িয়া খাও। হাত বাড়াইলেই বেহেস্তী মেওয়ার গাছের ডাল নামিয়া আসে। কত আনন্দ, বেদানা, ডালিম! মাঝে মাঝে আর কত খাইবে। এই সব বর্ণনা শুনিতে তার ক্লান্ত দেহে কোথাকার যেন তৃপ্তিতে ভরিয়া যায়। বোধ হয়, এই ভ্রমই গ্রামের অনাহারী লোকদের কাছে মিলাদের মত এক এত আকর্ষণীয়।

কিন্তু খাবার চিন্তা করিলেই ত বহিরের চলিবে না। তাহাকে যে বড় হইতে হইবে। বড় ডাক্তার হইতে হইবে। পাঠ্য-পুস্তকের অবাধ্য কথাগুলিকে সে বার বার পড়িয়া আয়ত্ত করে। লাইট পোস্টের নীচে কোন কোন সময়ে

সে সারা রাত্রি দাঁড়াইয়া দাঁড়াইয়া পড়ে। স্কুলের ছুটির পর অবসর সময়ে সে যে কোথাও বেড়াইতে বাইবে তাহার উপায় নাই। এখন লোকজনের বেশী আনাগোনা হওয়ায় উকিল সাহেবের বাড়ির ফুট-ফরমাস, কাজকর্ম আরও অনেক বাড়িয়াছে। এই ত শহরের কাছেই রহিমদী দাদার বাড়ি—মিনাজ্জদী মাতব্বরের বাড়ি। কতবার সে ভাবিয়াছে তাহাদের ওখানে যাইয়া বেড়াইয়া আসিবে; কিন্তু কিছুতেই ফুরসত করিয়া উঠিতে পারে নাই।

চরিত্রবশ

দেখিতে দেখিতে গ্রীষ্মের ছুটি আসিয়া পড়িল। বছির বউ-পাত্র লুঙ্গীতে বাঁধিয়া বাড়ি বলিয়া রওয়ানা হইল। পথে চলিতে চলিতে পথ যেন আর ফুরায় না। মায়ের জন্ত, পিতার জন্ত তাহার মন কাঁদিয়া উঠে। আহা! মা যেন কেমন আছে! যদি তার কোন অস্থখ করিয়া থাকে, হয়ত সেই অস্থখের মধ্যে মা তার নাম করিয়া প্রলাপ বকিতেছে। যত সব অলুক্ষে কথা তার মনে আসিয়া উদয় হয়। যতই সে ভাবে এ সব কথা সে মনে আনিবে না, ততই এই সব কথাগুলি কে যেন তার মনের পর্দায় বিদ্ধ করিয়া দিয়া যায়। বছির আরও জোরে জোরে পা ফেলায়।

সন্ধ্যা হইবার ষণ্টাকানেক আগে সে বাড়ি আসিয়া পৌছিল। মা রান্না করিতেছিল। তাড়াতাড়ি উঠিয়া আসিয়া তাহার গা মুখ ঝাঁচলে মুছাইয়া দিল। ঘরের বারান্দায় আনিয়া বসাইয়া তালের পাগা লইয়া ছেলেকে বাতাস করিতে লাগিল। আহা! ছেলের শরীর কেমন রোগা হইয়া গিয়াছে। ‘হারে! সেহানে দুই ব্যালা প্যাট ভইরা খাইবার ত পাস। তোঁর চেহারা এমুন খারাপ হয় গ্যাছে ক্যান?’

ছেলে মিথ্যা করিয়া বলে, ‘মা! তুমি কও কি? শহরে উকিল সাহেবের বাড়ি। কত সন্দেশ, রসগোল্লা গড়াগড়ি যায়।’

‘তব্ব তোঁর চেহারা এমুন খারাপ ঐল ক্যান?’

‘মা তুমি কি কও? সেহানে দিন রাইত জাইগা জাইগা পড়ি। তব্ব চেহারা খারাপ অবি না?’

এমন সময় আজাহের মাঠ হইতে আসিয়া উপস্থিত হইল। মা স্বামীকে

দেখিয়া মাথার অপরিসর ঘোমটাটি টানিয়া লইতে বুখা চেঁচা করিয়া বলিল,
'দেহ, কিডা আইছে ? স্নাহেবারে শুহায়া কাঠ হয়া আইছে ।'

'তুমি যাও । উয়ার জন্ত খাওনের জোগাড় কর ।' মা তাড়াতাড়ি খাবার বন্দোবস্ত করিতে গেল । বহুদিন পরে বছির বাড়ি আসিয়াছে । নারকেল গাছের তলায় নারকেল ফুলের কি যেন এক রকম স্বাস । বনের গাছে গাছে নানা রকমের পাখি ডাকিতেছে । মুক মাটি যেন তাহাদের কণ্ঠে আপন ভাষা ভুলিয়া দিয়া নীরবে শুনিতেছে ! সারাদিনের পরিশ্রমে শান্ত বছির অল্প সময়েরই ঘুমাইয়া পড়িল ।

পরদিন সকালে ফুলু বেড়াইতে আসিল । ফুলু এখন কত সুন্দর হইয়াছে দেখিতে । হলদে রঙের একখানা শাড়ী পরিয়াছে । তাহাতে তাহার গায়ের রঙ যেন আরও খুলিয়াছে !

'বছির বাই ! তুমি আইছ খবর পায়্যাট তোমারে দেপতি আইলাম ।' সুন্দর ভঙ্গীতে বলিয়া ফুলু দুই হাতে বছিরের পা ছুঁইয়া সালাম করিল । যেন কোন পীর সাহেবের তার একান্ত ভক্ত সালাম জানাইতেছে ।

বছির বলিল, 'কি রে ফুলু ! কেমন আছিস ?'

কোথাকার লজ্জা আসিয়া যেন তাহার সকল কথা কাড়িয়া লইল । বছিরের মায়ের ঝাঁচল মুখে জড়াইয়া ফুলু ফেবলই খামিতে লাগিল ।

বছির তাহাকে আবার জিজ্ঞাসা করিল, 'চাচী কেমন আছে রে ? তোরে ত আমি বই দিয়া গেছিলাম পড়বার । পড়ছাস ত ?'

এ কথাও ফুলু কোন উত্তর দিতে পারিল না । বছিরের ... উত্তর করিল, 'পড়ছে না ? হগল বই পইড়া ফালাইছে ।'

বছির বলিল, 'এবার তোর জন্তি আর একখানা বই আনছি । দেখ কেমন ছবিওয়াল ।'

এই বলিয়া বছির তার বই-পত্রের বৌচকা খুলিয়া একখান ছোট বই বাহির করিয়া দিল । ফুলু বইখানা উল্টাইয়া পাণ্টাইয়া দেখিতে তাহার মুখে মুহূ লজ্জা মিশ্রিত হাসি ফুটিয়া উঠিল । বছিরের মা দুই সাজীতে করিয়া মুড়ি আনিয়া বছির ও ফুলুর হাতে দিয়া বলিল, 'তোরা খা । আমি ইচ্ছায়া ত্যাগ পানি লয়া আসি ।'

এবার ফুলুর মুখ খুলিল, 'বছির বাই ! তুমি এবার এত দেরী কইয়া আইলা ক্যান ? আমি সব সময় তোমার পথের দিকে চায়া থাকি । ওই মাঠ দিয়া জামা কাপড় পরা কেউ আইলি বাবি, এই বুজি বছির বাই আসত্যাছে ।'

এই বলিয়া ফুলু কান্দিয়া ফেলিল। বহির ফুলুর আঁচল দিয়া তার মুখ মুছাইতে মুছাইতে বলিল, ‘আমারও বাড়ি আসপার জন্তি মন ছুইটা আইত, কিন্তুক পড়াশুনার এত চাপ যে কিছুতেই বাড়ি আসপার পারলাম না। এবার বাড়ি আইসা অনেকদিন থাকপ।’

ফুলু তখন আঁচলের ভিতর হইতে একটু কাপড় বাহির করিয়া বলিল, ‘দেহ বহির বাই! তুমার জন্তি একখান কুমাল বানাইছি।’ কুমালখানা মেলিয়া ধরিয়া বহির বলিল, ‘বারি ত সুন্দর ঐছে রে। কি সুন্দর ফুল বানাইছাস? এ কিরে তুই যে মুড়ি খাইতাছাস না? আয় দুই জনের মুড়ি একস্তর কইরা আমরা গাই।’ এই বলিয়া বহির নিজের মুড়িগুলি ফুলুর সাজিতে ঢালিয়া দিয়া দুইজনে খাইতে বসিল। খাওয়া শেষ হইলে ফুলু বলিল, ‘বহির বাই! আমার সঙ্গে আইস।’ এই বলিয়া বহিরকে টানিতে টানিতে বড়ুর কবরের পাশে লইয়া আসিল। এখানে আসিলে দুইটি কিশোর হিয়া যেন বড়ুর বিয়োগ ব্যথায় এক হইয়া যায়। বহির চাহিয়া দেখিল, বোনের কবরের উপরে সেই ফুল গাছটির প্রায় সবগুলি ডাল বেড়িয়া সোনালতা জড়াইয়া আছে। ফুলুর তাজমহল ধীরে ধীরে প্রসারিত হইতেছে কিন্তু বহিরের তাজমহল ত শুধু সোনালতার শোভায়ই শেষ হইবে না। সে যে ছেলে। তাকে জীবনের তাজমহল গড়িতে হইবে। আরও বেশী করিয়া পড়াশুনা করিতে হইবে। আরও বহুকষ্ট করিতে হইবে। বহুদিন আধপেটা খাইয়া থাকিতে হইবে। জীবনের সম্মুখে সূদীর্ঘ কঁটক পথ লইয়া সে আসিয়াছে। এই পথের মোড়ে মোড়ে অবহেলা—অপমান—অনাহার—বুত্কা—সব তাকে অতিক্রম করিয়া চলিতে হইবে।

বহুকণ দুইজনে নীরবে সেই কবরের পাশে বসিয়া রহিল। দুইজনের চোখ হইতেই ফোঁটায় ফোঁটায় অশ্রুধারা গড়াইয়া পড়িয়া কবরের মাটি সিক্ত করিতে লাগিল। এই যুক কবরের তলা হইতে বড়ু যেন জাগিয়া উঠিয়া বহিরের কানে কানে বলিতেছে, ‘মিঞা ভাই! পানি পানি করিয়া আমি মরিয়াছি। তুমি এমন কাজ করিও, আমার মত আর কাউকে যেন এমন পানি পানি কইরা মস্ত্রিতি না হয়।’ মনে মনে বহির আবার প্রতিজ্ঞা করিল, ‘সোনা বইন, তুমি ঘুমাও! আমি জাগিয়া রহিব। যতদিন না আমি তোমার মত সকল ভাই-বোনের হুঃখ দূর করিতে পারি ততদিন আমি জাগিয়া থাকিব। হুঃখের অনল দাহনে নিজের সকল শাস্তি—সকল আরাম আয়াস তিলে তিলে দান করিব। সোনা বইন! তুমি ঘুমাও—ঘুমাও!’

ভাবিতে ভাবিতে বহির উঠিয়া পাড়াইল। ফুলু তাহার সঙ্গে সঙ্গে আসিল। ফুলু ভাবিয়াছিল, বহির ভাইকে সে সঙ্গে লইয়া বনের ধারে ডুমকুর ফল টুকাইবে। সে নিজে পাকা ডুমকুরের এক গাছ মালা গাঁথিয়া তাহার গলায় পরাইয়া দিবে। সেই মালা পাইয়া তাহাকে সুখী করিবার জন্ত বহির গাছে উঠিয়া তাহার জন্ত কানাই লাঠি পাড়িয়া দিবে। কিন্তু বহিরের মুখের দিকে চাহিয়া সে কোন কথাই বলিতে পারিল না। ধীরে ধীরে বাড়ি পৌছিয়া বহির তাহার বই-পুস্তক লইয়া বসিল। ফুলু অনেকক্ষণ পাড়াইয়া থাকিয়া একটা দীর্ঘ নিঃশ্বাস ছাড়িয়া সেখান হইতে চলিয়া গেল।

দেখিতে দেখিতে গ্রীষ্মের ছুটি ফুরাইয়া আসিতেছে, কিন্তু বহির একদিনও তার বই-পুস্তক ছাড়িয়া ঘরের বাহির হইল না। শহরে থাকিতে সে কত জল্পনা-কল্পনা করিয়াছে! দেশে যাইয়া এবার সে সজ্জার কাঁটা টুকাইতে গভীর জঙ্গলে যাইবে। ঘন বেতের কোপের ভিতর হইতে বেথুন তুলিয়া আনিবে। তল্লা বাঁশের বাঁশী বানাইয়া পাড়া ভরিয়া বাজাইবে। বাঁশের কচি পাতা দিয়া নখ গড়িয়া ফুলুকে নাকে পরিতে বলিবে, কিন্তু ছুটির কয়দিন সে তার বই-পুস্তক ছাড়িয়া একবারও উঠিল না। সন্ধ্যা হইলে সামনের মাঠে যাইয়া বসে। তখনও পাঠ্য-বই তার কোলের উপর।

ফুলু কতবার আসিয়া ঘুরিয়া যায়। ডুমকুর গাছ ভরিয়া কাঁটা। সেই কাঁটায় ক্ষত-বিক্ষত হইয়া ফুলু পাকা ডুমকুর তুলিয়া মালা গাঁখে। তারপর মালা লইয়া বহিরের সামনে আসিয়া অনেকক্ষণ পাড়াইয়া থাকে। বহির একবারও তাহার দিকে ফিরিয়া চাহে না। বহুকাল এভাবে থাকিয়া সে একটা দীর্ঘ নিঃশ্বাস ফেলিয়া চলিয়া যায়। যাইবার সময় বহিরের মা ডাকে, 'ও ফুলু! এহনি যে চলি? আয়, তোর মাথার চুল বাইন্দা দেই।'।

ফুলু ফিরিয়া চাহিয়া বলে, 'না চাচী! আমার চুল বাঁকান লাগবি না। বাড়িতি আমার কত কাম পইড়া আছে। মা যেন আমারে কত গাইল-মন্দ করত্যাছে! আমি এহন যাই।'।

বাইতে বাইতে সেই ডুমকুর গাছটির তলায় যাইয়া ফুলু সস্ত-গাঁথা মালা-গাছটিকে ছিঁড়িয়া কুটি কুটি করে। তারপর কোন্ সাত সাগরের জল আসিয়া তার দুই চক্ষে চলিয়া পড়ে। অতঃক্ মেয়ে। কি তার মনে ভাব কে বলিতে পারে!

পাঁচিশ

বাড়ি হইতে শহরে আসিয়া বহির অনেক খবর পাইল, কমিরন্দী সরদারের নামে জমিদার খাজনার নালিশ করিয়াছেন। তা ছাড়া সেদিনের মারামারি উপলক্ষ করিয়া থানার পুলিশ তাহাকে ও তাহার ছেলেকে গ্রেফতার করিয়াছে। এইসব মামলার তদবির-তালানী করিতে কমিরন্দী সরদারকে তার এত সখের দৌড়ের নৌকাখানা অতি অল্প টাকায় বিক্রী করিতে হইয়াছে। কারণ আশে পাশের গ্রামগুলিতে উকিল সাহেবের লোকেরা প্রচার করিয়া দিয়াছেন, মুসলমান হইয়া যাহারা নৌকা বাইচ খেলাইবে তাহারা দোজখে বাইয়া জলিয়া-পুড়িয়া মরিবে, আর তাহাদিগকে একঘরে করিয়া রাখা হইবে। সুতরাং মুসলমান হইয়া কে সেই বাইচের নৌকা কিনিবে! সাদীপুরের এচ্ছেম বেপারী মাত্র ষাট টাকা দিয়া এত বড় নৌকাখানা কিনিয়া সেই নৌকা লইয়া এখন পাটের ব্যবসা করিতে আরম্ভ করিয়াছে। গ্রামের লোকেরা এখন আর কমিরন্দী সরদারের কথায় ওঠে বসে না। তাহারা নানা দলে বিভক্ত হইয়া একে অপরের ক্ষতি করিতে চেষ্টা করিতেছে। গ্রামে ঝগড়া মারামারি লাগিয়াই আছে। আজ উঁহার পাটের খेत ভাঙিয়া আর একজন ধান বুনিয়া বাইতেছে। কেহ লাঙল বাহিবার সময় পার্শ্ববর্তী লোকের জমির কিছুটা লাচলের খোঁচায় ভাঙিয়া লইতেছে। এইসব উপলক্ষে বহুলোক রমিজন্দীন সাহেবের বাসায় বাইয়া মামলা দায়ের করিতেছে। উকিল সাহেবের পশার এত বাড়িয়াছে যে এখন আর তিনি গ্রাম দেশে নিজে বাইয়া বক্তৃতা করিবার অবসর পান না। আজুমানের ইসলামের মৌলবী সাহেবরা এ-গ্রামে সে-গ্রামে বাইয়া যথারীতি বক্তৃতা করেন। মাঝে মাঝে উকিল সাহেব আজুমানের ইসলামের জমাত আহ্বান করেন। গ্রামের লোকদের নিকট হইতে টাকা তুলিয়া সেই টাকায় কলিকাতা হইতে বক্তা আনাইয়া বক্তৃতা করান। চারিদিকে উকিল সাহেবের জয় জয়কার পড়িয়া যায়। ডিস্ট্রিক্ট বোর্ডের ইলেক্‌সনে উকিল সাহেব বহু ভোট পাইয়া মনোনীত হইয়াছেন। উকিল সাহেবের বাসায় লোকজনের আরও ভিড়।

এইসব গুণগোলে বহিরের পড়াশুনার আরও ব্যাঘাত হইতে লাগিল।

রাস্তার লাইট পোস্টের সামনে দাঁড়াইয়া দাঁড়াইয়া পড়াশুনা করিতে রাজ জাগিয়া তাহার শরীর আরও খারাপ হইয়া পড়িল।

এক শনিবার বহির বাড়ি যাওয়ার নাম করিয়া সন্ধ্যাবেলা আরজান ফকিরের বাড়ি বাইয়া উপস্থিত হইল। ফকির তাহাকে স্নেহে ধরিয়া একটি মোড়ার উপর আনিয়া বসাইল। ফকিরের বউ আসিয়া আঁচল দিয়া তাহার মুখ মুছাইতে মুছাইতে বলিল, ‘আমার বাজান বুঝি তার ম্যায়ারে দেখ্‌পার আইছে? ও বাজান! এতদিন আস নাই ক্যান?’

এই মেয়েটির কথায় যেন স্নেহের শতধারা বহিয়া বাইতেছে। তাহার মা বড়ই লাজুক। ছেলেকে আড়াল-আবডাল হইতে ভালবাসে। এই মেয়েটির মত এমন মিষ্টি করিয়া কথা বলিতে পারে না। আজ এমন স্নেহ-মমতার কথা শুনিয়া বহিরের চোখ হইতে জল গড়াইয়া পড়িতে চাহে।

ফকির বলিল, ‘বাজানরে ক্যাবল মিঠা মিঠা কতা শুনাইলিই চলবি না। এত দূরের পথ হাঁটা আইছে। কিছু খাণের বন্দোবস্ত কর।’

‘তাই ত। আমার ত মনেই পড়ে নাই। বাজান! তুমি বইয়া ফকিরের লগে কতা কও। আমি আইত্যাছি!’ তাড়াতাড়ি ফকিরের বউ এক বদনা জল আনিয়া দিল হাত পা ধুইতে। তারপর সাজিতে করিয়া কিছু মুড়ি আর একটু গুড় আনিয়া বলিল, ‘বাজান খাও।’ যতক্ষণ বহির গাইল ফকিরের বউ এক দৃষ্টিতে তাহার মুখের দিকে চাহিয়া রহিল। সুন্দর শ্রামল মুখখানি বহিরের। কচি ধানপাতার সমস্ত মমতা কে যেন সেখানে মাখাইয়া দিয়াছে। ফকিরদের সম্মান হইতে নাই। কিন্তু এই কিশোর বালকটিকে গিরিয়া কোন স্নেহের শতধারায় যেন তার সমস্ত অন্তর ভরিয়া বাইতেছে। ঘরে ত বিশেষ কিছু খাবার নাই। সামান্য কিছু আতপ চাউল আর গুড় যদি থাকিত, তবে সে মনের মত করিয়া কত রকমের পিঠা তৈরী করিয়া এই কিশোর-দেবতাটির ভোগ দিত। টাটকা মুড়ি চিবাইতে চিবাইতে বহিরের মুখে যে শব্দ হইতেছিল; একান্তে বসিয়া ফকির-বউ সেই শব্দ শুনিতে লাগিল। ফকিরের গারিন্দা বাজানও বুঝি কোনদিন তার কাছে এমন মিষ্টি লাগে নাই।

খাওয়া শেষ হইলে ফকিরের বউ বলিল, ‘বাজান! তোমারে কিংবা খাওয়াইমু। যার লগে আমারে বিয়া দিছিল, হে আমারে বালুর চরায় ঘর বাইন্যা দিছে। একটা ঢেউ আইসাই ঘর ভাইকা যাবি। কি ঠগের লগেই আমারে জুইড়া দিছিল, শিশিরের গয়না দিল গায়—না দেখতেই সে গয়না উইবা গেল, কুয়াশার শাড়ি আইন্না পরাইল, গায়ে না জড়াইতেই তা বাতাসে

উড়ায় নিল। শুধু সিন্ধুর সিন্দুরখানিই কপাল ভইরা আগুন জ্বাইলা রইল।’

এই বলিয়া ফকির-বউ গান ধরিল। ফকিরও সারিন্দা বাজাইয়া তাহার সঙ্গে যোগ দিল।

কে বাসরে রঙিলা মাঝি !

সামের আকাশেরে দিয়া,

আমার বাজানরে কইও খবর,

নাইওরের লাগিয়ারে।

গলুইতে লিখিলাম লিখন সিন্ধুর সিন্দুর দিয়া,

আমার বাপের দেশে দিয়া আইস গিয়া

—রে রঙিলা মাঝি !

আমার বুকের নিঃশ্বাস পালে নাও ভরিয়া,

ছয় মাসের পন্থ যাইবা ছয় দণ্ডে চলিয়া,

—রে রঙিলা মাঝি !

গান গাহিতে গাহিতে ফকির আর ফকিরনী কাঁদিয়া আকুল হইতেছিল। মাঝে মাঝে গান থামাইয়া ফকির সারিন্দা বাজাইতে ছিল আর ফকিরনী চোখের জল ফেলিতেছিল।

পরের ছেলের সঙ্গে বাজান আমায় দিলা বিয়া,

একদিনের তরে আমায় না দেখলা আসিয়া।

এই গান শেষ করিয়া ফকিরনী বলিল, ‘বাজান ! একদিনও ত ম্যায়ারে দেখতি আইলা না। আমি যে কত পন্থের দিগে চায়া থাহি।’ ফকিরী-কথার যে অন্তর্নিহিত ভাব বহির তাহা বুঝিতে পারে না কিন্তু গানের হৃদের কি এক মাদকতা তাহাকে যেন পাইয়া বলিল।

বহিরকে কোলের কাছে বসাইয়া ফকিরনী আবার গান ধরিল,

ও তুমি আমারে বারায় গেলারে

কানাই রাখাল ভাবে।

তোরো মা যে নন্দ রানী,

আজকে কেন্দ্রে গোপাল পাগলিনীয়ে ;

—কানাই রাখাল ভাবে।

এখন কুখার হয়েছেরে বেলা,

তুমি ভেঙে আইস গোঠের খেলারে ;

—কানাই রাখাল ভাবে।

কতদিন যে নাহি শুনি,
 তোরো মুখে মা বোল ধ্বনিরে,
 —কানাই রাখাল ভাবে ।

এই গানের পিছনে হয়ত কত গভীর কথা লুকাইয়া আছে তাহা বহির
 বুঝিতে পারে না । কিন্তু গানের সুরে সুরে এই পুজ-হীনা মেয়েটির সমস্ত
 অন্তর স্নেহের শতধারা হইয়া তাহার দেহে-মনে বণিত হইতেছে তাহা যেন
 আবছা আবছা সে বুঝিতে পারে ।

গান শেষ করিয়া ফকিরনী বলিল, ‘বাজান ! আইজ তুমি আমাগো এখানে
 বেড়াও । রাত্তিরে আরও অনেক লোক আসপ্যানে । তোমাংরে পরান বইয়া
 গান শুনাবানে ।’

ফকিরনীর কথায় এমন মধুঢালা যে বহির না বলিতে পারিল না । ফকির
 তার সারিন্দায় নতুন তার লাগাইতে বসিল । বহির উঠানে দাঁড়াইয়া এ-দিক
 ও-দিক দেখিতে লাগিল । ছোট্ট একখানা বাঁকা দুইচালা ঘর ফকিরের । তার
 সঙ্গে একটি বারান্দা । সেখানে সাত আটজন লোক বসিতে পারে । সামনে
 সামনে ছোট্ট উঠানখানা স্থনিপুণ করিয়া লেপা-পোছা । তারই পাশে লাউ
 কুমড়ার জাঙলা । কত লাউ ধরিয়াছে । ও-ধারের জাঙলা ভরিয়া কনে
 সাজানী শিমলতা লালে-নালে মেশা রঙে যেন সমস্ত উঠানখানি আলো করিয়া
 আছে । ও-ধারে শিমুল গাছে কত ফুল ফুটিয়া বরিয়া পড়িতেছে । গাছের
 ডালে ডালে কুটুম পাখি—বউ কথা কও পাখি, ডাকিয়া ডাকিয়া এইসব ফুলের
 রঙ যেন গানের সুরে ভরিয়া মহাপুত্রের উপর নজ্রা আবিতেছে । বাড়ির
 সামনে দিয়া গ্রাম্য-হালটের পথ দূরের মাঠ পার হইয়া আকাংক্ষা কোলে
 কালো কাজল রেখায় আঁকা অজানা কোন গ্রামে মিশিয়া কোথায় উখাও হইয়া
 গিয়াছে । সেই পথের উপর এখানে সেখানে গরুর পাল লইয়া রাখাল ছেলেরা
 নানারূপ শব্দ করিয়া ঘরে ফিরিতেছে । কোন কোন রাখাল গ্রাম্য-যাত্রায়
 গাওয়া কোন বিলম্বিত লয়ের গানের একটি কলি বার বার গাহিয়া গোষ্ঠীর
 উদাস মেঘে ভরা সমস্ত আকাশখানিকে আরও উদাস করিয়া দিতেছে । গরুর
 পায়ের ধ্বনির শব্দ সেই গানের সঙ্গে যেন তাল মিলাইতেছে । পিছনে যে
 ধূলি উড়িয়া বাতাসে ভাসিতেছে তাহার উপরে সন্ধ্যার রঙ পড়িয়া কি এক
 উদাস ভাব বদলে আগাইয়া দিতেছে । বহির মনে মনে ভাবে, ফকিরের এই
 গ্রামখানার মাঠ, ঘাট, পথ, বাড়ি-ঘর, ফুল-ফলের গাছ সকলে মিলিয়া যেন
 বৃহত্তর একটি সারিন্দা-যন্ত্র । এই যন্ত্র সকালে বিকালে রাতে প্রভাতে এক এক

সময় এক এক স্তরে বাজিয়া সমস্ত গ্রামের মর্ম-কথাটি যেন আকাশে বাতাসে ছড়াইয়া দেয়। তারই ক্ষুদ্র প্রতীক করিয়া গ্রাম্য-ফকির তাহার সারিন্দাটি গড়িয়া লইয়াছে। তাহার স্তরের মধ্যেও গ্রামের প্রাণ-স্পন্দন শোনা যায়।

দেখিতে দেখিতে চারিদিক অন্ধকার করিয়া রাত্র আসিল। কোন্ গ্রাম্য-চাষীর মেয়েটি যেন আকাশের নীল কাঁথাখানার উপর একটি একটি করিয়া তারার ফুল বুনট করিয়া তুলিতেছিল। তাহারই নকল করিয়া সমস্ত গ্রামের অন্ধকার কাঁথাখানার উপর একটি একটি করিয়া সাক্ষ্য-প্রদীপের নক্সা বুনট হইতেছিল। ছোট্ট ছেলে বহির। অত শত ভাবিতে পারিল কিনা জানি না কিন্তু বাহিরের এই স্বন্দর প্রকৃতি তার অবচেতন মনে কি এক প্রভাব বিস্তার করিয়া রাত্রের গানের আসরের জন্ত তাহার অন্তরে উপযুক্ত পরিবেশ তৈরী করিতেছিল। উদাস নয়নে বহির বাহিরের আকাশের পানে বহুক্ষণ চাহিয়াছিল। ফকিরনীর গান শুনিয়া তাহার চমক ভাঙিল।

ক্ষুধার হয়েছে বেলা

এখন ভাইজা আইস গোঠের খেলায়ে

—কানাই রাখাল ভাবে।

‘আমার গোপাল! মুখখানি খিদায় মৈলাম হয়। গ্যাছে। বাজান! চল খাইবার দেই।’ আঁচল দিয়া জড়াইয়া ধরিয়া ফকিরনী বহিরকে ঘরে লইয়া গেল। মাটির সানকীতে করিয়া ভাত আর লাউ শাক। পাতের এক পাশে দুইটা কুমড়া-ফুল ভাজা! এই সামান্ত খাবার। ফকিরনী বলে, ‘বাজান! আর কি খাওয়াব তোমারে। আমার গোপালের ভোগে এই শাক আর ভাত।’

বহির আন্তে আন্তে খায়। ফকিরনী পুত্র-স্নেহের ক্ষুধার্ত দৃষ্টি লইয়া তাহার মুখের দিকে চাহিয়া থাকে। বহিরের খাওয়া যখন শেষ হইয়াছে, ফকিরনী গান ধরিল,—

কি দিগ্গে ভজিব তোরা রাঙা পায়,

আমার মনে বড় ভয় দয়ালয়ে।

গানের সুর শুনিয়া ফকির তাহার সারিন্দা বাজাইয়া ফকিরনীর কণ্ঠে কণ্ঠ মিলাইল। ফকিরনী গাহিতে লাগিল,

হৃদয় দিয়া ভজিব তোরে

সেও হৃদয় বাছুরিতি খায়।

চিনি দিয়া ভজিব তোরে

সেও চিনি পিঁপড়ায় লইয়া যায়।

কলা দিয়া ভজিব তোরে
সেও কলা বাছুরিতি খায় ।
মন দিয়া ভজিব তোরে
সেও মত অন্ত পথে ধায় ।

দয়ালরে—

আমি কি দিয়া ভজিব তোর রাঙা পায় ।

ফকিরনীর এই রকম ভাব-সাব দেখিয়া বছিরের বড়ই লজ্জা করে । সে বুঝিতে পারে না, তাহাকে উপলক্ষ করিয়া তাহারা একরূপ করে কেন ? ফকিরানী নিজে বছিরের হাতমুখ ধোয়াইয়া আঁচল দিয়া তাহার মুখ মুছিয়া দিল । তারপর তাহারা দুইজনে খাইতে বসিল ।

ইতিমধ্যে ও-পাড়া হইতে ফকিরের দুই তিনজন শিষ্য আসিল, সে-পাড়া হইতে জয়দেব বৈরাগী তাহার বৈঠমীকে সঙ্গে করিয়া আসিল । জয়দেবের কাঁধে একটি দোতারা । সে আসিয়াই দোতারায় তার বোজনা করিতে লাগিল । ফকির হাতমুখ ধুইয়া তাহার সারিন্দা লইয়া বসিল । সারিন্দার তারগুলি টানিয়া ঠিক করিতে করিতে শিষ্যদ্বিগকে বলিল, ‘আইজ আমার শব্দর আইছে গান হুনবার । তোমরা বাল কইরা গীত গাইও ।’

জয়দেব বছিরের লাবণ্যভরা শ্রামল মুখখানির দিকে কিছুক্ষণ চাহিয়া থাকিয়া বলিল, ‘আপনার শব্দর কিন্তু আমার কাছে আমার কেটে ঠাকুর । আইজ বৃন্দাবন ছাইড়া আইছে আমাগো ব্রজবাসীগো অবস্থা দেখপার জন্তি । দেখছেন না, কেমন টানা টানা চোখ ঠাকুরের । আর গায়ের রূপে যেন তমাল লতার বন্ধক । এবার হাতে একটা মোহন বাঁশী থাকলেই একেবা’ সাক্ষাৎ কেটে ঠাকুর হৈত । মাছবের মধ্যেই ত রূপে রূপে বিরাজ করেন তিনি । যারে দেইখ্যা বাল লাগে তারির মন্দিই ত আইসা বিরাজ করেন ঠাকুর ।’

ফকির বলিল, ‘এবার তবে আমার শব্দরকে গান শুনাই ।’ প্রথমে বন্দনা গান গাহিয়া ফকির গান ধরিল,

কে মারিল ভাবের গুলি
আমার অন্তর মাঝারে,
এমন গুলি মাইয়া চইলা গ্যাল
একবার দেখল নজর করে ।

জগাই বলে ওরে মাধাই ভাই !
শিকার খেলিতে আইছে গয়ুর নিতাই ;

আমার এত সাধের পোষা পাখি

নিয়া গ্যাল হরণ করে ।

গান গাহিতে গাহিতে ফকির আর গাহিতে পারে না । হাতের সারিন্দা রাখিয়া অঝোরে কান্না করে । সন্দের শিত্তেরা একই পদ বার বার করিয়া গাহে,—

জগাই বলে ওরে মাধাই ভাই !

শিকার খেলিতে আইছে গঘুর নিতাই ;

আমার এত সাধের পোষা পাখি

নিয়া গ্যাল হরণ করে ।

তারপর ফকির গান ধরিল,

ও দীন বন্ধুরে

আমি ভাবছিলাম আনন্দে বাবে দিন ।

বাল্যকাল গ্যাল ধুলায় খেলায়,

আমার বৈবন গ্যাল হেলা ফেলায়,

এই বৃদ্ধকালে ভাঙল দিনের খেলায়ে ।

জজলে জজলে ফিরি,

আমি আইলা ক্যাশ নাহি বান্দি হে ;

আমি তোয়ে জন্তে হইলাম পাগলিনীয়ে ।

ওনেছি তোর মহিমা বড়,

তুমি পাতকী তরাইতে পার হে ;

আমার মতন পাতক কেবা আছে ভবেরে ।

এই গান শেষ করিয়া ফকির আরও কতকগুলি গান গাহিল,

আমার ফকিরের বাড়ি নদীর ও-পারে । এ-পারে বসিয়া আমি তাহার জন্ত কান্দিয়া মরি । হাতে আশা বগলে কোরান সোনার খড়ম পায়ে দিয়া আমার ফকির হাঁটিয়া হাঁটিয়া যায়—তার মুখে যুহু যুহু হাসি । সকলে বলে আমার দয়াল কেমন জনা । আন্ধার ঘরে যেমন কাঞ্চা সোনা জলে, কাজলের রেখার উপর যেমন চন্দনের ছটা, কালিমা মেঘের আড়ে যেমন বিজলির হাসি তেমনি আমার দয়াল চান । তার তালাশে আমি কোন দেশে যাইব !

চাতক হইয়া আমি মেঘের দিকে চাহিয়া থাকি । মেঘ অস্ত্র দেশে ভাসিয়া যায় । আশা করিয়া আমি বাসা বাঁধিলাম । আমার আশা বৃক্ষের ডাল ভাঙিয়া গেল ।

গান গাহিতে গাহিতে ফকির আর গাহিতে পারে না। তাহার সমস্ত
অজ কি এক ভাবাবেশে হুলিতে থাকে। জয়দেব বৈরাগী তখন গান ধরিল,—

আমি বড় আশা কইরা দয়াল ডাকিরে তোরে,

আমি বড় আফসোস কইরা দয়াল ডাকিরে তোরে।

হাপন যদি বাপ মা হইতারে দয়াল চান !

ও লইতা ধূল ঝাইড়া কোলেরে।

কোলের ছেলে দূরে না কেইলারে দয়াল চান !

তুমি রইলা কোন জাশেরে।

যেনা দেশে ঝাইবা তুমিরে দয়াল চান !

আমি সেই দেশে যাবরে।

চরণের নুপুর হয়ারে দয়াল চান !

ও তোমার চরণে বাজিবরে।

গান শেষ হইতে পূর্ব আকাশের কিনারায় শুকতারা দেখা দিল।
ফকিরেরা গান থামাইয়া শর শর বাড়ি চলিয়া গেল। কেহ কাহারও সঙ্গে
একটি কথাও বলিল না। গানের আসরে কি এক মহা বস্তু যেন তাহারা
আজ পাইয়াছে। সকলেরই হৃদয় সেই গানের আবেশে ভরপুর।

ফকিরনী নিজের বিছানার এক পাশ দেখাইয়া বহিরকে বলিল, ‘বাজান।
আইস, শুইয়া পড়।’ বহির শুইলে ফকিরনী তাহার গায়ে বাতাস করিতে
লাগিল। একহাতে মাথার চুলগুলি বিলি দিতে লাগিল। শুইয়া শুইয়া
বহিরের কিঞ্চিৎ ঘুম আসিল না।

দুর্ভাগ্যবর্তী চরের কষণ কুটিরগুলি হইতে ঢেঁকী পাড়ের শব্দ আসিতে লাগিল।
চাষী-মেয়েরা শেষ রাজিতে উঠিয়া ধান ভানিতেছে। শেষ রাজের শীতল
বাতাসে ঢেঁকী পাড়াইতে তত হররান হইতে হয় না। কত রকম স্বরেই যে
মোরগ ডাকিতে লাগিল। চাষীরা এখনই উঠিয়া মাঠে লাঙল দিতে চলিয়াছে।
তাহাদের গরু তাড়াইবার শব্দ কানে আসিতেছে। ক্রমে ক্রমে দিনের
পাখিগুলি গাছের ডালে আগিয়া উঠিল। নদী তীর হইতে চখা-চোখি ডাকিতে
লাগিল। সে কি মধুর স্বর! সমস্ত বালুচরের মনের কথা যেন তাহারা স্বরে
স্বরে ছড়াইয়া দিতেছে।

মাঝে মাঝে এক ঝাঁক বেলে হাঁস আকাশ উড়িয়া কখনো অর্ধ গোলাকার
হইয়া কখনো লম্বা ফুলের মালার মত হইয়া দূর শূন্য পথে ঘুরিতেছিল। ঘরের
বেড়ার ঝাঁক দিয়া বহির দেখিতেছিল।

কর্না হইয়া যখন সকাল হইল বহির উঠিয়া বসিল। ফকিরনী বহিরের হাতমুখ ধোওয়াইয়া তাহাকে সামান্ত কয়টি ভিজানো ছোলা আনিয়া খাইতে দিল।

বিদায়ের সময় ফকিরনী বলিল, ‘বাজান! ম্যায়ারে দেখপার জন্তি কিস্তক আইস। আমি পথের দিগে চায়া থাকপ।’

যতক্ষণ বহিরকে দেখা গেল ফকিরনী ঘরের বেড়া ধরিয়া ঠায় দাঁড়াইয়া রহিল। তারপর সে যখন দূরের বাউ গাছটির আড়ালে অদৃশ্য হইয়া গেল তখন একটি দীর্ঘ নিশ্বাস ত্যাগ করিয়া মাটিতে বসিয়া পড়িল। আহা! এই স্ত্রীমলা রঙের ছেলেটিকে সে কোন্ মায়ায় পাশে বাঁধিবে? আর কি সে আসিবে? তারই গায়ের রঙ মাখিয়া দূরের শস্ত খেতগুলি যেন মায়ায় ছলিতেছে। আকাশের কিনারায় দূরের মেঘগুলি যেন তারই ছায়া গায়ে মাখিয়া অমন পেলব হইয়াছে। গোপাল—আমার গোপাল—আমি যে তোর মা বশোদা! গোঠের খেলা ভঙ্গ করিয়া তুই আমার বৃকে আয়!

ছানিবশ

সেদিন বহির টিনের থালায় করিয়া এক গ্রাস ভাত মুখে দিয়া আর গ্রাস হাতে লইয়াছে এমন সময় উকিল সাহেব তাহার সামনে আসিয়া বলিলেন, ‘খবর পেলাম, তুমি আরজান ফকিরের বাড়ি যেয়ে একরাত কাটিয়ে এসেছ। আমরা তাকে একঘরে করেছি। তার বাড়িতে যেয়ে তুমি ভাত খেয়েছ। আমার এখানে আর তোমার থাকা হবে না। বই-পত্র নিয়ে শিগ্গীর সরে পড়। তোমার মুখ দেখলে আমার গা জ্বালা করে।’ এই বলিয়া উকিল সাহেব অন্ধরে প্রবেশ করিলেন।

বহিরের হাতের ভাত হাতেই রহিল। হতভম্বের মত সে বসিয়া রহিল। কখন যেন হাতের ভাত থালায় পড়িয়া গেল সে টেরও পাইল না। টিনের থালাখানা হাতে করিয়া বহির বাহিরে আসিয়া ভাতগুলি ফেলিয়া দিল। কতকগুলি কাক আসিয়া সেই ভাতগুলি খাইতে খাইতে ছিটাইয়া একাকার করিল। তেমনি করিয়া তাহার বালক-জীবনের অগ্ন্যধিকারকেও কে যেন হু’পারে দলিয়া-শিবিয়া টুকরো টুকরো করিয়া ইতস্ততঃ ছড়াইয়া দিল।

এখন বছির কোথায় যাইবে! কোথায় যাইয়া আশ্রয় পাইবে? বই-পুস্তক নিজের লুপ্তখানায় বাঁধিয়া বছির পথে বাহির হইল। আজ আর ফুলে যাওয়া হইবে না।

শহরের মসজিদে কয়েকটি মাদ্রাসার ছাত্র থাকিত। সেখানে মজিদ নামে একটি ছেলের সঙ্গে তাহার আলাপ হইয়াছিল। সে মসজিদে থাকিয়া পড়াশুনা করিত। ছুটির সময় গ্রামে গ্রামে লোকজনদের কাছে সাহায্য ভিক্ষা করিত। তাই দিয়া শহরের হোটেল একপেটা আধপেটা খাইয়া কোন রকমে তাহার পড়াশুনা চালাইত। তাহার সঙ্গে আরও যে চার পাঁচটি ছাত্র থাকিত তাহারাও এইভাবে তাহাদের পড়াশুনার খরচ চালাইত।

অনেক ভাবিয়া চিন্তিয়া বছির মজিদের আন্তানায় আসিয়া উঠিল মজিদ অতি সমাদর করিয়া চোকির উপর তাহার ময়লা লুপ্তখানা বিছাইয়া বছিরকে বসিতে দিল। সমস্ত শুনিয়া মজিদ বলিল, ‘ভাই! আল্লার ওয়াস্তে তুমি আমার মেহমান হয়। আইছ। তোমার কুহু চিন্তা নাই। আমি তোমাতে আশ্রয় দিলাম।’

বছির বলিল, ‘ভাই! তুমি নিজের পেট ভরিয়া খাইবার পাও না। তার উপরে আমাকে খাওন দিবা কেমন করিয়া?’

মজিদ বলিল, ‘ভাই! আমার কাছে আট আনার পয়সা আছে। চল, ইয়াই দিয়া দুইজনে ভাত খাওয়া আসি। তারপর আর সব কথা শুনবানে।’

বছির জিজ্ঞাসা করিল, ‘এই আট আনা দিয়া তুমি আমাকে খাওয়াইবা। কালকার খাওন কুথায় খেনে আইব?’

উত্তরে মজিদ বলিল, ‘ভাইরে! আইজকার কথা বাই-ই বাঁচি না। কালকার কথা বাবলি ত আমরা গরীব আল্লার দইনা হইলে মুইছা বাইতাম। আমাগো কথা ঐল আইজ বাইচা থাহি। কাইলকার কথা কাইল বাবব। চল বাই, হৈটালত্যা খাওয়া আসি।’

সামনে হাফেজ মিঞার হোটেল। বাঁশের মাচার উপর হোগলা বিছানো। তার এখানে সেখানে দরকারি পড়িয়া দাগ হইয়া আছে। রাশি রাশি মাছি ভন্ ভন্ করিয়া উড়িতেছে। পিছনের নর্দমার সামনে একরাশ এঁটো খালা-বাসন পড়িয়া আছে। কতকগুলি ঘেয়ো কুহু সেখানে কাড়াকাড়ি করিয়া সেই ভুত্বাবশিষ্ট ভাতের উপর পড়িয়া কামড়া কামড়ি করিতেছে। হোটেল-ওয়াল আসিয়া সেই কুহুগুলিকে নির্দয়ভাবে প্রহার করিয়া তাড়াইয়া দিতেছে; আবার তাহারা আসিয়া যথাস্থান দখল করিতেছে।

বহিরকে সঙ্গে করিয়া মজিদ সেই মাচার উপর হোগলার বিছানায় আসিয়া বসিল। হোটেলের চাকর সেই এঁটো থালা বাসনগুলি হইতে চণ্টা-ওঠা ছ'খানা টিনের থালা সামান্ত জলে ধুইয়া নোংরা একখানা কাপড় দিয়া মুছিয়া তাহাদের সামনে দিল। মজিদ বলিল, 'ছুই থালায় তিন আনার করিয়া ভাত আর এক আনার করিয়া ডাল দাও।' তনিয়া হোটেল-ওয়াল হাক্কেজ মিঞা বলিল, 'মিঞা! রোজই শুধু ডাল ভাত চাও? আমার তরকারি বেচণ কার কাছে? আইজকার মত দিলাম, কিছুক আর পাইবা না। ভাত বিকী হয় বায়, তরকারি পইড়া থাকে।'।

মজিদ কথার উত্তর না দিয়া সেই ডাল-ভাত মাখাইয়া ছুইজনে খাইতে বসিল। খাইতে খাইতে মজিদ চাকরটাকে বলিল, 'বাই ত বাল, ছুইড়া কাঁচা মরিচ আর ছুইড়া পেয়াজ আইনা দাও।' চাকর তাহাই আনিয়া দিল। হাক্কেজ মিঞা তাহার দিকে কটমট করিয়া চাহিতে লাগিল। অল্প এতটুকু খালে অর্ধেক ভাতও খাওয়া হইল না। মজিদ হোটেল-ওয়ালাকে বলিল, 'হাক্কেজসাব! আজই এক ছিপারা কোরান শরীফ পইড়া আপনার মা-বাপের নামে বকশায়া দিবানি। আমাগো একটু মাছের ঝোল দেওনের হুকুম করেন।'।

হোটেল-ওয়াল বলিল, 'অত বকশানের কাম নাই। পরস্না আছে যে মাছের ঝোল দিব?'

মজিদ বলিল, 'আমরা তালেব-এলেম মাহুয। আমাগো দিলি আন্না আপনাগো বরকত দিব।' না দিলি আন্না বেজার হবেন।'।

হোটেল-ওয়াল মনে মনে ভাবিল, না যদি দেই তবে হয়ত ইহার। অভিসম্পাত দিবে। শত হইলেও তালেব-এলেম! ইহাদের কথা আন্না শোনে। নিজের অনিচ্ছাসম্মেও সে ছুই চামচ মাছের ঝোল তাহাদের পাতে ঢালিয়া দিল।

খাইয়া লইয়া হোটেল-ওয়ালার ভাতের দাম দিয়া তাহার। আবার সেই মসজিদের ঘরে আসিয়া বসিল। ফুলের বণ্টা কখন পড়িয়া গিয়াছে। তবু বহির বই-পত্র লইয়া ফুলের পথে রওয়ানা হইল।

বিকালে ফুলের ছুটির পর সে মজিদের আন্তানায় কিরিয়া আসিল। তখন মাজালার আর আর ছেলেরাও আসিয়া উপস্থিত হইয়াছে। মজিদ তাহাদের বহিরকে পরিচিত করাইয়া দিল। বাহার। সব সময় অভাবের সঙ্গে যুদ্ধ করিতেছে তাহার।ই অভাবী লোকের হুঃখ সকলের আঁর্নে বুঝিতে পারে। মাজালার ছেলের। সকলেই বহিরকে আপনজনের মত গ্রহণ করিল।

কথার কথার তাহার। আলাপ করিতে লাগিল আজ বিকালে তাহার।

কোথায় খাওয়ার ব্যবস্থা করিবে? ছাত্রদের মধ্যে করিম একটি রোগা-পটকা ছেলে। পড়াশুনা বিশেষ কিছুই করে না কিন্তু কোথায় কাহার বাড়ি কাতোহা হইবে, কোথায় বিবাহ উপলক্ষে ভোজের ব্যবস্থা হইবে, তার সমস্ত খবর সে সংগ্রহ করিয়া আনে। সেই জন্ত সঙ্গী-সাথীরা তাহাকে বড়ই ভালবাসে। মজিদ করিমকে ডাকিয়া জিজ্ঞাসা করিল, ‘করিম ভাই! বল ত আজ তুমি আমাগো জন্তি কুন জায়গায় দাওয়াতের বন্দোবস্ত করছাও?’

করিম বলিল, ‘চিন্তা কইর না বাই! আজ খান বাহাদুর সায়েবের মায়ের ফাতেহা। এহনই চল! খতম পড়তি অবি। বার বার ছিপারা লয়া চল।’

বছির মজিদের কানে কানে বলিল, ‘আমি যে বাই আরবী পড়তি জানি না।’

মজিদ বলিল, ‘আমরাই কি বাল মত জানি বাই? তোমারে একখানা ছিপারা দিব। আমাগো মতন চুইলা চুইলা পড়ার অভিনয় করবা। কেউ টের পাবি না।’

ইতিমধ্যে হোটেলে যাইয়া যে ভাবে মজিদ মাছের ঝোল চাহিয়া লইয়াছে তাহা বছিরের মনঃপুত হয় নাই। এখন আবার আল্লার কোরান শরীফ লইয়া ভণ্ডামী করিতে তাহার কিছুতেই মন উঠিতেছিল না।

সে মজিদকে বলিল, ‘ভাই! তোমরা সগলে যাও। সকালে আমি এত খাইছি যে আমার মোটেই ক্ষিধা নাই। তা ছাড়া আল্লার কালাম লয়া মিথ্যা অভিনয় করবার পারব না।’

মজিদ বলিল, ‘ভাই বছির! আল্লার দইনায় কোনডা সত্য আর কোনডা মিথ্যা কওন বড় মুন্সিল! আমরা যে এমন কইরা আধ পেটা খায়া আল্লার কালাম পড়তাছি আর খান বাহাদুর সাবরা কতক খায় কতক ফেলায়া দ্যায়। একবারও আল্লার নাম মুহি আনে না! এড়াই কি আল্লার হুকুম? আমরা বইসা বইসা কোরান শরীফ পড়ব আর তার ছওয়াব পাইব খান বাহাদুরসাবের মরা মা, এড়াই কি সত্য! বাইরে! আমাগো বাইচা থাকার চায়া সত্য আর দইনায় নাই। অতসব ভাবতি ঐলি আর লেহা পড়া করতি অবি জা। বাড়ি যায়া লাঙল ঠেলতি অবি।’ এই বলিয়া বছিরকে টানিয়া লইয়াই তাহার খান বাহাদুর সাহেবের বাড়ি রওানা হইল।

পরদিন সকালে বছির তার বই-পুস্তক লইয়া পড়িতে বসিল। খান বাহাদুর সাহেবের বাড়ি যাইয়া রাতের খাওয়া ত তাহার খাইয়াই আসিয়াছে। তাহার উপরে এক একজন পাঁচ সিকা করিয়া পাইয়াছে। হুতরাং ছুইদিনের

জন্তু আর তাহাদিগকে ভাবিতে হইবে না।

পরদিন সকালে মসজিদের বারান্দায় আরও অনেকগুলি নূতন তালেব-এলেম আসিয়া যার যার কেতাব সামনে করিয়া স্থর করিয়া পড়িতে লাগিল। বলা বাহুল্য মজিদ ও তার বন্ধুরা আসিয়াও তাহাদের সঙ্গে যোগ দিল। সকলে স্থর করিয়া যখন পড়িতেছিল দূর হইতে মনে হইতেছিল, মসজিদে যেন হাট বসিয়াছে। কিছুক্ষণ পরে ইমাম সাহেব আসিলেন। তাঁহাকে দেখিয়া সকল ছাত্র দাঁড়াইয়া সলামালকি দিল। তিনিও যথারীতি উত্তর প্রদান করিয়া আসন গ্রহণ করিলেন। দুইজন ছাত্র তাড়াতাড়ি বাইয়া ইমাম সাহেবকে বাতাস করিতে লাগিল। ইহার পুরস্কার স্বরূপ তিনি তাহাদিগের প্রতি চাহিয়া একটু মুহূ হাসিলেন। তাহাতেই যেন তাহারা কৃতার্থ হইয়া আরও জোরে জোরে পাখা চালাইতে লাগিল।

বহুক্ষণ চূপ করিয়া থাকিয়া ইমাম সাহেব বয়স্ক তিন চারিটি ছাত্রকে জিজ্ঞাসা করিলেন, ‘তোমাগো পড়া ওইছে?’ তাহারা এক বাক্যে বলিল, ‘ওইছে মাওলানাসাব।’

তাহারা আসিয়া ইমাম সাহেবের সামনে দাঁড়াইল। তিনি তাহাদের বলিলেন, ‘পড়া।’ তোতা পাখির মত তাহারা একে একে যার যার পড়া পড়িয়া বাইতে লাগিল। চারিদিকে আর আর ছাত্রেরা ভীষণ শব্দ করিয়া পড়িতেছিল। তাহাদের গওগোলে এই ছাত্র কয়টি কি পড়া দিল ইমাম সাহেব তাহা শুনিতেও পাইলেন না। তিনি কেতাব দেখিয়া তাহাদিগকে নূতন পড়া দেখাইয়া অপর একদল তালেব-এলেমকে ডাক দিলেন। এই ভাবে সকল ছাত্রের পড়া লইতে প্রায় ঘণ্টা দুই কাটিয়া গেল। তখন ইমাম সাহেব তাহাদিগকে ছুটি দিলেন। তাহারা কলরব করিয়া যার যার বাড়ি চলিয়া গেল।

বছির এক কোণে বসিয়া তাহার দিনের পড়া তৈরী করিতে লাগিল। মসজিদে আসিয়া বছরের পাঁচ ছয় দিন কাটিয়া গিয়াছে। এই সময়ের মধ্যে সে মসজিদের ছাত্রদের সম্বন্ধে অনেক কিছু জানিতে পারিল। তাহারা প্রায় সকলেই এই জেলার বিভিন্ন গ্রাম হইতে আসিয়াছে। মাওলানা সাহেবরা ওয়াজ করিয়া তাহাদের অভিভাবকদের বুঝাইয়াছেন, যে পিতা-মাতা তাহার সন্তানদিগকে ইসলামী-শিক্ষার জন্তু এই কোরকানিয়া মাদ্রাসায় পাঠাইবেন আঞ্জা রোজ হাশরের আজাবের সময় তাহার মাথায় একটি ছত্র ধরিবেন। যে বাড়িতে একজন মাদ্রাসার ছাত্র পড়ে সে বাড়িতে আঞ্জার বেহেশত নামিয়া

আসে। আলেম লোকদের চৌদ্দ পুরুষ পৰ্বন্ত বেহেশতে যায়। যখন একটি ছাত্র প্রথম দিন মাদ্রাসার সিঁড়ির উপর আসিয়া পাড়ায় তখন তাহার মৃত মুক্কাবীরা দোয়া দরুদ পড়িতে পড়িতে বলেন, ‘এই যে আমাগো আওলাদ আইজ মাদ্রাসায় পড়তি আইল, তার জ্বান হইতে যখন আল্লার কালাম বাহির হইবে তখন আমাগো সকল গোর আভাব কাটিয়া যাইবে।’ ইত্যাকার বক্তৃতা শুনিয়া সরল-প্রাণ গ্রামবাসীরা সন্তায় পরকালে এই সব সুযোগ-সুবিধা পাইবার জন্ত নিজ নিজ ছেলেদিগকে মসজিদের ফোরকানিয়া মাদ্রাসায় পাঠাইয়াছে। কোন কোন ছাত্র সাত আট বৎসর ধরিয়া এই মাদ্রাসায় যাওয়া আসা করিতেছে। এখন পৰ্বন্তও তাহার আরবীর প্রথমভাগ কেতাবখানাই পড়িয়া শেষ করিতে পারে নাই। মসজিদের ইমাম সাহেব হাফেজী পাশ। প্রথম শিক্ষার্থীদের আরবী অক্ষর ও ভাষা শিক্ষা দেওয়ার কোনই পদ্ধতি তিনি জানেন না। জানিলেও তিনি তাহা প্রয়োগ করা প্রয়োজন বোধ করেন না। কারণ মাদ্রাসায় পড়িতে আসিয়া ছাত্রেরা কেহই বেতন দেয় না। দুই ঈদের ফেত্ৰা এবং যাকাত আদায় করিয়া তিনি বৎসরে মাত্র ত্রিশ-চল্লিশ টাকা পান। তা ছাড়া নিকটস্থ গ্রামগুলিতে কেহ মারা গেলে তাহার নামে কোরান শরীফ খতম করার জন্ত মাঝে মাঝে তিনি দাওয়াত পান। তাহাতে মাসে পাঁচ সাত টাকার বেশী আয় হয় না। সুদূর নোয়াখালী জেলা হইতে তিনি আসিয়াছেন। দেশে বৃদ্ধ পিতা-মাতা। তাহার একবেলা খায় ত আর একবেলা অনাহারে থাকে। কত করুণ করিয়া তাহার মাঝে মাঝে পত্র লেখে। এই সামান্ত আয়ের সবাই তাঁহাকে দেশে পাঠাইতে হয়। স্বীয় একটি ছোট থোকা হইয়াছে আজ ২৫ মাস। টাকা পয়সার অভাবে এখনও ছেলেকে দেখিতে যাইতে পারেন নাই।

ছাত্রেরা যখন ইমাম সাহেবকে ধরিয়া পড়া জিজ্ঞাসা করিতে থাকে তখন তাহার মন উধাও হইয়া ছুটিয়া যায় সেই নোয়াখালী জেলার একটি অখ্যাত গ্রামে।

যে চার পাঁচজন ছাত্র মসজিদে থাকিয়া পড়াশুনা করিত, অল্প সময়ের মধ্যেই তাহাদের সঙ্গে বহিরের বড় ভাব হইয়া গেল। তাহার প্রত্যেকেই কোরান শরীফে হাফেজ হইবার জন্ত দৈনন্দী হইতেছে। সকলেরই অবস্থা বহিরের মত। কিন্তু তাহার মত তাহার কোন প্রতিকূল অবস্থায় নিরাশ হইয়া পড়ে না। অভাব ত তাহাদের লাগিয়াই আছে। কিন্তু সেই অভাব হইতে মুক্ত হইবার কোন পথ তাহাদের জানা না থাকিলে সেই পথ তাহার

তৈরি করিয়া লইতে পারে। তাই নিত্য নতন নতন ফন্নিতে তাহাদিগকে জীবিকার সংস্থান করিতে হয়।

যেদিন করিম কোথাও কোন দাঁওয়াতের খোঁজ পায় না, সেদিন তাহারা দুই তিনটি দলে বিভক্ত হইয়া শহর হইতে দুই তিন মাইল দূরের গ্রামগুলির বাড়ি বাড়ি বাইয়া কবর জেয়ারত করে। সুরেলা কণ্ঠে মোনাজাত করিয়া গৃহকর্তার মজল কামনা করে। তাহারা খুশী হইয়া সামান্ত কিছু দান করে। রাজ হইলে পেট ভরিয়া খাওয়াইয়া দেয়। কোন কোনদিন তাহাদের একজন গ্রামে বাইয়া বলে, ‘মসজিদে ঘুমাইয়াছিলাম। আমার কোরান শরীফখানা চোরে লইয়া গিয়াছে। আজ কয়দিন কোরান শরীফ পড়িতে পারি নাই। আপনি যদি একখানা কোরান শরীফ কিনিয়া দেন আপনার নামে খতম পড়িয়া সমস্ত ছওয়াব বকশাইয়া দিব।’ গৃহস্থামী বলে, ‘আমরা নিজেই খাইতে পাই না। আপনার কোরান শরীফ কেনার পয়সা কোথায় পাইব?’ ছাত্রটি উত্তরে বলে, ‘মিঞা-সাহেব! আধ পেটা খাইয়া ত প্রায়ই কাটান। না হয় আরও দু’চারদিন কাটাইবেন, কিন্তু পরকালের এই নেকির কাজটি করিয়া রাখেন। রোজ হাশরের বিচারের দিন অনেক কাজ দিবে।’ সয়ল গৃহবাসী তাহার কণ্ঠের সঞ্চয় হইতে সামান্ত কিছু ছাত্রটির কোরান শরীফ কেনার জন্য দান করে।

এ সব কাজ বছরের পছন্দ হয় না। সে মজিদের কাছে বার বার এর জন্য প্রতীবাদ করে। কিন্তু মজিদের সেই এক কথা, ‘আমাগো ত বাঁচতি অবি। নিজের বাঁচনের জন্তি এই সামান্ত মিথ্যা আন্না মাক করবেন। দেখছাও না আন্নার দুইনায় কেউ বড়লোক, কেউ গরীব। আন্না কি আমাগো গরীব কইরা জন্ম দিছিলেন? গরীবগো মুখির বাত কাইড়া নিয়া ওরা বড়লোক ঐছে। দুই চারডা ধর্মের কতা কয়া আমরা যদি ওগো ঠগাইয়া কিছু লই তাতে ওনা হবে না। ওরাও ত আমাগো ঠগাইছে।’

বছির বলে, ‘বড়লোকগো ঠগাও সেটা না হয় বুঝলাম কিন্তুক এইসব গরীব লোকগো ঠগাইয়া পয়সা আনা ত আমি ভাল বইলা মনে করি না।’

মজিদ উত্তর করে, ‘তুমি হাসাইলা বছির আমারে! এইসব লোকগো আমরা যদি না ঠগাই অস্ত্রলোক আয়া ঠগাবি। দিনে দিনে এরা ঠগতিই থাকপি। আমরা যদি এহন ওগো ঠগায়া লেহা-পড়া শিখতি পারি, আলেম ঐতি পারি, মৌলবী হয় ওগো কাছে বায়া ইমুন ওয়াজ ককম বাতে কেউ আর ওগো ঠগাইবার পারবি না।’

এ যুক্তিও বছিরের পছন্দ হয় না। এদেরই মত কত ছাত্র ত আলেম হইয়া গ্রাম-দেশে ঘুরিয়া বেড়াইতেছে। তাহারা ত কেহই এইসব গ্রাম্য-লোকদিগকে শোষণের হাত হইতে বাঁচাইবার জন্য কোন বক্তৃতা করে না। বরঞ্চ আরও অভিনব মিথ্যার জাল পাতিয়া দেশের অজ্ঞ জনসাধারণকে ঠকাইয়া বেড়ায়। কিন্তু যে অসাধারণ অধ্যবসায়ের সহিত এই ছাত্র কয়টি পড়াশুনা করে তাহা দেখিয়া বছির বিস্মিত হয়। ওরা দুই তিনজন প্রায় গোটা কোরান শরীফ পড়িতে কোথায় স্বরকে বিলম্বিত লয়ে লম্বা করিতে হইবে, কোথায় খাটো করিতে হইবে, কোথায় থামিতে হইবে, উহার সব কিছু তাহারা মুখস্থ করিয়া আয়ত্ত করিয়া লইয়াছে। দিন নাই—রাত্রি নাই—সকাল নাই—বিকাল নাই, অবসর পাইলেই ইহারা কেতাব লইয়া বসে। নিয়মিত খাওয়ার সংহান নাই কতদিন অনাহারে কাটাইতে হয়। শীতে গরম বস্ত্র নাই। ক্রীমের রোজে মাথার চান্দি ফাটিয়া যাইতে চাহে। প্রকৃতি ইহাদের কাছে দিনে দিনে নিষ্ঠুর হইতে নিষ্ঠুরতর হয়! তার উপর আছে অনাহারের ক্ষুধা,—সংক্রামক রোগের আক্রমণ! এই নির্ভীক জীবন-যোদ্ধাগুলি দিনের পর দিন সকল রকম প্রতিকূল অবস্থার সংগে সংগ্রাম করিয়া চলিতেছে।

পথ হয়ত ইহাদের ভ্রান্ত হইতে পারে। এই সংগ্রামের শেষ ফসলও হয়ত এই যুগোপযোগী হইয়া তাহাদের ভবিষ্যৎ জীবনকে ধন-ধাত্তে ভরিয়া দিবে না, কিন্তু এই জীবন্ত বিদ্যাসাগরেরা আমাদের পিছাইয়া পড়া মুসলিম সমাজে জ্ঞান-তপস্কার যে কঠোর সাধনা-ধারার আদর্শ রাখিয়া যাইতেছে তাহার প্রভাব কি আমাদের সমাজে পড়িবে না?

ছোট ছেলে বছির। অতশত ভাবিতে পারে না। কিন্তু মসজিদের এই তালেব-এলেমগুলির প্রতি একান্ত শ্রদ্ধায় তাহার মন ভরিয়া ওঠে। সেই শ্রদ্ধা প্রকাশ করিতে সে তাহার ঘর-সংলগ্ন পায়খানা ও প্রস্রাবখানার উপর বালতি বালতি জল ঢালিয়া দেয়। দুই বেলা ঝাঁট দিয়া ঘরখানিকে পরিষ্কার করিয়া রাখে। তাহাদের ময়লা জামা-কাপড়গুলি ভাঁজ করিয়া স্বেদন করিয়া টানাইয়া রাখে। প্রতিদানে তাহার বছিরকে বড়ই স্নেহ করে। সকলেই অভাবী বলিয়া একে অপরের অভাব বুঝিতে পারে। কেহ বাড়ি হইতে সামান্য চিড়া মুড়ি লইয়া আসিলে সকলে মিষ্টি। তাহা ভাগ করিয়া খায়।

মসজিদের খাদ্যেব সাহেব এই তালেব-এলেমদিগকে পড়াইতে বিশেষ উৎসাহ দেখান না। প্রায়ই নানা ওজর-আপত্তি দিয়া তিনি পড়াইবার সময় অন্ত কাজ করেন। একান্ত তাহারা মনঃস্থ হয় না। আরও মনোবোণের

সহিত ওস্তাদের খেদমত করিয়া তাহারা তাঁহার অমূল্য হুঁহু পাইতে চেষ্টা করে। যেখানে সেখানে ইমাম সাহেবের প্রশংসা করিয়া তাঁহার জন্ত দাঁড়াতের বন্দোবস্ত করে। তাঁহার গোছলের জল, ওজুর জল পুকুর হইতে আনিয়া কলসীতে ভরিয়া রাখে। তাঁহার জামা-কাপড়গুলি সাবান দিয়া পরিষ্কার করিয়া দেয়। তিনি শুইয়া পড়িলে কেহ পাথার বাতাস করে। কেহ অতি যত্নের সঙ্গে তাঁহার গা টিপিয়া দেয়। তাহাদের ধারণা, ওস্তাদের সেবা করিয়া তাঁহার ভিতর হইতে বিদ্যা বাহির করিয়া লইতে হইবে। যখন তিনি তাহাদিগকে পড়াইতে ক্লপণতা করেন, তাহারা আরও বেশী করিয়া তাঁহার খেদমত করে। এইভাবে প্রায় ছয় মাস কাটিয়া গেল। বছির আগের মতই স্কুলে বাইয়া পড়াশুনা করে।

মাঝে মাঝে আজাহের আসিয়া ছেলের খবর লইয়া যায়। বাড়ি হইতে গামছায় বাঁধিয়া কোনদিন সামান্ত চিড়া বা চ্যাপের খই লইয়া আসে। মাস্ত্রালের ছাত্রদের সঙ্গে বছির সেগুলি কাড়াকাড়ি কবিয়া খায়। দেখিয়া আজাহেরের বড়ই ভালই লাগে। আহা! যদি তাঁর সঙ্গতি থাকিত সে আরও বেশী করিয়া চিড়া লইয়া আসিত। যত পারিত ওরা সকলে মিলিয়া খাইত।

ওদের খাওয়া হইলে আজাহের একপাশে বসিয়া থাকে। তালেব-এলেমরা যার যার কেতাব লইয়া পড়িতে বসে। বছিরও জোরে জোরে তাহার বই পড়ে। আজাহের বসিয়া বসিয়া শোনে। এই পড়ার সুর যেন তাহার বুকের ভিতর হইতে বাহির হইতেছে। সেই সুরের উপর সোয়ার হইয়া আজাহের ভাসিয়া যায়। ছেলে মস্ত বড় বিদ্বান হইয়া শহরের কাছারিতে হাকিম হইয়া বসিয়াছে! কত উকিল, মোস্তার, মুহরি তাজিমের সঙ্গে তাহার সঙ্গে কথা বলিতেছে। এমন সময় আজাহের সেখানে আসিয়া উপস্থিত হইল। তাহার পরনে সেই ছেঁড়া লুঙ্গি। গায়ে কত ধূলাবালি। ছেলে এজলাস হইতে নামিয়া আসিয়া তাহাকে উঠাইয়া লইয়া তাহার আসনের পাশে আনিয়া বসাইল। পায়ের ধূলি মাথায় লইয়া সমবেত উকিল, মোস্তার-দিগকে বলিল, এই যে আমার বাজান। আমার লেখাপড়ার জন্ত ইনি কত অভাব-অভিযোগের সঙ্গে যুদ্ধ করিয়াছেন। নিজে অনাহারে থাকিয়া আমার পড়ার খরচ চালাইয়াছেন। না—না, আজাহের কিছুতেই এইভাবে ছেলের লামনে বাইয়া উপস্থিত হইবেন না। তাহা হইলে কি ছেলের মান থাকিবে? সে ছেলের উন্নতির জন্ত যত ত্যাগই স্বীকার করিয়াছে তাহা চিরকালের জন্ত

স্বনিকার অন্তরালে গোপন হইয়া থাকিবে। তাহার ত্যাগের জন্ত সে কোনই স্বীকৃতি চাহে না। সকল বাপই ছেলের জন্ত এইরূপ করিয়া থাকে। ছেলের উন্নতি হোক—ছেলের সম্মান বাড়ুক, দেশে বিদেশে ছেলের স্বখ্যাতি ছড়াইয়া পড়ুক, তাই দেখিয়া আজাহের প্রাণ-ভরা তৃপ্তি লইয়া মাটির গোরে চিরজনমের মত ঘুমাইয়া পড়িবে।

ছেলের কাছে বিদায় লইয়া আজাহের কত কথা ভাবিতে ভাবিতে গৃহে ফিরিয়া যায়।

সাতাশ

সেদিন সন্ধ্যার রহিম মল্লিকের বাড়ি বেড়াইতে গেল। রহিম মল্লিক তাহাকে জড়াইয়া ধরিল। ‘ওগো ছনছ নি? আমার মিঞাবাই আইছে। শীগগির পাও ধুবার পানি দাও! মাথার ক্যাশদা পিড়াহান মুইছা আমার মিঞাবাইরে বসতি দাও।’

বউ হাসিয়া বারান্দায় একটি খেজুর পাটি বিছাইয়া দিতে দিতে বলিল, ‘আমার দাদাভাই আইছে। ভাই আমার জন্তি কি লয়া আইছে?’

বছির বলিল, ‘হোন দাদী! তোমার জন্তি কুদাল ভাইজা নথ গড়াইতে দিছি, আর কাঁচি ভাইজা হাসলি গড়াইতি দিছি সোনাকু বাড়ি। এহন কি খাইবার দিবা তাই আন।’ বউ বলিল, ‘তয় আমিও ইন্সুং মটি জা তোমার জন্তি পায়েস রাইন্দা রাখছি তোলাই চেরা ইাড়িতি।’ বইও কুটুম, বইও, আইনা দিত্যাছি।’

শুনিয়া রহিমদ্দীন হাসিতে হাসিতে বলিল, ‘তোমরা দাদী নাতি যত খুশী দেওয়া নেওয়া কর। আমি ইয়ার মন্দি নাই।’

দাদী তড়াতাড়ি কোলো হইতে মুড়ি আনিয়া একটি সাজীতে করিয়া বছরিকে খাইতে দিল।

বছির বলিল, ‘না দাদী! এত সব বাল গাল খাওয়ার সামগ্রীর নাম করলা। শুইনাই জিহ্বায় পানি আইসা গেছে। তা থুইয়া আমার জন্তি শুখ মুড়ি আইনা দিলা! ওই সব না ঐলে খাব না।’

দাদী আঁচল দিয়া বছিরের মুখ মুছাইয়া বলিল, ‘সে সব বানাইতি ত সময়

লাগবি। ততক্ষণে এই মুড়িগুলি খাও কুটুম।’

মুড়ি খাইতে খাইতে বছির রহিমদীর হাল-হকিকত শুনিতে লাগিল। এই অকালের মধ্যে রহিমদী সব চাইতে ভাল জামদানী শাড়ী বুনাইতে পারিত। লাল, নীল, হলদে সূতা নাইলে পরাইয়া সে শাড়ীর উপর কত রকমের নকসাই না করিত। দেশ-বিদেশ হইতে বেপারীরা আসিত তাহার শাড়ী কিনিতে। শুধু কি জামদানী শাড়ীই সে বুনাইত? মনখুশী, দিলখুশী, কলমীলতা, কাজল-লতা, গোলাপফুল, রাসমণ্ডল, বালুচর, কত শাড়ীর নাম করিবে সে? কিন্তু এখন দেশে সূতা পাওয়া যায় না। যে সূত্র সূতা দিয়া সে আগে শাড়ী বুনাইত তাহা এখন বাজারে পাওয়া যায় না। চোরা বাজারে যা পাওয়া যায় তাহা দিয়া শাড়ী বুনাইলে দাম বেশী পড়ে। লোকসান দিয়া বেচিতে হয়। লোকের ক্রটিও এখন বদলাইয়া গিয়াছে। শহরের বড়লোকেরা নকসী শাড়ীর পরিবর্তে সাদা ধানের উপর নানা রঙের ছাপ দেওয়া শাড়ী পরে।

‘কি কব দাদা বাই! আমাগো এখন মরণ। দেহ আইসা, নকসী শাড়ীর কর্মাগুলি ইন্দুরে কাটত্যাছে।’ এই বলিয়া রহিমদী তাহার ডানা ধরিয়া টানিয়া লইয়া গিয়া দেখাইল, ঘরের চালের সঙ্গে অনেকগুলি কর্মী অথহে ঝুলিতেছে। তাহার উপর মাকড়সারা স্বেচ্ছায় জাল বুনাইয়া চলিয়াছে।

বছির বলিল, ‘আচ্ছা দাদা! সৰু সূতা যখন পাওয়া যায় না তখন মোটা সূতার কাপড়ই বানাও না কেন?’

রহিমদী বলে, ‘ভাইরে! এই হাতে শুধু সৰু শাড়ীর নকসাই আসে। তবু অনেক কষ্টে মোটা সূতা কিনা গামছা বুনাই। কিন্তু সে সূতাও চোরা-বাজারে কিনতি অয়। তাতে মোটেই লাভ অয় না। একবেলা খাই ত আর একবেলা না খায়া থাকি। গরীবদের মরণ আর কি। আমাগো জন্তি কেউ বাবে না।’

খাইতে খাইতে বছির জিজ্ঞাসা করে, ‘আচ্ছা দাদা! সগল কারিগরগো অবহাও তোমার মতই নাকি?’

রহিমদী বলে, ‘তাগো অবহা আরও খারাপ। কারিগর পাড়ায় হাহাকার পইড়া গ্যাছে।’

এত সব বছিরকে বলিয়া কি লাভ হইবে? তবু তার কাছেই রহিমদী সকল কথা ইনাইয়া বিনাটয়া বলে। দুঃখের কথা বলিয়াও হয়ত কিছুটা তৃপ্তি পাওয়া যায়।

রহিমদ্দীন কাছে বছির আরও অনেক খাবার পাইল। মিনাজ্জদী মাতব্বর ভেদবশি হইয়া মারা গিয়াছে। মৃত্যুর পর তার যা কিছু জমি-জমা সাতে কুতে দখল করিয়া লইয়াছে। সেন মশায় ভিগ্রীজারী করিয়া তাহার বিধবা বউকে পথের ককির করিয়াছে। এ-বাড়ি ও-বাড়ি করিয়া এখন তাহার দিনাতিপাত চলে।

আঠাশ

কতহায়ে দোয়াজ্জ দাহম উপলক্ষে ফরিদপুরে বিরাট সভা হইবে। কলিকাতা হইতে ইসলাম প্রচারক মাওলানা আলিম উদ্দীন সাহেব, মাওলানা তোফেল আহমদ সাহেব প্রভৃতিকে দাওয়াত দেওয়া হইয়াছে। এই উপলক্ষে রমিজদ্দীন সাহেব একটি কমিটি গঠন করিয়াছেন। ফোরকানিয়া মাদ্রাসার তালেব-এলেমরা রঙিন ব্যাজ পরিয়া এ-কাজে ও-কাজে ছুটাছুটি করিতেছে।

একদিন রমিজদ্দীন সাহেব মাদ্রাসার স্বেচ্ছা-সেবকদের সঙ্গে বছিরকে দেখিতে পাইলেন। তিনি চোখ দু'টি লাল করিয়া রাগের সঙ্গে বছিরকে জিজ্ঞাসা করিলেন, 'তুমি এখানে এলে কেমন করে?'

শুনিয়া বছির ভ্যাবাচেকা খাইয়া গেল। সঙ্গে তালেব-এলেমরা বলিল, 'বছির ত আমাদের এখানে মসজিদে থাইকা পড়াশুনা করে। ইস্কুলে যায়।'

শুনিয়া উকিল সাহেবের রাগে যেন আরও ইন্ধন পড়িল। তিনি মসজিদের ইমাম সাহেবকে ডাকিয়া গোপনে অনেকক্ষণ কথাবার্তা বলিয়া চালাইয়া গেলেন। ইমাম সাহেব বছিরকে ডাকিয়া বলিলেন, 'দেখ বছির! তুমি এখনই মসজিদ হইতে চইলা যাও।' বছির তাঁহার কাছে অনেক কানুতি-মিনতি করিল। ইমাম সাহেব বলিলেন, 'আমি ত তোমারে থাকনের জায়গাই দিছিলাম। কিন্তু উকিল সাহেব ত মানেন না। তুমি তানার বিপক্ষ পোকেব বাড়ি যাও। সমাজে যাগো তিনি বন্ধ খুইছেন, তাগো বাড়ি যায়া-খাও! সেই জন্তি উকিল সাহেব তোমারে তানার বাসার তা খাদায়া দিছিলেন। তানি যখন তোমার উপর বিরূপ, আমি তোমারে কে- কইরা জাগা দেই?'

বছিরের চোখ দু'টি হইতে ফোঁটায় ফোঁটায় জল ঝরিতে লাগিল। ইমাম সাহেব তাঁর গামছা দিয়া বছিরের মুখ মুছাইতে মুছাইতে বলিলেন, 'বাবা

বছির! আলার উপর ভরসা রাইখ। তানি বহন মুখ দিছেন খাওনও তানিই দিবেন। তুমার মনে যদি বড় হইবার খাহেছ থাকে কেউ তুমার পথে বাধা ঐতে পারবি না।' মসজিদের তালেব-এলেমরা নিকটে দাঁড়াইয়া সবই শুনিতেছিল। তাহারা বছিরকে কোন সাঙ্কনাই দিতে পারিল না।

ধীরে ধীরে বছির ইমাম সাহেবের নিকট হইতে আসিয়া তাহার আধ-হেঁড়া লুজ্জিখানার মধ্যে বই-পত্রগুলি বাঁধিতে লাগিল। সেই বন্ধনের এক একটি মোচড়ে কে যেন তাহার সমস্ত দেহ-মনকে বাঁকাইয়া ছুঁড়াইয়া দিতেছিল। বই-পত্র বাঁধিয়া বছির ভাবিতে বসিল, এখন সে কোথায় যাইবে? কোথায় যাইয়া সে আশ্রয় পাইবে? মুশাঁদার ফকির গান গায়,

আমি আশা কইরা বাঁধলাম বাসা,

না পুরিল মনে আশারে ;—

আমার আশা-বুকের ডাল ভাঙিয়া গেলরে।

আজ বছিরের কেবলই মনে হইতেছে, তার মত মন্দ-ভাগ্য বুঝি পৃথিবীতে আর কেহ নাই। সে যেন অত্যাৎ পারিয়ার চাইতেও অধম। আকাশ, বাতাস, সমস্ত পৃথিবী যেন তাহাকে বেড়িয়া কেবলই বলিতেছে, ষিকার, ষিকার! কোথায় সে যাইবে! কার কাছে গেলে তার দুঃখ জুড়াইবে!

মজিদ আর করিম আসিয়া বছিরের পার্শ্বে বসিল। 'ভাই বছির। ভাইব না। হাফিজ মিঞার হোটেলে যদি থাকনের জায়গা করতি পারি এ-বাড়ি ও-বাড়ি দাওয়াত খাওয়াইয়াই আমরা তোমারে চালায়া নিব। তুমি আমাগো লগে চল!'

বছির তাহাদের সঙ্গে হাফিজ মিঞার হোটেলে চলিল! সমস্ত শুনিয়া হাফিজ মিঞা বলিল, 'আমার হৈটালে উয়ারে আমি জাগা দিতি পারি, যদি নগদ পয়সায় দুই বেলা ও আমার এহানে ভাত খায়।'

এই অসহায় ছাত্রটিকে আশ্রয় দিলে তাহার কত ছাওয়াব হইবে কোরান কেতাবের আয়াত আবৃত্তি করিয়া তাহারা ইহার মনোরম বর্ণনা দিল, কিন্তু হাফিজ মিঞা কিছুতেই টলিল না। বই-পত্রের বৌচকা কাঁধে লইয়া বছির সেখান হইতে বাহির হইল। মজিদ আর করিম তাহার পাছে পাছে আগাইতে লাগিল। ফিরিয়া দাঁড়াইয়া বছির বলিল, 'ভাই! তোমরা আমার জন্তি আর চেষ্টা কইর না। দেখছাও না, আমি যে ডাল ধরি সে ডাল ভাইকা যায়। আনার মত বড় নছিবির সঙ্গে তোমরা আর জুড়াইয়া খাইক না।'

মজিদ বলিল, 'ভাই বছির! আমাদের কোন খ্যামতাই ঐল না যে

তুমার কোন উপকার করি। আমরাও তুমার মত নিরাশ্রয়।' বলিয়া মজিদ কাঁদিয়া ফেলিল।

করিম বলিল, 'দেখ ভাই! যখন যেখানে থাং আমাগো কথা মনে কইর। আমাগোও ছুস্কের দিন। তবু মনে কইর, আমরা সেই ছুস্কির মন্দিও তোমার কথা বুলব না।'

বছির ফিরিয়া দাঁড়াইয়া বলিল, 'ভাই! তোমাগো কথা আমি কুহু দিনই বুলব না। তোমরা পক্ষিমার মত ঠোঁটের আধার দিয়া প্রতিদিন আমায়ে পালন করছ, তাকি বুলবার? যাও ভাই, তোমরা মসজিদে ফিরা যাও। জীবনে যদি কুহু দিন বড় ঐবার পারি, তোমাগো পাশে আবাব আইসা খাড়াব।' এই বলিয়া বছির পথ চলিতে লাগিল। করিম আর মজিদ সেইখানেই দাঁড়াইয়া রহিল।

চলিতে চলিতে বছির ভাবে, 'এখন আমি কোথায় যাই! বাড়ি যদি ফিরিয়া যাই সেখানে আমার পড়াশুনা হইবে না। আমার পিতা আমার মাকত আশা করিয়া আছে, লেখাপড়া শিখিয়া আমি বড় হইব। আমার জন্ত তাহারা কত কষ্ট স্বীকার করিতেছে। আজ আমি ফিরিয়া গেলে তাহারা আশা ভঙ্গ হইয়া কত দুঃখ পাইবে? কিন্তু কোথায় আমি যাইব? রহিমদ্দী দাদার ওখানে গেলে আশ্রয় মিলবে। কিন্তু তাহারা নিজেরাই খাইতে পার না। আমাকে খাওয়াইবে কেমন করিয়া? এক আছে আরজান ফকির আর তার বউ। তারা কি আমাকে আশ্রয় দিবে?' কিন্তু তাদের অবস্থা এখন কেমন তাও ত সে জানে না। অনেক ভাবিয়া চিন্তিয়া বসি পদ্মানদী পার হইয়া চরের পথ ধরিল। যেখানে একদিন সরবে ফুলের বাহার দেখিয়াছিল আজ সেখানে মাটি ফাটিয়া চৌচির হইয়াছে। এখানে সেখানে কাটা সরিষার গোড়াগুলি দাঁত বাহির করিয়া যেন তাহাকে উপহাস করিতেছে। তাহারই নিরাশ্রয় হ্রদয়ের হাহাকার যেন ঘূর্ণী হাওয়ায় ধূলি উড়াইয়া মাঠের মধ্যে বৈশাখ রৌদ্রে দাপাদাপি করিতেছে।

উনত্রিশ

হৃপ্তের রোদ্রে ঘামিয়া শ্রান্ত ক্লান্ত হইয়া বহির আরজান ফকিরের বাড়ি আসিয়া পৌছিল। ফকির ভিক্ষা করিতে গাওয়ালে গিয়াছে। ফকিরনী তাহাকে দেখিতে পাইয়া জড়াইয়া ধরিল, ‘আরে আমার গোপাল আইছে। আমি পথের দিগে চায়া থাছি। এই পথত্যা নি আমার গোপাল আসে।’ ফকিরনী বহিরকে ধরিয়া লইয়া ঘরের মেঝেয় একটি খেজুরের পাটি বিছাইয়া বসিতে দিল। তারপর একখানা পাখা লইয়া বাতাস করিতে করিতে লাবণ্যভরা তাহার শ্রমল মুখখানির দিকে চাহিয়া রহিল। আহা! এই ছেলে যদি তাহাকে মা বলিয়া ডাক দিত। কিন্তু ফকিরনীর কি আছে যে এই আসমানের ফেরেস্তা শিশুকে সে স্নেহের বন্ধনে বাঁধিবে? ঘরে ভাল খাবার নাই যে তাহার হাতে দিবে? সমস্ত বুকভরা তার বাৎসল্য-স্নেহের শূন্যতার হাহাকার। এখানে এই দেব-শিশু কি কাজল মেঘের বারিধারা বহিয়া আনিবে?

খানিক বাতাস করিয়া ফকিরনী ঘরের মুড়ির কোলা হাতাইতে লাগিল। শূন্য কোলায় ফকিরনীর হাতের রূপ-দস্তার বয়লায় লাগিয়া টন টন করিয়া শব্দ হইতে লাগিল। সেই শব্দ তাহার মাতৃহৃদয়কে যেন ভাঙিয়া চুরিয়া দিল। ফকিরনী বলিল, ‘বাজান! তুমি একটু বইসা জিড়াও। আমি এহনই আস্ত্যাছি।’ সামনে আরসাদের বাড়ি। আরসাদের বউকে যাইয়া বলিল, ‘বউ। ভাত আছে নি?’

বউ বলিল, ‘ভাত ত আছে চাচী, কিন্তু খাইবার ছালুন নাই। আমাগো বাড়ির উনি গ্যাছে মাছ মারতি। ভাত রাইন্দা বইসা আছি। দে-ছি মাছ যদি মাইরা আনে তয় ছালুন রানব। না হৈলে কাঁচা মরিচ আর হুন দিয়া আইজ বাত খাইন্তি অবি। তা বাতের কথা জিজ্ঞাসা করলা ক্যান চাচী?’

ফকিরনী বলে, ‘আমার এক ছোট বাজান আইছে শহর থইনে। গরে একটাও চাইল নাই। বাজানরে কি খাইতে দিব? তয় দে লো বউ! এই ক্যালা পাতাডার উপর চারডা বাত দে। বাজানের সামনে দরবানি।

বউ কলাপাতার উপর সামান্য কিছু ভাত দিল। বেশী দিতে পারিল না।

তাহাদের ত দুইজনের আন্দাজ মাপা ভাত। সেই ভাত লইয়া ফকিরনী আর এক বাড়ি হইতে একটু শাক আর ডাল লইয়া আঁচল আড়াল করিয়া তার ছোট রান্নাঘরে ঢুকিল। তারপর মাটির সানকিতে সেই ভাত বাড়িয়া বছিরের সামনে আনিয়া ধরিল।

বছির হাত মুখ ধুইয়া খাইতে বসিল। ফকিরনী তাহার মুখের দিকে চাহিয়া রহিল।

‘বাজান! এবার আর তোমারে যাইবার দিব না। আমার চক্ষের কাজল কোঠার ঘরে তোমারে বন্দী করিয়া রাখপ।’

‘খাইতে খাইতে বছির বলিল, ‘ফকির মা! আমার মতন জনম দুঃখী আর কেউ নাই। আমি তোমাগো বাড়ি আশ্রয় নিবার আইছি।’

বছিরের মুখে ফকির-মা ডাক শুনিয়া ফকিরনীর বুক যেন জুড়াইয়া গেল। তার বকের মাতৃ-স্নেহের সারিন্দাপানি সহস্র তায়ে বাজিতে লাগিল।

‘বাজান: তুমি যদি দয়া করিয়া আমাগো এখানে থাও তব্ব যে আমি আসমানের চান আভে পাই। আমি নগরে ভিক্ষা মাইকী তুমারে খাওয়াব।’

বিকালে ফকির ভিক্ষা হইতে আসিয়া বছিরকে দেখিয়া বড়ই খুশী হইল। বিশেষ করিয়া বহিঃ যে চিরস্থায়ী ভাবে তাহার বাড়িতে থাকিতে আসিয়াছে ইহাতে যেন সে হাতে স্বর্গ পাইল। নিজের সমস্ত ঘটনা বলিতে বলিতে বছির কাঁদিয়া ফেলিল। গামছা দিয়া তাহার মুখ মুছাইতে মুছাইতে ফকির বলিল, ‘বাজান! আমার সানালের আন্তানায় যখন আইছ, দুঃখ করি না। দুঃখেরে অবহেলা করার শিক্ষাই আমার ফকির: আমারে দিও একদিন আমিও তোমার মত দুঃখ পায়। চোখের পানিতে বুক ভাসাইতাম। সেই দুস্ক ভুলবার জন্তি সারিন্দা বাজানো ধরলাম। একদিন সেই সারিন্দার স্থির উপর সানাল চান আইসা সোয়ার ঐল। তিনি আমার সগল দুস্ক লয়া গ্যালেন।’ এই বলিয়া ফকির গান ধরিল,

‘তুমি যে হালে যে ভাবে
রাখছরে দয়াল চান তুই আমারে ?
ও আমি তাইতে খুশী আছি।
কারে দিছাও দালান কোঠা’
আরে দয়াল আমার গাছের তলায়ে।

গান শেষ হইলে বছির ফকিরকে জিজ্ঞাসা করিল, ‘আচ্ছা ফকির! কত ত ? তোমার এই সানাল চান কেডা ?’

ফকির হালিয়া বলিল, ‘বাজানরে ! সে বে কেডা তা আমিও জানতি পারি নাই । হনছি হুকুলা পুরে এক সানালের বাড়ি ছিল । তা তানার খোঁজ আমি করি না । আমি ঝুঁজি আমার মনের সানালরে । যে সানাল হুংখী মানষির হুংহু হরণ কইরা লইয়া যায় । যার কেউ নাই তার সঙ্গে যায়। বসত করে । আবার সানাল চান বাণিজ্যে যায়, জলের কুস্তীর বইঠা যায় । হুংখী তাপিত ব্যথিত-জনের অন্তরে অন্তরে তার আসা যাওয়া । আমার গুরু, তার গুরু, তার গুরু, সন্নাল সংসারের যত মানুষ আল্লার আলম ভইরা গানে বাজানায় হুংখী-হুংখী যে দরদেয় দরদীয়ে মনে মনে চিন্তা করছে, আমার দয়াল চান সেইজন । তারে মনের চক্ষি দেখা যায় । বাইরের চোহে সে ধরা ছায় না । এই বলিয়া ফকির আবার গান ধরিল,

‘মন চল বাইরে,

আমার দরদীর তালাশেয়ে ;

মন চল বাইরে ।

হাল বাও হালুয়া ভাইরে হস্তে সোনার নড়ি,

এই পথছা নি বাইতে দেখছাওরে আমার

সানাল চান বেপারী ।

জাল বাও জালুয়া ভাইরে হস্তে সোনার রশি,

এই পথছা নি বাইতে দেখছাওরে আমার

সানাল চান সন্ন্যাসী ।

দেইখাছি দেইখাছিরে আমরা সানাল চান সন্ন্যাসী,

ও তার হাতে আসা বগলে কোরান করে মোহন বাঁশী ।

হাইটা হাইটা যায়রে সানাল দীংল পহুরে বায়া,

আমার মনে বলে তারে আমি কোলে লই যায়।’

‘বাজানরে ! এই আমার সানাল চান । যারে দেইখ্যা আমার ভাল লাগে সে-ই আমার সানাল চান । এই যে তুমি আইছ আমার ঘরে তোমারে দেইখা আমার বুকির মায়া উতলায়া উঠছে । আইজ তুমিই আমার সানাল চান ।’ ফকিরের কথাগুলি যেন ফকিরনী সারা অন্তর দিয়া অহুভব করিতেছিল । এ যেন তারি মনের কথা ফকিরের মুখে প্রকাশ পাইতেছে ।

কিন্তু এত সব তৎ-কথা বছির বুঝিতে পারে না । কেমন যেন লজ্জায় তার স্তমল মুখখানি রাঙা হইয়া উঠে ।

ত্রিশ

আরজান ফকিরের বাড়ি আসিয়া বহির স্কুলে যাওয়া আসা করিতে লাগিল। ভাসান চর হইতে আরও তিন চারজন ছাত্র স্কুলে যায়। তাহারা সকলে আসিয়া বহিরের আন্তানায় জড় হয়। তারপর দল বাঁধিয়া স্কুলের পথে রওয়ানা হয়। স্কুলে যাইবার সময় তাহারা খুব আনন্দেই যায় কিন্তু ফিরিবার পথে সকলেরই পেট ক্ষুধায় জ্বলিতে থাকে। পথের দুইধারে গাছে গাছে যে দিনের যে ফল তাহা তাহাদের নথ দর্পণে। ফিরিবার পথে তাহারা গাছের ডাঁসা কাঁচা যত ফল খাইয়া দারুণ ক্ষুধার ক্রান্তি নিবৃত্তি করে। এতপথ আসা যাওয়া করিয়া যখন তাহারা বাড়ি ফেরে তখন অতিরিক্ত আহারের ফলে ঘুমে তাহারা জড়াইয়া পড়ে। তবু পাঠ্য-বইগুলি সামনে মেলিয়া ধরিয়া কিছুক্ষণ পড়িতে চেষ্টা করে। তারপর সাতরাজার ঘুম আসিয়া তাহাদিগকে পাইয়া বসে। তাই স্কুলের পরীক্ষায় তাহারা ভাল করিতে পারে না। কেহ কেহ একাদিক্রমে দুই তিনবার ফেল করে। প্রথমে আসিয়া বহিরেরও সেই দশা হইল। সে বাড়ি আসিয়া খাইয়াই ঘুমাইয়া পড়ে। এই ভাবে সাত আটদিন যাওয়ার পরে সে ভাবিতে বসিল, এমন করিয়া ঘুমাইলে তাহার চলিবে না। তার যে বড় হইতে হইবে। বড় হইয়া সে যে নিজ সমাজের অনেক অনাচার দূর করিবে। বড়ুর কবরে বসিয়া সে যে প্রতিজ্ঞা করিয়াছিল, বার বার সেই কথা সে মনে মনে আওড়ায়। না—না—কিছুতেই তাহার ঘুমাইলে চলিবে না। সে একখণ্ড কগেজ লইয়া বড় বড় অক্ষরে লিখিল, ‘ঘুম শত্রু’। তারপর সেই কাগজখানা ঘরের বেড়ায় টানাইয়া রাখিল। তারই সামনে বসিয়া বইপত্র লইয়া বহির জোরে জোরে পড়ে। পড়িতে পড়িতে যখন চোখ ঘুমে ঢুলু ঢুলু হয় তখন সে উঠিয়া চোখে মুখে জলের ছিটা দেয়। ঘরের বাহিরে যাইয়া খানিকটা দৌড়াইয়া আসে। ঘুম কাটিয়া গেলে সে আবার পড়িতে বসে। ঘুমের সময় অঙ্ক কবলে ঘুম পায় না। পড়িতে পড়িতে সে ঘুম তাড়ানোর এই অভিজ্ঞতা আবিষ্কার করিয়াছে। সে যতক্ষণ পড়ে ফকিরনী তাহার মুখের দিকে চাহিয়া আগিয়া থাকে। বহিরের সঙ্গে সেও খেন পরীক্ষার জন্ত পড়াশুনা করিতেছে। বহির পরীক্ষার পাশ

করিবে। ফকিরনীর পরীক্ষা কোন দিনই শেষ হইবে না। বাহারা মমতার বন্ধনে জড়াইয়া পড়ে, সর্বস্ব দিয়াও তাহাদের মনের অভৃষ্টি মেটে না।

ফকিরনীর পাশেই বছিরের শুইবার স্থান। গড়াশনা করিয়া বছির ঘুমাইয়া পড়ে। পার্শ্বে বসিয়া ফকিরনী তাহাকে বাতাস করে। খয়ের বেড়ার ফাঁক দিয়া চাঁদের আলো আসিয়া বছিরের শ্রামল লাবণ্যভরা মুখখানির উপর পড়ে। ফকিরনী যেন বিছানার কাঁথার গায়ে এই কিশোর-দেবতাটিকে তুলি দিয়া ঝাঁকিয়া লইতেছে। সে পাখার বাতাস করিতে করিতে স্বপ্ন দেখে, সন্ধ্যার রঙিন মেঘগুলি আসিয়া তাহাকে বলিল, ‘আমরা তোমার তুলিতে ভর করিব। আমাদের রঙ দিয়া তোমার কিশোর-দেবতাটিকে গড়িয়া লও।’ ফকিরনী বলিল, ‘না, তোমরা ওইখানে দাঁড়াইয়া দেখ।’ সাতনরি হার গলায় পরিয়া রামধনু আসিয়া তাহার সামনে আসিয়া বলিল, ‘কোঁটা খুলিয়া আমি পাখার জড়াইয়া আনিয়াছি সাতটি রঙ। আমাকে তুমি লও।’ ফকিরনী বলিল, ‘না, তোমাকেও আমি চাহি না। তুমি ওইখানে দাঁড়াইয়া দেখ।’ চাঁদের কলসী কাঁখে লইয়া জোছনা ছড়াইতে ছাড়াইতে কে একটি মেয়ে আসিয়া বলিল, ‘আমি দিব সোনালী স্বপনের ঝিকিমিকি। আমাকে তুমি লও।’ ফকিরনী বলিল, ‘না—না, তুমিও নও। তোমাকে আমি চাই না! তুমি ওখানে দাঁড়াইয়া থাক।’ আকাশের আঙিনায় নাচের নক্সা ঝাঁকিতে ঝাঁকিতে বিজলী আসিয়া বলিল, ‘আমি দিব রঙ আর গতি। তুমি আমাকে লও।’ ফকিরনী বলিল, ‘না—না, তোমাকেও আমি চাহি না।’

তখন প্রথম আষাঢ়ের মেঘ তার কালো কাজল অঙ্গ বকের পাখা দিয়া মাজিতে মাজিতে সামনে আসিয়া দাঁড়াইল। ফকিরনী বলিল, ‘তোমাকে আমি চাই। তোমার কালো কাজল রঙ আমাকে দাও। আমি এই কিশোর দেবতার অঙ্গে মাখিয়া দিব।’ নানা বরনের সবুজ অঙ্গে পরিয়া কচি ধান খেত আসিয়া সামনে খাড়া হইল। ফকিরনী বলিল, ‘তোমার জন্তই আমি অপেক্ষা করিতেছি। তুমি কৃষাণের স্বপ্ন হইয়া সারা মাঠ ভরিয়া তোমার শ্রামল অঞ্চল বিছাইয়াছ। তুমি দাও তোমার সজীবতা আর নানা ছাদের সবুজ স্বেচ্ছা!’ এইসব লইয়া নিগুণ তুলি ধরিয়া মনের মতন করিয়া ফকিরনী যেন তার কিশোর-দেবতাটিকে অঙ্কন করিল। তখন ভগ্নতের যত স্নেহাতুর মাতা তার দল বাধিয়া আসিয়া তাহাদের নিজ নিজ বাছনীরদিকে আদর করিতে যে চকুন দেয়, সেই চকুন যেন তারা একে একে সেই কিশোর বালকের মুখে মাখিয়া দিয়া পেল। তখন পাশে দাঁড়াইয়া সন্ধ্যার মেঘ, আকাশের রামধনু আর চাঁদ আর

বিদ্যায় সমবেত কণ্ঠে গাহিল—সুন্দর—ওহে শ্রামল সুন্দর ।

অশিক্ষিত গ্রামের মেয়ে ফকিরনী অভিশত ভাবিতে পারে কিনা জানি না । হয়ত পারে ! গ্রাম্য রচনাকারীদের ভাবে এবং রসে যে অহরহ ডুবিয়া আছে হয়ত এর চাইতেও সুন্দর কথা তার মনে উদয় হয় ।

কত কথাই ফকিরনী ভাবে । ভাবিতে ভাবিতে রাত প্রায় শেষ হইয়া আসে । কোথাকার এক শ্রুততা আসিয়া যেন ফকিরনীর সমস্ত মনে ঘুরিয়া ঘুরিয়া হাহাকার করে । তার কেবলই ইচ্ছা করে ওই ঘুমন্ত শ্রামল মুখখানি যদি সে চুমায় চুমায় ভরিয়া দিতে পারিত তবে বুঝি তার মনের সকল হাহাকার মিটিত । বাছা আমার ঘুমাইয়া আছে ! আহা ! সে ঘুমাইয়া থাক !

শেষ রাত্রে বহির জাগিয়া উঠিয়া দেখে, ফকিরনী তখনও তার শিয়রে বলিয়া পাথার বাতাস করিতেছে । সে বলে, ‘একি ফকীর-মা ! তুমি ঘুমাও নাই ?’ এই মা ডাক শুনিয়া তার বুদ্ধি অন্তর যেন জুড়াইয়া যায় ।

সে তাড়াতাড়ি প্রদীপ জ্বালাইয়া দেয় । তারই আলোকে বহির পড়িতে বসে ।

ভাসান চরের ইয়াসীন, শামসু আর নবী ভালমত পড়াশুনা করিত না । নবী আর শামসু ঈশ্বর শ্রেণীতে পড়ে । ইয়াসীন পড়ে ষষ্ঠ শ্রেণীতে । বহির তাহাদিগকে বলিয়া দিল, ‘ভাই ! তোমরা রোজ সকালে আমার এখানে আইসা পড়াশুনা করবা । আমি যতটা পারি, তোমাগো সাহায্য করব ।’

দিনে দিনে ফকিরের বাড়িখানি যেন পড়ুয়াদের আড্ডায় পরিণত হইল ।

দেখিতে দেখিতে বর্ষা আসিয়া পড়িল । সমস্ত বর জমিতে ডুবু ডুবু । এ-বাড়ি হইতে ও-বাড়ি যাইতে নৌকা লাগে । বর্ষার জলধাঃ পদ্মা নদী ফাপিয়া ফুলিয়া উঠিয়াছে । আগে যে খেয়া-নৌকা দিয়া পার হইয়া বহির তাহার সঙ্গী-সার্থীদের লইয়া স্কুলে যাইত তাহা উঠিয়া গিয়াছে । এখন তাহারা স্কুলে যাইবে কেমন করিয়া ? ইয়াসীনের বাপ গ্রামের বন্ধিষু কৃষক । বহির তার ছেলেকে পড়াইতেছে দেখিয়া বহিরের প্রতি তাহার মন খুব স্নেহ । ইয়াসীনের বাড়িতে দুই তিনখানা নৌকা । ইয়াসীনের বাপ তাহার একখানা ভিড়ি নৌকা তাহাদের পারাপারের জন্য ছাড়িয়া দিল । তিনজনের বই পুস্তক নৌকার পাটাতনের উপর রাখিয়া তাহারা সাজ নৌকা বাহিয়া স্কুলে যায় । আলিপুরের মোড়ে নৌকা বাধিয়া রাখে । স্কুলের ছুটি হইলে নৌকা বাহিয়া বাড়ি ফিরিয়া আসে । আগে হাঁটাপথে স্কুলে যাতায়াত করিতে হইত । তাহাতে স্কুলে পৌছিতে তাহাদের এক ঘণ্টা লাগিত । এখন খান খেতের

পাশ দিয়া ঘুরিয়া ঘুরিয়া নাও দাড়া দিয়া নৌকা চালাইতে হয়। তাই দেড় ঘণ্টার আগে তাহারা স্কুলে পৌঁছিতে পারে না। যেদিন বৃষ্টি হয় একজন বলিয়া বুকের তলায় বই-পত্রগুলিকে কোন রকমে বৃষ্টির হাত হইতে রক্ষা করে। কিন্তু তিনজনেই ভিজিয়া কাকের ছাও হইয়া যায়। সেই ভিজা জামা কাপড় শুক্কাই তাহারা স্কুলে যায়। স্কুলে বাইয়া গায়ের জামা খুলিয়া শুকাইতে দেয়। পরনের ভিজা কাপড় পরনেই থাকে।

কিরিবার পথে নৌকায় উঠিয়া তাহাদের কতই যে ক্ষুধা লাগে। ইয়াসীন বহিরকে বলে, ‘বহির ভাই! আমাগো বাড়ি যদি শহরে থাকত তয় কত মজাই ঐত! এতক্ষণ বাড়ি যায় খায় লয়া খেলাইতি বাইতাম।’

বহির বলে, ‘ভাই। একজন বড় লোক কইছে, বড় হওয়া মানে অনেক অসুবিধার ভিতর দিয়া নিজেরে চালায়া নেওয়া—অভাবের আগুনের মদি জইলা পুইড়া নিজেরে সোনা করা। ভাই ইয়াসীন! হুঃখ আর অভাব একটা বড় রকমের পরীক্ষা হয়। আমাগো সামনে আইছে। এই পরীক্ষায় আমাগো পাশ করতি অবি।’

ইয়াসীন বলে, ‘কিন্তুক বাই। এ পরীক্ষায় পাশের নম্বর আমাগো কেউ দিবি না।’

উত্তরে বহির বলে, দিবি ভাই—একদিন দিবি। যদি আমরা বালমত পাশ করবার পারি, এই যে কত হুঃখ কষ্ট সহিবার অভ্যাস আমাগো ঐল, এই অভ্যাস আমাগো কামে দিবি। জানস, আমাগো নবীজীরে কত হুঃকের মদি জা চলতি ঐছিল। সেই জন্তি ত তানি হুঃখী জনের বন্ধু।’

নৌকা বাহিতে বাহিতে তাহারা পদ্মনদী পার হইয়া আসিল। সামনে কলিমন্দির ধানের খেতের পাশ দিয়া নাও দাড়া। বামধারে মেছের সেখ ডুবিয়া ডুবিয়া পাট কাটিতেছে। এক এক ডুব দেয় আর পাট গাছের আগাগুলি নড়িয়া ওঠে। ধারালো কাঁচির আঘাতে গুচ্ছ গুচ্ছ পাট কাটিয়া সে আঁটি বাঁধিতেছে। এই আঁটিগুলি পরে এক জাগায় জড় করিয়া তবে জাগ দিবে। জাগের উপর কচুরি পানার ভার দিবে; বাহাতে পাটের জাগ ভালিয়া অস্ত্র চলিয়া না যায়। সেই পাটখেত ছাড়াইয়া তাহারা মিঞাজানের ধান খেতের পাশ দিয়া চলিল। কি সুন্দর গুচ্ছ গুচ্ছ পক্ষিরাজ ধান পাকিয়া আছে। কালো রঙের ধানগুলি। প্রত্যেক ধানের মুখে লাধা দুইটি রেখা বেন পাখা মেলিয়া আছে। ধানের পাতাগুলি রৌদ্রে সোমালী রাঙালি রঙ ধরিয়াছে। ববার জলের উপরে বেন একখানা পটে

আঁকা ছবি। হাজার হাজার পাখি কোথায় যেন উড়িয়া চলিয়াছে। বাতাসের স্বচ্ছ টেডে এ ধান পাছগুলি ছলিতেছে। যেন পাখিগুলির পাখা নড়িতেছে। এই ধান সকল মানুষের আশা ভরসা। চাষীর মনের স্বপ্ন জীবন্ত হইয়া জলের উপর ভাসিতেছে। বছির বলে, ‘ভাই ইয়াসীন।—ভাই আজিম। তোমরা পরাণ ভইরা দেইখা লও। এই সুন্দর ছবি শহরের লোকেরা কুহু দিন দেখে নাই। আর শোন ভাই। এত জল ঠেইলা এই ধান পাছগুলি উপরে মাথা উঠাইয়া ধানের ভরে হাসত্যাছে। আমরাও একদিন এমনি হুকের সীতার পানি ঠেইলা জীবনের সুফল লয়া হাসপ।’

ইয়াসীন বলে, ‘কিন্তু ভাই। আমরা কি এই পানি ঠেইলা উঠতি পারব?’

বছির উত্তর করে, ‘আলবৎ পারব ভাই। আমার বা বিত্তা বুদ্ধি আছে তাই দিয়া তোমাগো পড়াব। আমরা সগলেই পইড়া বড় অব। হুঃখ দেইখা আমাগো ভয় পাইলি চলবি না।’

বছিরের কথা শুনিয়া তাহার সাথীদের মনে আশার সঞ্চার হয়। তাহারা আরও জোরে জোরে জোরে নৌকা চালায়।

একত্রিশ

মাঠের কাজ করিতে করিতে করিতে আজাহের ছেলের কথা ভাবে। ছেলে তাহার কি পড়িতেছে তাহা সে বুঝিতে পারে না। হয়- আকাশে যত তারা আছে—পাতালে যত বালি আছে সব সে গুনিয়া কালি করিতে পারে। আরও কত কত বিষয় সে জানে। কিন্তু এ সব তার ভাবনার প্রধান লক্ষ্য নয়। সে যেমন খেতের একদিক হইতে লাঙলের ফোড় দিয়া অপর দিকে যাইতেছে তেমনি তার ছেলে বড়লোক হওয়ার পথে আওগাইয়া যাইতেছে—ভত্ৰলোক হইবার রাস্তা হাঁটিয়া যাইতেছে। যে ভত্ৰলোকে তাহাকে ঘৃণা করে—যে ভত্ৰলোকে তাহাকে অবহেলা করে, তাহার ছেলে তাদেরই সামিল হইতে চলিয়াছে। গর্বে আজাহরের বুক ফুলিয়া ওঠে। সে যেন মানস-লোকে স্বপ্ন দেখিতেছে।

বাড়ি ফিরিয়া দুপুরের ভাত খাইতে খাইতে আজাহের বউ-এর সঙ্গে ছেলের বিষয়ে আলাপ করে। সে যেন গাজীর গানের দলের কোন্ অপরূপ কথাকার

বনিয়াছে। আজাহের বলে, ‘ছেলে আমার লেখাপড়া শিখিয়া মাছুষ হইয়া আসিবে। আজ বাহারা আমাদিগকে গরীব বলিয়া অবহেলা করে, একদিন তাহারা আমাদিগকে মান্ত করিবে—সম্মান দেখাইবে। বউ! তুমি আরও মনোযোগ দিয়া সংসারের কাজ কর। ছেলের বউ আসিবে ঘরে। নাতি নাতকুর হইবে। বাড়ির ওইধারে পেয়ারার গাছ লাগাও—এধারে মিঠা আমের গাছ। আমার নাতিরা গাছে উঠিয়া পাড়িয়া খাইবে। আমরা চাহিয়া চাহিয়া দেখিব। আর শোন কথা; এবারের পাট বেচিব না। ঘরে বলিয়া রশি পাকাব। তুমি স্ততলী পাকাইও। পাটের দামের চাইতে রশির দাম বেশী—স্ততলীর দাম বেশী।’

রাজে সামান্ত কিছু আহাৰ করিয়া আজাহের ঝুড়ি বুনাইতে বসে। বউ পাশে বসিয়া স্ততলী বুনায়ে। এই বুনার পাকে পাকে ওয়া যেন ছেলের ভবিষ্যৎ বুনাইয়া চলিয়াছে।

কোন কোনদিন গরীবুল্লা মাতব্বর আসে। পাড়ার তাহের আসে—ছমির আসে—কুতুবদী আসে। উঠানে বসিয়া তারা আজাহেরের কাছে তার ছেলের কাহিনী শোনে। সেই উকিল সাবের বাড়ি হইতে কি করিয়া বছির মসজিদে বাইয়া আস্তানা লইল, তারপর সেখান হইতে চর কেটেপুর আরজান ফকিরের বাড়ি—এ-কাহিনী যেন রূপকথার কাহিনীর চাইতেও মধুর। কারণ এ যে তাহাদের নিজেদের কাহিনী। একই গল্প তাই স্নিবার জন্ত তাহারা বারবার আসে। যে বিদ্বান হইয়া আসিতেছে সে ত শুধু আজাহারের ছেলে নয়, সে যে তাহাদের সকল গ্রামবাসীর ছেলে। সে বড় হইয়া আসিলে তাহাদের গ্রামের স্তন্যম হইবে। গ্রামবাসীদের গোরব বাড়িবে। তাহাদের দুঃখ কষ্ট দূর হইবে।

গরীবুল্লা মাতব্বর বলে, ‘আজাহের। তোমার ছাওয়ালের বই-পুস্তক কিনার জন্তি আমি দিব পাঁচ টাকা। কণ্ড ত মিঞারা তুমরা কে কি দিবা।’ ছমরদী দিবে দুই টাকা, তাহের দিবে তিন টাকা, তমু টাকা দিতে পারিবে না। সে ছেলের নাস্তা করিবার জন্ত দশ সের চিড়া কুটিয়া দিবে। মিঞাজান দিবে এক হাঁড়ি খেজুরের গুড়।

রবিবারের হাটের দিন এই সব লইয়া আজাহের ছেলের সঙ্গে দেখা করে। সমস্ত জিনিস নামাইয়া টাকাগুলি গুলিয়া আজাহের তার গামছার খোঁট খুলিয়া কতকটা কাউনের ছাতু বাহির করে। ‘এ গুলান তোর মা পাঠাইছে। আমার সামনে বইসা থা। আর এক কথা,’ গামছার আর এক কোণা খুলিয়া

আজাহের দুইগাছি ডুমকুরের মালা বাহির করে। 'আসপার সময় ফুলু দিয়া গ্যাছে। আর কইছে, বছির বাই যিনি এই ডুমকুরির মালা দুইগাছ গলায় পইরা একটা একটা কইরা ছিঁড়া খায়।'।

আরজান ককিরের ঘরের মেঝেয় বসিয়া আজাহের ছেলের সঙ্গে কথা কয়। তাবুলখানার সমস্ত গ্রামের মায়া-মমতা সে যেন ছেলের কাছে লইয়া আসিয়াছে। 'বাজান! তুমি কুহু চিন্তা কইরা না। তুমার লেহনের বই-কাগজের জন্তি বাইব না। সগল গিরাম তোমার পাছে খাড়ায়া আছে। আমি যেভা না দিতি পারব ওরা সেভা আইনা দিবি। বাজান। তুমি আরও মন দিয়া লেহাপড়া কর।'।

বাপের কথা শুনিয়া বছিরের দুইচোখে জল আসিতে চাহে। বছির শুধু একাই শত সহস্র অভাব অনটনের সঙ্গে যুদ্ধ করিতেছে না। তাহার গ্রামবাসীরা তাহার পিছনে থাকিয়া তাহার জন্ত ছোট খাট কত আহুত্যাগ করিতেছে। এই সব ছোট খাট উপহার সামগ্রীর মধ্যে তাহাদের সকলের শুভ কামনা তাহাদের সকলের শুভ কামনা তাহার অন্তরকে আরও আশাবিত্ত করিয়া তোলে।

বত্রিশ

সেদিন কি একটা কারণে স্কুলের ছুটি ছিল। বছির চমকিল তাহার সেই মসজিদের বন্ধুদের সঙ্গে দেখা করিতে। তারই মত ৭রাও নানা অভাব অভিযোগের সঙ্গে যুদ্ধ করিতেছে। ওদের কথা ভাবিতে বছিরের মনে সাহসের সঞ্চার হয়। মনের বল বাড়িয়া যায়।

বছিরকে দেখিয়া মজিদ দৌড়াইয়া আসিল, ইয়াসীন দৌড়াইয়া আসিল। তারপর তাহাকে ঘরে লইয়া গিয়া বসাইয়া কত রকমের কথা। সে সব কথা স্নেহের কথা নয়। অভাব অনটনের কথা। অসুখ-বিস্মৃতির কথা। মজিদের মায়ের খুব অসুখ। মজিদকে দেখিতে চাহিতেছে। কিন্তু সে বাইবে কেমন করিয়া? তাহার বাড়ি সেই মাদারীপুর ছাড়িয়া ত্রিশ মাইল দূরের এক গ্রামে। সেখানে বাইতে আসিতে অন্ততঃ দশ টাকার প্রয়োজন। মজিদ কোথায় পাইবে এত টাকা? যাকে দেখিতে বাইতে পারিতেছে না। থোকা

না করেন, যা যদি মরিয়া যায় তবে ত জন্মের মত আর তার সঙ্গে দেখা হইবে না। রাত্রে শুইতে গেলে কান্নায় তার বালিশ ভিজিয়া যায়। অভাব অনটন শুধু তাহাকে অনাহারেই রাখে নাই। কঠিন শৃঙ্খলে বাঁধিয়া তাহার স্নেহ-মমতার পাত্রগুলি হইতে তাহাকে দূরে সরাইয়া রাখিয়াছে। ইয়াসীনের দিকে চাহিয়া বহির জিজ্ঞাসা করিল, ‘তুমি কি করতাহাও বাই?’ ইয়াসীন বলে, সে হাফেজে-কোরান হইয়া কারী হইবে। তখন তাহাকে কোরান শরীফের অর্থ জানিতে হইবে।

এরূপ অনেক কথার পর বহির জিজ্ঞাসা করিল, ‘আচ্ছা ভাই! করিম কোথায় গ্যাল? তারে ত দেখতি পাইত্যাছি না।’

মজিদ বলিল, ‘করিমের একটু একটু জ্বর ঐতাহিল। ডাক্তার দেইখ্যা কইল, ওর যক্ষ্মা ঐছে। তহন উকিল সাহেব খবর পায়্য ওরে এহান খইনে তাড়ায়্য দিল। যাইবার সময় করিম কত কানল! আমরা কি করব বাই? আমরাও তার সঙ্গে সঙ্গে কানলাম।’

বহির জিজ্ঞাসা করিল, ‘উকিল সাহেব ত ইচ্ছা করলি তারে হাসপাতালে বতী কইরা দিতি পারতেন। আইজ কাল যক্ষ্মা রোগের কত বাল বাল চিকিৎসা ঐছে।’

দীর্ঘ নিশ্বাস ত্যাগ করিয়া মজিদ বলিল, ‘কেডা কার জন্তি বাবেরে বাই? মানুষের জন্তি যদি মানুষ কানত, তয় কি দইনায় এত দুস্কু থাকত?’

একটা দীর্ঘ নিশ্বাস ফেলিয়া বহির জিজ্ঞাসা করিল, ‘করিম এহন কোথায় আছে তোমরা কবার পার?’

মজিদ বলিল, ‘তা ত জানি না বাই। তার সঙ্গে দেখা করতি উকিল সাব আমাগো বারণ কইরা দিছেন। তয় হনছি সে দিগঘর সান্তালের ঘাটলায় ফকির মিছকিনগো লগে থাকে। সে চইলা যাওয়ায় এহন আর আমরা কোথায় কার বাড়ি খাওয়া লওয়া ঐত্যাছে তার খবর পাই না। কতদিন না খায়্যাই কাটাই। ও আমাগো কত উপকারে লাগত। আমরা উন্ন্যার কোন উপকারেই আইলাম না।’

বহির বলিল, ‘বাই! একদিন আমাগো দিন আইব। গরীবের দিন, না খাওয়া ভুখাফুকা মানষির দিন আইব। তোমরা এখানে থাইকা ইসলামী শিক্ষা লও। আমি ইংরাজী শিহি। তারপর উপযুক্ত হয়্য আমরা এমন সমাজ গঠন করব সেহানে দুঃখিত লোক থাকপি না। একজন ঠ্যাংয়ের উপর ঠ্যাং দিয়া খাবি আর হাজার হাজার লোক না খায়্য মরবি এ সমাজ

ব্যবস্থা আমরা বাঙব। এই সমাজের ভাইলা চূর্ণ বিচূর্ণ কইরা নতুন মাহুকের সমাজ গড়ব। তার জন্তি আমাগো তৈরী ঐতি অবি। আরও দুঃখ কষ্ট সহ কইরা লেহাপড়া শিখতি অবি।’

মসজিদের বন্ধুদের কাছে বিদায় লইয়া বছির চলিল দিগম্বর সান্তালের ঘাটলায়। চকবাজারের মধ্য দিয়া পথ চলিয়া গিয়াছে ঘাটলায়। ঘাটলার দুইপাশে কত দেশ বিদেশের নৌকা আসিয়া ভিড়িয়াছে। ঘাটলার স্বল্প পরিসর ঘরে নোংরা কাপড় পরা পাঁচ সাতজন ভিখারী পড়িয়া আছে। ও ধারে একজন সন্ন্যাসী তার কয়েক জন ভক্তকে লইয়া গাঁজায় দম দিতেছে আর নিজের বৃদ্ধুরকির কাহিনী বলিতেছে। কিন্তু কোনখানেই ত করিমের দেখা মিলল না। অনেক খোঁজাখুঁজির পর বছির এক কোণে একটি লোককে দেখিতে পাইল। মাহুঘ না কয়খানা হাড়গোড় চিনিবার উপায় নাই।

সামনে ঘাইতেই লোকটি বলিয়া উঠিল, ‘ও কেডা। বছিরবাই নাকি ? আমার এন্ট’ কথা হইনা যাও।’ বছির বিস্ময়ে লোকটির দিকে চাহিয়া রহিল। ‘আমায়ে চিনিবার পারলা না বছিরবাই ! আর চিনিবা কেমন কইরা ? আমার শরীলে কি আর বস্তু আছে ? আমি করিম।’

‘করিম ! আইড তুমার এমন অবস্থা এঁছে ?’ বছির কাছে ঘাইয়া বসিয়া দুইহাতে করিমের মুখ সাপটাইয়া দিল। সমবেদনার এই স্পর্শে করিমের দু’চোখ বাহিয়া ফোঁটায় ফোঁটায় ডলধারা বহিতে লাগিল।

করিম বলিল, ‘তুমার সঙ্গে যে দেখা হবে তা কুহুদিনই বাবি নাই বছিরবাই। দেখা যখন ঐল, তোমার কাছে কয়ডা কথা কব।’

বছির বলিল, ‘কথা পরে অবি বাই। তুই বইস। তুমার জন্তি কিছু খাবার আনি।’ এই বলিয়া বছির নিজের পকেট হাতড়াইয়া চারটি পয়সা বাতির করিয়া সামনের দোকান হইতে একখানা রুটি কিনিয়া আনিল।

সেই রুটিখানা করিম এমনই গোত্রাসে খাইতে লাগিল যে বছিরের ভয় হইতে লাগিল, পাছে সে গলায় ঠেকিয়া মারা যায়। সে তাড়াতাড়ি তার টিনের কোটার গ্রাসটায় জল লইয়া সামনে বসিয়া রহিল। রুটিখানার শেষ অংশটুকু খাইয়া করিম ঢক ঢক করিয়া টিনের গ্রাসের সবটুকু জল খাইয়া ফেলিল।

‘কতদিন খাই না বছিরবাই। রুটিখানা খায়া শরীলে একটু বল পাইলাম। যখন চলতি পারতাম এখানে ওখানে মাইজ। আইনা খাইতাম। আইজ কয়দিন সারা রাইত এমনি কাশি ওঠে যে দিনে আর চলবার পারি না।’

বে জায়গাটায় করিম শুইয়াছিল সেখানে আখের ছুবড়া হেঁড়া কাগজ প্রভৃতির আবর্জনা জমিয়াছিল। বছির সে সব পরিষ্কার করিয়া তাহার ময়লা চাদরের বিছানাটি ঝাড়িয়া ঝুড়িয়া সমান করিয়া দিল।

করিম জিজ্ঞাসা করিল, ‘বছিরবাই! তুমি কি আমার মসজিদের বন্ধুদের সঙ্গে দেখা করছিলি? কতদিন তাগো খবর পাই না। তারাও আমার খোঁজ লয় না। আর কি কইরাই বা খবর নিবি? উকিল সাব হনলি তাগো ত আর মসজিদে রাখপি না।’

বছির বলিল, ‘আচ্ছা করিম! তুমি এখানে রইছ কেন? হনছি তোমার মা আছে, দুইভা ভাই-বোন আছে। তাগো কাছে চইলা যাওনা কেন?’

করিম উত্তর করিল, ‘তাগো কাছেই যাবার চাইছিলাম। কিন্তু উকিল সাব কইলেন আমার এ ব্যারাম ছোঁয়াইচ। আমি যদি বাড়ি যাই, আমার মার—আমার ভাই-বোনগো এই ব্যারাম ঐব। হেই জন্তিই বাড়ি যাই না। আমি ত বাঁচপই না। আমার মা, বাই-বোনগো এই ব্যারাম দিয়া গেলি কে তাগো দেখপি? আর হোন বাই! তুমি যে আমারে ছুঁইলা, বাড়ি যায়। সাবান জল ছা গাও গতর পরিষ্কার কইরা নিও। বড় বুল করছি বাই। কেন আমারে ছুঁবার সময় তোমারে বরণ করলাম না?’

‘আমার জন্তি তুমি বাইব না করিম! আমি তোমারে ডাক্তারখানায় নিয়া বর্তী করায়্য দিব।’

‘ডাক্তারখানায় আমি গেছিলাম বছির বাই। তারা এই ব্যারামের রোগীগো বর্তী করে না। হনছি ডাহার শহরে এই ব্যারামের হাসপাতাল আছে। সেখানে বর্তী ঐতে অনেক টাহা পয়সা দিয়া ফটোক উঠায়্য পাঠাইতি অয়। তা আমি হেই টাহা পয়সা কোথায় পাব? আমার জন্তি বাইব না বছির বাই। কালে যারে দরছে তারে কে উদ্ধার করবি?’

কিছুক্ষণ নীরব থাকিয়া করিম বলিল, ‘আচ্ছা বছিরবাই। আমার মসজিদে দোস্তগো লগে তোমার দেখা অয়?’

‘আইজ তাগো ওহানে গেছিলাম। তারাই ত তোমার খবর কইল।’

‘তারা সব বাল আছে? মজিদ, আরফান, আজিম বাল আছে?’

‘তারা সগলেই তোমার কথা মনে করে।’

‘দেহ বাই। আমি এখানে পইড়া আছি। কোথায় কোথায় মেজবানী হয় তাগো খবর দিবার পারি না। হয়ত ওরা কতদিন না খায়ই থাকে। মজিদরে তুমি কইও বাই। ওরা বেন রোজ মাছের বাজারে যায়। এ সগল

জায়গায় একজন না একজন অনেক মাছ কেনে—অনেক দুধ কেনে। তাগো বাড়িই মেজবানী হয়। বাজারের মন্দিই তাগো ঠিক ঠিকানা জাইনা নিয়া তাগো বাড়ি গেলিই ঐল। ফুরকানিয়া মাদ্রাসার তালেব-এলেমগো কেউ না খাওয়ায়া ফিরায়া দিবি না। মজিদের সঙ্গে দেখা কইরা এই খবরভা তারে কইও।’

‘তা কব বাই। করিম। তুমি এহন ঘুমাও। আমি বাড়ি বাই।’

‘হ যাও বাই। যদি বাইচা থাকি আর একবার আইসা আমারে দেইখা যাইও। তোমারে কওনের আমার একটা কথা আছে।’

বাড়িতে ফিরিয়া বছির ফকির-মার কাছে করিমের সকল ঘটনা বলিল। ফকির-মা বলিল, ‘বাবা! আমি একদিন যায়া ওরে দেইখা আসপ।’

সত্য সত্যই বছিরকে সঙ্গে লইয়া ফকির-মা একদিন করিমকে দেখিতে আসিল। সেদিন করিমের অবস্থা খুবই খারাপ। জ্ঞান আছে কি নাই। ফকির-মা তার আঁচল দিয়া অনেকক্ষণ করিমকে বাতাস করিল। মাথার চুলে হাত বুলাইয়া দিল। কিছুক্ষণ পরে করিমের জ্ঞান ফিরিয়া আসিল। চক্ষু মেলিয়া করিম ডাকিল, ‘মা। মাগো।’

ফকির-মা বলিল, ‘এই যে গোপাল আমি তোমার সামনে বইসা আছি।’

চক্ষু মেলিয়া করিম দেখিল, শিয়রে বসিয়া যে মেয়েটি তার চোখে মুখে হাত বুলাইতেছে সে তার নিজের মা নয়। কতই-যেন নিরাশার একটি দীর্ঘ নিশ্বাস ফেলিয়া সে আবার চক্ষু মুদ্রিত করিল। ফকির-মা সবই বুঝিতে পারিল। সে তাহার চুলের মধ্যে নথ বুলাইতে বুলাইতে বলিল, ‘বাজান! মায়ের কোন জ্ঞাতি নাই। সকল মায়ের মধ্যে তোমার সেই একই মা বিহীন করত্যাছে। আমার ফকির কইছে, নানান বরণ গাভীরে একই বরণ দুধ, আমি জগৎ ভরমিয়া দেখলাম একই মায়ের পুত। গোপাল! একবার চক্ষু মেলন কইরা চাও।’

করিম চক্ষু মেলিয়া চাহিল। ফকির-মা গ্রাম হইতে একটু দুধ লইয়া আসিয়াছিল। তাহা ধীরে ধীরে করিমের মুখে ঢালিয়া দিল। দুধটুকু পান করিয়া করিমের একটু আরাম বোধ হইল। ফকির-মা অভিজ্ঞ স্ত্রীলোক। নাড়ি ধরিয়া দেখিল, করিমের জীবনপ্রদীপ নিভিবার আর বিলম্ব নাই। ফকির-মার হাতখানা বৃকের উপর লইয়া করিম বলিল, ‘ফকির-মা। আমার ত দিন শেষ হয় আইছে। কিন্তুক আমার বড়ই ভয় করত্যাছে।’

ফকির-মা তাহাকে আদর করিতে করিতে বলিল, ‘বাজান রে। আমার ফকির কইছে কোন কিছুতেই ভয় করতি নাই। মরণ যদিই বা আসে তারে গলার

মালা কইরা নিবি। মরণ তো একচ্চাশ থইনে আর এক চ্চাশে বাওরা। সে চ্চাশে হয়ত এমুন ছুছু কষ্ট নাই। হয়ত সে চ্চাশে তোমার মায়ের চায়াও দরদী মা আছে—বন্ধু চায়াও দরদী বন্ধুর আছে। নতুন চ্চাশে বাইতি মাহুব কত আনন্দ করে। যদি সে চ্চাশে তোমার বাইতিই হয়, মুখ কালা কইরা বাইও না বাজান। খুশী মনে বাইও।’

ফকির-মায়ের হাতখানা আরও বুকের মধ্যে জড়াইয়া করিম বলিল, ‘ফকির-মা। তোমার কথা শুইনা বুকির মদি বল পাইলাম। আমার মনে অনেক সাহস আইল।’

ফকির-মা বলিল, ‘বাজান রে। আমার ফকির যে আনন্দ ধামে বিরাজ করে। তাই যেহানে বাই, সেহানেই আমার ফকির আনন্দ আইনা দেয়। আমার ফকিরের দরবারে নিরাশা নাই বাজান।’ এই বলিয়া ফকির-মা একটি গান ধরিল,—

ধীরে ধীরে বাওরে নৌকা
 আমারে নিও তোমার নায়।
 পদ্মা নদীর তুফান দেইখ্যা
 প্রাণ করে হায় হায়,
 ও মাঝি শক্ত কইরা হাইল ধরিও
 আজকা আমার ভাঙা নায়।
 আমি অফর বেলায় নাও ভাসাইলাম
 অকুল দরিয়ায় ;
 কুলের কলঙ্ক হবে
 যদি তরী ডুইবা যায়।
 তুফানের বানাইছি বাদাম
 মেঘের বানছি ছয়া,
 ঢেউ-এর বৈঠা বায়া মাঝি
 আমারে যাও লয়া।
 ডুবুক ডুবুক ভাঙা তরী
 ডুবুক বহুদূর,
 ডুইবা দেখব কোথায় আছে
 ডুবুনিয়ার পূর।

গান গাহিতে গাহিতে ফকির-মার দুইচোখ জলে ভাসিয়া যাইতে লাগিল।

গান শেষ হইলে করিম বছিরকে কাছে ডাকিয়া বলিল, ‘বছিরবাই । তোমার সঙ্গে আমার একটা কথা ছিল । সেদিন কইবার পারি নাই । আজ তোমায়ে কয়া বাই ।’

আরও নিকটে আসিয়া বছির বলিল, ‘কও ত বাই ! কি কথা ?’

কিছুক্ষণ চুপ করিয়া থাকিয়া করিম বলিল, ‘বছিরবাই । আমার দিন ত ফুরায়াই আইছে । মা বাপের লগে আর দেখা অবি না । তারা যদি হোনে আমি পথে পইড়া মরছি সে শোগ তারা পাশরতি পারবি না । তুমি ভাগো কাছে কইও, আমি হাসপাতালে যায় মরছি । অনেক বড় বড় ডাক্তার কবিরাজ আমার চিকিচ্ছা করছে । আমার কোরান-শরীফখানা আমার মা জননীয়ে দিও । এই কেতাবের মদি অনেক লাভনার কথা আছে । কাউরে দিয়া পড়ায় মা যেন তা শোনে । তাতে সে আমার শোগ কতকটা পাশরতি পারবি ।’ এই বলিয়া করিম হাঁপাইতে লাগিল ।

বছির করিমের মুখে হাত বুলাইতে বুলাইতে বলিল, ‘ভাই করিম । তুমি অত কণা কইও না । দেখছাও না তুমি কেমন হাঁপায় উঠছাও । একটু চুপ কইরা থাও ।’

করিম বলিল, ‘না বাই । আমারে চুপ করতি কইও না । আমার বেশী সময় নাই । আর একটা মাত্র কথা । আমার ঝুলির মদি একগাছা রাঙা সূতা আছে । আমার ছোট বোনটিরে দিয়া দিও । তারে কইও, তার গরীব ভাইজানের ইয়ার চাইতে বাল কিছু দিবার শক্তি ছিল না ।’ বলিতে বলিতে করিমের কাশি উঠিল । সেই কাশিতে তার বুকখানা যেন ফাটিয়া বাইবে । তারপর আস্তে আস্তে সে চিরনিদ্রায় ঘুমাইয়া পড়িল । তার স্মৃথানা কাপড় দিয়া ঢাকিয়া ফকির মা আবার গান ধরিল,

মন চল যাইরে

চল যাইরে,

আমার দরদীর তালশেয়ে

মন চল যাইরে ।

তেত্রিশ

দিনে দিনে হায়েরে ভাল দিন চইলা যায়। বিহানের শিশির ধারা ছুপুয়ে শুকায়। বারো জঙ্গ করে মর্দ কিতাবে খবর, তের জঙ্গ লেখা যায়রে টঙ্গির শহর। জেলা ছুল হইতে পাশ করিয়া বহির ফরিদপুর রাঞ্জেস্ত্র কলেজ হইতে জলপানি পাইয়া আই. এস. সি. পাশ করিল! তারপর কলিকাতা যাইয়া এম. বি. পাশ করিয়া বিলাত চলিল জীবাণু বিচার উচ্চতর ডিগ্রী লাভ করিতে। এত পথ সে কি করিয়া পার হইল?

সেই হৃদীর্ষ কাহিনীর সঙ্গে কতক তার নিজের অক্লান্ত তপস্তা, কতক তার অভাব অনটনকে জয় করার অপরিণীম ক্ষমতা মিশিয়া রহিয়াছে। তাহার সঙ্গে আরও রহিয়াছে তাহার অশিক্ষিত গ্রামবাসীদের শুভকামনা। তাই তাহার এই সাফল্যে সমস্ত গ্রাম গৌরবান্বিত।

রাত্রে গ্রামের সকল লোক আসিয়া জড় হইল তাহাদের উঠানে। গরীবুল্লা মাতব্বর, তাহের লেংড়া, মোকিম, তমু সকলের আগে আসিল।

গরীবুল্লা মাতব্বর বলিল, ‘তা বাবা বহির! তুমি আমাগো গিরামের নামড়া আসমানে উঠাইলা। বিছাশে বিভুইয়ে চলছাও। আমাগো কথা মনে রাইখ।’

বহির উত্তর করিল, ‘চাচা! আমার জীবনের যত সুখ্যাতি তার পিছে রইছে আপনাগো দোয়া আর সাহায্য। আপনারা যদি আমারে সাহায্য না করতেন তমু আমি এতদূর যাইতি পারতাম না। ফইরাতপুরির ইস্কুলে পড়নের সময় যখন বাজান গামছায় বাইন্দা পাটালী গুড় নিয়া গ্যাছে আর আমারে কইছে, মাতব্বরের বউ দিছে তোরে খাইবার জন্তি; তহন আমার মনে যে কত কথার উদয় হইছে তা আপনাগো বুজাবার পারব না। গিরামের সবাই আমারে কিছু না কিছু সাহায্য করছে। আপনারা সগলে চান্দা তুইলা আমার পড়ার খরচ দিছেন। আপনাগো উপকারের পরিশোধ আমি কুহুদিন দিতি পারব না।’

‘গরীবুল্লা মাতব্বর বলিল, ‘বাজান! তোমার কুহু পরিশোধ দিতি অবি না। তুমি সগল বিদ্যা শিখা বড় হয় আইস, তাতেই আমাগো পরিশোধ হবি।’

আজাহের আওগাইয়া আসিয়া বলিল, ‘ওসব পরিশোধের কথা আমি বুঝি না। আমাগো গিরামের লোক অর্ধেক হয়। গ্যাল ম্যালোরারী জরে। তুই বিলাত গুণা ম্যালোরারী জরের ওষুধ শিহা আসতি পারবি কিনা তাই সগলরে ক?’ এমন দাওয়াই শিহা আসপি বা থাইলি কাউরও ম্যালোরারী অবি না।’

বছির উত্তর করিল, ‘আমি ত ম্যালোরিয়া জরের উপর গবেষণা করতিই বিলাত যাইতাছি। আপনারা দোয়া করবেন, আমি যেন সগল কাম হাছিল কইরা আসতি পারি। চ্যাশে আইসা অনেক কাম করতি হবি। এই গিরামে ইসকুল অবি। একটা হাসপাতাল অবি। আর অবি একটা কৃষি বিদ্যালয়। আরো অনেক কিছু করতি অবি। তার আগে আমার বড় ঐতি অবি। অমেক টাছা উপার্জন কইরা তবে এই সব কামে হাত দিতি অবি।’

গরীবুজা মাতব্বর বলিল, ‘বাবা বছির! আমরা সগলে দোয়া করি তোমার মনের ইচ্ছা যেন হাসেল হয়।’

গ্রামের সকলে একে একে বিদায় হইয়া চলিয়া গেল। হুঁকো টানিতে টানিতে আত্মার ছেলেকে বলিল, ‘বাজান! আর কয়দিন পরে তোমার বিলাত যাইতি অবি?’

বছির উত্তর করিল, ‘আরও পনের দিন পরে আমাকে রওনা ঐতি অবি।’

‘বাজান! একটা কতা আমাগো মনের মদি অনেকদিন দইরা আনাগোনা করত্যাছে। আইজ তোমারে কইবার চাই। মাতব্বরের মায়্যা ফুলুরে ত তুমি জানই। আমাগো দুইজনের ইচ্ছা, ফুলুরে বউ কইরা গরে আনি। মাতব্বরের মনে বড় আশা।’

বছিরের মা সামনে বসিয়া বসিয়া স্ততলী পাকাইতেছিল। সে কান পাতিয়া রহিল বছির কি উত্তর করে।

বছির বলিল, ‘বাজান! আমার জীবনডারে আগে গইড়, নিতি জ্ঞান। এহন আমি কাঁটার উপর দিয়া পথ চলতাছি। আপনারা জানেন না এই লেহাপড়া শিখতি আমারে কত দুস্কু কষ্ট সহিতি ঐছে। আইজ আমার কাছে বিয়া করার কথা একটা হাসি-তামাসার মত মনে হয়।’

বছিরের মা বলিল, ‘বাবা বছির! তুই না করিস না। ফুলুরে গরে আইনা আমি আমার বড়ুর শোগ পাশরি। বড়ুর বড় আদরের সাথী ছিল ফুলু।’

বছির নত হইয়া উত্তর করিল, ‘মা! আমি যাইত্যাছি সাত সমুদ্র ভের নদীর উপারে। বাজান বা কামাই করে তাতে তোমাগো দুইজনের খাওনই

জোটে না। এর উপর আমার একটা বউ আইলে তারে তোমারা কেমন
কইরা খাওন দিবা।’

আজাহের বলিল, ‘আমাগো কি খাওন দিবার শক্তি আছেরে বাজান ?
খাওন আজায় দিব।’

বছির উত্তর করিল, ‘না বাজান ! আজায় খাওন দেয় না। মাহুযের
খাওন মাহুযের জোগাড় কইরা নিতি অয়। আজায় যদি খাওন দিত তয় গত
আকালের সময় এত লোক না খায়া মরল ক্যান ? বাজান ! তোমাগো পায়ে
ধরি, তোমরা আর আমারে এ সগল কথা কইও না।’

আজাহের বুলিল ছেলের এখন বিবাহ করিবার ইচ্ছা নাই। ছেলে লেখা-
পড়া শিখিয়াছে। বই পুস্তক পড়িয়া তার অনেক বুদ্ধি হইয়াছে। সে বাহা
বুঝিয়াছে হয়ত তাহাই তাহার পক্ষে ভাল। তাই বউকে বলিল, ‘বছিরের মা !
তুমি ওরে আর পিড়াপিড়ি কইর না। ও লেহাপড়া শিখা মাহুয হয়। আস্তক।
তখন ওর বউ ও নিজিই বাইছা নিতি পারবি।’

রাত অনেক হইয়াছে। বছির শুইয়া পড়িল। মা বছিরের পাশে শুইয়া
পাখার বাতাস করিতে লাগিল। ছেলে আর মাত্র পনেরটা দিন তাহার কাছে
থাকিবে। তারপর চলিয়া যাইবে সেই কত দূরের দেশে। সেখান হইতে
কবে ফিরিতে পারিবে কে জানে ! ছেলের ফেরার আগে যদি মায়ের মরণ হয়,
তবে ত মরিবার আগে ছেলের মুখ দেখিতে পাইবে না ! তবুও যাক—ওর
জীবনের উদ্দেশ্য সফল করিয়া দেশে ফিরিয়া আসুক। ছেলেকে বাতাস করিতে
করিতে মায়ের কত কথাই মনে পড়ে। ও যখন এতটুকু ছিল। শেষ রাত্রে
আগিয়া উঠিয়া খেলা করিত। তারা স্বামী স্ত্রী দুইজন ছেলের দুই পাশে বসিয়া
তাহার মুখের দিকে চাহিয়া থাকিত। ভাঙা ঘরের ফাঁক দিয়া চাঁদের আলো
আসিয়া ছেলের মুখে পড়িত। ভাবিতে ভাবিতে মা স্বপ্ন দেখে বছির যেন
আবার এতটুকু হইয়া গিয়াছে। পাঠশালা হইতে ফিরিয়া আসিয়াই তাহার
ঘরের মেঝেয় বসিয়া পিঠা খাইতেছে। তারপর সে বড় হইয়া শহরে গেল
লেখাপড়া করিতে। কে যেন যাহুকর বছিরের বিগত জীবনের সমস্ত কাহিনী
পুতুল নাচের ছবিতে ধরিয়া মায়ের চোখের সামনে মেলিয়া ধরিয়াছে।

পরদিন সকালে ভোরের পাখির কল-কাকলীতে বছিরের ঘুম ভাঙিয়া গেল।
উঠিয়া মুখ হাত ধুইয়া বেড়াইতে বাহির হইবে এমন সময় ফুলু আসিয়া
উপস্থিত। এতদিন সে ফুলুর চেহারার দিকে লক্ষ্য করে নাই। তার মৃত
বোন বড়ুরই প্রতীক হইয়া সে তাহার মনের স্নেহধারায় সিক্ত হইত। তাহা

চাড়া নানা অভাব-অভিযোগ, দৈন্ত-অবহেলার সঙ্গে যুদ্ধ করিয়াই তাহার জীবনের অধিকাংশ সময় কাটিয়া গিয়াছে। কোন মেয়েকে স্বন্দর বলিয়া দেখিবার সময় তাহার কখনো হয় নাই। সেই ছোটবেলা হইতে ফুলকে যেমনটি দেখিত, তাহার মনে হইত সে যেন তেমনটিই রহিয়াছে। কাল পিতার নিকট ফুলুর সঙ্গে তাহার বিবাহের প্রস্তাব প্রত্যাখ্যান করিয়া আজ ফুলকে সে নতুন দৃষ্টি লইয়া দেখিল।

মরি! মরি! কি লাভণ্যই না ফুলুর সারা দেহে ফুটিয়া উঠিয়াছে! সে যেন দীঘির কলমি ফুলটি আনিয়া তাহার স্বন্দর হাসিভরা মুখে ভরিয়া দিয়াছে। হৃদয়ে আর লালে মেশান অল্প দামের শাড়ীখানা সে পরিয়া আসিয়াছে। সেই শাড়ীর আড়াল হইতে তার হলুদ রঙের বাহু দুইখানা যেন আকর্ষণের যুগল দুইখানা ধনু তাহার দিকে উত্তত হইয়া রহিয়াছে। মুগ্ধ হইয়া বছির অনেকক্ষণ তাহার দিকে চাহিয়া রহিল। এই চাঁদ হয়ত আকাশ ছাড়িয়া আজ তাহার আঙিনায় আসিয়া খেলা করিতেছে। হাত বাড়াইলেই তাহাকে ধরা যায়; তাহাকে বৃকের অঙ্ককার ঘরের প্রদীপ করা যায়; কিন্তু বিলম্ব করিলে এই চাঁদ যখন আকাশে চলিয়া যাইবে, তখন শত ডাকিলেও আর ফিরিয়া আসিবে না। কিন্তু বছির এ কি ভাবিতেছে! তার জীবনের সম্মুখে যে সুদীর্ঘ পথ এখনও পড়িয়া রহিয়াছে। সে পথে কত বিপদ, কত অভাব-অনটন, তার গতি-ধারা সে ত এখনও জানে না। সে জীবন পথের যোদ্ধা। সংগ্রাম শেষ না হইলে ত তাহার বিশ্রাম লইবার ফুরসত হইবে না।

এই সরলা গ্রাম্য-বালিকার মনে সে যদি স্মৃতি তার প্রতি এতটুকুও আকর্ষণের ফুল ফুটিবার স্রোত দেয় তবে যে ভাহারামেও তার স্থান হইবে না।

ফুলু অনেকক্ষণ দাঁড়াইয়া থাকিয়া বলিল, ‘কি বছিরবাই! কথা কও না ক্যান? কাল রাইতিই আমি তোমার সঙ্গে দেখা করবার আসত্যাছিলাম।’

বছির বলিল, ‘মা ওইখানে পাকের ঘরে আছে। যাও ফুলু! মার কাছে যাও।’

‘তা তো যাবই বছিরবাই। কিন্তুক কহিল রাইতি আইলাম না ক্যান হেই কথাডা আগে কই। তোমায় জন্তি আইজ ছয়মাস ধইরা একখানা কাঁথা সিলাই করত্যাছিলাম। আইজ সারা রাইত জাই: এডারে শেষ করলাম। দেখ ত বছিরবাই কেমন ঐছে?’ এই বলিয়া ফুলু তার আঁচলের তলা হইতে কাঁথাখানা মেলন করিয়া ধরিল। দেখিয়া বছির বড়ই মুগ্ধ হইল। কোন শিল্প বিদ্যালয়ের শিক্ষা পাইয়া এই গ্রাম্য-মেয়েটি অক্লন পদ্ধতির সীমা-পরিমিত

(Proportion) জ্ঞান লাভ করে নাই। নানা রঙ সামনে লইয়া এ-রঙের সঙ্গে ও-রঙ মিশাইয়া রঙের কোন নতনত্বও সে দেখাইতে পারে নাই। ছেঁড়া কাপড়ের পাড় হইতে লাল, নীল, হলুদ ও সাদা—মাত্র এই কয়টি রঙের সহ্যতা উঠাইয়া সে এই নক্সাগুলি করিয়াছে। শিল্প-বিদ্যালয়ের সমালোচকেরা হয়ত ইহার মধ্যে অনেক ভুলত্রুটি ধরিতে পারিবেন কিন্তু তাহার সাধারণ সৌন্দর্য অমূল্যত্ব লইয়াই সে বুঝিল এমন শিল্পকার্য সে আর কোথাও দেখে নাই। কাঁথার মধ্যে অনেক কিছু ফুল আঁকে নাই। শুধু মাত্র একটি কিশোর-রাখাল বাঁশী বাজাইয়া পথে চলিয়াছে। আর একটি গ্রাম্য-মেয়ে কাঁখে কলসী লইয়া সেই বাঁশী মুখ হইয়া গুনিতেছে। পুকুরে কয়েকটি পদ্মফুল ভাসিতেছে। তাহাদের দলগুলির রঙে বংশীওয়ালার প্রতি সেই মেয়েটির অহুরাগই যেন প্রকাশ পাইতেছে। বছির বুঝিল, তার জীবনের স্বর্দীর্ঘ পথের কাহিনী বাঁশীর স্বরে ভাসিয়া বহুকাল ধরিয়া ওই জল-ভরন-উত্ততা মেয়েটির অন্তরে প্রবেশ করিতেছে। তারই মনের আকৃতি রূপ পাইয়াছে ওই চলন্ত মাছগুলির মধ্যে, ওই উড়ন্ত পাখিগুলির মধ্যে। এই ক্ষুদ্র কাঁথার উপরে ফুল একগুলি নক্সা এবড়ো-খেবড়ো ভাবে বুনোট করে নাই। যেখানে যে নক্সাটি মানায়—যে রঙটি যে নক্সায় শোভা করে সেই ভাবেই ফুল কাঁথাখানি তৈরী করিয়াছে। আর সবগুলি নক্সাই বাঙালীর যুগ যুগান্তরের রস-সৃষ্টির সঙ্গে যোগ-সংযোগ করিয়া হাসিতেছে। বছির অনেক বড় বড় কেতাবে সৃষ্টিকার্যে রূপান্তরিত রাফেলের ভুবন বিখ্যাত চিত্রগুলির প্রতিচ্ছবি দেখিয়াছে। এখানে যাহারা সৃষ্টিকার্য করিয়াছে তাহারা বহু বৎসর স্বদক্ষ শিক্ষকের অধীনে থাকিয়া শিক্ষা লাভ করিয়াছে। তাহাদের শিল্পকার্যে নিজস্ব কোন দান নাই। রাফেল যেমনটি আঁকিয়াছেন তাহারই অমূল্যত্ব করিয়াছে। কিন্তু এই অশিক্ষিতা পল্লী-বালিকার নক্সায় যে অপটু হাতের ভুলত্রুটি রহিয়াছে তাহারই গবাক পথ দিয়া মনকে শিল্পীর স্বজিত রসলোকে লইয়া যায়। এই সৃষ্টিকার্য মেয়েটি করিয়াছে শুধুমাত্র তাহারই জন্ত। কতদিনের কত স্বর্দীর্ঘ সকাল দুপুরে সূর্য ওই ধরিয়া একথানা মুক-কাপড়ের উপর সে তাহার অহুরাগের রঙ মাখাইয়া দিয়াছে। জীবনে বহু ভাগ্যের অধিকারী না হইলে এই অপূর্ব দানের উপযুক্ত হওয়া যায় না। তবু এই দানকে তাহার প্রত্যাখ্যান করিতে হইবে। এই সরলা পল্লী-বালিকার মনে তাহার প্রতি যে অহুরাগের রঙ লাগিয়াছে তাহা নির্ভর হাতে মুছিয়া বাইতে হইবে। নতুবা পরবর্তী জীবনে এই ভোরের কুসুমটি যে ছুঃখের অগ্নিদাহনে জলিবে, তাহার হাত হইতে কেহই তাহাকে

নিস্তার করিতে পারিবে না।

ফুলু অনেকক্ষণ চুপ করিয়া থাকিয়া জিজ্ঞাসা করিল, ‘বছিরবাই ! আমার কাঁথাখানা কেমন ঐছে কইলা না ত ?’

বছির বলিল, ‘মন্দ হয় নাই। এখানা তুমি যত্ন কইরা রাখ। একদিন কামে দিব।’

এ কথা শুনিয়া ফুলুর মনটা যেন কেমন করিয়া উঠিল। সে আশা করিয়াছিল বছির তাহার এত যত্নে তৈরী করা কাঁথাখানা পাইয়া কতই না উচ্ছ্বসিত হইয়া তাহা গ্রহণ করিবে। সেবার একখানা রুমালের উপর মাজে একটা ফুল তুলিয়া ফুলু তাহাকে দিয়াছিল। তাই পাইয়া বছিরের কত আনন্দ। সে শহরে বাইয়াও বন্ধু-বান্ধবদের তাহা দেখাইয়া বলিয়াছে, আমার বোন এই ফুলটি করিয়া দিয়াছে। সেই খবর আবার বছির বাড়ি আসিয়া তাহাকে শুনাইয়াছে। কিন্তু এতদিন ভরিয়া যে কাঁথাখানা সে এত স্নন্দর করিয়া তৈরী করিয়াছে শাহা দেখিয়া পাতার সকলেই তাহাকে কত প্রশংসা করিয়াছে। সেই কাঁথাখানা দেখিয়া বছির ভাই কিনা বলিল, মন্দ হয় নাই। স্নান হাসিয়া ফুলু বলিল, ‘আমি কেন তোমার কাঁথাখানা যত্ন কইরা রাখতি যাব ? তোমার জন্তি বানাইছি। তোমার যদি মনে না দরে যা খুলী তাই কর এটা নিয়া।’ বলিতে বলিতে ফুলু প্রায় কাঁদিয়া ফেলিল।

কিন্তু বছিরকে আজ নিষ্ঠুর হইতেই হইবে। কিছুতেই সে তার মনের দৃঢ়তা হারাইবে না।

সে বলিল, ‘আমি ত কয়দিন পরে বিলাত চইলা যাব। তোমার কাঁথা দিয়া করব কি ? সে আশের লোক এটা দেখলি হাসপি—ঠাট্টা করি !’

স্নান মুখে ফুলু কাঁথাখানা গোটাইয়া ধীরে ধীরে বাড়ির দিকে পা বাড়াইল। বছিরের মা বলিল, ‘ও ফুলু ! এহনই আইলি আর এহনই চইলা গেলি। আয়—আয় হইনা যা।’ ফুলু ফিরিয়াও চাহিল না।

ফুলুর চলিয়া-যাওয়া পথের দিকে বছির চাহিয়া রহিল। তাহার প্রতিটি পদাঘাতে সে যেন বছিরের মনে কোন অসহনীয় বিষাদের কাহিনী লিখিতে লিখিতে তাহার দৃষ্টির আড়ালে চলিয়া গেল। কিন্তু ইহা ছাড়া বছির আর কিইবা করিতে পারিত। তবু ফুলুর স্নন্দর মুখানি কে যেন রঙিন তুলি দিয়া তার মনের পটে আঁকিয়া ওঠে। সেই ছবি সে জোর করিয়া মুছিয়া ফেলে কিন্তু আরও উজ্জ্বল হইয়া—আরও জীবন্ত হইয়া সেই ছবি আবার তাহার মনের-পটে আঁকিয়া ওঠে। এ যেন কোন চিত্রকর জোর করিয়া তাহার

মনের-পটে নানা চিত্র আঁকিতেছে। তাহাকে খামাইতে গেলেও ধামে না।

কলমি ফুলের মত সুন্দর মেয়েটি ফুলু! গ্রামের গাছশালা লতাপাতা তাদের গায়ের বত মায়া-মমতা সব দিয়া যেন তাহার সুন্দর দেহটিকে আরও পেলব করিয়া দিয়াছে। বনের পাখিরা দিনের পর দিন এ-ডালে ও-ডালে গান গাহিয়া তার কণ্ঠস্বরটিকে আরও মিষ্ট করিবার শিক্ষা দিয়াছে। তার সারা পায়ে রঙ মাখাইয়াছে সোনালতা। রঙিন শাড়ীর ভাঁজে ভাঁজে সেই রঙ যেন ঈষৎ বাহির হইয়া আকাশে বাতাসে ছড়াইয়া যায়। যে পথ দিয়া সে চলে সে পথে সেই রঙ বুঝুঝু হইয়া বাজিতে থাকে।

এই ফুলুকে সে যেন কোনদিনই দেখে নাই। ও যেন গাজীর গানের কোন মধুরতর স্বরে রূপ পাইয়া তাহার সামনে আসিয়া উদয় হইয়াছিল। রহিমদী চাচার সেই গানটি আজ বার বার বছরের কণ্ঠ হইতে যেন কোন সাত সাগরের কান্না হইয়া বাজিয়া উঠিয়াছে।

‘ও আমি স্বপ্নে দেখলাম

মধুমালার মুখহে।’

এই মধুমালাকে পাইবার জন্য সে সপ্তডিঙা মধুকোষ সাজাইয়া সাত সাগরে পাড়ি দিবে—কত পাহাড়-পর্বত ডিঙাইবে—কত বন-জঙ্গল পার হইবে। মধুমাল! মধুমাল! মধুমাল! যেমন করিয়াই হোক এই মধুমালাকে সে লাভ করিবেই করিবে। কিন্তু তার জীবনের যে সুদীর্ঘ পথ এখনও পড়িয়া রহিয়াছে। দেব-লোক হইতে অমৃত আনিয়া যে তাহার দেশবাসীকে অমর করিয়া তুলিতে হইবে। শত শত যুগ মান মুক মুখে ভাষা ফুটাইয়া তুলিতে হইবে। যুগে যুগে বাহারা বঞ্চিত হইয়াছে—নিপীড়িত হইয়াছে—শোষিত হইয়াছে, তাহারাই আজ মুর্ত হইয়া আছে তার পিতার মধ্যে, তার মায়ের মধ্যে, তার শত শত গ্রাম্যবাসীদের মধ্যে। স্বর্গ হইতে বিচার অমৃত আনিয়া যে তাহাদিগকে মৃত্যুর হাত হইতে—পিড়নের হাত হইতে রক্ষা করিতে হইবে তবু ফুলু! ফুলু! আমার সোনার ফুলু! তোমাকে বছির তুলিতে পারে না। সরলা কিশোরী বালিকা। যৌবনের ইন্দ্রপুরী আজ তার সম্মুখে তোরণদ্বার সাজাইয়া তাহার জন্য অপেক্ষা করিতেছে। মরি! মরি! কি সুন্দর রূপ! তার সুন্দর দেহের সারিন্দা হইতে কোন অশরীরী স্বরকার দিন রজনী ছুঁখানা পাজ ভরিয়া কোন অনাহত স্বরের মদিরা চারিদিকে ছড়াইয়া দিতেছে। ফুলু! ফুলু—আমার সুন্দর ফুলু! সরবে খেত রচনা করিব আমি তোমার গায়ের বর্ণ ফুটাইতে। পাকা পুঁই-এর রঙে তোমার

অধরের লালিমা ধরিয়া রাখিব। কলমী ফুলের রঙিন পাঞ্জে তোমার হাসিখানি ভরিয়া দেখিব। ফুলু! ফুলু! তুমি আমার! তুমি আমার! আকাশের চাঁদ তুমি মাটির আঙিনায় নামিয়া আসিয়াছ। হাত বাড়াইলেই তোমাকে ধরিতে পারি। আর তোমাকে আকাশে ফিরিয়া বাইতে দিব না।

না—না—না, এ কি ভাবিতেছে বহির? জীবনের পথ যে আরও—
আরও দূর—দূরান্তরে বাঁকাইয়া গিয়াছে। এ পথের শেষ অবধি যে তাহাকে বাইতে হইবে। একটা মেয়ের মোহে ডুলিয়া সে তার জীবনের সব কিছু বিসর্জন দিবে? তাই যদি হয় তবে এতদিন এত কষ্ট করিয়া অনাহারে থাকিয়া আশপেটা খাইয়া সে কেন এত তপস্বী করিয়াছে? বড়ুর কবরে বসিয়া সে যে তার দেশবাসীর কাছে নিজেকে উৎসর্গীকৃত করিয়াছে। সে কে? তার নিজস্ব বলিতে ত সে নিজের কিছুই রাখে নাই। আহা! তার আনন্দ বিজ্ঞানের স্বপ্ন, নিত্যের স্বপ্ন সবকিছু যে তার আদর্শবাদের কাছে উৎসর্গীত! তার সেই বিপদ-সঙ্কুল দুঃখ-দৈন্ত-অভাবময় জীবনের সঙ্গে এই সরলা গ্রাম্য-বালাকে সে কিছুতেই যুক্ত করিয়া লইবে না।

তবু ফুলু—ফুলের মত ফুলুর মুখখানা বহিরের মনে ভাসিয়া ওঠে। না—না এ কখনো হইতে পারিবে না। যেমন করিয়া বহির অনাহার জয় করিয়াছে, নানা লোকের অপমান অত্যাচার সহ করিয়াছে, তেমনি করিয়া সে আজ ফুলুর চিন্তা তাহার মন হইতে মুছিয়া ফেলিবে। বার বার বহির তার বিগত দিনগুলির কথা চিন্তা করে। তারা যেন শক্তি-উদ্দীপক মন্ত্র। সেই মন্ত্রের জোরে সে সমুখের ঘোর কুস্মাটি পথ অতিক্রম করিয়া বাইবে।

পরদিন সকালে বহির বড়ুর কবরে আসিয়া দেখিল, কোন্‌ সময় আসিয়া ফুলু তাহার রঙিন কাঁথাখানা কবরের উপর মেলিয়া দিয়া গিয়াছে। সে যেন তার মনের সকল কথা এই কাঁথার উপর অঙ্কিত করিয়া গিয়াছে। এই পল্লী-বালার যে অহুসারের নিদর্শন বহির গ্রহণ করে নাই তাই যেন সে কবরের তলায় তার যুগ্ম বোনটির কাছে জানাইয়া দিয়া গিয়াছে। সেই মেয়েটির কাছে জানাইয়া গিয়াছে, হাসি-খেলায় যে তার সব সময়ের সঙ্গিনী ছিল, বার কাছে সে তার মনের সকল কথা বলিতে পারিত।

কাঁথাখানির দিকে চাহিয়া আবার ফুলুর স্মরণ মুখখানির কথা বহিরের মনে পড়িল। কিন্তু কিই বা সে করিতে পারে? তাহার জীবন-তরী যে কোন্‌ গাঙে বাইয়া কোথায় ভিড়িবে সেই অনিশ্চিতের খবর সে নিজেকে জানে না। সোঁতের শেহলার মত সে ভাসিয়া বেড়াইতেছে। সেই হৃদয় লগন

শহরে বাইয়া সে নিজে উপার্জন করিয়া পড়াশুনার খরচ চালাইবে। সেখানে কত অভাব, কত দৈন্ত, কত অনাহার তাহার জন্ত অপেক্ষা করিতেছে। এই জীবন সংগ্রামে সে টিকিয়া থাকিবে—না পথের মধ্যেই কোথাও শেষ হইয়া বাইবে তাহাই বা কে বলিতে পারে? আহা। এই সরলা গ্রাম্য-বালিকা! একে সে তার সংগ্রামবহুল জীবনের সঙ্গে কিছুতেই জড়াইবে না। ফুলু—আমার সোনার ফুলু? তুমি আমাকে ক্ষমা করিও। হয়ত তোমাকে ব্যথা। দিয়া গেলাম, কিন্তু তোমার ব্যাখার চাইতেও অনেক ব্যথা আমার অন্তরে ভরিয়া লইয়া গেলাম।

ভাবিতে ভাবিতে বছরের মনে ছবির পর ছবি উদ্ভব হয়। কোন গ্রাম্য-কৃষাণের ঘরে যেন ফুলুর বিবাহ হইয়াছে। কলা পাতায় ঘেরা ছোট্ট বাড়িখানি। খড়ের ছ'খানা ঘর। তাহার উপরে চাল কুমড়ার লতা আঁকিয়া বাঁকিয়া তাহারই মনের খুসীর প্রতীক হইয়া যেন এদিকে ওদিকে বাহিয়া চলিতেছে! ছপুয়ে স্বগন্ধি আউস ধানের আঁটি মাথায় করিয়া তাহার কৃষাণ স্বামী বাড়ি ফিরিবে। লেপা পোছা আড়িনায় তাহার মাথার বোঝা নামাইয়া হাতে-বোনা রঙিন পাখা দিয়া সে তাহাকে বাতাস করিবে। মরাই-ভরা ধান—গোয়াল-ভরা গরু। বারো মাসের বারো ফসল আসিয়া তাহার উঠানে গড়াগড়ি করিবে। সন্ধ্যাবেলা আঁকাবাঁকা গের্মো পথ দিয়া কাঁখে কলস লইয়া সে নদীতে জল আনিতে বাইবে। ধানের খেতের ওধার দিয়া কোড়া-কুড়ী ডাকিয়া দিগদিগন্ত মুখর করিবে। পাটের খেতের মাঝখান দিয়া বাইতে সে ক্ষণেক দাঁড়াইয়া একগুচ্ছ বোটুবানী ফুল তুলিয়া খোঁপায় ঝুঁজিবে। তারপর গাঙের ঘাটে বাইয়া ও-পাড়ার সমবয়সিনী বউটির সঙ্গে দেখা হইবে। ছুটজনের কারো কথা যেন ফুরাইতে চাহিবে না। হয়ত বিগত রাতের কোন স্বপ্ন স্বপ্নের কথা—যা ভাষায় প্রকাশ করা যায় না; আকারে ইঙ্গিতে একের কথা অপরে বুঝিতে পারে। তারপর ভরা কলস কাঁখে করিয়া ঘরে ফিরিতে পথের মধ্যে কোথাও কাঁধরত তাহার কৃষাণ স্বামীর সঙ্গে দেখা হইবে। চকিতে তাহাকে একটি চাহনী কুহুম উপহার দিয়া সে স্বরিতে ঘরে ফিরিবে! আহা! এই স্বপ্ন যেন ফুলুর জীবনে নামিয়া আসে! এই স্বপ্ন-স্বর্গ হইতে বছির কিছুতেই এই মেয়েটিকে নামাইয়া আনিয়া তাহার দুঃখময় জীবনের সঙ্গে গ্রথিত করিবে না। না—না—না, কিছুতেই না।

চৌত্রিশ

আজ তিন চার দিন বহির বাড়ি আসিয়াছে। সেই যে সেদিন নিজের বোনা কাঁথাখানা গোটাইয়া লইয়া ফুলু চলিয়া গিয়াছে আর সে ফিরিয়া আসিয়া বহিরের সঙ্গে দেখা করে নাই।

সেদিন বিকালে বহির কি একখানা বই খুলিয়া বসিয়া আছে। এমন সময় ফুলু আসিয়া ঘরের দরজা ধরিয়া দাঁড়াইল। বই-এর মধ্যে বহির এমনই মশগুল, সে চাহিয়াও দেখিল না কে আসিয়াছে। বৃথাই ফুলু দুই হাতের কাঁচের চুড়িগুলি নাড়িল চাড়িল। পরনের আঁচলখানা মাথা হইতে খুলিয়া আবার যথাস্থানে বিস্তৃত করিল। বহির ফিরিয়াও চাহিল না। তখন বেন নিরুপায় হইয়াই ফুলু ডাকিল, ‘বহিরবাই!’

বহির বই-এর মধ্যেই মুখ লইয়া বলিল, ‘ফুলু! তুমি মার সঙ্গে যায়া কথা কও। আশি এহন খুব দরকারি একখানা বই পড়ত্যাছি।’

ফুলুর ইচ্ছা করিতেছিল বলে, ‘বহিরবাই! তুমি এমন নিষ্ঠুর ঐলা ক্যান? এবার বাড়ি আইসা আমার সঙ্গে একটাও কথা কইলা না। কও ত আমি তোমার কাছে কি অপরাধ করছি?’ ভাবিতে ভাবিতে দুই চোখ জলে ভরিয়া আসে। তাড়াতাড়ি আঁচলে চোখে মুছিয়া ফুলু মরিয়া হইয়াই বলিল, ‘বহিরবাই! চল তোমারে সঙ্গে কইরা বড়ুর কবরের বাই। তার কবরের উপর আমি যে কুলের গাছে সোনালী লতা দিছিলাম না? সমস্ত গাছ বাইয়া গ্যাছে সেই লতায়।’

বই-এর মধ্যে মুখ লইয়াই বহির উত্তর করিল, ‘না রে! আমার সময় নাই। তুই এখন যা। আমার একটা খুব জরুরী বই পড়তি ইতাছে।’

ফুলু আবার বলিল, ‘মা তোমারে বাইবার কইছে। তুমি না ঢ্যাপের খই-এর মোয়া পছন্দ কর। তোমার জন্মি মা খাজুইয়া মিঠাই দিয়া ঢ্যাপের মোয়া বাইন্দা রাখছে।’

বহির তেমনি বই-এর মধ্যে মুখ লইয়াই বলিল, ‘চাটীরে কইস, আমার সময় নাই। কাল-পরগু আমারে চইলা বাইতি অবি। আমার কত কাম পইড়া রইছে।’

বছিরের কথাগুলি যেন কঠিন ঢেলার মত ফুলুর হৃদয়ে আসিয়া আঘাতের পর আঘাত হানিল।

বহু কষ্টে কান্না থামাইয়া সে ধীরে ধীরে সেখান হইতে সামনের বনে বাইয়া প্রবেশ করিল। পাকা ডুমকুর খাইতে বছির খুব ভালবাসে। সেই ডুমকুর দিয়া একছড়া মালা গাঁথিয়া সে বছিরের জন্ত আনিয়াছিল। তাহা সে ছিঁড়িয়া কুটি কুটি করিয়া বনের মধ্যে ইতস্ততঃ ফেলিয়া দিল। আঁচলে বাঁধিয়া কয়েকটি পাকা পেয়েরা আনিয়াছিল। তাহা সে পা দিয়া চটকাইয়া ফেলিল।

আজ কত পরিপাটি করিয়া সে চুল বাঁধিয়া খোঁপায় একটি সাপলার ফুল ঝুঁজিয়া দিয়াছিল। তাহা সে খোঁপা হইতে খুলিয়া দূরে ছুঁড়িয়া ফেলিয়া দিল। বাড়ি হইতে আসিবার সময় সে পাকা পুঁই দিয়া দুটি হাত রাঙা করিয়াছিল। এখন সেই হাতে চোখের পানি মুছিতে মুছিতে সে রঙ ধুইয়া গেল।

বার বার তার বালিকা-মনে প্রশ্ন জাগে, কেন এমন হইল!—কেন এমন হইল! কি করিয়াছে ফুলু, যার জন্ত তার এত আপনার বছিরভাই পাষণ্ড হইয়া গেল? কি অপরাধ করিয়াছে সে? কে তাহাকে এ কথার জবাব দিবে?

গ্রাম্য চাষী-মোড়লের ঘরের আদুরে মেয়েটি সে। ছোটকাল হইতেই অন্যদের কাকে বলে জানে না। বছিরের এই অবহেলায় তার বালিকা-হৃদয়খানিকে কত-বিস্কৃত করিয়া-দিল। তবু বছিরের কথা ভাবিতে কেন যেন লজ্জায় ফুলুর মুখখানি রাঙা হইয়া ওঠে। বুকের মধ্যে কেমন যেন একটা অনুভূতি জাগে। অলঙ্কিতে সে যে বছিরকে ভালবাসিয়াছে এ কথা পোড়ার-মুখী নিজের জানে না। তাহাদের পাড়ায় তারই সমবয়সিনী কত মেয়েকে সে দেখিয়াছে। বাপ মা বার সঙ্গে বিবাহ দিয়াছে, শাড়ী গহনা পরিয়া সে তাহারই ঘর করিতে গিয়াছে। ভালবাসা কাহাকে বলে তাহাদের গ্রামে কোন মেয়ে ইহা জানে না। কোন বিবাহিতা মেয়ের কাছেও সে ভালবাসার কথা শোনে নাই! এ-গায়ে ও-গায়ে কচিং ছুঁ'একটি মেয়ে স্বামীর ঘর ছাড়িয়া অপরের সঙ্গে বাহির হইয়া গিয়াছে। তাহাদিগকে সকলেই কুলটা বলিয়া গালি দিয়াছে। ভালবাসার কথা সে কোনদিন কাহারো মুখে শোনে নাই।

বছিরভাই তাহাকে অবহেলা করিয়াছে। তাহাতে তাহার কি আসে যায়? সেও আর বছিরভাইর নাম মুখে আনিবে না। কিন্তু এ কথা ভাবিতে কোথাকার লাভ লাগরের কান্নায় তার বুক ভালিয়া যায়। কি যেন তাহার

সর্বনাশইয়াছে ! কোথায় যেন তার কত বড় একটা ক্ষতি হইয়াছে ! সে কতদূরত সারা জীবনেও আর পূরণ হইবে না ! কিন্তু কিসের ক্ষতি হইয়াছে, কে ই ক্ষতি করিয়াছে কিছুই সে বুঝে না । বন-হরিণীর মত বনের এ গথে সেখ সে ঘুরিয়া বেড়াইল । তারপর বড়ুর কবরের পাশে আসিয়া কানিয়া ভাণা পড়িল । এই কবরের মাটির মতই সে যুক । তাহার বেদনার কথা পৃথিবী কেহই কোনদিন জানিবে না । তাই এই কবরের যুক-মাটির উপর বসি সে অঝোরে কাঁদিতে লাগিল ।

কিন্তু যুক-মাটি কথা কহে না । মাটির তলায় যে ঘুমাইয়া আছে সেও ক'কহে না । বড়ু ! তুই আর কত কাল ঘুমাইবি ? তুই—শুধু তুই আর কথা বুঝিতে পারিবি । মাটিতে মাথা ঘসিয়া ঘসিয়া ফুল সমস্ত কপাল ক্ষবিক্ষত করিয়া ফেলিল । এ মাটি কথা বলে না । তবু এই মাটির কবর উপর বসিয়া কাঁদিতে তাহার ভাল লাগে । মাটি যেন তাহাকে চেনে । বলীতল এই মাটি । তার বুকে বুক মিশাইলে বুক জুড়াইতে চাহে ।

‘মাটি ! তুই আমারে জায়গা দে । যেখানে বড়ু ঘুমাইয়া আছে তারই পশ আমাকে স্থান দে । আমরা দুই বন্ধুতে ঘুমাইয়া ঘুমাইয়া বছিরভাইর স্বপ্ন খেব । হয়ত মাঝে মাঝে বছিরভাই এখানে আসিয়া দাঁড়াইবে । আমার গা মনে করিষ্ট আসিবে না । কিন্তু বড়ু ! তোকে সে কোনদিন ভুলিবে । তোরা কথা মনে করিয়া সে যখন এখানে আসিয়া দাঁড়াইবে, কবরের মত বসিয়া আমি তার চাদ মুখখানা দেখিতে পাইব । বড়ু—আমার পরানের খি বড়ু—তুই আমারে সঙ্গে নে ।’

সমাপ্ত